



This is a digital copy of a book that was preserved for generations on library shelves before it was carefully scanned by Google as part of a project to make the world's books discoverable online.

It has survived long enough for the copyright to expire and the book to enter the public domain. A public domain book is one that was never subject to copyright or whose legal copyright term has expired. Whether a book is in the public domain may vary country to country. Public domain books are our gateways to the past, representing a wealth of history, culture and knowledge that's often difficult to discover.

Marks, notations and other marginalia present in the original volume will appear in this file - a reminder of this book's long journey from the publisher to a library and finally to you.

### Usage guidelines

Google is proud to partner with libraries to digitize public domain materials and make them widely accessible. Public domain books belong to the public and we are merely their custodians. Nevertheless, this work is expensive, so in order to keep providing this resource, we have taken steps to prevent abuse by commercial parties, including placing technical restrictions on automated querying.

We also ask that you:

- + *Make non-commercial use of the files* We designed Google Book Search for use by individuals, and we request that you use these files for personal, non-commercial purposes.
- + *Refrain from automated querying* Do not send automated queries of any sort to Google's system: If you are conducting research on machine translation, optical character recognition or other areas where access to a large amount of text is helpful, please contact us. We encourage the use of public domain materials for these purposes and may be able to help.
- + *Maintain attribution* The Google "watermark" you see on each file is essential for informing people about this project and helping them find additional materials through Google Book Search. Please do not remove it.
- + *Keep it legal* Whatever your use, remember that you are responsible for ensuring that what you are doing is legal. Do not assume that just because we believe a book is in the public domain for users in the United States, that the work is also in the public domain for users in other countries. Whether a book is still in copyright varies from country to country, and we can't offer guidance on whether any specific use of any specific book is allowed. Please do not assume that a book's appearance in Google Book Search means it can be used in any manner anywhere in the world. Copyright infringement liability can be quite severe.

### About Google Book Search

Google's mission is to organize the world's information and to make it universally accessible and useful. Google Book Search helps readers discover the world's books while helping authors and publishers reach new audiences. You can search through the full text of this book on the web at <http://books.google.com/>



## A propos de ce livre

Ceci est une copie numérique d'un ouvrage conservé depuis des générations dans les rayonnages d'une bibliothèque avant d'être numérisé avec précaution par Google dans le cadre d'un projet visant à permettre aux internautes de découvrir l'ensemble du patrimoine littéraire mondial en ligne.

Ce livre étant relativement ancien, il n'est plus protégé par la loi sur les droits d'auteur et appartient à présent au domaine public. L'expression "appartenir au domaine public" signifie que le livre en question n'a jamais été soumis aux droits d'auteur ou que ses droits légaux sont arrivés à expiration. Les conditions requises pour qu'un livre tombe dans le domaine public peuvent varier d'un pays à l'autre. Les livres libres de droit sont autant de liens avec le passé. Ils sont les témoins de la richesse de notre histoire, de notre patrimoine culturel et de la connaissance humaine et sont trop souvent difficilement accessibles au public.

Les notes de bas de page et autres annotations en marge du texte présentes dans le volume original sont reprises dans ce fichier, comme un souvenir du long chemin parcouru par l'ouvrage depuis la maison d'édition en passant par la bibliothèque pour finalement se retrouver entre vos mains.

## Consignes d'utilisation

Google est fier de travailler en partenariat avec des bibliothèques à la numérisation des ouvrages appartenant au domaine public et de les rendre ainsi accessibles à tous. Ces livres sont en effet la propriété de tous et de toutes et nous sommes tout simplement les gardiens de ce patrimoine. Il s'agit toutefois d'un projet coûteux. Par conséquent et en vue de poursuivre la diffusion de ces ressources inépuisables, nous avons pris les dispositions nécessaires afin de prévenir les éventuels abus auxquels pourraient se livrer des sites marchands tiers, notamment en instaurant des contraintes techniques relatives aux requêtes automatisées.

Nous vous demandons également de:

- + *Ne pas utiliser les fichiers à des fins commerciales* Nous avons conçu le programme Google Recherche de Livres à l'usage des particuliers. Nous vous demandons donc d'utiliser uniquement ces fichiers à des fins personnelles. Ils ne sauraient en effet être employés dans un quelconque but commercial.
- + *Ne pas procéder à des requêtes automatisées* N'envoyez aucune requête automatisée quelle qu'elle soit au système Google. Si vous effectuez des recherches concernant les logiciels de traduction, la reconnaissance optique de caractères ou tout autre domaine nécessitant de disposer d'importantes quantités de texte, n'hésitez pas à nous contacter. Nous encourageons pour la réalisation de ce type de travaux l'utilisation des ouvrages et documents appartenant au domaine public et serions heureux de vous être utile.
- + *Ne pas supprimer l'attribution* Le filigrane Google contenu dans chaque fichier est indispensable pour informer les internautes de notre projet et leur permettre d'accéder à davantage de documents par l'intermédiaire du Programme Google Recherche de Livres. Ne le supprimez en aucun cas.
- + *Rester dans la légalité* Quelle que soit l'utilisation que vous comptez faire des fichiers, n'oubliez pas qu'il est de votre responsabilité de veiller à respecter la loi. Si un ouvrage appartient au domaine public américain, n'en déduisez pas pour autant qu'il en va de même dans les autres pays. La durée légale des droits d'auteur d'un livre varie d'un pays à l'autre. Nous ne sommes donc pas en mesure de répertorier les ouvrages dont l'utilisation est autorisée et ceux dont elle ne l'est pas. Ne croyez pas que le simple fait d'afficher un livre sur Google Recherche de Livres signifie que celui-ci peut être utilisé de quelque façon que ce soit dans le monde entier. La condamnation à laquelle vous vous exposeriez en cas de violation des droits d'auteur peut être sévère.

## À propos du service Google Recherche de Livres

En favorisant la recherche et l'accès à un nombre croissant de livres disponibles dans de nombreuses langues, dont le français, Google souhaite contribuer à promouvoir la diversité culturelle grâce à Google Recherche de Livres. En effet, le Programme Google Recherche de Livres permet aux internautes de découvrir le patrimoine littéraire mondial, tout en aidant les auteurs et les éditeurs à élargir leur public. Vous pouvez effectuer des recherches en ligne dans le texte intégral de cet ouvrage à l'adresse <http://books.google.com>

✓ 33. b. 10


Presented to





The **Taylor Institution** by  
The Rev. Dr. Wellesley  
Principal New Inn Hall











LES  
ŒUVRES  
DE  
JEAN MAROT.

*NOUVELLE EDITION.*



A PARIS;

Chez ANTOINE URBAIN COUSTELIER;  
Libraire Imprimeur de S. A. R. Monseigneur  
le Duc d'Orleans.

---

M. DCCXXIII.

*Avec Approbation & Privilège du Roy.*





# LETTR E

A M O N S I E U R

J. D. C. E. S. D. C.

*PREMIER VALET DE CHAMBRE*

*de S. A. R. Monseigneur LE  
DUC D'ORLEANS.*

**M** O N S I E U R,

VOICY une nouvelle édition des  
Poësies de *Jean Marot* pere du cele-  
bre *Clement*. Ils ont sçû l'un & l'autre  
cultiver les Lettres au milieu de la  
Cour; ils étoient à la suite de Fran-  
çois I. le Pere & le restaurateur  
des Sciences. Attaché, comme eux,  
dès vôtres plus tendre jeunesse à la  
personne d'un Prince qui fait l'admi-  
ration de toute l'Europe, & qui a  
toujours protégé les Arts, vous avez

crû devoir ne les pas négliger, vous en avez fait votre principal amusement, & vous avez ramassé dans votre Cabinet un si grand nombre de Livres curieux, que j'y ay trouvé plus de secours pour travailler aux nouvelles éditions de nos anciens Poètes, que dans les Bibliothèques les plus nombreuses. Je n'ay rien négligé, Monsieur, pour rendre ces dernières éditions plus correctes que les précédentes, sans néanmoins m'être éloigné des textes différens qui nous en restent. Je n'ay point fait de changemens, même dans les endroits où la versification est défectueuse. Je me suis attaché uniquement à représenter les anciennes éditions: celle de *Jean Marot* sera suivie dans peu de jours des Poësies de *Cretin*, de celles de *Coquillart*, & , puisque vous l'avez souhaité, de la Légende de MAISTRE PIERRE FAIFEU. *Je suis, &c.*

# EXTRAIT DES ORIGINES DE CAEN.

SECONDE EDITION.

PAR M. HUET

EVESQUE D'AVRANCHES.



VOIQUE Jean Marot fût constamment du village de Matthieu proche de Caën , où sa famille subsiste encore aujourd'huy , il se dit néanmoins natif de Caën dans les titres de ses Ouvrages, où il prend la qualité de Secrétaire & de Poëte de la magnanime Reine Anne de Bretagne. Il fut ensuite Valet de Chambre de François I. Ces Emplois ont si peu de rapport avec celui de Fermier du Grenier à Sel de Caen , qu'un Jean Marot exerçoit dans le même temps , qu'il y a lieu de douter que ç'ait été le même homme. Celuy dont il s'agit s'é-

tant marié à Cahors , il fut pere du  
celebre Clement Marot , qui surpassa  
& son pere & tous les autres Poëtes  
qui l'avoient precedé , dans les agré-  
mens de la Poësie enjouée , & luy  
succeda dans la Charge de Valet de  
Chambre du Roy. Michel fut fils de  
Clement Marot , & Poëte François  
comme luy , mais dans un degré fort  
inferieur. Les principaux Ouvrages  
de Jean sont *La Description des deux  
heureux Voyages de Genes & de Venise ,  
du Roy Louis XII. & l'Advocate des  
Dames & Princesses.* Clement son fils  
a mis une Preface à la tête de cet  
Ouyrage , à la louange de son pere.



---

# REMARQUES

SUR LA PERSONNE

ET LES OUVRAGES

DE JEAN MAROT.

*Extraites des Memoires Litteraires ,  
Tom. I. pag. 249.*



*An* ou Jehan Marot nâquit à Caën ville de Normandie, l'an 1457. Moreri dit que ce fut à Matthieu village à deux lieuës de Caën. Je ne sçay pas sur quoy fondé ; mais il doit en avoir été particulièrement instruit , puis qu'on ne voit rien dans les Ouvrages de Marot qui le dise , & qu'au contraire le titre marque simplement que ce Poëte étoit de Caën.

Son éducation fut si negligée , qu'on ne luy fit pas seulement apprendre le



Latin. Il est vrai que dans ce tems-là les enfans ne l'apprenoient pas si communement que dans celui-ci. Les Lettres alors commençoient à renaître en France, & il s'en falloit bien qu'il y eût un aussi grand nombre de Colleges, qu'il y en a maintenant. Mais le penchant de Marot le portant aux belles Lettres & à la Poësie, il y fit, par l'heureuse disposition de son naturel, des progrès que d'autres n'auroient pû faire qu'avec beaucoup de travail & d'art. On voit par ses Ecrits qu'il avoit beaucoup étudié l'histoire & la fable, & lû les bons Poëtes François. Il estimoit particulièrement le *Roman de la Rose*, livre qui faisoit alors grand bruit, & qu'on peut encore lire avec beaucoup de satisfaction.

*Marot* étoit pauvre \*, & n'eut de biens que ceux qu'il reçut de la Cour. Son esprit & sa bonne conduite lui attirèrent la bienveillance d'*Anne Du-*

\* Voyez Epist. de Clem. Marot pour succeder en l'état de son pere.

chesse de *Bretagne*, depuis Reine de *France*, Princesse† qui aida beaucoup à faire revivre les belles Lettres & les beaux Arts, non seulement par l'estime qu'elle en faisoit, mais aussi par les bienfaits dont elle combloit les hommes de merite. Elle marqua son estime pour *Marot* par le choix qu'elle fit de lui pour être son Poëte, & pour en porter le titre; & par l'ordre qu'elle lui donna d'accompagner *Louis XII.* dans son expedition de *Genes* & de *Venise*.

On voit dans les recits de ces deux Voyages, que cette Princesse ne pouvoit faire un meilleur choix. L'exactitude de ce Poëte à marquer jusques aux dattes & aux plus petits événemens, font qu'on peut regarder ces deux recits comme une relation véritablement historique, & peut-être la plus exacte qu'on ait des victoires de *Louis XII.* en *Italie*: aussi *Marot* dit-il, \*

† *Abreg. de Mezerai*, T. 4.

\* Dans son Prologue à la Reine Anne.

que c'est *vraye historialle & non fabuleuse narrative*. L'on voit encore par les louanges qu'il donne au Roi dont il chantoit les victoires , que notre Poète étoit non seulement bon François & bon sujet , mais encore qu'il se connoissoit bien en ce qui étoit véritablement vertueux & louable : heureux d'avoir à chanter un Prince si digne des plus grands éloges , & dont la memoire doit être à jamais en benediction.

*Marot* fit ces deux Voyages pour être publiez. L'amour qu'il avoit pour Louis XII, & la reconnoissance qu'il devoit aux bontés de la Reine , étoient plus que suffisans pour l'y engager. A l'égard de ses autres Ouvrages , ils ont été trouvez † après sa mort : ils étoient écrits de sa main , ce qu'il ne faisoit pas ordinairement , plusieurs Pièces qu'il avoit composées ayant été perduës , parce qu'il ne daignoit pas en tenir compte.

† Petite Preface des Oeuvres de Jehan Marot.

*Les deux Voyages de Genes & de Venise* sont , à mon avis , ce qu'il a fait de plus beau : à l'exaétitude historique , dont j'ai déjà parlé , il joint une disposition tres-poétique ; il y a de l'invention & de l'ordre ; ses descriptions sont justes & n'ont rien d'affecté ; il peint bien & avec choix ; il s'exprime souvent avec beaucoup de force ; mais souvent aussi il se neglige trop , le tour de sa phrase en devient obscur , & quelquefois on trouve des Vers où l'arrangement des mots détruit absolument la césure : par exemple :

Monfieur le grand Maître premierement.  
Que Dieu ne veut point la mort du pecheur.

Il se contente aussi quelquefois , à l'égard de la Rime , que les trois dernieres lettres de deux mots se ressemblent , quoique le son soit tres-different ; ainsi il fait rimer *Hercules* avec *Achilles* ; defaut commun à tous les anciens Poëtes , aussi-bien que l'usage des *hiatus*. Un autre defaut qu'on

peut encore remarquer dans *Marot*, c'est un trop frequent usage des Proverbes. Il en employe quelquefois de tres-bas en des sujets graves & relevés : cela vient sans doute du goût qu'il avoit pour ce qui étoit moral, où l'on voit qu'il s'étoit exercé, & qu'il avoit bien appris à connoître l'homme. Mais une chose où je trouve qu'il a excellé, c'est dans le choix des differens Vers qu'il employe selon les sujets qu'il traite, & dans l'ordre simple & naturel où il sçait placer toutes ses matieres. L'imagination, que quelques-uns regardent comme la premiere partie des grands Poëtes, & qui doit dominer dans leurs Ouvrages, ne domine point dans les siens ; elle est toujours asservie à la raison, & sans écart ni enthousiasme il se soutient si bien, qu'il n'est ni froid ni ennuyant. Il est aussi exempt d'un defect ordinaire aux Poëtes de son tems, c'est l'usage des pointes & des jeux de mots ; à peine en trou-



ve-t-on dans tout ce qu'il a fait deux ou trois exemples. La plupart de ses Rondeaux sont bons, & il y en a quelques uns de tres-bons. Les traits un peu gaillards qui se trouvent dans *l'Epître des Dames de Paris aux Courtisans*, &c. marquent plutôt (à mon avis) de la gayeté d'humeur que du libertinage; & à l'égard du Rondeau où il fait un profane abus du mot de *Trinité*, je crois qu'on ne doit point le lui attribuer à impiété; c'est une foiblesse de l'esprit humain. Il n'est que trop ordinaire de voir des Chrétiens applaudir à des especes de bons mots, qui ne devroient leur inspirer que des sentimens d'indignation. En effet *Marot* étoit si éloigné de croire qu'on dût faire un mauvais usage de la Poësie, qu'il la consideroit au contraire comme le métier des plus honnêtes gens. On le voit dans *l'Epître* que son fils presenta à *François I.* pour être reçu en la place de son pere, qui de *Poëte de la Reine Anne* étoit

devenu Valet de chambre de ce Prince. *Clement Marot* dit en y parlant de la mort de notre Poëte :

Et me souvient quand sa fin attendoit,  
Qu'il me disoit, en me tenant la dextre :  
Fils, puisque Dieu t'a fait la grace d'être  
Vray heritier de mon peu de sçavoir,  
Quiers-en le bien, qu'on m'en ha faict avoir,  
Tu cognoys comme user en est decent.  
C'est un sçavoir tant pur & innocent,  
Qu'on n'en sçauroit à creature nuyre.  
Par preschemens le peuple on peut seduyre ;  
Par marchander, tromper on le peult bien,  
Par playdorie on peult manger son bien,  
Par Medécine on le peult bien tuer:  
Mais ton bel art ne peut tels coups ruer,  
Ains en sçauras meilleur ouvrage tistre ;  
Tu en pourras dicter Lay ou Epistre,  
Et puis la faire à tes amis tenir,  
Pour en l'amour d'iceulx t'entretenir,  
Tu en pourras traduyre les volumes  
Jadis escripts par les divines plumes,  
Des vieux Latins, dont tant est mention.  
Après tu peulx de ton invention  
Faire quelqu'œuvre à jetter en lumiere,  
Dedans laquelle en la feuille premiere,  
Dois invoquer le nom du TOUT-PUISSANT,  
Puis descriras le bruyt resplendissant  
De quelque Roy ou Prince, dont le nom  
Rendra ton œuvre immortel de renom,  
Qui te sera ( peult-estre ) si bonheur  
Que le prouffit sera joint à l'honneur.

On voit par ces Vers que *Jehan Ma-*

rot ne regardoit pas la Poësie comme un art qu'on dût employer au libertinage ou à la Satyre : aussi peut-on dire avec vérité que ni l'un ni l'autre esprit ne regne dans ses Ouvrages. S'il dit du mal de quelqu'un dans ses *Voyages de Genes & d'Italie*, il le fait plutôt en Historien qu'en Poëte, & l'on ne remarque point que ce soit par envie de médire. *L'Epître des Dames de Paris aux Courtisans qui étoient en Italie*, ne doit être regardée que comme une plaisanterie. Qui prouve trop ne prouve rien. Il fait parler des femmes dans cette Epître ; il faut les faire parler selon leur caractère ; & l'on fait ( soit dit sans les offenser ) qu'il ne leur arrive pas de faire le panegyrique de celles dont elles sont jalouses. L'on peut même remarquer dans cette Pièce, que lors qu'il y est parlé de l'avanture de la *Madone* qui

— étant dans le parquet

Contrainte fut de lâcher son baquet ;

*Marot* prend garde à ne la pas nom-

mer. Lorsque dans les *Voyages* il parle en Historien des *Dames d'Italie*, il en parle bien differemment, quoi qu'à dire la verité il ne les estimât pas autant que les *Françoises*.

*Clement Marot* fut le fils unique de notre Poëte. Il étoit déjà vieux quand ce fils vint au monde. Il eut soin de cultiver les talens qu'il lui reconnut pour la Poësie; il ne negligea pas aussi de lui faire apprendre le Latin. Ce fut le seul bien qu'il lui laissa avec la protection de *François I.* JEHAN MAROT avoit été fait Valet de Chambre de ce Prince; il en avoit si bien sçu meriter les bonnes graces, qu'elles passerent jusques à son fils. En effet après sa mort, qui arriva dans la soixantième année de son âge l'an 1517. *François I.* reçut *Clement Marot* à son service sur le pié que son pere y avoit été. Je mets la mort de *Jehan Marot* en 1517. fondé sur ceci, 1. Que ce Poëte travailloit, quand il mourut, à une Epître adressée à la Reine *Claude*.


dans laquelle Epître il avoit resolu de décrire la défaite des *Suisses* au camp de *Sainte Brigide*. 2. Que les derniers Ouvrages qu'il a faits sur les événemens de son tems, sont des Rondeaux au *premier Dauphin* fils de *François I.* La défaite des *Suisses* arriva le 14. d'Octobre de l'an 1515. & la naissance du *Dauphin* en 1517. le dernier de Fevrier. Il est à présumer que *Marot* ne forma pas le dessein de décrire la défaite des *Suisses* plusieurs années après qu'elle fut arrivée; cela n'auroit plus été de saison, sur-tout dans une Epître. Il est encore à présumer que les Rondeaux sur la naissance du *premier Dauphin* se trouvant parmi les derniers Ouvrages que *Marot* a composés, cette naissance est la dernière chose importante qu'il ait vûë. N'auroit-il pas daigné faire un Rondeau sur celle du second fils de *François I.* qui nâquit en 1518. & auroit-il negligé en 1516. de chanter la défaite des *Suisses* arrivée en



1515. C'est sur ces conjectures que j'ai placé la naissance de *Marot* en 1457.

A l'égard de son âge, son fils nous l'apprend dans le Sixain qui suit immédiatement le commencement de l'Epître, où son pere vouloit décrire la défaite des *Suisses*. Ce Sixain me paroît encore fortifier les conjectures que je viens d'avancer sur la mort de *Jehan Marot*. Il avoit commencé cette Piece en 1516. il la laissa quelque tems après l'avoir commencée, & fit pourtant quelques petits Rondeaux par-ci par-là; mais la mort, qui ne tarda pas, l'empêcha de remettre la main à cette Epître. Tout cela s'ajuste au tems. Voici le Sixain de *Clement Marot*:

Icy l'Auteur son Epître laissa,  
Et de dicter (pourtant) ne se lassa,  
Mais en chemin la mort le vint surprendre;  
En luy disant: Ton esprit par deçà  
De travailler (soixante ans) ne cessa,  
Temps est qu'ailleurs repos il voyse prendre.



# EPISTRE

## DE CLEMENT MAROT,

### AU ROY,

*Faisant mention de la mort de Jan Marot son pere , Autheur de ce Livre.*



ON que par moy soit arrogance  
prinse,  
Non que ce soit par curieuse emprinse  
D'escrire au Roy , pour tout cela ma  
plume ,

D'ardant desir de voller ne s'allume,  
Mon juste dueil ( seulement ) l'a contraincte  
De faire à vous ( & non de vous ) complaincte.  
Il vous a pleu Sire de plaine grace ,  
Bien commander qu'on me mist en la place  
Du pere myen , vostre serf humble , mort.  
Mais la fortune ou luy plaist , rit & mord.  
Mords elle m'a , & ne m'a voulu rire ,  
Ne mon nom faire en voz papiers escrire ,  
L'estat est fait , les personnes rengées ,  
Le parc est clos , & les brebis logées ,  
Toutes , fors moy , le moindre du troupeau ,  
Qui n'a toyson , ne laine sur la peau.  
Si ne peut pas grans los fortune acquerre ,  
Quant elle meine aux plus foybles la guerre.  
Las pourquoy donc à mon bonheur s'oppose ?

A

Certes mon cas pendoyt à peu de chose ;  
 Et ne failloit Sire tant seulement ,  
 Qu'effacer Jan , & escrire Clement ,  
 Or en est Jan par son trespas hors mys ,  
 Et puis Clement par son malheur obmys ,  
 C'est bien malheur , ou trop grant obliance ;  
 Car quant à moy , j'ay ferme confiance ,  
 Que vostre dire est ung divin Oracle ,  
 Ou nul vivant n'oseroit mettre obstacle ,  
 Telle tousjours a esté la parolle  
 Des Roys , de qui le bruit aux astres volle.

Je quiers sans plus Roy de los eternal ,  
 Estre heritier du seul bien paternel.  
 Seul bien je dy , d'autre n'en eut mon Pere ,  
 Ains s'en tenoit si content & prospere ,  
 Qu'autre oraison ne faisoit iceluy ,  
 Fors que peussiez vivre par dessus luy ,  
 Car vous vivant , tousjours se sentoit riche ;  
 Et vous mourant , sa terre estoit en frische.

Si est-il mort ainsi qu'il demandoit ,  
 Et me souvient quant sa fin attendoit  
 Qu'il me disoit , en me tenant la dextre :  
 Filz puis que Dieu t'a faict la grace d'estre  
 Vray heritier de mon peu de sçavoir ,  
 Quiers en le bien , qu'on m'en ha faict avoir ,  
 Tu congnois comme user en est decent ,  
 C'est ung sçavoir tant pur & innocent ,  
 Qu'on n'en sçauroit à creature nuyre.

Par preschemens le peuple on peut seduyre ,  
 Par marchander , tromper on le peut bien ,  
 Par plaiderie , on peut menger son bien ,  
 Par medecine , on le peut bien tuer ,  
 Mais ton bel art ne peut telz coups ruer ;  
 Ains en sçauras meilleur ouvraige tistre ,  
 Tu en pourras ditter Lay ou Epistre ,  
 Et puy la faire à tes Amys tenir ,

3  
Pour en l'amour d'iceulx t'entretenir.

Tu en pourras traduire les volumes;  
Jadis escriptz par les divines plumes  
Des vieulx Latins, dont tant est mention.

Après tu peulx de ton invention  
Faire quelque œuvre à getter en lumiere;  
Dedans lequel en la fueille premiere,  
Doibs invocquer le nom du Tout-puissant,  
Puis descriras le bruyt resplendissant  
De quelque Roy ou Prince, dont le nom  
Rendra ton œuvre immortel de renom,  
Qui te fera ( peut estre ) si bonheur,  
Que le proffit sera joint à l'honneur.

Doncq' pour ce faire, il faudroit que tu prinsses  
Le droit chemin du service des Princes,  
Mesme du Roy, qui cherit & pratique,  
Par son hault sens, ce noble Art poétique;  
Va doncq' à luy, car ma fin est presente,  
Et de ton faict, quelque œuvre luy presente;  
Le suppliant, que par sa grant douceur,  
De mon estat te face successeur.

Que pleures tu? puy que l'aage me presse;  
Cesse ton pleur, & va ou je t'adresse.

Ainsi disoit le bon vieillard mourant,  
Et aussi tost que vers vous fuz courant,  
Plus fut en vous liberalité grande,  
Qu'en moy desir d'impetrer ma demande;  
Je l'impetray, mais des fruitz je ne herite;  
Vray est aussi que pas ne les merite,  
Mais bien est vray que j'ay d'iceulx besoing.

Or si le cueur que j'ay de prendre soing  
A vous servir, si ceste Charte escripte,  
Ou du deffunct quelque faveur petite,  
Ne vous esmeut ( ô Sire ) à me pourvoir;  
A tout le moins, vous y vueille esmouvoir;  
Royal promesse, en qui toute assurance,

A ij

4

Doibt consister, la gist mon esperance ;  
Laquelle plus au Dessinct ne peut estre,  
Combien qu'il eut double bien comme ung Prestre,  
C'est affavoir spiritualité,  
Semblablement la temporalité,  
Son art estoit son bien spirituel,  
Et voz biens-faictz estoient son temporel.  
Or m'a laissé son spirituel bien,  
Du temporel jamais n'en auray rien,  
S'il ne vous plaist le commander en sorte ;  
Qu'obeissance ( à mon profit ) en sorte.



# PROLOGUE

*De Jan Marot de Caën , à la  
Royne Anne.*

**L**'EXPERIENCE certaine de par-  
durable renommée , laquelle par les fre-  
quentables records de vertueux & memo-  
rables actes dont refulcist & magnifie les  
humains du hault don d'immortalité , les  
faisans vivre de vie seconde apres leur temporel trespas , a  
provoqué, Royne incomparable deux fois divinément sacrée  
Anne Duchesse de Bretagne , le foible sens de moy , le  
tres humble de voꝝ tres humbles subjectꝝ ou serviteurs à re-  
diger en tel quel mon rural & maternel langage , deux  
tres haultx , tres promptꝝ & quasi inestimables conquestꝝ  
obtenuz premierement par l'assentement de l'immense &  
indivisible eternité. Apres par la providence , personnelle  
conduicte , heureuse felicité & magnanime hardiesse du  
vostre tres chretien , tres invincible justicier & belliqueux  
Espoux , la description desquelz la premiere est non en-  
richie ne detorée de Rhetoricalle sentence , ou faconde  
oratoire ; mais remplie de squalide & barbare squa-  
brosité , contenant neantmoins sans en riens trespasser  
les metes de victorieuse verité , les causes motives , les  
tres diligentes militaires conduictes , & les debellatoires  
effectꝝ de la sienne ( & doncques vostre ) tres glorieuse  
& tres triumpante Victoire de Genes , lequel œuvre in-  
digne , toutesfois vostre grace liberale & suppliante à  
toute imbecillité & lourde rudesse , a desja daigné re-  
cevoir , comme chose de valüe , voyre & l'oyr ; &

commander estre posé dedans le receptacle ou gazophilo  
 de voz autres livres. N'est doncques de merveille, ma  
 plus que tres crainte & tres redoubtée Dame & Mai-  
 stresse ( se dire j'ose ) si vostre incredible humanité a  
 donné hardement à l'ignorance de moy Jan Marot vostre  
 humble Poète & Escrivain d'ourdir & triste selon mor-  
 tile inferieur & bas, l'autre & second conquest compo-  
 sé, non d'eloquente structure, toutesfois de vraye histo-  
 rialle & non fabuleuse narrative, car à ce par vo-  
 stre tres bening commandement, j'ay presentialement  
 assisté puis le depart du Roy jusques à son heureux &  
 tres désiré retour. Plaise vous doncques par l'effet de  
 vostre tres louable mansuetude acoustumée ne rejeter par  
 raisonnable refus, les quotidiens labours de mon inscien-  
 ce, desquelz combien que ne puissiez recueillir grant sen-  
 tence ou moral enseignement, toutesfois y pourrez veoir  
 ( comme à l'œil ) s'il vous plaist les raisonnables emprin-  
 ses, les tres sommaires pourvoyances, les tres magnani-  
 mes executions, les hutz & combatz, les prin-  
 ses & conquestes de vostre tres aymé, tres famé & tres  
 victorieux Mary, auquel & à vous la sublimité deï-  
 fique, doint vie tres longue & tres prospere, & apres  
 fruition de l'eternelle & perpetuelle gloire.



# LE VOYAGE

## DE GENES.



LORS que Mars veit affoiblir ses  
armes,  
Paix avoir lieu, cesser bruitz & va-  
carmes,

Harnois mis jus, ses estandars ployez,

Et ses vassaulx n'estre plus employez  
A demolir Villes, Chasteaulx ne murs,  
Hors de l'esperoir des triumphes futurs,  
Il pourpenfa les façons & manieres,  
De susciter ses Souldars & Banieres:  
Qui ja avoient esté par trop long-temps  
Oultre son veuil sans debatz ou contens.

Ainsi pensant survint de son hault trosne  
Dame Pallas qu'aucuns nomment Bellone,  
Jadis conceüe au cerveau Jupiter,  
Luy suadant que sans plus arrester,  
Circunvolast les nations Itales,  
Qui de tous temps par destinées fatales  
N'avoient doubté en champs, Villes, ne fors,  
De Hannibal les assaulx ny efforts,  
Du preux Cesar les voyages loingtains,  
Ny des François les courages haultains,  
Et qu'en ces lieux pourroit jetter ses dars  
Pour employer ses bellicqueux Souldars.

Mars emflambé aux persuasions  
De Bellona, sans grans dilations  
Decreta lors l'Itale regarder,  
Pour veoir les lieux ou pourroit suader;

A iiii



Rebellion mouvant guerre civile,  
 Qui ne leur fut grandement difficile;  
 Car commençant veoir partialement,  
 Chascune Itale apperceut promptement,  
 Fiers Genevoys de leurs conditions,  
 Sans foy, sans loy, plus qu'aultres nations  
 Ausquelz transmist son grant ambassadeur  
 Peu de sçavoir, pere de toute erreur,  
 Accompaigné d'abus presumption,  
 Qui firent tant vers ceste Nation,  
 Qu'en peu de temps y semerent discorde,  
 Deschassiant paix, nourrice de concorde,  
 Car ces vilains de faict & geniture,  
 Sur les gentilz demandoient prelatüre,  
 A tout le moins vouloient qu'ilz n'eussent point  
 De liberté devant eulx ung seul point.  
 Voyla comment pour injuste querelle,  
 En leur Cité misrent guerre mortelle,  
 Comme chevaux sans brides, & sans renes,  
 Courroient vilains par la Cité de Genes,  
 Qui les veoit les jugeoit, veu leurs gestes,  
 Beste sans teste, ou beste à plusieurs testes,  
 Pople crians, pillerent & tuerent  
 Nobles aucuns qu'en chemin rencontrerent,  
 Parquoy conclud toute la gentillesse  
 S'en plaindre au Roy, comme au chef de noblesse.

N'esse pas donc une chose terrible,  
 Veoir ceste gent de mal incorrigible,  
 Avoir vescu en paix & sans souffrance,  
 Par si long-temps, soubz le sceptre de France,  
 Que nulz vivans, de Royaulme ou Empire,  
 Ne leur osoient riens demander ne dire,  
 Et maintenant entr'eulx mesmes se battre,  
 Voyans n'avoir à qui plus se combattre?

Comme j'ay dit les nobles decreterent  
 Venir au Roy, auquel ilz reciterent

Les grans excès, l'infamye & l'oppreſſe  
Que les vilains avoient faiſt à nobleſſe,  
Luy remonſtrant qu'eſtoit patron & maiſtre  
De vray nobleſſe, & par ce il devoit eſtre.  
Son Achilles & total deſſenſeur,  
Ainſi que frere eſtre doit pour la ſeur;  
Et d'autre part veu qu'eſtoit leur Seigneur  
Devoit venger leur honte & deſhonneur,  
Luy ſuppliant qui luy pleuſt de ce faire,  
Et de pourveoir à leur piteux affaire.

Adonc le Roy oyant leur altercas  
Leur reſpondit, j'entens bien voſtre cas,  
Vous eſtes telz, & telz avez eſtez  
Que voz maux ſont aſſez manifeltez,  
Vous me nommez voſtre ſeigneur & maiſtre;  
Et toutesfois ſubjectz ne voulez eſtre,  
C'eſt declaré que vous eſtes bien folz,  
De vous donner, & vouloir eſtre à vous;  
De bon conſeil Loys unzieſme uſa,  
Quant vous donnans à luy vous refuſa,  
Bien preveoyt qu'il faiſt mal avoir charge  
D'enſans mutins qui ne craignent la verge,  
Mais nonobſtant puis que je vous ay prins  
De laſcheté, je ne ſeray reprins,  
Car je ſeray congnoiſtre aux habitans  
De la Cité que dix fois à cent ans  
N'eurent ſeigneur qui euſt force & puiſſance  
Pour les pugnir, comme ung ſeul Roy de France.

Adoncques Mars voyant guerre & rancune  
Eſtre ſur champs, commanda à Neptune  
Ses brigandins & carraques armer;  
A Eolus de perturber la mer  
Par ventz marins ſoufflans undes & vagues;  
Au dieu Vulcan forger voulges & dagues  
Et appeller tous ſes archiers lucains;  
Au vieil Cacus vray moule des vilains,

Larron de Beufz, saillir de ses cavernes ;  
 Accompaigné des deesses infernes ,  
 Dame Clotho , Lachesis , Atropos ,  
 Qui tous humains meurdrirent sans repos ;  
 De congreger les Centaures qui feirent  
 Guerre à Saturne & qui le desconfirent ,  
 Affin que paix fust aux divins estres  
 Pour mieulx regir les regions terrestres.

En ce conflit Genes ja congnoissante ,  
 Que le dieu Mars par fureur ravissante ,  
 Avoit esmeu les nations Gallicques ,  
 Par tel effort que voulges , dars , & picques ,  
 Artillerie , & tous bastons de guerre  
 Avoient chargé pour la mettre par terre ,  
 Print à penser nonobstant sa richesse ,  
 Force & faveur ; lors regarda Noblesse ,  
 Puis Marchandise , & le peuple ses filz ,  
 Tous mutinez & en guerre confiz ,  
 Qui ja avoient en leurs cueurs & entrailles  
 Semé discordz & civiles batailles ,  
 Et les cuydant de motz arraisonner  
 Tel bruyt sourdit qu'on n'eust quy tonner ,  
 Car chascun d'eulx y vouloit la main mettre ,  
 Pour la regir soy disant estre maistre ,  
 Mais leur debat appaisé & leur bruit ,  
 Print à parler , disant ce qui s'ensuyt.



*Comment Genes parle à Marchandise &  
au Peuple , principalement à Noblesse.*

**L**E S miens enfans qui dedans ma clo-  
sture ,  
Avez esté conceuz & elevez ,  
Les ungs extraictz de Noble geniture ;  
Les autres non , neantmoins par nature ,  
D'Eve & d'Adam tous origine avez ,  
Dont m'est advis que par raison devez  
Vous entr'aymer d'une amour fraternele ,  
Guerre entre amis trop plus qu'autre est mortelle ;

Je dis cecy pour ce que toy Noblesse ,  
As maltraicté ton frere Marchandise ,  
Lequel voyant que luy faisoie oppresse ,  
Comme le ver , quant on le soule ou blesse ;  
C'est revengé en usant de main mise ,  
Dont toy voyant ta grant fierté soubmise  
As prins recours soubz le sceptre de France ;  
L'ombre du fort donne au foible assurance.

Au Roy te plaintz luy donnant à entendre  
Ce qu'il te plaist , nul ne te contredit ,  
Le provoquant vengeance de moy prendre ,  
Mais si le vray luy eusses faict comprendre ,  
A ta parolle eust mis peu de credit ,  
Ce nonobstant mettant foy à ton dit ,  
Passe les montz pour gaster ma Province ;  
Faulx rapporteurs ne doit aymer ung Prince.

Tu quiers mon mal , & valoir n'en peulx mieulx  
Dont par raison comparoir je te vueil  
Au malheureux & meschant envieux ,  
Qui est content de perdre l'ung des yeulx ,  
Affin qu'aultruy perde l'ung & l'autre oeil ,  
Or es tu tel , car d'avoir peine & dueil ,

Tu es content pour me veoir en misere ;  
D'enfant mauvais tousjours dolente mere.

Tu te dys noble & faitz œuvre vilaine ,  
Qu'il soit ainsi, veulx tu tour plus rustique  
Que conspirer aux siens mortelle hayne ?  
Tout gentil cueur, se dit la loy humaine ,  
Pour son pays doit charger lance & picque.  
Nobles Romains pour la chose publicque ,  
Corps biens , & vie exposoient en dangier ;  
Jamais Buzart ne fist tour d'esparvier.

Pour te monstrier dont vint ta gentillesse ;  
Premier en fut Marchandise racine ,  
Qui tant forgea qu'elle engendra richesse ,  
Et de richesse il survint ta Noblesse ,  
Car de vertu ne print onc<sup>e</sup>. origine ;  
Ung chascun jour tu le monstres par signe ,  
Quant d'achapter , & de vendre tu œuvres ;  
Nobles sont veuz aux vertueuses œuvres.

Regarde moy si les nobles de France  
Font marchandise en secret ou publicque ,  
Certes nenny , ains toute leur plaissance  
Est à vertu , à science , & vaillance ,  
Ainsi qu'enfans de Noblesse autentique ;  
Mais toy , ton sens & toute ta pratique  
Est marchander à mesure & à poix ;  
L'oyseau tousjours retourne au chant du boys.

*L'Authheur en Rondeau.*



I S A N T ces motz sa face colorée ,  
Print à blesmir , & lors toute explorée  
Cuyda pasmer , car le cueur luy fail-  
lit ,

Et n'eust esté que le Peuple faillit  
Et Marchandise , elle feust expirée.

Mais les voyant ung peu fut asseurée ,

Ce neantmoins tant estoit empirée  
 Quel se laissa tumber dessus ung list

Disant ces motz :

Celle je suis povre Dame esgarée,  
 Dont la mort est par les siens conspirée  
 Sans avoir faict aucun crisme ou delict,  
 Lors derechef la face luy paillit  
 Criant vers eulx comme desespérée  
 Disant ces motz.

## G E N E S.



Marchandise, & vous Peuple mes filz,  
 Aufquelz de riens jamais je ne messiz,  
 Pensez vous point en mon piteux af-  
 faire ?

Voulez vous veoir, moy qui jadis  
 vous feiz

Tant opulens en richesse confictz,  
 Devant voz yeulx mettre jus & deffaire ?  
 Voicy le Roy qui nul jour ne differe  
 Venir vers nous pour nostre orgueil abbatre,  
 Si vous supply pensons de le combattre,  
 La force avons si la voulons estandre,  
 Puis sur noz lieux l'ung de nous en vault quatre;  
 L'on doit mourir pour son pays deffendre.

Reprenez donc voz forces & couraiges,  
 Et ne craignez des François les oultraiges,  
 Non plus qu'ont faict voz vertueux ancestres,  
 Qui firent tant par leurs haultx vasselaiges,  
 Que mille corps restent cy pour hostaiges,  
 Dont remplis sont noz monumens & eitre:  
 Or estes vous fors, puissans, & adextres,  
 Autant ou plus; parquoy je presuppse  
 Que François n'ont pas empris peu de chose;  
 Car mal prent on cerf de chassé esbatu,

Puis tel propose ung cas dont Dieu dispose ;  
Et bien souvent qui menasse est batu.

De France icy la voye est difficile ,  
Le chemin long , puis devant telle ville  
Comme je suis , le hardy est paoureux ,  
Et qui plus est , j'ay des hommes cent mille ;  
Fors & puissans , ayans trestous le stile  
D'armes porter , & de l'argent pour .eulx .  
Si forte suis , que les plus vertueux  
Voyans ma force , en ung commun proverbe  
Nommée m'ont Cité fiere & superbe ,  
Ne craignez donc le Roy ne tout son train ,  
Car aucuns ont souvent batu la gerbe ,  
Qui n'ent ont pas pourtant receu le grain ,  
Munic suis d'Alpes , rocz , & montaignes ,  
Ou Roys & Ducz ont planté leurs Enseignes ,  
Qui plus y ont prins de honte que gloire ,  
Les fiers Romains & nations Espaignes ,  
Sçavent au vray , mesmes les Allemaignes ,  
Que dessus moy jamais n'eurent victoire .  
Et qu'il soit vray encor' gist en memoire  
Que mes palais & maisons sont si fortes ,  
Que franchement j'ay ouvertes mes portes ,  
A vingt mil homps , avec leurs Capitaines ,  
Tel dit je y voys qui n'y est pas encores ,  
On ne prend point de telz chatz sans mitaines .

Prenez donc cueur , pensez de vous armer ,  
Et faictes tant qu'on me puisse nommer  
Ville imprenable & durable à tousjours ,  
Recongnouissant que Royne de la mer  
Suis & seray , & que je puis armer  
Cent gros vaisseaulx & les faire en cent jours  
Mais davantage pour ung soudain secours ,  
J'ay brigandintz , galioztz & carracques ,  
Que sur la mer tiens en ordre & en parques ;  
Laissez venir donc France & sa routte ,

Car tel me cuyde avoir gaigné à Pasques,  
Qui ne m'aura pas à la Pentecouste.

Et par ainsi ma force est invincible,  
Et mes trefors si grans qu'il est possible,  
Mais qui plus est j'ay faveur & amys  
Qui m'ont juré que s'aucun m'est nuyfible  
Ilz luy donront ung eschec si terrible  
Que prou fera si du mâst est demys,  
Qu'il soit ainsi, le Pape m'a promys  
De soustenir son pays & naissance,  
A l'Empereur j'ay parfaicte aliance,  
Et de Venize entendz bien la teneur,  
Voyla comment j'ay pour vostre assurance  
Richeffe, force, armes, port & faveur.

## L' A U T H E U R.



ES motz finiz de ce peuple & com-  
mun,  
Dont la y eut mil aussi bien comme  
ung,

Entendu fut de vieulx & jeunes voix,  
Disant ainsi, tes enfans Genevoys  
Sont ja tous prestz, pourtant ne doubte Genes,  
Car prompt secours auras de vieulx & jeunes,  
N'y a celluy qui ne viegne se offrir  
Pour te garder jusqu'a la mort souffrir,  
Nostre mere es & nous tes enfans sommes  
Prestz de porter de la guerre les sommes,  
Ainsi qu'ont fait noz vertueux ancestres,  
Bien meritants porter en leurs ans sceptres.

Et nous voulans de gloire avoir noz pars,  
Deliberons si bien garder noz parcs  
Contre François, que ja pour leurs efforts  
Ne gaigneront noz bastillons & fors,  
Mais si tres bien nous nous esvertuerons,



Que devant toy noz advers tuerons ;  
 Et lors diras que nous verras vainqueurs ;  
 Les miens enfans n'ont lasches ne vains cueurs.

*Mutinations des Genevoys avec la  
 Prinse du Chastellat.*



PRES ces motz plains d'amere li-  
 queur

Raison les fuit , raige les prent au  
 cuer ,

Jettent en l'air pertuyfanes & dars ,  
 Aux armes vont desployant leurs estandars ,  
 Mettent au vent gouffanons , & banieres ;  
 Povres souldars sortent de leurs tesnieres ,  
 Courans par tout comme demoniacles ,  
 Gastans maisons des Nobles , & pinacles ;  
 Lors eussiez veu contre murs & palis ,  
 Ausquelz estoient peinctes les fleurs de lis ,  
 Lascher leurs traictz ; les uns les desrompoient ;  
 Les autres fange à l'encontre gettoient ,  
 En tel façon qu'il n'en demoura nulle  
 Qui feust entiere ou n'eust quelque maculle.  
 Durant ce bruit ceste turbe maligne  
 Va conspirer d'aler mettre en ruyne  
 Le Chastellat & de boutter à mort  
 Tous les François qui lors gardoient le Fort ;  
 Lesquelz sachans la place estre non forte ,  
 Et d'autre part voyans ceste cohorte  
 Plus animez à faire leur emprinsé  
 Que Juifz à faire en Jesuchrist leur prinse ;  
 Ont proposé de leur rendre la place ,  
 En leur faisant de leurs biens , & corps grace ;  
 Mais tout ainsi qu'ilz cuyderent parler  
 D'appointement , vous eussiez veu par l'air ;  
 Flefches

Flesches & traictz , lances & pertuyfanes ;  
 Avec grant bruit sortant de leurs organes ,  
 En criant peuple *a carne* , *amasse* , *amasse* ,  
 Adonc François nonobstant leur menace  
 Si vaillement feirent à leur approche  
 Que impossible est leur en donher reproche ;  
 Mais comme dit le proverbe commun ,  
 Dix ouvriers font en tout œuvre plus que ung ;  
 Vingt & cinq mille estoient de Genevoys ,  
 Contre troys femmes , & dix-huit François .  
 Parquoy apres plusieurs assaulx donnez  
 Tous les vilains ainsi que forcenez  
 Rompent les murs , tant qu'en la place entrerent  
 Mettant à mort tous ceulx qu'ilz y trouverent ,  
 Non seullément les hommes , mais les femmes ,  
 Dont à jamais sont reputez infames ,  
 Car saulver fault quatre choses en guerre ,  
 Prestre , Herault , Paige , & feminin genre :  
 Non assouviz des corps gisans en vers  
 Comme tyrans de nature pervers ,  
 Leurs cueurs mangent , en préhant nourriture ;  
 De ce qu'au vers devoit estre pasture ,  
 Et autres cas que je n'ose descrire ,  
 Car mieulx en vault le taire que le dire .

## R O N D E A U .



Ce propos soit en ville ou chasteau ;  
 Nuls'il ne veult estre tenu pour veau ,  
 Trop ne se fye à mercy de commune ;  
 Car s'ainsi est qu'il ait pour eulx for-  
 tune ,

La mort d'aucun leur est moins qu'un naveau ;  
 Ilz promettront & feront du beau beau ,  
 Mais s'ilz vous ont , la grace du cordeau  
 Vous aurez d'eulx , n'en faictes doubte aucune !

## A ce propos.

Tous Genevoys mourront en ceste peau ;  
 Qu'a tous propos feront serment nouveau  
 Sans varier, n'en plus que fait la lune.  
 Ilz aiment Dieu, j'entendz apres pecune,  
 Voyla pourquoy j'ay basti ce rondeau

## A ce propos.



PRES ce fait plain d'inhumanité  
 Ce vilain peuple avec grant cruaulté  
 A noz François les chemises des-  
 pouillent,

Plaines de sang, dedans lequel ila  
 mouillent

Linge & mouchouers que tous rouges pendirent  
 A plusieurs boutz de lances qu'en hault misrent,  
 Pour esmouvoir ceulx qui gardoient la place  
 De saint François, à se mettre en leur grace;  
 Lesquelz au lieu de doubter leur puissance  
 Ont entrepris faire telle vengeance,  
 Sur leur cité, maisons, & possesioire  
 Qu'il en seroit eternelle memoire;  
 Et pour bouter à execution  
 Leur bon vouloir, sans grant dilation  
 Tirent canons, faulcons, & couleuvrines,  
 Traictz, & bouletz, mortiers & serpentines,  
 En tel façon qu'en ce bruit & tonnerre  
 Vous eussiez veu tours & maisons par terre :  
 Ce nonobstant vilains tant cheminerent  
 Vers saint François, que la droit affusterent  
 Gros serpentins & aultre artillerie,  
 Laquelle feist cruelle baterie.  
 Lors eussiez veu Genevoys approcher,  
 Et les François dessus eulx descocher  
 Bastons à feu, arbalestes & arcs

Mettans à mort les Genevoys fouldars ;  
 Ce nonobstant jusqu'aux rampars marcherent  
 Dont les François quelque peu s'estonnerent ,  
 Quand pour le Roy Alabre capitaine  
 De saint François , mist telle force & peine  
 Avec ses gens , qui tant s'esvertuerent  
 Que vers la fin Genevoys reculerent.



E jour & nuyt ce peuple & vilenaille  
 Si tressouvent leur livroient la ba-  
 taille,  
 Que des François les gens dimi-  
 nuoient ,

Mais pour ung d'eulx est à croire sans faille  
 Qu'ilz tuoient tant de ceste cocquinaille ,  
 Que champs , fossiez , & maisons en puoient ;  
 Ce neantmoins tousjours en recouvroient ,  
 Qui aux François estoit inrecouvrable ;  
 Jusqu'au rampars main-à-main guerroyable  
 Faisoient brandir lances & javelines ,  
 Lors dire on peult Genes estre semblable  
 A Rome jadis en guerres intestines.

Lors congnoissans que par artillerie ,  
 Ce nonobstant la grande batterie  
 De leur lezarde , & le beuffle de Pize ,  
 Ilz ne pouvoient usurper seigneurie  
 Sur les François , vindrent par tricherie  
 Pensans pour vray qu'ilz l'auroient par tel guise ;  
 Lors chascun a pic ou palle en main mise ,  
 Cavent soubz terre , on ne vit onc tel myne ,  
 Mais une femme aux François feist le signe  
 Qu'ilz fouyffoient , pour la place destruyre.

François adonc feirent leur contremine ,  
 Ou Dieu veult bien le diable ne peut nuyre :

Cuydans bouter leur entreprinse à chef ,  
 Par ceste myne ilz vindrent derechef

Donner assaulx ; & plusieurs chaulx alarmes ;  
 Mais le seigneur du Las pour le Roy chef  
 Du Chastellat, leur feist ung tel meschef,  
 Qu'a coup de traict renverloit les plus fermes.  
 Une aultre bende à voulges & guysarmes,  
 Venoient soubz terre, en myne & trahison,  
 Mais eulx venuz à la contrepoyson  
 Que les François ja leur avoient brassée,  
 Ilz mangerent lors la propre venoyson,  
 Que pour aultruy sans chiens avoient chassée.

Adonc voyans que par force ou fallace  
 N'avoient pouvoir de gaigner celle place,  
 Comme lassez pour leur dernier effort  
 Sans regarder d'honnesteté la grace,  
 Feirent rouleaux plains d'injure & menace  
 Qu'à tout leur traictz jettoient dedans leur fort ;  
 Qui aux François donna grant reconfort,  
 Bien congnoissant que par droicte nature  
 Les foibles gens se vengent par injure.  
 Lors prennent, cueur tirent de tel puissance  
 Qu'il n'arrestoit maison ne couverture,  
 En attendant le Messias de France.

Le peuple gras congnoissant la commune  
 Fiere de cueur & leur estre importune,  
 Par le dessault du glaive de justice,  
 Craignans aussi que faulte de pecune  
 Les feist piller par un decours de lune,  
 Feirent ung Duc pour maintenir police,  
 Et pour acroistre & rengreger leur vice,  
 Envers le Roy leur souverain seigneur,  
 D'ung vilain font leur Duc & gouverneur,  
 Bon taincturier tant en linge qu'en linge ;  
 Sur chef vilain fut mis chapeau d'honneur ;  
 Fard est perdu dessus myne de cinge.

Le Roy voyant le grant crime & forfait  
 Que Genevoys envers luy avoient fait,

Eulx parjurans & desrompans leur foy;  
 Et auffi comme ilz avoient prins de fait  
 Le Castellat, & tous ses gens deffaißt;  
 Passe les montz pour venger ce desroy,  
 Plus promptement que jamais ne fist Roy;  
 Car onc en lieu il ne fist residence  
 Que dedans Ast, mais feist tel diligence  
 Q'ung moys apres il leur donna l'assault,  
 Comme sachant par vraye experience  
 Que battre fer convient tant qu'il est chault.  
 Pieces à feu, serpentines, canons,  
 Et aultres mainctz dont je ne sçay les noms;  
 Boullletz massifz, manteaulx, barilz de pouldre,  
 Par canoniers, charretiers & pions,  
 De nuist & jour traversent rocz & mons,  
 Tel bruit menans qu'il sembloit estre fouldre.  
 Adventuriers qui ne voudroient riens touldre;  
 Non plus que loups, à desployée enseigne,  
 Marchent avant; courent par la montaigne,  
 Cherchans à faire ung exploit de main mise,  
 Si Genevoys ont avecques eux gaigne,  
 Ilz ne perdront jamais à marchandise.

Ainfi le Roy avecques tout son bernaige;  
 Et des plus grans de son royal lignaige,  
 Passe les mons sans sejourner ung jour,  
 Vint jusqu'en Ast le sien propre heritaige,  
 Ou il voulut comme prudent & saige,  
 Avec son train prendre ung peu de sejour;  
 Huit jours apres ce remist au labour,  
 Monte à cheval, lors se part le charroy;  
 Preux Chevaliers se mestent en arroy,  
 La garde est preste en moins de dire *amen*.  
 Et ce jour vint faire entrée de Roy,  
 Dedans la ville & lieu de Felicen.

Le jour d'apres vint en Alexandrie,  
 Ou au devant fortit la seigneurie,

Tant clers que laiz en moult belle ordonnance,  
 Dames portoyent drap d'or orfaverie,  
 De leurs beautez c'estoit toute faerie;  
 Trop facheux fut qui n'y prenoit plaifance,  
 Jeunes enfans par ruës cryoient France,  
 Chascun portans fleurs de Lis ou Ermines;  
 Quatre bourgeois des plus nobles & dignes  
 Sur luy portoyent tente d'or tres exquise,  
 Le conduysant rendre graces divines,  
 Jusques au Dosme estant la grant Eglise.

Le lendemain s'arma de toutes armes,  
 Lors me sembla Cesar & ses gensdarmes,  
 Partant de Rome en grant celerité;  
 Apres marchoit Bourbon qui tenoit termes  
 D'un Scipion, quant va donner alarmes  
 Contre Hannibal en sa prosperité.  
 Jeune Vendosme estoit tel en fierté,  
 Comme Jason la toison conquerant.  
 Calabre lors gloire & bruit desirant,  
 Suyvoit apres semblant par conjectures  
 Preux Lancelot le chevalier errant  
 Par les forestz, cherchant ses adventures.

Lors le seigneur de Nevers sault en place,  
 Tant triumpfant & de si bonne grace,  
 Que Troilus sembloit en contenance.  
 Soubdain apres en merueilleuse audace,  
 Le puissant Duc de Ferrare desplace,  
 Fier & pompeux & de grande apparence;  
 Et me souvint à veoir sa remembrance,  
 Du grand Pompée aux Romains Empereur.  
 De Mont Ferrat le Marquis & Seigneur,  
 Suyvoit ce train fier comme ung Hercules,  
 Mantoüe semble Hector en sa fureur,  
 Quant par les rangs va chercher Achilles.

Alors si bien donnent des esperons,  
 Au bruyt & son des trompes & clerons.

Qu'on ne vit onc de si grandes ruades ;  
 Nobles montez comme bons champions ,  
 Armez bardez aussi fiers que lyons ,  
 A qui mieux mieux font grans saulx & pennades .  
 Aupres du Roy marchoient toutes les gardes  
 Garniz de traictz accoustrez de bons arcs ,  
 François adonq' desployent leurs estandars .  
 Alexandrins voyans ce confistoire ,  
 Haülſent l'espaule à mode de Lombars ,  
 Doubrans qu'on eust dessus Genes victoire ,  
 En cest honneur le Roy part de la ville  
 D'Alexandrie en chevauchant six mille ,  
 Ses gens en ordre , en bataille acoustrée ,  
 Lors le harnoyſ ne luy fut difficile ,  
 Car tout armé en pompe tres gentile ,  
 Vint jusqu'au Boch ou il fist son entrée :  
 Le lendemain au long de la contrée ,  
 Tabours , clerons & trompettes sonnerent ,  
 Prennent les champs , si fierement marcherent ,  
 Que de les veoir tout homme estoit ravy ,  
 Et pour ce jour disnerent & coudierent  
 En ung chasteau qui se nomme Gany .

Le jour d'apres vers le Solcil levant ,  
 Le Roy se part ses gens tirent avant ,  
 Prennent harnoyſ , jusqu'au Borg arriverent ;  
 Ce propre jour François estoient devant  
 Le Bastillon , leur enseignes au vent ,  
 Qui roc̃z & montz comme lyons ramperent ;  
 Noz Allemans quelque petit doubterent ,  
 Voyans ce roc̃ quasi inaccessible ;  
 François voyans qu'il n'est riens impossible  
 A cueurs vaillans , vindrent jusqu'aux rampars  
 D'une maison , ou bataille terrible  
 Y eut alors de toutes les deux pars .

Noz Albanoyſ à leurs legiers chevaux ,  
 Par celluy mont couroient comme chevreaulx ,



Qui chascun coup leur donnoient des alarmes ;  
 Genevoys font en tirant plusieurs maulx ,  
 Par telle façon , que dessus les carreaux  
 Ont renversé plusieurs de noz gendarmes ;  
 François voyans qu'on leur tenoit telz termes ,  
 Donnent dedans d'une si bonne sorte ,  
 Que non obstant que la maison feust forte ,  
 Marchent avant , & si vaillamment feirent .  
 Que Genevoys les voyans à leur porte ,  
 S'en vont fuyans , François les poursuivirent .

En ceste fuytte eussiez veu ces villains ,  
 Aller du pied comme bisches & dains ,  
 Chassez des chiens , en forestz ou en parcs ;  
 D'aller apres François ne furent vains ,  
 Mais envers eulx Suisses sont humains ,  
 Tout ainsi comme aux poules les regnars :  
 Et pour monstrier qu'ilz n'estoient point bastards  
 François leur feirent leur part honnestement ,  
 Lesquelz voyans ce bon commencement ,  
 Suz leurs tabours doublent à carrillon ,  
 Montent le roch si vertueusement ,  
 Qu'ont estonné tous ceulx du Bastillon .

Lors eussiez veu gentilz aventuriers ,  
 Bons crediteurs , dangereux usuriers ,  
 Aussi rassis qu'est le sablon en Loyre ,  
 Monter , ramper , courir comme levriers ;  
 Impossible est que j'en creusse le tiers ,  
 Mais je l'ay veu , parquoy je le doibs croire ,  
 Et si Romains pour leurs faictz ont eu gloire ,  
 François trop mieulx ce jour l'ont desservy ,  
 Car jamais Roy ne fut si bien servy ;  
 Et qu'ainsi soit il est tout veritable ,  
 Qu'en moins d'ung jour ont prins & asservy  
 Le Bastillon qu'on disoit imprenable .

Ainsi vilains la place abandonnerent ,  
 Noz gens apres qui battant les menerent

A dix pas pres de leur porte & muraille ;  
 Navrent les ungs & les aulcuns tuerent ,  
 Les aultres prins lyerent & baguerent ,  
 On ne vit onc si cruelle bataille ;  
 Les aultres apres frappans d'estoc & taille ;  
 Au Bastillon planterent leur enseigne :  
 Alors ung bruit y eut par la montaigne ,  
 Car ung chascun commença crier France ,  
 D'ouyr ce cry tout Genevoys se saigne ,  
 Menant grant dueil & grieve desplaisance.

De tout ce cas le Roy bien adverty ,  
 Avec son train de bourg s'en est party ,  
 Marchant en ordre aux champs moult fierement ;  
 Tous ceulx du champ chascun bien assorty ,  
 De picque ou lance au devant est fort ,  
 L'on ne vit onc pomper si plaisamment.  
 Monsieur le Grant Maistre premierement ,  
 Advant marcha avec les ordonnances ,  
 Les Albanoyz avec demyes lances ,  
 Bruyre faisoient leurs pannonceaulx au vent ;  
 Adventuriers sans courir au devant ,  
 En se regeant tous se misrent en ordre ,  
 On vit marcher Suysses en avant ,  
 Si fierement qu'il n'y eut que remordre.

Touchant la pompe & ruades & saulx ;  
 Que feirent lors chevaliers & vassaulx ,  
 Bien croyre on peut que chascun feist debvoir ;  
 Pouldres volloyent de courses de chevaulx ,  
 Drap d'or bransloit à pieces & lambeaulx ,  
 Devant le Roy chascun veult bruyt avoir ;  
 Mais dessus tous qu'ilz fist beau veoir  
 Le Roy armé , acompaigné des Princes ,  
 Tant des François que des aultres Provinces  
 Faire bondir en l'air leur escuyrie ,  
 Portans sur eulx monstrant qu'ilz n'estoient minces  
 Pierres , drap d'or , & riche orfaverie

En cestuy bruyt fiffres, tabours sonnoient,  
 Trompes, clérons & chevaux hanissoient,  
 L'artillerie au champ sembloit tonnerre,  
 Les grosses naux de Pregent respondoient,  
 Ceulx du chasteau si lourdement tiroient,  
 Qu'il n'estoit tour qui ne vensist par terre:  
 Lors Genevoys doubtons que ce quaterre  
 Tumbast sur eulx, tindrent leur confistoire;  
 Leur Duc voyant ce piteux accessoire,  
 Et que desja contre luy murmuroient,  
 Les asseura ce jour avoir victoire  
 Du Bastillon que les François tenoient.

Le pouvre Duc qui mieulx se congnoissoit  
 En ung drap tainct d'escarlade ou garance,  
 Qu'en fait de guerre, ainsi comme il pensoit;  
 Cuydoit chevir, mais pas il n'avisoit  
 Que des chetifz trop vaine est l'esperance;  
 Ce nonobstant mist aux champs sa puissance,  
 Fist desployer estandars & banieres,  
 En demonstrent par contenances fieres,  
 Que des François l'ost seroit desconfit.  
 Je ne veuil pas blasonner ses manieres,  
 Mais je dictz bien qu'aupres de ses chauldieres;  
 Il eust acquis plus d'honneur & prouffit.

Le propre jour le Roy en son champ vint,  
 Et se logea dedans ung monastere,  
 Cuydant soupper ung alerme survint  
 De Genevoys, lever il leur convint;  
 C'estoit le Duc qui jouoit son mistere;  
 Le Roy s'arma, chascun se delibere,  
 Les Allemans leur bataille acoustrerent,  
 Les Chevaliers pres du Roy se tirerent,  
 Adventuriers à bandes & cohortes,  
 Montent le roch dessus lequel trouverent  
 Leurs ennemys que de rechef menerent,  
 Tuant, navrant, jusques dedans leurs portes.

Alors ce Duc crainctif, chetif, poureux,  
 Voyant fortune envers luy s'anymé,  
 Apres plusieurs plainctz & crys doloireux,  
 Delibera puis que tant malheureux  
 Estoit sur terre, aller dessus la mer.  
 Lors me souvint & l'allay estimer  
 Pompée apres sa tourbe desconfite  
 De par César, s'en fuyant en Egypte,  
 Ou sur la mer eut la teste couppee;  
 Ne plus ne moins cestuy pour son merite,  
 Fut decollé, nonobstant je m'acquitte,  
 Disant qu'il n'est comparé à Pompée.

Les Genevoys voyans que la fortune  
 N'estoit pour eulx, tindrent leur consistoire,  
 Conclurent tous marchandise & commune,  
 Que de deux pars il failloit prendre l'une,  
 Estre deffaictz ou obtenir victoire.  
 Or sçavoient ilz par raison peremptoire,  
 Qu'ilz s'abusoient de la victoire attendre,  
 Cecy voyans chascun va condescendre,  
 Que trop mieulx vault la vie que la corde,  
 Qui cause fut qui les fist au Roy rendre,  
 Luy suppliant par sa pitié estendre,  
 Sur leur meffaict grace & misericorde.

Le Roy sçachant par antique doctrine,  
 Que Dieu ne veult point la mort du pecheur,  
 Ains veult qu'il vive affin qu'à bien s'encline,  
 Les reçeut lors par telle façon & signe,  
 Qu'ilz se rendoient soubz sa grace & faveur;  
 Et pour monstrier leur extreme douleur,  
 Ensemble tous de drap noir s'abilloyent,  
 N'autre couleur dessus eulx ne portoyent,  
 Car entre eulx fut conclud & ordonné,  
 Que icelluy dueil jamais ne laisseroient,  
 Tant que le mal que commis ilz avoient,  
 Leur fust du Roy remis & pardonné.

Adonq' le Roy en prompte diligence ;  
 Gardes & gens , dedans Genes transmist ;  
 Qui feirent lors barrieres de deffense ,  
 En tel façon que nul sans leur licence ,  
 Dedans icelle en ce temps pied ne mist ;  
 Pour ces raisons le voulut & permist ,  
 Saichant pour vray que si dedans la ville  
 Sens gens entroyent , il seroit difficile  
 La preserver de ruyne ou pillage.  
 O Roy piteux ! par ta clemence utile ,  
 Ceulx qui t'ont fait trahisons & maulx mille ,  
 Tugardes or' de honte & de dommaige.

Le lendemain devers Genes s'adresse ,  
 Armé à blanc en triumphe & honneur ,  
 Qui lors eust veu de France la noblesse ,  
 Bien eust il dit qu'oncques telle richesse  
 Veüe ne fut devant Roy ne Seigneur ;  
 Estant armé ainsi que conquereur ,  
 Avecques part de sa gent & puissance ,  
 A Genes entre en moult belle ordonnance ,  
 Acompaigné de Princes de valeur :  
 Mais dessus tout c'estoit une plaïssance  
 De veoir le peuple aux ruës crier France ,  
 Plus ( comme croy ) par livre que par cueur.

Jusqu'au palais soubz poille d'or exquis ,  
 Que quatre chefs de la ville porterent ,  
 La teste nuë ainsi que gens conquis  
 Il fut conduit : lors Princes & Marquis  
 Devant le Roy fierement chevaucherent ;  
 Cinq Cardinaulx aupres de luy marcherent  
 Jusques au dosme , ou filles & pucelles  
 En habit blanc gracieuses & belles  
 Tenans rameaulx representans concorde ,  
 Genoux flexis , leurs cheveux autour d'elles ,  
 Incessamment par places & ruelles ,  
 Devant le Roy cryoient misericorde.

Apres le poille est Monsieur le Grant Maistre,  
 Qui pour le Roy en demonstrent victoire  
 L'espée tient toute nue en main dextre,  
 Faissant congnoître à tous que pouvoit mestre  
 A feu & sang leur ville & possesioire.  
 Le Roy adonc en grant triumphe & gloire,  
 Entre en, l'esglise & rend graces divines :  
 Durant ce temps, trompes, cloches, buffines  
 Menoyent ung bruyt doulx & armonieux,  
 Musiciens avecques les orguines,  
 Disoyent mottez & chansons celestines,  
 Au los & nom du tres victorieux.

Le lendemain feist crier par les places ;  
 Luy apporter tous les bastons de guerre,  
 Qui lors eust veu ces grandes chichefaces  
 De Genevoys, colorez en leurs faces,  
 Comme larrons que pour pendre on deferre,  
 C'estoit plaisir, car touchant la defferre,  
 Ne doubtez pas qu'ilz semblent l'arbaleste  
 Vieille & caducque, à desbender mal preste ;  
 Ce nonobstant tant les clerks que les laiz,  
 Craignans de perdre avec les biens la teste,  
 Tous leurs harnoys sans faire longue enqueste  
 Furent par eulx apportez au palais.

Eulx despouillez tant d'Escuz que Pavoyz,  
 L'on feist sonner du palais la grant cloche ;  
 Adonc veissiez accourir Genevoys,  
 Qui ne disoient pour lors, point je n'y voys,  
 Car aultre chose ilz craignoyent que reproche,  
 Eulx arrivez le plus noble s'approche  
 Devers le Roy tenant siege Royal.  
 Ce Genevoys parlant en general,  
 Genoux flexis troys fois baïsa la terre,  
 Comme pecheur qui mercy vient requerre,  
 Luy suppliant en termes elegans,  
 Puy qu'il avoit gaigné par bonne guerre

Genes leur ville, il luy pleust de conquerre  
Par sa mercy le cueur des habitans.

Adonc le Roy piteux & debonnaire,  
Faisant pitié preferer à rigueur  
Leur pardonna, puis apres leur fist faire  
Tous les sermens qu'au cas est necessaire,  
Et tous hommaiges & foy deuë à seigneur,  
Puis fist brusser de leurs loix la teneur,  
En leur donnant parfaicte congnoissance,  
Qu'a nouveau Prince il fault neufve ordonnance;  
Bien le monstra, car contre la nature  
Des taincturiers fist la croix rouge blanche,  
Qui fut grant cas, car par experience,  
Rouge ne peult prendre blanche taincture.

Les sermens faictz son cas tout depesché,  
De Genes part en victoire assouvy,  
Desirant veoir de Millan son Duchié;  
Sans sejourner a tellement marché,  
Qu'il arriva jusqu'au pres de Pavye,  
Lors les manans ayans parfaicte envie  
De veoir leur Prince & souverain seigneur;  
Vont au devant en triumphe & honneur,  
Quatre bougeoys en moult belle ordonnance  
Portent le Poille, adonc grant & mineur,  
Comme je croy, de couraige & de cueur,  
Incessamment par quantons cryoient France.

Touchant les vers composez à sa gloire,  
Jeux eschaufaulx, banquetz & bonnes cheres  
Taïre me vueil, car il est tout notoire  
Qu'Impossible est qu'ung homme eust la memoire;  
De retenir tant d'œuvres singulieres,  
Mais bien descrire il me plaist les manieres  
Et la beaulté des Dames souveraines,  
Qui bien sembloient Deesses tres haultaines,  
Mais avec ce si bonne grace avoyent,  
Tant en regards comme gestes humaines,

Que bien sembloient secondes Magdalenes ;  
 Qui des amans les cueurs mortiffoient.

Cinq jours apres le Roy se met à aux champs ;  
 Vint à Millan ou il fist son entrée ,  
 Les Millannoys tant nobles que marchans ,  
 Au devant vont en triumphe marchans ;  
 L'on ne sçauroit veoir gent mieulx acoustree ,  
 Puis tous armez en bataille rengée ,  
 Vindrent cinq cens fiers comme ung Elephant ,  
 Armez à blanc pres d'un char triumpfant ,  
 Qu'ilz conduisoient à cors, clerons & trompes ;  
 Adonc n'y eut homme , femme , n'enfant  
 Qui par quantons n'allast France criant ,  
 L'on ne vit onc tant de gorres & pompes.

Lors les ouvrouers furent plains & couvers  
 De maincte Dame en beaulté tres exquisse.  
 La foyre ay veüe à Lyon & Anvers  
 Lendit, Gibray & autres lieux divers ,  
 Mais onc ne viz si belle marchandise ;  
 Chascune estoit en une cheize assise ,  
 Levée en hault pour leur corps monstrier mieulx ;  
 Mais les aucuns de leur gloire envieux ,  
 Disoient que fard les rendoit ainsi belles ,  
 Mais quoy qu'ilz dient je croy ainsi maid' dieux  
 Qu'on ne sçauroit mieulx repaistre ses yeulx ,  
 Qui ne verroit choses celestiellles.

Pres de la porte y avoit une Histoire ,  
 Ou y avoit mainctz riches personnages ,  
 Qui demonstroit de Genes la victoire ;  
 D'autres aussi dont laisse le memoire ,  
 Craignant que soys prolix en mes langaiges.  
 Le Roy entrant quatre bourgeois moult saiges  
 Sur luy portoyent Poille d'or magnificque.  
 Lors des François l'esprit & l'œil s'aplicque  
 A contempler ces Dames tant honnettes ,  
 Car comme ay dit il n'y avoit boutique



Ou il n'y eust quelque Ymage ou Relicque ;  
Que volentiers l'on ne monstroit qu'aux festes.

Ceux du chasteau armez & bien en point ,  
La hache au poing se tindrent à leur porte ,  
L'artillerie adonc ne faillit point ,  
A deschanter ung si hault contrepoint  
Qu'on n'ouyt onc musique de la sorte ,  
En tel honneur le Roy si se transporte  
Dedans ce fort, Millannoys retournerent ,  
Ce temps durant les Lices s'acoustrerent ,  
Huit jours apres chascun prent le harnoys.  
Devant le Roy & les dames jouterent ,  
Princes & Ducz qui si bien se porterent ,  
Que impossible est de mieulx faire en tournoys.

### PROSE.



LE Roy estant es triumphes de son Duché de  
Millan , Genes qui en sa presence avoit  
soubz son habit de dissimulation porté le  
peçant , & à la longue intolerable faiz  
de son dueil, apres plusieurs lamentables re-  
gretz & doloieuses complainctes , la face de larmes  
piteusement arrousee , va regarder par grant compassion  
deux de ses enfans Marchandise & le Peuple ; entre  
lesquelz estoit une femme les tenant par les mains ap-  
pellée Honte , ayant le chef courbé & enclin , ne jectant  
son tourve regard fors en terre comme une beste muë :  
Laquelle si tost que iceulx enfans vouloient à leur do-  
lente & chetive mere donner consolation pour aulcune-  
ment aliger sa douleur , retenoit leurs diēlx en leur  
mectant les mains au devant de leur bouche , & tel-  
lement feist que ne peurent parler ne dire aulcune cho-  
se consolative à son triste pleur & lamentation. Ce ne-  
antmoins assez discrettement va telles parolles proferer.

La

*La Complaincte de Genes.*

O U R R O U X caché au cueur d'un  
 personnage  
 Donne trop plus de douleur & de rai-  
 ge,  
 Que soy plaignant descouvrant sa for-  
 tune :

Parquoy je vueil prendre c'est advantaige,  
 Et deplorer mon malheureux oultraige,  
 Predestiné soubz dangereuse lune,  
 Malheur m'affault & me porte rancune,  
 Les elemens me font maulx innombrables,  
 Mer me soustient guerres inexpugnables,  
 Le feu me brusle & chasteaulx & maisons;  
 Terre engloutist mes gens mors miserables;  
 L'air corrompu me vomist ses poisons.

Dont vient cecy je ne le puis entendre,  
 Fors que cil Dieu qui jadis feit descendre  
 Luciabel des trosnes souverains,  
 N'ait dessus moy voulu sa main estendre,  
 En demonstrant que orgueil est moins que cendre;  
 Ne que sablon coulant entre les mains.  
 Ce neantmoins Dieu voulant des humains  
 La pouvre vie, a voulu que la corde,  
 Bien desservie ait eu misericorde,  
 En me donnnant Roy si misericors,  
 Qu'au lieu de mort m'ait octroyé concorde;  
 Au lieu de guerre amyables accords.

La corde au coul le glaive sus la gorge,  
 Petite autant que ung grain de mil ou d'orge;  
 Je me rendy sans composition;  
 Alors congneuz juste comme l'orloge,  
 Que saint Denys avoit vaincu saint George.  
 Mon tresorier & ma protection;

Le Roy voyant que ma pugnition  
Mortelle estoit selon mon crime & vice ;  
Feist que pitié prefera à Justice ,  
Car sans piller ne le mien sang espandre ;  
Il me donna de Cesar la police ,  
En se monstrant humain comme Alexandre.

Vaincue ainsi pale , blesme , adolée ,  
De desespoir quasi toute affolée ,  
Contraincte fuz de luy ouvrir ma porte ,  
Et neantmoins que jamais maculée  
N'avoie esté fuz lors depucelée ;  
Car onq' vivant n'y entra de la sorte.  
Le premier fut qui par guerre & main forte  
A mis soubz pied mon renom d'invincible ,  
Puis en monstrant Justice incorruptible ,  
Fist par mes lieux gibetz dresser & faire ,  
Ou mes enfans en douleur trop horrible ,  
Devant mes yeulx je vy pendre & deffaïre.

Que fist il plus ? pour mieulx matter mon cuer ,  
Tout ainsi comme ung vaincu au vainqueur ,  
Les armes rend , les miennes me fist rendre ,  
En tel façon que contre sa rigueur  
Force n'avoys , puissance ne vigueur ,  
N'aulcuns bastons dont me sceusse deffendre.  
Puis fist brusler , brouyr & mettre en cendre  
Mon coustumier de la chose publicque.  
Puis luy estant en siege magnificque ,  
Me pronunça nouvelles Loix & Droitiz ,  
Que tous les miens dessus mainte relicque  
Jurerent lors garder en tous endroitz.

Mais ay-je las tel peine desservye !  
Que desormais me faille estre asservye ;  
Qui oncques n'euz le tiltre d'estre serve ,  
Mais au contraire ay donné aux serfz vie ,  
Or & argent pour estre mieulx servie ,  
Et maintenant il convient que je serve ,

Du Roy François fault que garde & observe  
 Les mandemens, ou estre de ses serfs,  
 Fors & puissans aussi legiers que cerfs  
 Estre servie à rudes serviettes,  
 Dont dire puis, Roy à qui je me assers  
 De telz servans noblement servy estes.

A toy Venise adresser veulx mes plainctes,  
 Qui soubz semblant de tes promesses fainctes  
 Dissimulas à me donner secours,  
 Dont tu fis mal, & croy pour raisons maintes  
 Que quelque jour en auras les estrainctes,  
 Pires que moy, si malheur fait son cours,  
 Tu sçais assez les lasches & faulx tours  
 Que pres Fournoue un jour feiz contre France  
 Cecy pensant tu devoys ta puissance  
 Mettre sur champs, pour mon pays deffendre,  
 Car moy vaincue as petite assurance,  
 De Chasteau prins Ville est preste de rendre.

Sans aucun droit contre la loy divine,  
 Tant par la guerre, usure que rapine,  
 Sur chascun as maintes villes grippées,  
 Mais je crains fort que cil qui tout domine  
 Dedans bref temps te monstrera par signe,  
 Que bien peu sont richesses usurpées.  
 Si partiront de France les espèces,  
 Lances & dats envoyez de par Dieu;  
 Pour t'aller veoir jusques dessus ton lieu;  
 Qui te donront si merueilleux ennuy,  
 Que tu rendras malgré Marc & Mathieu;  
 Sans compte faire, & le tien & l'autrui.

Pere tres saint qui dessoubz ma courtine  
 Prinstes jadis naissance & origine,  
 N'avez vous point pitié de ma douleur,  
 En me voyant de Dame estre mechine,  
 De liberté & franchise orpheline,  
 Si que vivant n'approche à mon malheur?

J'entendz assez que soubz faincte couleur  
 Mistes sur mer, pour mon secours, mainst homme,  
 Dont bien pensoye estre servie comme  
 De gens vaillans, fors, puissans & alegres;  
 Mais quoy, c'estoient des Ruffiens de Rome  
 Qui pour fouyr couroient comme chatz maifgres;

Roy des Romains si vers toy je m'adresse  
 Pardonne moy, car ma dure destresse  
 Dire me faict trop plus qu'a suffisance;  
 Puis j'ay congneu que la tienne promesse  
 Ne sont pas motz d'Evangile ne Messe,  
 Et que peu vault fol vouloir sans puissance;  
 Soubz ton espoir je me mis à la dance,  
 Ou de dancer ne te print onc' courage,  
 Craignant passer du More le passage.  
 Plus ne t'en dy fors que par vaillantise  
 Tu doibz porter une pome sauvage,  
 Non celle d'or aux Empereurs permise.

Ja ne convient qu'en tes amples querelles  
 Contre le Roy jamais tu me querelles,  
 En allegant que ung tien predecesseur  
 Ait obtenu sur moy victoires telles,  
 Dont par raison doyve estre en tes tutelles;  
 Car onc' pour luy ne laissay estre assure;  
 Et de mes biens cuydant estre oppresseur,  
 Sa honte fut de ma gloire accroissance,  
 Car riens n'y fist ne toute sa puissance;  
 Mays cestuy seul en trois jours m'a conquise;  
 Dont par raison luy doibz obeissance  
 Laquelle il a par sa prouesse acquise.

## R O N D E A U.



PRES ce pleur & lamentation ;  
 Jetta ses yeulx par contemplation  
 Devers le ciel , disant Pere puissant ;  
 Je congnois bien qu'orgueil vas pug-  
 nissant ,

Et l'humble metz en exaltation.

Mais non pourtant j'ay bonne intention  
 Que toute joye & consolation  
 Tu me donras , mes douleurs guerissant ,

Après ce pleur.

Lors de rechef par grant compassion ,  
 Va contempler la murmuration  
 De ses enfans , dont je mal fust yssant ;  
 Adonc d'ung cueur en douleur languissant ,  
 Faire leur va ceste narration ,  
 Après ce pleur.

## G E N E S.



! Lasches cueurs , effeminez enfans  
 N'avez vous point souvenance & me-  
 moire ,  
 Comment Priam par gestes trium-  
 phans

Avec ses filz puissans comme Elephans ,  
 Ont descendu si bien leur possesseur ?  
 Si vous prometz que Grecz eurent victoire ;  
 Troyens occis , leur Ville mise en cendre ;  
 Ce n'est rien dit ; car il est tout notoire  
 Qu'en souffrant mort ont acquis plus de gloire  
 Que vous , saulvans la vie par vous rendre.

A droit diroys que bestes insensibles  
 Ont plus de cueur que vous & hardement ,

Car de leurs dentz & leurs griffes terribles ;  
 Vont deffendant leurs cavernes horribles,  
 Et les oyseaulx leurs nidz pareillement ;  
 Le chien couard encor' communement  
 Sur son fumier se monstre fier & rudde,  
 Bestes ainsi nous monstrent clerement  
 Qu'on doibt se armer pour vivre franchement ;  
 Et que mieulx vault la mort que servitude.

J'ay regardé voz manieres de faire ,  
 Touchant la guerre ou avez peu de grace ,  
 Car on diroit que vous voulez deffaire  
 Voz ennemys , par hault crier & braire ;  
*O pople , pople , acarne , amasse , amasse ;*  
 François ne sont comme le cerf en chasse ;  
 Qui fuyt oyant des limiers les aboys ;  
 Ains prennent cueur alors qu'on les menace ;  
 Aussi seroit pour eulx peu d'efficace ,  
 Croire en parolle & cris , comme Vauldoys.

Vous souvient il ? gens plains d'oultre-cuydance ,  
 Qu'en mon palais ung jour estans en armes ,  
 Me promettiez que si le Roy de France  
 Passoit les monts , sans aucune doubtañce  
 Vous le prendriez mal gré tous les Gensdarmes ;  
 Aupres de feu couardz tiennent gros termes ,  
 Mais Roy en ost donne aux siens tel puissance  
 Qu'en le voyant les foibles se sont termes ,  
 Couards & vains sont premiers aux vacarmes ,  
 Les gens de cueur sont plus que suffisance ,

Je ne dys pas que bien & vaillamment  
 On ne nous fist durs assaulx ny efforts ,  
 Ains qu'il venüst ; mais veritablement  
 Furent trouvez à son advenement  
 Plus que devant hardis puissans & fors ;  
 Car nuz rempars , bastillons , & ranfors  
 Furent gaignez , & lors prinstes la fuite ;  
 Les ungz navrez , les autres prins & mors ;

Qui à jamais me donra ce remors ;  
 Que Roy en camp vault mil hommes d'esslite.  
 Merveille n'est donc s'en larmes me baigne ,  
 Car ce jour vis apres plusieurs travaux ,  
 Jetter embas de saint George l'enseigne ,  
 Et entre vous fouyr par la montaigne ,  
 Comme larrons eschappez de bourreaux ;  
 Alors j'ouvry boulevars & portaulx  
 Pour vous saulver en douleur trop amere ;  
 Car je congneuz à voz courses & faulx  
 Que eussiez voulu pour eviter telz mauux ;  
 Encores estres au ventre vostre mere.


## R O N D E A U.



N cest estat Genes faisoit ses plain-  
 ctes, [estrainctes  
 Et croire fault qu'elle eut dures  
 De desespoir, mais l'Itale science  
 Luy conseille de *piller* patience,  
 Dissimulant soubz contenancez fainctes.  
 Sur son manteau ou souloient estre emprainctes  
 Les rouges croix, voyoit les blanches tainctes,  
 Qui de son deuil monstroït l'experience,  
 En cest estat.  
 Pour descharger ses douleurs au cueur painctes  
 En son secret respandoit larmes maintes.  
 Affin qu'apres tint bonne contenance,  
 Mais tout soudain qu'elle avoit souvenance  
 De son malheur, redoubloit ses complainctes ;  
 En cest estat.



## G E N E S.



E mien chapeau de dignité anticque;  
 Par mon gras peuple & commun me-  
 canicque,  
 Fut présenté dessus teste vilaine,  
 Qui pour ce fait injuste & tres inique  
 Fut decolée en ma place publique;  
 Monstrant que crisme est à purger par peine;  
 Ce neantmoins je suis seure & certaine  
 Que oultre son vueil, print mon chapeau Ducal.  
 Mais mon commun non pensant faire mal,  
 Le faisoit lors de mes honneurs & droitz;  
 Parquoy concluz prenant au sens moral,  
 Que borgnes sont entre aveugles les Roys.  
 Cecy pensant desespoir me tormenté,  
 Raige m'assault, & n'estoit folle attente  
 Qui me esjouyt, je ne vivroys une heure,  
 Car je apperçoy la richesse opulente  
 Là ou j'estois en triumphe excellente,  
 Puis la misere en laquelle demeure;  
 En plaisir fuz, ores en ducil labeure;  
 Dame j'estoys, maintenant suis esclave;  
 Du solier suis descenduë en la cave,  
 Jadis battiz, maintenant suis battuë.  
 Conclusion quelque chose qu'on bave  
 Gloire mondaine est legier abbatuë.  
 O! Roy Loys quel bruit, honneur, & gloire  
 Te sera faict en chronique & histoire,  
 Humble avoir fait, moy Genes la superbe,  
 Entre tes faictz cestuy moult te decore;  
 Car quant du cas se perdra la memoire  
 Primpemps sera sans fleur, fueille, ny herbe;  
 Jadis je fuz en ung commun proverbe  
 Dicte superbe, ores humiliade;

Mon nom se meurt & ma gloire est malade ;  
 Taincurier serf m'a tins soubz sa commande ;  
 C'est mal jouié le jeu de Condemnade  
 A qui Roy vient quant ung valet demande.

Et si aucuns vouloient respondre & dire ;  
 Que sans raison je remplis mon cueur de ire ;  
 Et que plus suis franche qu'auparavant ,  
 ( Honneur gardé ) je les veuil contredire ,  
 Car Chastellain n'est point du Chateau Sire ,  
 S'il n'a les clefs de derriere & devant.  
 Subjecte suis , car couchant & levant ,  
 J'ay tousjours guet qui dessus moy prend garde ;  
 Mon Chastellat jadis ma saulvegarde ,  
 Et mon Palais n'ont plus pour moy vertu.  
 Je les ay faitz , que le mau feu les arde ,  
 Tel fait baston dont souvent est battu.

Non assouviz sur roch inexpugnable ,  
 Ilz m'ont construiât ung chateau imprenable ,  
 Qui sur la mer me peult faire tel guerre ,  
 Qu'il n'est gallere encor que le grant dyable  
 En fust patron , s'elle approchoit mon hable ,  
 Qu'on ne la mist par esclatz comme ung verre.  
 Vela comment je suis tenuë en serre ,  
 Hors de l'espoir de mes maulx guarison ;  
 Mais fol penser me dit que trahison  
 Est absconsée en mes creux & speluncques ,  
 Qui tant fera par dorée poison  
 Que plus seray franche que ne fus oncques ;



## P R O S E.



N ces dolozeux & lamentables regretz ; Genes tout ainsi comme desesperee , ne se pouuant plus soubstenir , à cause des terribles & merueilleux accès de dueil , se va jecter à l'envers sur ung liēt , que rai-ge & douleur trop soigneusement luy avoient accoustré dedans une chambre tenebreuse & obscure , tendue de tapis noirs , semez de larmes blanches ; pres de sa couche y avoit une chaise , dedans laquelle estoit assis ung vieil homme chenu ayant le regard espouventable à merveilles , la barbe longue , face & mains veluz , portant plus forme monstreuse que humaine , vestu d'ung manteau & escharpe auquel estoient depainctz gens de diverses sortes , dont les uns ayans les bras croisez , avoient cordeaulx autour de leurs colz . les autres tenoient glaives en leur estomach ; les autres ayans le chef enclin tiroient leurs cheveux ( qui me font à verité dire ) chose si tres terrible à regarder , que fremissant retiray pied arriere , en telle treneur que je trembloye tout ainsi que les feuilles dedans les arbres ; Mais sur ce point soudainement vint illec une Dame de tant belle & gracieuse faconde , la face tant douce & benigne , appelée Raison , portant sur elle vestement de pourpre decoré & enrichy de toutes choses de pris , tant qu'a bref dire la splendeur & refulgence de son tres noble & precieux aornement narrer me seroit impossible ; laquelle si tost que fut entrée apperceut promptement que trop grievees dolances en ce lieu se demenoient . Si fist son approche vers ce piteable liēt , d'aupres duquel elle fist retirer ce vieillart , lequel par son nom elle appella Desespoir : Lors je congneux qu'elle estoit Dame de puissance & auctorité . Si vins parler à icelle povre & quasi desesperee Genes en telle parolles.

*Raison parlant à Genes.*

**L**I E V E ton chef povre Dante esgaré,  
 Cesse ton dueil & regret lamentable,  
 Semble à t'ouyr femme desespérée,  
 D'esprit troublée, & de sens esgarée;

Hors de l'esperoir de salut profitable:  
 Tu te dys estre & povre & miserable,  
 Lors que d'honneur & de biens es prochaine;  
 Cueur delicat se plaint de teste saine.  
 Touchant les motz proferez c'y devant,  
 Là ou tu dys ta puissance estre morte,  
 Tu parles mal, car mettre peulx au vent  
 Voyles & nefz jusques en le Levant,  
 Sans avoir peur que dommaige on te porte,  
 Non qu'on te craigne, ains doubtant la main forte  
 Soubz qui tu es, en tous lieux te peulx mettre;  
 Du chien on seuffre, en la crainte de maistre;

Dormir tu peulx tant les soirs que matins,  
 Sans avoir peur que l'on marche en ta terre;  
 Plus ne craindras Pizans, ne Florentins,  
 Fiers Allemans, Flamens, ne telz mutins,  
 Doubtant celluy qui les fors tient en serre,  
 Esjouys toy, ne te meste de guerre,  
 Car tu as chef qui les haultx au bas ruse  
 Crainct & doubte plus que cil de Meduse.

Demande tu plus ouverte franchise,  
 Que vivre en paix sans crainte de personne;  
 Present Justice en ton clos est assise,  
 Guerre civile en toy plus n'a maistrise,  
 Police regne en triumpbant couronne;  
 Ne doute pas que cest Dieu qui te donne  
 Ces haultains biens, affin que l'on entende  
 Qu'il veult qu'on vive esperant qu'on s'amende.

Par c'y devant en amere souffrance ;  
 Autres plusieurs en extresme malheur ,  
 Ayans d'honneurs & biens grande abondance .  
 Ce nonobstant leur haultaine puissance  
 Ont mort souffert en trop grieve douleur ,  
 Mais toy tu es en estime & valeur ,  
 Ou merit  avoys en ruyne estre ;  
 Ung homme ingrat son bien ne peult congnoistre .  
 Grece est destrui te , estain te & consomm e ,  
 Babylone est en piteuse ruyne ,  
 Troye est perie , arse & toute enflamm e  
 Avec son bruyt & haulte renomm e ,  
 Vela comment le sort fatal chemine .  
 Et d'autres tant par force & par famine  
 Cruellement par terre on a couch  ;  
 Toute misere abonde de pech .

Regarde plus comme jadis Numance ,  
 Thebes , & Rome , Arges , aussi Carthaige ,  
 On mist au bas nonobstant leur puissance :  
 Qui fit cela ? sinon l'outrecnydance  
 De leur orgueil & superbe courage ;  
 Puis que tu as eschapp  ce passage ,  
 Retourne   Dieu , soys humble desormais ;  
 Amendement vault mieulx tard que jamais .

Semblablement tu faitz cris inhumains ,  
 De tes manoirs dont tu n'as plus la garde ,  
 Du chasteau neuf aussi ne plus ne moins ,  
 Pleures sans cesse en destordant tes mains ,  
 Et toutesfois c'est pour ta saulvegarde ,  
 Aussi affin que desormais te garde  
 De deffaillir , mais ailles droi te voye ;  
 Cheval sans bride   tous coups se forvoye .

Doncques en toy prens consolation ,  
 Et plus ne soient les tiens esprits confus ,  
 Car toy vivant soubz la protection  
 D'ung Roy tant crain  par toute Nation ,

En plus hault pris seras qu'oncques ne fus ,  
 Et sur ce point je finiz & concludz  
 Qu'il n'est vivant dont doibves avoir peur ;  
 Soubz bon pasteur les ouailles sont asseur.

## L' A U T H E U R.



Ces remonstrances insolubles & tant louables , Genes congnoissant la cause de son pleur , ne proceder fors de voye oblique , deviante par l'enhortement de inadvertance des metes de bon conseil , se lieue ( toutesfois assez pesamment ) pour ce que trop l'avoit travail extenuée & amesgrye , si se print joignant les mains regracier tres humblement Dame Raison , par laquelle si tost qu'elle fut expoliée & devestue d'ung vil habit de dueil , fut revestue d'ung manteau de satin portant couleur de bleu , semé de fleurs de lis , & lors qu'elle l'eut vestu commença à dire de bouche , & comme je croy de cuer ; soubz ce manteau je vueil vivre & mourir : Adonc yssit hors de ceste hideuse & dolareuse place , & vint entrer en la chambre de vraye congnoissance , a l'instigation de laquelle fermement delibera cesser toutes lamentations , si se print de rechef à parler en ces propres mots.

*Genes parlant , en forme de Rondeau.*



A mercy Dieu , j'ay claire congnoissance  
 Que je suis hors de misere & souffrance ,  
 Et que du bien j'ay plus que ne merite ,  
 Quant le vray Dieu de sa grace me herite ,  
 D'ung si hault Roy comme celluy de France ,

Vaincuë m'a jusqu'a prendre vengeance ;  
 Et nonobstant mon crime & deffillance  
 De luy ne fuz pillée ne destruiete ,

La mercy Dieu.

Mais au contraire ay par luy assurance ;  
 Dont à jamais en son obeissance


A gré me vient de demourer reduyte ,  
 Sans que par nul jamais soye seduyte ,  
 Car la victoire augmente ma puissance ,

La mercy Dieu.

*Fin du voyage de Genes.*

NE TROP NE PEU,





# LE VOYAGE DE VENISE.



U temps que Mars soubz le vouloir  
des Dieux,  
Fist triumpber par gestes glorieux  
Loys Douziésme, aorné par merite  
De bruit & los, que mort ne def-

herite,

Vulcan laissa souffler en ses fourneaux,  
Centaures plus ne battirent metaulx,  
Armes forgeant, car le vray filz unique  
Du Dieu Mavors d'ung fier bras Herculique  
Avoit mis jus la nation superbe,  
Comme la faulx qui renverse toute herbe,  
Remis en paix union & concorde,  
Les heritiers de litige & discorde.

Pour ces haulx faiz & magnanimes gestes  
Joye fut faicte aux regions celestes,  
Car tous les Dieux commencerent alors  
Congratuler le puissant Dieu Mavors,  
Lequel voyant si grans solemnitez,  
Les mercia selon leurs dignitez,  
Et tout premier louä la majesté  
De Jupiter qui luy avoit presté  
Temps opportun, faisant luyre en ses tentes  
Les clairs rayons d'influances faventes.  
A Neptunus qui tant voulut l'aymer,  
Comme de luy pacifier la mer,  
Garder ses nefz, carraques, & galleres;



De rocz, bancz, vens, & vagues trop austeres;  
 A Eolus de ce qu'avoit reclus  
 Dedans ses creux Boreas & Eurus,  
 Licenciant le gracieux Zephire,  
 Pour aspirer aux vœux du puissant Sire;  
 Au Dieu Bacchus rendit graces condignes,  
 Qui tant avoit multiplié les vignes,  
 Que terre adonc portoit pour armarie,  
 Thirses hachez de vigne tres flourie;  
 Dame Cerés qui par miracles hault  
 Regenera tous les dons frumentaux;  
 Remercia Juno semblablement,  
 Qui luy avoit eslargy amplement  
 Les siens tresors, comme à son propre filz;  
 Dame Pallas qui luy avoit prefix  
 Ducteurs experts, & de seure conduicte,  
 Pour gouverner si puissant exercite;  
 Puis à Venus rendit louenge & gloire,  
 De ce qu'apres triumpante victoire,  
 Luy suscita Muses & Adriades,  
 Nymphes des eaux, Nappées, Heliades;  
 Qui de leur voix & instrumens estranges,  
 Luy ont rendu immortelles louenges.

Lors sont ouyz aux mansions divines,  
 Maintz beaulx motetz & chansons celestines,  
 Car Dieu n'y eust, Muse, Nymphes, ou Deesse,  
 Qui n'eust le cuer tout remply de lyesse.

En ceste joye & triumphe autenticque  
 Se presenta vers la court Deificque,  
 Euseuse Paix Dame tres honorée,  
 Prisée es cieulx, en terre désirée,  
 Pres de laquelle, en grant auctorité  
 Estoit Justice avecques Verité,  
 De l'autre part Dame Misericorde  
 Mere de Paix, nourrice de Concorde;  
 Ces Dames lors de grace auctorisées

Pres

Pres Jupiter estoient intronisées ;  
 Auquel prié ont en grant reverence  
 Que Dame Paix pour lors ait audience ;  
 Laquelle chose aux Dames accordée ,  
 Telle Oraison fut par paix recordée .

*Oraison de Paix.*



IEUX immortelz , souverains plas-  
 mateurs ,  
 Vrais Justiciers des droitz guberna-  
 teurs ,

Qui punissez les obstinez & rudes ;

Donnans aux bons gloires , beatitudes ,  
 Reniunerant chascun selon ses faietz :  
 Je vous supply , si mes dictz imparfaictz ;  
 Ose aspirer en si noble assistance ,  
 Que vous vueillez de la vostre clemence  
 Me pardonner , protestant que la bouche  
 Ne dira riens que le cueur ne luy touche :  
 Or est ainsi que Mars Dieu tres puissant  
 Plus que jamais va son nom acroissant  
 De bruit & loz , tant que son diademe  
 Est enrichy de louenge supreme ,  
 Aymé aux cieulx & redoubté en terre ;  
 Plus que Canons vulgaires , ou tonnerre ;  
 Et tellement qu'il detient soubz ses mains ,  
 Comme subjectz tous les siecles humains ;  
 Monarches n'a , Tetrarches , ou Empires ,  
 Qui n'ait tremblé soubz ses fureurs & ires ;  
 Ne bourgs , Chasteaux , Manoirs , Villes , Cham-  
 paignes ,

Ou n'ait planté ses guydons & enseignes ;  
 En mer & terre il a fait deployer  
 Ses estandars , & armes flamboyer ,  
 Que diray plus ? fors que tous lieux terrestres

D

En crainte sont soubz ses belliqueux sceptres ;  
 La terre en croule , & tout l'air s'en offusque ;  
 Mer en fremist , & le feu en corusque ,  
 Poyssons , oiseaulx , & toutes bestes brutes  
 Doubtent ses dars furieux & robustes ,  
 Enfans enclos au ventre de leurs meres ,  
 Craignent sortir pour fureurs ameres.  
 Et qu'ainsi soit voyez Dame Nature ,  
 Qui nuyt & jour moyennant geniture ,  
 Bastist & œuvre hommes fors & puissans ;  
 Lesquelz murtrist en la fleur de leurs ans.  
 Voyez les bledz , vignes , & autres fruietz ,  
 Que nature a de la grace produictz ,  
 Menger en vert , & par mains ravissantes  
 Jecter par terre , entes , arbres , & plantes ;  
 Des Temples saintz rompre les edifices ,  
 Piller , robber , custodes & calices ;  
 Sacrées Nonnains filles de Jesuchrist ,  
 Prinsees à force , & leur honneur perscript ;  
 Chasteaux , Citez , Palais , & Tabernacles ;  
 Tous ruynez sans couverte ou pinacles.  
 O ! Dieux puissans , zelateurs d'amytie ,  
 Du genre humain vueillez avoir pitié ,  
 En permettant que le puissant Dieu Mars  
 Mette au fourreau dagues , & braquemars ;  
 Veu qu'il a eu du monde possesioire  
 Par si longs jours , qu'on en pert le memoire ;  
 Et si ainsi est que par droit congnoissez  
 Que les mondains ayt possedé assez ,  
 Tres humblement vous requiers qu'il vous plaise  
 Pour les jecter & tirer de malaïse ,  
 Me donner lieu en region terrestre ,  
 Tant qu'il soit dit qu'on m'ait veuë en terre estre ,  
 Ou autrement on dira que la guerre  
 M'a exillée & bannye de terre.  
 Dire on le peult , car puis Cesar Auguste ;

L'on ne vit paix en terre, qui fust juſte ;  
 Je ne diz pas qu'on n'ait fait des paix maintes ;  
 Mais quoy, c'eſtoient trahiſons ſoubz paix ſaintes ;  
 Et tout ainſi qu'en eave troblée on peſche ,  
 Soubz faulx ſermens trahyſon ſe depeſche :  
 Ainſi laiſſay la terre pour leurs troubles ,  
 Car demourer ne puis entre gens doubles ,  
 Il fault amour , verité & juſtice ,  
 Qui veut avoir de paix le benefice .  
 Or eſt ainſi tres hault Dieux aſſiſtans ;  
 Qu'il y a ja mil cinq cens & huit ans  
 Que n'ay trouvé temps opportun n'eſpace  
 De m'en aller vers la manſion baſſe ,  
 Fors à preſent qu'en region Gallicque ,  
 Je voy ung Roy triumphant , magnificque ,  
 Plain de vertu , hardy , laborieux ,  
 Cueur magnanime , & bras victorieux ,  
 Et eſt celluy qu'on peult nommer ſans vice ;  
 Amy de paix , zelateur de juſtice ,  
 Hayant debatz , inventeur de concorde ,  
 Chef belliqueux plain de miſericorde ,  
 Dont le regne eſt tant ou plus decoré ,  
 Que cil Saturne en ſon aage doré :  
 Plaiſe vous doncq' tres haulte eternité ,  
 Si que puiſſions regir en unité  
 Les Siecles bas , que en terre je deſcende  
 Soubz ceſtuy Roy qui me veut de ſa bande .

## L' A U T H E U R .



E S Dieux oyans de Paix l'humble  
 oraïſon ,  
 Fondée en droit , equité , & raiſon ;  
 Tous d'un accord au conſeil aſſiſte-  
 rent ,

Auquel fut dit , & ainſi decreterent ,

Dij

Des deux partis le cas bien debatü ;  
 Que le Dieu Mars grandement avoit eu  
 Pouvoir en terre , & que l'humain lignaige  
 Plus ne pouvoit supporter son oraige ;  
 Et au surplus quant les Dieux forgerent  
 Leur fille Paix , puissance ilz luy donnerent ,  
 Non seulement es cieulx , mais en la terre ;  
 Dont sembleroit que Mars vouldroit acquerre  
 Sur Dame Paix vraye succession ,  
 Par les longs jours de sa possession ,  
 Laquelle chose en droit ne se peut faire.  
 Lors ont jugé finissant cest affaire  
 Que le Dieu Mars ses estandars plieroit ,  
 Et Dame Paix en terre descendroit ;  
 Qui lors ouyst la fouldre & le tonnerre ,  
 Que Mavors fist au sortir de la terre ,  
 Bien eust eu cueur plus dur que roch ou marbre ;  
 S'il n'eust tremblé comme la fueille en l'arbre ;  
 Les aers en font de pouldres & fumées  
 Noirs & obscurs , & les eaves embrumées  
 D'oraiges , vens , naufrages , & tempestes.  
 Mais tout soubdain des divins lieux celestes  
 Paix descendit , qui tel clarté donna ,  
 Qu'en ung moment le siecle illumina.  
 Les yeulx mortelz de vice intoxiquez ,  
 La cuydant veoir estoient tous offusquez ;  
 Ainsi laissant la salle syderée ,  
 Vint volitant en la chambre etherée ,  
 Et furent lors ses doux yeulx incitez  
 A contempler Villes , Chasteaulx , Citez ;  
 Unes montans en grant préeminance ,  
 Aultres rumbans en basse décadence ;  
 La peut choisir en ruynes gifantes ,  
 Troye & Mede , jadis Citez puissantes ,  
 Rome elle vit qui fut chef des humains ;  
 Demye au bas , venant du plus au moins.

Des grans pallays, theatres, collifées ;  
 Tous defrompuz, & medailles brifées ;  
 Ou Empereurs & chefs des creatures  
 Souloyent menger, estoient fange & ordures.

Paix qui jadis en ce lieu habita,  
 Print à plourer, car pitié l'incita,  
 Difant ainfi, Povre Cité mefchante,  
 Aux jours heureux qu'en toy fuz demourante ;  
 Et que Justice en droit tu honnoras,  
 De bien en mieulx regnas & prosperas ;  
 Mais injustice avec diflention,  
 M'en mifrent hors, alors que ambition  
 Voulut semer au clos de tes murailles,  
 Conjuremens & civiles batailles.

Ces motz finiz, par eſtranges climatz  
 Vit eſlever bruynes & frimatz,  
 Qui procedoient d'un viel gouffre aquatique ;  
 Prenans fon cours de mer Adriatique,  
 Deſſus lequel par haultaine diviſe,  
 Fondée fut la Cité de Veniſe,  
 En qui va veoir cinq tres laydes chymeres ;  
 Filles d'Enfer & de tous vices meres,  
 Et font leurs noms Trahyſon, Injuſtice,  
 Rapine, Uſure, & leur mere Avarice,  
 Avec leſquelz recongneuz clerks, & lais,  
 Qui d'aultruy bien baſtiſſoient leur palais ;  
 Mais lors que Paix ſe voulut approcher  
 Pres de leurs corps, euſſiez veu deſmarcher  
 Ces monſtres faulx cryans parmy leur Ville,  
 Comme Lombars de qui la robe on pille.

Paix non voulant uſer de violence,  
 Se retira, ſachant que reſidence  
 O telle gens ne luy eſt couſtumiére,  
 Car tout ainſi que obſcurté & lumiere  
 Ne ſe pouroient enſemble incorporer,  
 Avec vertu ne peut vice durer,

Parquoy en l'aër ses aëles esbranla ;  
 Laissa Venise , en France s'en alla ,  
 Et la estant a ses doux yeulx espars ;  
 Pour contempler France de toutes pars ;  
 Ou elle vit sans discorde ou faintise  
 Sa sœur Justice en trosne d'or assise ,  
 Pres de laquelle aperceut l'humble ancelle  
 Dame Police , aînée fille d'elle ;  
 De l'autre par soubz haultains tabernacles ,  
 Haulx eslevez & antiques Pinacles ,  
 Vit triumphe en gloire magnificque ,  
 Nostre grant Mere Eglise Catholique ,  
 Laquelle avoit association  
 De Dame Foy avec Devotion.  
 Puis regarda par boys , villes , & champs ;  
 En seureté marcher loyaux marchans ,  
 Laboureurs vit repaître en leurs maisons ,  
 Sans craincte ou peur , plus fiers que gentils homs ;  
 Plus les piloyent Cordeliers , Moines , Carmes  
 Que avanturiers , frans archiers , ny gensdarmes ;  
 Semblablement sur menuës herbettes ,  
 Vit Pastoureaux garder leur brebiettes ,  
 Riens plus que loups ne leur menoient la guerre ;  
 Car seurs estoient des hommes de la terre.  
 Paix de ce veoir tres grandement joyeuse ,  
 Commence à dire ; O ! Nation heureuse ,  
 Tant sont tes jours fulciz & decorez ,  
 Tant est ton Roy ; entre les bienheurez  
 Digne de loz , qui par gestes belliques  
 De jour en jour enrichist tes chroniques ;  
 Car puy Clovis , sans les aultres blasmer ,  
 Plus puissant Roy l'on ne sçauroit nommer ,  
 C'est celluy seul qui a mené la guerre  
 En lieux forains , laissant Paix en sa terre ,  
 Faisant les roc̃z & montaignes crouller ,

55

Et guerre ( à droict ) sans son peuple fouller.  
 Disant ces motz , de rechef s'en volla  
 Parmy les aers , regardant ça & la ;  
 Et tellement qu'en la fin s'est gectée  
 Dedans Cambray , ou elle fut traictée  
 De Pape , Roys , Empereur , Ducz , Marquis ;  
 Si noblement , & de metz si exquis ,  
 Qu'il n'est possible en telz actes mieulx faire .  
 Chascun adonc voulant sçavoir l'affaire  
 De Dame Paix , luy vont faire requeste ,  
 Que lors luy pleust , sans plus user d'enqueste ;  
 Leur racompter la cause & la raison  
 Qui l'amenoit en icelle maison.  
 Lors commença leur deduire comment  
 Elle venoit par le commandement  
 De tous les Dieux pour gouverner soubz elle  
 Tous les climatz de terre universelle.  
 Apres leur dist comme elle avoit esté  
 Par tous les lieux de la Chrestienté ,  
 Ou avoit veu lieux pour elle propice ;  
 Que luy gardoient Verité & Justice ,  
 Fors qu'en ung lieu vers la mer Adriane ;  
 Qu'elle congneut en basse Barbacane ,  
 Dedans ung gouffre obscur & bruyneux ,  
 Venicien , cinq monstres merveilleux ,  
 Lesquelz si tost que de loing l'adviserent ,  
 Vindrent vers elle & hors la dechasserent .  
 Les assistans qui paix eurent entre-eulx ,  
 Conclurent lors d'un desir vertueux ,  
 Pour & affin qu'elle peust dominer  
 Chrestienté , & soubz elle regner ,  
 Qu'ilz chasseroient de ces gouffres marins  
 Ces chiens d'enfer & monstres barbares ,  
 Pour en ces lieux mettre en auctorité  
 Dame Justice avecques Verité .

Adoncques Paix congnoissant leur entente



S'en volle en l'aer, d'avecques eulx s'absente ;  
 Et la demeure attendant que Justice  
 Parmy le monde ayt mys droit & police ;  
 En delaissant jusques à son retour,  
 Entre Seigneurs union & amour.

*Exhortation aux Princes Chrestiens.*



N la forest de ce monde terrestre,  
 Ou selon Dieu chascun doit en paix  
 estre,  
 S'est eslevé un lyon ravissant,  
 Griffant, mordant, à dextre & à se-  
 nestre,

'Accumulant en sa caverne & estre  
 Clos, manoirs, parcs, & le fruit d'eulx issant ;  
 Ja avoit-il du chesne flourissant  
 Rongé le gland, & par force & cautelles  
 En allebrant du grant aigle les aësles,  
 Jeté ses grifz sur la queue au serpent,  
 De tous climatz paisibles ou rebelles  
 Mengeoit les fruitz & possessions belles :  
 De biens d'autrui ( sans paour ) chiche despend.

Alors j'oüy souffler par la forest  
 Ung porc espic, qui voyant l'interest  
 Qu'on luy faisoit, bruoyt oultre mesure,  
 Ses dars fronçoit tant qu'a veoir son aprest ;  
 Bien se montroit deliberé & prest  
 Garder ses pars & royale pasture ;  
 L'aygle haultain despit de la fracture  
 De son plumaige, entend à y pourvoir :  
 Autres oyseaulx adonc firent devoir  
 De s'acoustre pour le lyon deffaïre.  
 Ung Espagnol vint brillant pour avoir  
 Quelque boyau, comme sçachant pour voir  
 Que du lyon curée on devoit faire,

Ce fier lyon non affouvy de prendre ;  
 Rapinoit tout , soubz espoir de non rendre ;  
 En ensuyvant sa loy faulse & inique ,  
 Qui dit qu'on n'est d'usurper à reprendre ,  
 Mais qu'en rendant on pourroit bien mesprendre  
 Contre saint Marc , & la chose publicque.  
 Qu'il soit ainsi le premier qui explicque  
 Par bon conseil de rendre aucune chose ,  
 Par ceste loy , à dure mort s'expose.  
 O ! faulce loy , lyon qui tout desrobe ,  
 Le temps approuche , auquel fault que depose  
 L'avoir d'aultruy , car Dieu veult & dispose  
 Que tu n'ays rien , fors ta premiere robbe.

Pere tres saint bien vous vouldroys requerre ;  
 Que du povoir que vous laissa saint Pierre  
 Le mauldisez , comme Cain filz d'Adam ,  
 Et rengrez d'ung si rudde caterre ,  
 Que abismé soit au centre de la terre ,  
 Comme jadis Abiron & Dathan :  
 De vostre chesne il a mengé le glan ,  
 Et vostre avoir avec le sien enferme ,  
 Faietes sonner dedans Rome l'alarme ,  
 Remettez sus Scipions & Cefars ,  
 Et qu'il n'y ayt Prebstre , Moyne , ne Carme  
 Qui à present ne trenche du Gendarme  
 Pour expulser ce lyon de voz parcs.

Comment lyon ? mais cruelle chimere ,  
 Qui transgloutist & devore sa mere  
 La sainte Eglise , ou vous estes le chef ,  
 Montrez vous donc naturel & vray pere ,  
 Et ne souffrez que ce bastard vipere  
 Face sur vous si horrible meschief ;  
 Car pour venir de son emprinse à chief ,  
 S'efforce mettre aux chrestiennes places  
 Chiens barbarins , extraictz de viles races ;  
 Turcs , Tartarins , Mammeluz , Mahometz ;

Pourtant Prelatz tournans à Dieu voz faces ;  
 Convertissez voz roquetz en cuyraces ,  
 La croce en lance , & mistres en armetz.

Sacré Auguste Empereur magnificque ,  
 Volland sur terre en puissance bellique  
 Ainsi que l'aigle ayant vol jusqu'aux cieulx ;  
 Permettez vous que d'une gent inique  
 Soit occupé l'Empire Cefarique ,  
 Dont possédez les Sceptres glorieux ?  
 Remenorez que faictz victorieux  
 Font vivre l'homme en memoire eternelle ;  
 Si vous souffrez qu'ung oyseau de basse aelle  
 Au nid de l'aigle aille à force loger ,  
 Vostre hault nom trop plus luyfant qu'estoille ;  
 Se ternira par reproche immortelle ,  
 La vie on met pour l'honneur en danger.

Marchez aux champs , fuscitez voz guydons ;  
 Faictes sonner trompes , fifres , bedons ,  
 Et reveillez Allemans & Germains ,  
 Mettez sus dardz , lances , picques , bourdons ,  
 Artillerie , & tous autres bastons ,  
 Pour debeller ces larrons inhumains :  
 Des ans y a quatre vingts qu'en leurs mains  
 Tiennent Vincence , aussi Pade & Veronne ,  
 A vous ilz sont , raison veult & ordonne  
 Que les ayez par bonne & juste guerre.  
 Si je dis mal , pour Dieu qu'on me pardonne ;  
 Mais nul n'est digne avoir sceptre ou couronne ,  
 S'il n'a le cueur de defendre sa terre.

Tres-chrestien vertueulx Roy de France ,  
 Portant le lys qui du ciel print naissance ,  
 Sacré de l'huile aux saintz cieulx embasmée ,  
 Fort Hercules d'invincible puissance ,  
 Venez dompter & bouter à oultrance  
 Le fier lyon en la forestz Nemée ;  
 Vaincu avez le More & son armée ,

Genes soubmis, ses orgueilz abbatuz;  
 Ce sont les chiens que vous avez battuz  
 Devant ce fier lyon insatiable,  
 Qui non pourtant gette ses grifz pointuz  
 Sur Pape, & Roys, sur le Turc, encore plus;  
 Ainsi robe il Dieu, le monde, & le dyable.

Si tant de Roys par haultain privilege,  
 Papes plusieurs ont remis en leur siege,  
 Ne souffrez pas qu'en voz bien heurez jours  
 Ce fier lyon marche en ce saint college,  
 N'en vostre terre, ains l'attrapez au piege;  
 Car ung laron ne doit regner tousjours;  
 Et pour ce cas faictes sonner tabours,  
 Marcher vostre ost & belliqueux charroy;  
 Faictes trembler au son de ce beffroy  
 Villes, chateaulx, Alpes, rocz, & montaignes;  
 Tant que chascun dye : Le tres bon Roy  
 Loys Douxiesme en triumpant arroy,  
 Dedans Venise a planté ses Enseignes.

Roy Catholicq' tres illustre & puissant;  
 Croissant en force, en vertu florissant,  
 Digne de loz & d'immortelle gloire,  
 Pour Dieu voyez ce lyon ravissant  
 En voz pastis fueilles & fruiçts paissant;  
 Comme dedans son propre territoire,  
 Deschassez le par main gladiatoire,  
 Car le vouloir de ses communaultez  
 Est de submettre Empires, Royaultez,  
 Pour estre enfin Seigneurs de tout le monde;  
 Mettez vous sus, domptez leurs cruaultez,  
 Car Dieu voyant leurs grans desloyaultez,  
 Veult & permet que'en bref on les confonde;

Faictes mouvoir sur ce fleuves marins,  
 Barques & nefz, galiens, brigandins,  
 Pour effondrer les escumeurs courfaires;  
 Mettez sur champs Espaignolz, Bisquains,

Lances , harnoys , & canons , serpentins ,  
 Estradiotz , & legiers generayres ,  
 De Ysles faillez chameaulx & Dromadaires  
 Tant qu'il soit dit par toute la Monarchie ,  
 Voyla ung camp qui en grant fierté marche ,  
 Pour rendre serfz ceulx que veullent conquière :  
 Veniciens qui tenez en vostre arche  
 Les biens d'aultruy , faictes une desmarche ,  
 Car à ce coup perdrez honneur & terre.

## R O N D E A U .



E mon conseil seigneurs Veniciens  
 Ains que crier , deslogez de ceans ,  
 A ung chascun pensez de satisfaire ,  
 Ou autrement je vous verray des-  
 faire ,

Et meüre nudz ainsi que Egyptiens.

Avant souffrir les assaulx Martiens ,  
 Rendez au Pape & Princes Chrestiens  
 Ce qui est leur , car vous le debvez faire ,  
 De mon conseil.

Des biens d'aultruy vous estes terriens ,  
 Rendez les donc , puis que n'y avez riens  
 Sans jamais plus aleguer le contraire ,  
 Ou l'on mettra voz corps en tel affaire ,  
 Qu'il n'y fauldra point de chirurgiens  
 De mon conseil.



*De la fondation de Venise , & des Loix & Meurs  
de Veniciens.*



U N G Athila de Hunnes puissant Roy,  
Après avoir par militant arroy  
Reduit à soy la Nation Lombarde ,  
Aulcuns ruraux redoubtant son char-  
roy ,

Prindrent la fuyte en merueilleux effroy ,  
Par tous climatz querant leur saulvegarde ;  
Voyans n'avoir en terre seure garde ,  
Pour eux saulver sur la mer se gectèrent ,  
Aupres d'une Isle inhabitée ancrerent ;  
Entrez deds dans chascun bastist & oeuvre ,  
Sur pillotiz leur Ville commencerent ,  
Laquelle puis *Venetias* nommerent ;  
Necessité met les lasches en oeuvre.

Dessus le bord de Mer Adriaticque ,  
Bastie fut Venise l'auctenticque ,  
Par ces ruraux & campestres Lombars ,  
L'ung faict maisons , l'autre du tout s'applique  
Pescher en mer , chascun cherche pratique ;  
Necessité est la mere des Ars.

Larrons bannys par tous pays espars ,  
Fuyans justice , & demandans franchise ,  
Vindrent peupler la Cité de Venise ,  
Galleres font , toutes Mers escumerent ,  
L'ung robbe & prent , l'autre use de main mise ,  
L'ung s'enrichist , & l'autre s'auctorise ,  
En tel façon creurent & pullulerent.

L'an quatre cens cinquante-quatre en somme ,  
Regnant pour lors es parties de Rome  
Pour Empereur neufiesme Martian ,  
Prindrent leur naistre en desfrobbant tout homme  
Par terre & mer , voyla la façon comme

Firent la Loy, qui en a, il est sien;  
 Laquelle ilz ont puyz gardée si bien  
 Qui n'est Royaulme, Empire ne Duché;  
 Ou ces pescheurs n'ayent prins & pesché:  
 Prendre & non rendre est leur droit & statu;  
 Et quelque dict que l'on leur ay presché,  
 Prendre est bien fait, mais de rendre est peché:  
 Gens vitieux font de vice vertu.

Les grans larrons faignans donner police,  
 Au bien public establirent Justice,  
 Dont se font faitz maistres & gouverneurs  
 Usans du Droit comme va l'escrivice;  
 Car le pecheur juge celluy sans vice,  
 Ainsi les grans devorent les mineurs;  
 Et pour avoir des Nobles les honneurs  
 D'un fier lyon firent leur Armarye,  
 Ayans les piedz en mer, terre & prairie;  
 Disant qu'on doit prandre par tout qui peult;  
 Ce qu'ilz ont fait, car par rap, tromperie,  
 Ont augmenté & creu leur Seigneurie,  
 Malle herbe croist trop plus que l'on ne veult.

Faire cuydoient comme antiques Romains,  
 Mais leur terrouer n'a seu porter les mains  
 Ne les fiers bras des Cefars & Pompées;  
 Je sçay assez qu'ilz ont eu d'autres maintz  
 Bons chefs de guer Hongres, Lombars, Germains  
 Qui pour eulx ont au trenchant des espées  
 Gagné chasteaulx, & villes usurpées,  
 Pensant avoir pour leur haultes conquestes,  
 Arcs de victoire & triumphes honnestes,  
 Ainsi qu'avoient Romains d'antiquité,  
 Mais ces villains pour loyer de leurs gestes  
 Baillent boucons, ou leur couppent les testes;  
 En peuple trahistre il n'y a seureté.

Pour deux raisons comme j'ay peu sçavoir,  
 Les font mourir, l'une qu'ilz craignent veoir

Que le commun devant eulx les prefere ;  
 L'autre que à faire leur devoir ,  
 Tous leurs chasteaulx , villes , or , & avoir ,  
 Ne suffiroit à bien les satisfaire.  
 Or s'ilz prenoient qu'ilz desirent attraire ,  
 L'amour du Peuple ilz sont en grant balance ;  
 Quant de bailler , or , argent , & chevance ,  
 Leur nature est d'aller tout au contraire ,  
 Parquoy concluent pour eviter despense ,  
 Que male mort sera la recompense ;  
 Servez telz gens , vous aurez tel salaire.

Si vous lisez leurs gestes & chroniques  
 La grant horreur de leurs faitz tyranniques  
 Fera tremeur en leurs cueurs & courages :  
 Tigres , lyons , ours , serpens , basillicques  
 Sont plus humains en leurs creux & boutiques  
 Que ces vilains quant entrent en leur rage ;  
 Tant de leurs Ducz par cauteleux outrage  
 Ont mis à mort , que piteux est le compte.  
 A ce propos Senecque nous racompte  
 Que seigneurie inique ou trop injuste ,  
 Ce neantmoins que par ung temps monte  
 Le jour advient qu'elle tombe à sa honte  
 Comme la tour qui n'est bastie au juste.

Sur Empereurs , Roys , Marquis , Ducz &  
 Princes ,  
 Ont tant griffé de leurs mordans espines ,  
 Qu'ilz ne se pourroient de perte exempter ,  
 Les ungs y ont perdu terres , provinces ,  
 Et les aucuns sont devenuz si minces ,  
 Qu'il n'est possible eulx jamais remonter ;  
 Non affouviz du temporel dompter  
 Sur sainte. Esglise , Christianissime ,  
 Ravenne ont prins Cité de grosse estime ,  
 Fayence aussi est tumbée en leurs trappes ,  
 Et oultre plus , qui est horrible crisme



Des Eveſchez, Benefices & diſme  
 Vont diſpoſant, comme s'ilz fuſſent Papes.  
 Ainſi ont prins les biens du Crucifix,  
 Comme larrons en larrecin confiz,  
 Pour deſrober Dieu, le monde, & le dyable;  
 Monſtrans aſſez qu'ilz ſont du dyable filz,  
 Quant avec Turcs pour faire leurs prouffitz  
 Sont frequentans, qui eſt choſe damnable.  
 Toute censure ilz reputent à fable,  
 En deſpriſant du Pape la puiſſance:  
 Autre Dieu n'ont que l'or, c'eſt leur creance;  
 Faulte de foy les vous ont renduz telz,  
 Et qu'ainſi ſoit plus leur eſt de grevance,  
 Mille eſcus perdre en or ou en chevance,  
 Que avoir commis mille pechez mortelz.

Mais Dieu voyant que ſatisfaction  
 Ne veullent faire, & que obſtination  
 Les tient liez par folle accouſtumance,  
 A inſpiré par divine action,  
 Les cueurs des Roys à faire paſſion  
 De juſte paix, & prendre d'eulx vengeance;  
 D'entre leſquelz le puiſſant Roy de France,  
 Loys Douzième, a voulu condeſcendre  
 Au vueil de tous, premier ſur eulx deſcendre;  
 Sans leurs ſecours, ainſi fut delegué,  
 Lequel accord je ne puis bien comprendre,  
 Fors que craintifz ne veulent chemin prendre  
 Par telz maretz, ſans eſſayer le gué.

En ce traité premier eſtoit le Pape  
 Lequel vouloit remettre ſoubz ſa chappe  
 Sarraſane, Cernye, auſſi Fayance:  
 L'Empereur veult retirer de leur trape  
 Plusieurs Citez d'imperialle eſtapes,  
 Comme Veronne & Pade, auſſi Vincence;  
 Le Roy pretend à toute diligence  
 Remettre à foy Creme & Breſſe la gente,  
 Bergame

Bergame aussi Cremonne l'opulente ;  
 Toutes Citez du Duché de Milan.  
 Le Roy d'Espaigne a vouloir & attente  
 Ande ravoir , Mane , Trave , & Ottrante ;  
 Avant qu'il soit venu le demy l'an.

Ainsi chascun se delibere aux armes ,  
 Gaigent pietons, francs archiers, hommes d'armes ;  
 Postes Heraulx à Venise on envoie ,  
 France s'esmeut , Rome court aux guisarmes ,  
 La Germanie entendant bien les termes ,  
 Avec Espaigne aux armes se convoye ,  
 Mais toutesfois nul ne se met en voye ;  
 Fors que le Roy , qui d'ung hardy courage  
 Se gette aux champs avecques son bernage ,  
 Tant que soubz luy tremblent rocz & montaignes ;  
 Car , comme on dit en ung commun langage ,  
 Là ou le Roy en armes fait passage ,  
 Dix ans apres y restent les enseignes.

Qui vit adonc rustres aventuriers  
 Testes lever , courir aux armuriers ,  
 C'estoit plaisir , car chascun d'eulx bien cuyde  
 En cestuy an tous estre treforiers.

Dit le Picard , *plais Dieu chés usuriers*  
*Me rempliront me borche qui est vüide.*

*Par saint Miquel se Dieu nous est en ayde ;*  
 Dit le Normant , *je reviendray grant mestre.*

*Bo cap de bien , non sapi que bol estre ,*  
 Respond adonc Arnoton de Gascongne ,  
*Mais si pody sur quelque ung la main mettre ;*  
*S'il n'a ducatx & fut il Monge ou Prestre ,*  
*F'on le batray comme ung billain ibrogne.*

Normanville a deffoubz ses estandars  
 Mille & cinq cens Normans hardiz souldars ;  
 Cinq cens Picars Montcauray a mis sus ,  
 Cadet Duras ameine de ses pars  
 Mille Gascons humains comme lyepars ,

Ayans les doys aussi prenans que glus.  
 Puis autre mil sans malle ne bahuz,  
 Le cappitaine Odet met sur les champs.  
 Moullart conduit mille loyaulx marchans,  
 Bayard cinq cens, le seigneur de la Crote  
 Autant en a avecques luy marchans,  
 Gens de conseil, justes & non meschans,  
 Car volentiers payent deux foys leur hoste.

Mil hommes a le seigneur de Vandenesse,  
 Qui ne voudroient forger une finesse  
 Pour cent marcs d'or, tant sont de conscience;  
 Roussillon mil gens tous plains de sagesse,  
 Car avant l'an chascun d'eulx se confesse  
 Cinq ou six fois, c'est belle repentance.  
 Ymbault cinq cens hommes de grant science  
 Aussi rassis comme beau vis argent.  
 Autres cinq cens en ordre bel & gent  
 Marchent dehait soubz le chevalier Blanc;  
 Bons escoliers disciples de Pregent,  
 Tant liberaulx ilz sont à toute gent  
 Qu'ilz ne manient jamais ung petit blanc.

Le bon seigneur du Tresvel en a mille  
 Qui ont juré ne porter croix ne pille,  
 De peur d'avoir le bruit d'estre usuriers;  
 Puis Olivier de Silly homme habille  
 Cinq cens en a, toute bonne famille,  
 Doulx comme chatz, loyaulx comme meusniers;  
 Richemont mayne autant d'aventuriers,  
 Vrays innocens au desroc de dez & flus,  
 Comme Judas fut de la mort de Jesus;  
 Puis les cinq cens Jaques Cor font merveilles.  
 Monsieur Despiz cinq cens, & au surplus  
 De Pionniers cinq cens tant maloistrus  
 Qu'ilz ne scauroient finer trois cens oreilles.

Adonc veilliez estandars & guidons  
 Getter au vent, sonner fifres, bedons,

Rutres marcher plus fiers qu'Éstradietz ;  
 Baïstons à feu , serpentines , canons ,  
 Font ung tel bruit qu'il semble que les montz  
 Doyvent tomber deffoubz les chariotz ;  
 Les Pionniers y sont en chair & os ,  
 De pics & paulx & grans barres garniz ,  
 Trenchent les rocz , font les chemins uniz ;  
 Laquelle chose est difficile à croire ,  
 Mais ce sont gens , si de vin sont garnis ,  
 Qui couperroient quatre montz de Senis ,  
 Rien ne leur est impossible apres boire .

Et pour autant qu'a Genes jusqu'a l'herbe ;  
 Rongeoient par tout , pilloient lien & gerbe ,  
 Le Roy icy leur bailla Capitaines ,  
 Nobles scavans , car ce dit le proverbe ,  
 En peu de temps vilain se rend superbe ,  
 S'il n'a ung chef qui luy serre les veines .  
 Douceur d'Abbesse attraiet Nonnes mondaines ;  
 Myre piteux rend infaiete la playe ;  
 Dont est bien droit qu'a selz gens on employe  
 Homme vaillant , robuste & de maison ;  
 Car si le serf devant le chef ne ploye  
 Le chef n'est digne à gouverner une oye :  
 A pesant beuf il fault dur esguillon .

Adventuriers jusqu'a Millan marcherent ;  
 Passant pays honnestement payerent ,  
 L'hoste est heureux qui avec eux pratique ;  
 Ainsi vivans Alpes & rocs passerent ,  
 Leur cheffz de guerre aussi les gouvernerent ;  
 Brebis sans paitre entrent au chemin oblique ,  
 Qui lors les veit marcher deffoubz la picque ,  
 Dire pouoit contemplant leur maintien ,  
 Que quant à eulx Suiffes n'est plus rien ,  
 Ilz ont le cueur , force , sens , & vaillance ;  
 Aiment leur Roy , parquoy dy & maintien  
 Que qui vouldra les gaiger aussi bien ,

On trouvera prou Suiffes en France.

Le Roy ſçachant par vraye experience ;  
 Qu'en fait de guerre il n'eſt que diligence ;  
 Part de Lyon , devers Grenoble tire ;  
 Le peuple lors regrettant ſon abſence ,  
 Larmes aux yeux diſoient en reverance ,  
 Noſtre bon Roy , Dieu te vueille conduyre ;  
 L'ung le regrette , l'autre plaint & ſouſpire ;  
 L'autre maudit qui le conſeil luy donne ,  
 Diſant ainſi , l'on ne doit la perſonne  
 De noſtre Prince ainſi mettre en hafart ,  
 L'autre reſpond , ta raiſon n'eſt pas bonne ,  
 Car des brebis que paſtour abandonne ,  
 Souvent le loup en devore à l'eſcart.

Bourgeoys , marchans , & peuples mecaniques  
 Sont tous perplex en leurs bancs & boutiques ,  
 Preſtres en pleurs convertiſſent leurs chantz ,  
 Mais leurs douleurs ſont fleurs aromatiques  
 Au pris de veoir povres payſans ruſtiques  
 Tordre leurs mains , cryans parmy les champs ;  
 Diſans ainſi , Prenons glayves tranchans ,  
 Prenons harnoys , prenons cottes de maille ;  
 Et le ſuyvons en quelque lieu qu'il aille ,  
 C'eſt noſtre Roy , noſtre pere & appuy ,  
 Car mieulx nous vault ſoit d'eſtoc ou de taille ;  
 Le deſſendant mourir en la bataille ,  
 Que de languir en douleur apres luy.

Encor n'eſt riens envers la grant deſtreſſe  
 De noſtre bonne & loyalle maiſtreſſe ,  
 Royne ſans per Duchefſe de Bretaigne ,  
 Qui congnoiſſant que le chef de nobleſſe ,  
 Son vray eſpoux , l'abandonne & delaiſſe  
 Pour guerroyer en mortelle champaigne ,  
 En pleurs & plains & en larmes ſe baigne ,  
 Conſiderant que fortune eſt muable  
 Et que partye eſt forte & guerroyable ,

Mais qui pis est trahistres & cautelleux :  
 Puis sent le cueur son mary tant notable ;  
 Qu'a jeu de guetres onc ne dist , à la table ;  
 Pluſtoit jouroit à quatre jeux les deux.

Pour ces raisons en douleur vehemente ,  
 Son cueur royal jour & nuyt se tourmente ;  
 Sentant le jour du depart approcher ,  
 Lequel tant plus s'aproche & plus augmente  
 Ses grans douleurs , car brief se voit absente  
 De tout le bien qu'au monde tient plus cher ;  
 Lors elle veult son voyage empescher ,  
 Considerant l'yſſuë dangereuse  
 De dur estour en bataille doubteuse ;  
 Ce que ne peult mais fault abandonner ;  
 Le sien mary dont elle est angoisseuse ,  
 Bien congnoissant qu'en guerre perilleuse  
 Seur est l'aller , doubteux le retourner.

Or est le Roy de Lyon departy ,  
 La Royne adone ne luy fault departy ,  
 Ains le convoye & craint la departie ,  
 Le cueur ayant perplex & esparty ,  
 En disant , Guerre helas ! ce vient par ty ;  
 Quant de mes yeulx absentes ma partye ,  
 Si de noz corps present faitz my partye ,  
 Les cueurs loyaulx demeurent joincts à part ;  
 Dont n'est possible en faire le depart ,  
 Car sans discord en toute part yront ,  
 Et si quant mort qui tous humains espart ;  
 Vouldra des corps prendre mortelle part ,  
 Pource les cueurs ja ne despartiront

Le Roy , la Royne à Grenoble arriverent ;  
 Princes & Ducs avecques eulx marcherent ,  
 Comme Alançon , Bourbon , Fouez & Dunois ;  
 Vendosme aussi , & Calabre assisterent ,  
 Lesquelz pour lors incessamment parlerent  
 De grans courſiers , haches , bardes , harnois ;

Plus n'est parlé de joustes & tournoys  
 Faiz à plaisir, mais de guerre à oultrance ;  
 A feu & sang, car le preux Roy de France  
 A iuste droit veult ses terres r'avoir.  
 Veniciens qui en ont jouïssance  
 Mettent sur champs grosse armée & puissance  
 Deliberez de bien le recevoir.



**O**R est Montjoye, alors premier roy  
 d'armes,  
 Homme discret, très elegant en ter-  
 mes,  
 De par le Roy à Venise transmis ;  
 Lequel chargé de ce dont est commis  
 Se met en voye, & sans faire séjour  
 Du mois d'Avril le quatorziesme jour  
 Mille cinq cens & neuf, environ nonne  
 Entra dedans la Cité de Cremonne,  
 De sa cotte d'armes lors revestu,  
 Monstrant face d'homme de grant vertu.  
 Devant luy fist marcher & avant mettre  
 La trompette de Monsieur le Grant Maître ;  
 Lequel portoit desployée en sa trompe  
 Des fleurs de lys la baniere en grande pompē,  
 En cest estat dedans Cremonne entrerent,  
 Ou tost apres leur charge declarerent.  
 Apres disner de leurs armes royales  
 Bien acoustrez, vindrent dedans les salles  
 Du grant Palays, dedans lequel estoient  
 Plusieurs seigneurs qui Montjoye attendoient,  
 Entre lesquelz avoit auctorité,  
 Le Cappitaine estant en la Cité :  
 Semblablement y fut le Potestat  
 Des plus avans, ainsi que à son estat  
 Appartenoit, desquelz en la presence  
 Ledit Montjoye avec toute silence,

Affurement, comme au cas bien instruit ;  
Leur proposa le narré qui s'ensuit.

*Harangue de Montjoye à ceulx de Venise estans dedans Cremonne.*

**S**EIGNEUR Cappitaine, & vous Prestat, le tres Chrestien Roy mon souverain Seigneur m'envoye vers vostre seigneurie de Venise, pour leur notifier & declarer son vouloir. Et m'a expressément chargé passer par ceste Cité, laquelle il dit estre sienne pour les raisons & causes que j'ay à dire au Duc & Seigneurie dont vous estes subjectz & serveurs, lesquels bonnement ne se peuvent vuyder que à la poincte de l'espée. Moy comme son premier Roy d'armes soubz le nom & tiltre de Montjoye vous somme de rendre & restituer la Cité de Cremonne occupée par vous, au tres Chrestien Roy mon souverain seigneur ; ensemble les Fortereffes & Chasteaulx & icelles mettre es mains Messire Charles d'Amboise Chevalier de l'Ordre, Grant Maistre, Mareschal & Admiral de France, & Lieutenant General pour ledit Seigneur es parties d'Italie, vuydans hors d'icelles vostre exercite d'armes ; & à vostre refus je vous desclaie ledit Seigneur tres Chrestien Roy vostre ennemy mortel ; & de ceste heure & pour le jourd'huy, & les aultres subsequens, vous denonce la guerre mortelle ; telle que François ont accoustumé de faire, qui est à feu & à sang.



## L' A U T H E U R.



LE Capitaine Acharit Coutarin ;  
 Acompagné d'ung autre cault & fin ;  
 Grant Potestat , dit messire Loys ,  
 De cap de Mule assez peu resjouys ,  
 Discretement vont faire la responce  
 A tous les pointz que Montjoye denonce.

*Responce de ceulx de Venise à Montjoye.*

SEIGNEUR Montjoye entant que vous  
 nous denoncez la guerre mortelle de par le  
 Roy vostre , nostre ennemy mortel à faulte  
 de restitution de ladicte Cité & forteresse ,  
 je vous advise que de ce faire nous n'a-  
 vons nulle charge de nostre Serenissime Principe , ne de  
 nostre illustrissime Seigneurie ; & nous desplaist d'avoir  
 la guerre contre ung si puissant Roy , ladicte Seigneurie  
 à luy confederer ; mais puis que ainsi est que guerre fault  
 avoir , nous nous deffendrons gaillardement.

## L' A U T H E U R.



MONTJOYE adonc qui desire &  
 appete  
 Faire sa charge, avecques sa trompette  
 Part de Cremonne , attainct de mer  
 la rive

Qui le conduit tant qu'a Venise arrive ,  
 Meç pyé à sec , monte jusqu'au palais  
 Ou il trouva nobles marchans , clers , lais ;  
 Avecques eulx leur Duc Serenissime ,  
 Qu'on peult juger ung chiffre en Algorisme ,

Lequel tient lieu, & de soy n'a pouvoir;  
 Mais feulement fait les autres valoir,  
 Montjoye alors sans grant dilation,  
 Faire leur va telle sommation.

*Harengue de Montjoye à la Seigneurie de Venise.*



E tres Chrestien Roy invincible mon sou-  
 verain Seigneur m'envoye devers vous  
 presere Duc, & vous anciens Patrices re-  
 presentans la Seigneurie de Venise, pour  
 vous dire & remonstrer les grandes offenses,  
 onleraignes & faulx tours que luy avez faictz en plusieurs  
 & diverses manieres, contrevenans à l'amitié & conser-  
 vation par vous autresfois conclüe & jurée avecques Sa  
 Majesté Royale; comme donnans ayde, faveur & se-  
 cours, tant par mer que par terre, à ses ennemis, &  
 pourchasser de tout vostre pouvoir, luy voulant nuire;  
 cuydant qu'il se voulsist faire plus grant es parties d'Italie,  
 & pour l'ennuy & contention de dominer que vous avez  
 eue à l'encontre de luy, contrevenans contre voz promes-  
 ses jurées (comme dit est) & comme se prouvera verita-  
 ble; & mesmement du dernier appoinctement hors la  
 trefve que avez fait avecque le tres sacré Empereur  
 des Romains, lors ennemy du Roy tres Chrestien. Au-  
 quel appoinctement faisant ledit Seigneur a bien congneu  
 que aviez en deliberation d'engendrer une nouvelle guer-  
 re, pour tousjours vouloir entreprendre sur luy en usant  
 de voz praticques coustumieres, luy cuydant donner en-  
 nuy & consumer ce que ne pourriez faire. Et pour  
 ceste cause, en obtemperant aux admonestemens, re-  
 questes & persuasions de nostre Saint Pere le Pape,  
 voyant qu'il a fait & conclud avecques ledit tres sacré  
 Empereur, & le tres Chrestien Roy mon souverain Sei-

gneur fraternele amytie, alliance, & confederation perpetuelle, joinctz avecques eulx le Roy d'Espaigne, & aucuns Princes Chrestiens, comprins es traictiez d'alliance sur ce faitz, jurez, & anathematisez à faulte de l'entretenement d'icelluy, qui est une tres sainte Ligue comme chascun croit & considerant que c'est pour le bien & augmentation de la Foy & Religion Chrestienne; pourquoy je vous declaire que ledit Seigneur tres Chrestien mon souverain Seigneur invincible, qu'il quicte & renonce à toutes voz aliances, amitiex & confederations, soy declarant vostre ennemy mortel, comme infracteurs de paix, & usurpateurs des biens de sainte Mere Eglise, de laquelle il est le vray legitime & ainsé filz, & à luy appartient principalement le regard sur telles matieres, voulant estre le vray imitateur, suivant les vertueux faictz & gestes de ses anciens Progeniteurs sres Chrestiens Roys de France; auquel appartient la congnoissance pour vous contraindre de faire restitution des choses par vous usurpées. Et sur ce point je vous notifie la guerre mortelle, tant par mer que par terre, à feu & sang, en tous les lieux ou resistance sera faicte, & jusques à ce que préallablement restitution soit faicte des choses par vous usurpées, tant à luy comme au saint Siege Apostolicque, & au tres sacré Empereur, & au Roy d'Espaigne; & autres comprins en ceste dicte Ligue; ledit tres Chrestien Roy prenant Dieu à son ayde, avec son bon droit: protestant à l'encontre de vous que si perte, dommaige ou inconvenient en advient en la Chrestienté, que ce sera par vostre faulte & coulpe.

## R O N D E A U.



E Venise la grant Chevalerie,  
D'ouyr ces mortz, & de veoir l'ar-  
marie

Des fleurs de lys, chere font assez  
malle,

Car devant eulx, & en chambre Ducalle,  
On leur monstra leur faulte & tromperie.

La gloire voyent des Genevoys tayrie,  
Le More prins, sa puissance perie,

Dont doubtent fort leur Ville Capitale,  
De Venise.

Leur Duc adonc portant chere marrye,

Discretement sans qu'en rien il varie,

Va proposer sa harengue totale,

Disant, Herault de Majesté Royale

Je vous respons de par la Seigneurie

De Venise.

*Responce du Duc de Venise à Montjoye.*

O U S avons entendu ce que nous avez rap-  
porté de la part de vostre Roy, nous accu-  
sans d'estre infracteurs de nostre foy & pro-  
messe. Herault il ne se trouuera point que  
jamais fut par nous cassée, ne venir au  
contraire de ce que promis a esté. Et mesmement contre le  
Roy de France, & au surplus jamais n'eussions creu que  
ung si grant Prince, comme le vostre tres Chrestien Roy  
eust si legierement presté l'oreille à ung Pape tel qu'il est,  
& (comme chascun sçet) à ung Prebstre (lequel ne pou-  
lons nommer,) & de le vouloir croire sommes fort esmer-  
veilleux, & faire que à leur pourchatz ledit Seigneur tres  
Chrestien soit ennemy d'une si puissante Seignourie que la

nostre. Vous advisant que des choses qu'avez dictes, nous  
esperons en Dieu que la Majesté Royale du Roy vostre,  
sçaura & congnoistra toute la verité, & que celluy à qui  
en sera la faulte sera pugny; & esperons encores estre amys  
de sa Majesté Royale à l'ayde de Dieu, ou sinon, nous tas-  
cherons à nous deffendre. Et vous prie Herault que vous  
en faciez relation au Christianissime Roy; & sur cette  
parole partez & vous en allez.

## L'AUTHEUR.



ONT JOYE part & sans dilation;  
Abandonna palais & tabernacle,  
Ne demanda faire collation,  
Craignant trouver pour sa refection  
Quelque morceau d'esprouveur de

triacle.

En celluy temps par prodige & miracle,  
Leur arcenac fut enflamé & ars;  
Un grant marcou le dyable par ses ars  
Mist par esclatz d'escler, fouldre & bruyne;  
Dont croyre fault que c'estoit le Dieu Mars.  
Qui menassoit leurs regions & pars,  
Prenosticant leur finalle ruyne.

Dedans saint Marc fut trouvé en sculpture,  
Gravé au mur ung merveilleux augure,  
D'ung coq crevant à ung regnart les yeulx,  
Car le regnart dénote en conjecture  
Veniciens, qui de propre nature  
Sont trahistres, faulx, caulx, & malicieux.  
Quant est du coq hardy, franc & joyeux  
Nommé *Gallus* nous décrit les Gauloys,  
Lesquelz de bref doivent rompre leurs loix,  
Crever les yeulx, & mettre nudz comme Adam,  
Et s'aulcun dit, telz augures ne croys;  
Je leur respondz qu'il advint autrefois

Signes plus grans dessus Jerusalem.

Au moys d'Avril le Roy part de Grenoble ;  
Portant en face une sainte ließe.

Anne Royne des Dames la plus noble ,  
Ne peult parler pour sa dure destresse ,  
Sembloit Dido quant Eneas delaisse ,  
Ou Ipsiphile abandonnant Jazon.

Mais ceste Dame a plus grant raison  
D'avoir douleur plus aspre & furibunde ,  
Voyant celuy qui n'a comparaïson  
D'honneurs & biens , saillir de sa maison  
Pour guerroyer les plus fiers de ce monde.

## R O N D E A U.



U despartir ceste tres noble Dame  
Doulante en cueur , navrée jusqu'a  
l'ame ,  
Cuydoit cacher ses angoisseux re-  
gretz ,

Mais ses doux yeulx ne furent tant secretz ,  
Qu'en larmoyant de douleur ne se pasme.

Car vraye amour qui le sien cueur enflame ;  
Plaignoit celluy qu'au monde plus elle ame ,  
Dont elle fist mille soupirs aigretz ,

Au despartir.

Onc Hecuba , Andromache , ou Priame ,  
D'ennuy & peur ne gousterent tel dragme ,  
Voyant Hector saillir contre les Grecz.

Car ceste Dame a soubz lamentz discretz  
Trop plus souffert qu'onques ne souffrit femme ;  
Au despartir.



O RS eussiez veu Dames & Damoi-  
moiselles,

Avec leur Dame en douleur, pleurs,  
& plains; [ les,

Car quant le chef porte peines cruel-

Impossible est que les membres soient sains ;

L'une regrette oncles, nepveux, germains ,

Et l'autre plaint son mary & son frere ;

Nobles alors portent douleur amere

Voyans souffrir aux Dames tel martyre.

Le Roy s'en part, chascun se delibere

De dire à Dieu, adonques veissiez faire

Maintz doux baisers, sans sçavoir un mot dire :

Ainsi s'en part le puissant Roy de France

'Acompagné de Ducz, Marquis, & Princes

Deliberez de bouter à oultrance

Veniciens, s'il n'a la jouyssance

De ses Pais, Seigneurie, & Provinces ;

Et tous princes par eulx povres & minces

Restituez. Mais encor davantage

De Fournoue remembrant le passaige,

Dont en son cuer saignoit encor la playe ;

Les armes prent, & d'ung hardy courage

Passé les Monts pour venger cest outrage ;

Cent ans d'acru à une heure se paye.

O ! vous bourgeois, marchans, & laboureurs ;

Qui residez en paix en voz maisons,

D'ardant desir levez à Dieu voz cueurs,

Et pour le Roy comme bons serviteurs

Faites priere & saintes oraisons ;

Sachez de vray que pour justes raisons ;

Contre Venise a chargé le harnoys ;

Se sont les loups qui contre toutes loix,

De toute beste amassent chair & layne.

Marchez de cuer donques loyaulx François ;

Car qui ne quiert le loup jusques au boys ;  
Il vient menger les moutons en la plaine.

Vous Anne aussi Royne tres chrestienne,  
Est-il besoing à prier vous induire ?  
Certes nenny , car vostre esprit contemne  
Ores plaisir , mais jamais ne se tenne  
De prier Dieu , pour cil qui tant desire ,  
Las ! il s'en va pretendant faire luyre  
Le vostre nom & le sien tellement ,  
Que dit sera perpetuellement  
Loys Douziesme , & Dixiesme des Preux ,  
Lors toutes gens diront publiquement ,  
Que heureuse fut d'honneur & d'aïsement  
La chere espouse à un Roy tant heureux.



IN SI s'en part le puissant Roy de  
France  
Acompagné de l'honneur & vaillance  
Du Sang Royal , avec une puissance  
Inestimable.

Mais une chose a fait digne & louable ,  
Plus qu'onques Roy , car il est veritable  
Qu'il a mis sus en guerre guerroyable  
Telle exercite.

Sans que son peuple en qui s'amour habite  
Chargé en fust d'un denier , maille ou picte.  
Mais qui plus est , le soulage & acquite ,

Qui fut ung bien

Si grant que nul ne peult dire combien ,  
Car ce faisant le peuple congneut bien  
Zelle & amour en cueur tres chrestien

Leur Prince & Roy ;

Et qu'ainsi soit , grant part de son arroy  
Gens de cheval , gens de pyé , & charroy  
Estoiert partis , sans que son peuple au vray  
Sceust le depart ;



Mais tost apres sachant que l'estendart  
De leur bon Roy tyroit devers la part  
Des Italles ; adonq' leur cueur se part

En pleurs & plains.

Las ! non sans cause estoient de tremeur plains ;  
Faisans regretz , gros souspirs & complains ,  
Voyant leur chef se gecter dans les plains

Dame Fortune ,

Qui tousjours est plus muable que lune ;  
Favorisable & tantost importune ,  
La ou pouvoit eviter sa rancune

Sort & malheur.

Mais c'est celluy tant remply de valeur ,  
Que sans pencer ne craindre ou ira l'heur ;  
Passe les Monts pour estre debelleur

De ses advers :

Lesquelz avoient ja tous les champs couvers  
De gens de guerre , & gros canons divers ,  
Pour desmollir rampars & boulevers

Par durs assaulz.

Et ja marchoient Veniciens Vassaulx  
Jusqu'a Cassan , faisans voustes & saulx ;  
Pillans pays , executans tous mauk

Qu'ilz povoient faire.

Charles d'Amboise adverty de l'affaire ,  
Qui pour le Roy tout autre chef prefere ;  
Part de Milan , va sans que plus differe

Les recueillir.

Mais or layrons pour en propos faillir  
Parler du Roy qui sans ordre faillir  
Passe les Montz pour Advers assaillir.

Comme j'ay dit , Monseigneur le grant Maistre  
Du Camp du Roy Lieutenant general ,  
Considerant qu'il estoit temps de mettre  
Les gens en œuvre , en Chevalier adextre  
Se gecte au champs , fist sonner à cheval ;

Ainsi

Ainsi s'en part l'exercite Royal ;  
 Deliberé de Trevy assaillir ;  
 Chevaux en l'aer pourbondir & faillir  
 Veissiez adonc au sortir de Milan ,  
 Ainsi marchent sans leur ordre faillir.  
 Et pour loger ilz vindrent acueillir  
 Certaine ville appellée Cassan.

Or est Cassan basti dessus ung hault ,  
 Et au beau pyé est la riviere d'Ade ,  
 La sont la Crotte , Estanson , & Imbault ;  
 Et Fontrailles , lesquelz ont maint Ribault  
 Tous enraigez de courir à l'estrade ;  
 Veniciens viennent donner l'aubade  
 Pres de Cassan , par delà la riviere :  
 François les voyent , regardent leur maniere ;  
 Aucuns y vont voulans gloire acquerir ,  
 L'un tire avant , l'autre retourne arriere ,  
 L'autre est choqué ; c'est œuvre singuliere  
 De veoir en plaine avantcoureurs courir.

Veniciens sont à Trevy logez ,  
 Qui de Cassan est environ troys mille.  
 Alors François en bataille regez  
 Passerent d'Ade , ainsi sont deslogez ,  
 Pour les aller assieger en leur Ville ,  
 Mais a chemin virent marcher a fille  
 Veniciens hors de Trevy sortiz ;  
 Mille souldars de pyé assortiz  
 Estoient sur champs tirans vers Bergamo ;  
 François adonc à la guerre ententifz ,  
 Donnent dessus comme chaulx & hastifz ,  
 Au Moys d'Avril jour de Quasimodo.

Tout noble cueur lors s'est esvertué  
 Tant que Marquetz sont repoussez arriere ;  
 En ce combat fut maint homme tué ,  
 De Rodés est le Visconte rué ,  
 Homme & cheval aupres d'une barriere ;

Veniciens tenans encor frontiere ;  
 Saillent dessus , le livrent à la mort ;  
 Adonc l'assault redoubla si tres fort  
 Que pour fuyr ennemys font desmarche ,  
 François apres suyvens de tel effort ,  
 Qu'avecques eulx entroient dedans le fort ;  
 Lors que villains laisserent tumber l'arche.

Comme j'ay dist de Rodés le Visconte ,  
 Gentilhomme de l'ostel de la Roynie  
 Fut la tué ; mais ainsi qu'on racompte  
 Des ennemys se trouverent par compte ,  
 Plus de quarante en trop piteuse exoine ;  
 Adonc veissiez en la champaigne & plaine  
 Le Camp François , enseignes , & guidons ,  
 Donnant l'assault sonnant trompes & bedons ,  
 Lors commença le chappliz & bataille ,  
 Car les François de picques & bastons  
 Donnoient telz coups , que ces vilains poultrons  
 Abandonnoient chascun coup leur muraille.

Ceux dedans lors bagues sanlves crient ,  
 François sont sours , à leurs propos n'entendent ;  
 Aventuriers regardent & espønt  
 Lieu pour entrer , car ainsi comme ilz dient ,  
 A ce coup c'y d'estre riches s'attendent ;  
 Conclusion ; ceux de Trevy se rendent  
 A la mercy de Monsieur le grand Maistre ,  
 Avec luy vont Cappitaines se mestre  
 Dessus le pont , pour deffendre la voye ,  
 Sur gens de pied frappaient à plaine dextre ;  
 Si d'entrer eulx se veullent entremestre ,  
 De vol d'oyseaulx fauconniers ont là proye.



N celluy du temps le Roy marchoit  
tousjours

Par rocz , & monts sans sejourner une  
heure , [ jours ,

Ordre meslant à son cas tous les

Dont son esprit travailloit sans sejours ,  
Comme ung quadrant que nuyt & jour labeure ,  
Tousjours craignant que trop longue demeure  
Cause ne fust de quelque perte ou gref :  
Qui bien prevoyt obvyé à maint meschef.

Or a passé le pais de Piemont ,  
Et est entré en la terre Lombarde ,  
Peuples sans nombre , & d'aval & d'amont  
Au devant vont & tout honneur luy font ,  
Priens à Dieu qui le tienne en sa garde ,  
Ainsi chascun le benist & regarde ,  
Soy reputans tres grandement heureux  
Veoir en leur temps Roy tant chevallereux.

L'an mil cinq cens & neuf du moys de May ,  
Le premier jour à Millan arriva ,  
Nobles manans en triumpant arroy  
Vont au devant , long temps y a que le Roy  
Si grant Noblesse ensemble ne trouva ;  
Chascun adonc son cheval esprouva  
Devant le Roy , Millannoys font pennades  
Faisans en l'aer mille faulx & ruades.

Lors qu'au Chasteau le Roy fist son entrée ,  
France on cria de cueur & de couraige ,  
L'artillerie adonques c'est monstrée ,  
Mais une piece est rompuë & oultrée ,  
Dont il advint trop merveilleux dommage ,  
Car elle occist ung gentilhomme & paige  
Par les esclatz dont furent assignez ,  
Pour ce l'on dit en ung commun langaige ,  
En toute feste en a de mal disnez.

Fij

En celluy temps Princes , Ducz , & Marquis  
 Pour s'acoustrer vont à l'orfaverie.  
 Les conducteurs & gendarmes exquis  
 Cherchent harnoyz , & tout ce qu'est requis  
 Pour exercer fait de gendarmerie.  
 De Millan lors aulcune Seigneurie  
 Se mist en point , armez comme saint George ,  
 Drap d'or bransloit , c'estoit une fairie ,  
 Tous neufz estoient , frais issans de la forge.

## R O N D E A U.



U cueur gist tout , & non pas aux ha-  
 bitz , i gros bis ,  
 Si pour 'drap d'or , ou trancher du  
 Les ennemys mors par terre on ruoit ,  
 Trop bien cela porter on en devroit ,  
 Mais tout le bien qui en vient sont debitz.

Qui de la peau de lyon roux ou bis  
 Vouldroit armer la simplette brebis ,  
 Ja plus hardie ou fiere n'en seroit :

Au cueur gist tout.

Mais je croy bien qu'aux bestes des herbis ,  
 Non entendans telz forains alibis ,  
 Tremeur & craincte aulcunement donroit ,  
 Mais quoy l'honneur à la peau demouroit ,  
 Faictes donc tant que vouldrez des rabis ;

Au cueur gist tout.



I N S I chascun pense de s'acoustrer ,  
 Sans espargner drap d'or n'orfaverie.  
 Desirans l'heure ou pourront rencon-  
 trer

Leurs ennemys , affin de se monstrier ,  
 Et enrichir leurs noms & armerie.  
 En celluy temps avoit la Seigneurie ,

Pres Ponteny grosse armée sur champs,  
Cinquante mil & plus sur la prairie  
Estoient en ordre & bataille marchans.

Barthelemy surnommé d'Alviano,  
Estoit leur chef, homme tres vertueux,  
Et l'autre estoit le Conte Petillane,  
Vaillant de loing, hardy comme une cane;  
Mais en paincture horrible & valeureux:  
Veoir on le peult aux gestes sumptueux,  
Qu'en sa maison il a depainctz & faictz,  
Ressemble aux Grecz, de gloire ambitieux;  
Dont les escriptz vallent mieulx que les faictz.

Or est ja l'Ost de Venise sur champs,  
Mectant au vent panonceaulx & guidons,  
Menentgrant bruyt, Marcou crient en leurs chans;  
Tel nombre sont que de bons & meschans  
Ilz en ont faict quatre ou cinq gros scadrons,  
Force canons, couleuvrines, faulcons,  
Vivres assez, leur ordre bien gardée;  
Venise n'a gesté tant de poultrons  
Dessus les champs depuis qu'elle est fondée.

Auparavant le Roy avoit transmis  
Dedans Trevy, la Bastye & Ymbault  
Avec Fontrailles, & Estenson commis  
Pour la garder, si que les ennemys  
Ne vissent la pour la prendre d'assault:  
Et neantmoins que la place peu vault  
Pour bien tenir; si disoient ilz tousjours,  
Que tout le monde ensemble d'un plain fault  
Ne les scauroit faire rendre en huit jours.

Mais noble cueur est de telle nature,  
Que comme il pense il s'attend de le faire;  
Et le couart contemple & puis mesure  
Tous les dangiers & la malle aventure,  
Parquoy jamais n'exploicte ung bon affaire;  
Je ne dy pas qu'on ne se doive traire

D'un mauvais pas , & craindre à y entrer ;  
 Mais fortune est aydable & volontaire  
 A cueur qui veult sa vertu demonstrier.

L'Ost de Venise en grant fierté desmarche ;  
 Deliberé selon son entreprinse  
 Conquerre en bref du monde le Monarche ;  
 Adonques fist simple double & desmarche  
 Pour à Treivy venir faire reprinse ;  
 Estradiotz qui desiroient la prinse ,  
 Jusqu'aux murs viennent avantcourir ;  
 François qui ont telle science aprinse  
 Concluent lors , ains que rendre , mourir.

Aux armes vont , saillent de toutes pars ,  
 Voyans les champs de gendarmes couvers ,  
 Tant de guydons , banieres , estandars ,  
 Tant de long boys , halbardes , & darcz ,  
 Que bien sembloit tout le monde univers ,  
 Quatre scadrons parquez en lieux divers ;  
 L'artillerie en trop fiere ordonnance ,  
 Bref sans mentir ilz se monstroient experts  
 Au faict de guerre à veoir leur contenance.

Ce neantmoins François ne s'estonnerent ,  
 Ains à l'aproche ont fait grosse tempeste ,  
 Si peu que avoient de faulcons deschargerent ,  
 Lors ennemys de si pres approcherent ,  
 Que bien souvent combattoient teste à teste ;  
 La l'ung sur l'autre à redoubler s'apreste ,  
 De hurtz mortelz en cruauté bataille ,  
 Dont pour ce coup François eurent conqueste ;  
 Car à l'assault plusieurs misrent à taille.

Commencé ont tirer & canonner  
 Ce jour qui fut le septiesme de May ,  
 Leurs basilicz & canons font sonner  
 Si haultement , qu'on n'eust ouy tonner ,  
 Qui non sans cause aux François fist esmay  
 De ce bruyant & merueilleux bestroy ;

Murs & rampars de Treuy vont par terre.  
Lors de Millan, le tres Chrestien Roy  
Ouyt ce bruyt & fouldroyant tonnerre.

Or peult chascun congnoistre clerement  
Si son esprit souffroit peine & douleur,  
Ouyant tirer si tres horriblement  
Toute la nuyt, qui sembloit proprement  
Fouldre du ciel en extreme chaleur:  
Puis congnoissoit veu l'ardante fureur  
Des durs assaulx, que longuement tenir  
Ilz ne pouvoient, donc avoit crainte & peur  
Qui ne leur peust au besoing subvenir.

Et par ainsi trop grosse desplaisance  
Avoit pour lors que son champ n'estoit prest;  
Car Estanson qui part de sa puissance  
Estoit à Laude, à Palme, & à Plaisance,  
Toute la nuyt eust marché sans arrest,  
Ce neantmoins fist faire son apprest  
Pour desloger, car comme bien aprins  
Au faict de guerre, entendoit l'interest  
Qu'avoir pourroit si Treuy estoit prins.

Il preveoit que Millannoys Lombars  
En descroistroient de cueur & de couraige,  
Et que Marquetz Venitiens souldars,  
Deviendroient fiers comme loups lyepars  
Quant quelque proye ont ravy davantaige:  
Pour obvier doncques à ce dommaige,  
Et que ses gens surprins ne soient au piege,  
Toute la nuyt il mande son bernaige,  
Pour à Treuy aller lever le siege.

Mais ainsi est que impossible il estoit  
Avoir ses gens, parquoy au point du jour,  
Sans regarder au peu de gens que avoit,  
Voulut partir, comme cil qui sçavoit  
Qu'il n'estoit temps pour lors faire sejour.  
Venitiens estans tous à l'entour



Dudiſt Trevy , font ſi mortelle guerre ,  
 Qu'il n'y eut fort , rampart , muraille , ou tour ;  
 Qui le matin ne fuſt piedz rez terre.

Ce meſme jour le Roy de Millan part ,  
 Armé à blanc à deſployée Enſeigne ,  
 Tout animé fait ung ſouldain deſpart ,  
 Sembloit Hercule ayant cueur de lyeſpart ;  
 Cherchant Cacus au creux de la montaigne ;  
 Je ne croy pas ſi Anne de Bretagne  
 Preſente fuſt à ceſte dure allée ,  
 Qu'elle ne print , fuſt à perte ou à gaigne .  
 Armes , chevaux , comme Panthaſilée.

Tant fut pompeux en ſes armes le Roy ,  
 Qu'on luy donnoit immortelles louenges ;  
 Princes & Ducz marchent en noble arroy ,  
 Drap d'or , velours pour en deſcrire au vray  
 Fut tout commun en paremens eſtranges ;  
 Millannoyſes dyaprées comme Archanges  
 En deſirant du Roy le bruyt & gloire ,  
 Prioient Jeſus & tous ſes benoiſts Anges ,  
 Qu'il luy donnaſt triumpante victoire.

Ce temps pendant Venitiens aſſailent  
 Loyaulx François dedans Trevy encloz ,  
 Leſquelz ſi bien & vaillamment bataillent ,  
 Qu'il n'eſt riens mieulx , mais les forces leur fail-  
 lent ,

Car nuyct ne jour n'ont heure de repos ,  
 La picque au poing , les harnoys ſur le dos ,  
 Gardent renfors & debiles rampars ,  
 Ainſi craignant perdre d'honneur le loſ ,  
 N'ont abeſſé banniere ou eſtandars.

Venitiens congnoiſſans que paſſaige  
 Y eut aſſez , redoublent leur alarme ;  
 D'ouyr canons ſembloit ſouldre & oraige .  
 Marquetz adonc eſperant le pillage ,  
 Donnent dedans combattant fort & ferme :

Adonc veissiez maint picton & gendarme ;  
 Mortz ruez jus tumber par les fossez ,  
 François tant bien frappent à ce vacarme ,  
 Que ennemys sont à la fin repoussez .

Lors d'Alvian voyant le vasselaige  
 De ces François , qui tant bien combattoient ,  
 Congneut que entrer n'y peult sans gros dom-  
 maige ,

Leur va mandant en petit de langaige  
 Si s'en aller ( bagues saulves ) vouloient ,  
 De vuider tost , ou si plus diffroient ,  
 Le feu & sang de tous pointz leur denunce ;  
 François adonc qui telz motz escoutoient  
 Sont estonnez de leur rendre responce .

Tristes , perplex , l'ung l'autre se regardent ;  
 Ainsi que gens qui n'ont cueur à delivre ,  
 De raige & dueil les cucurs bruslent & ardent ,  
 Crainte & honneur de parler les retardent ,  
 Myeulx aymans mort qu'a nulle honte vivre ;  
 Conclusion pour la matiere suyvre ,  
 L'ung & pour tous fist tel appoinctement ,  
 Que entierement la Ville il rend & livre ,  
 Pourveu que tous s'en iront franchement .

Promis ilz ont , faisant entr'eulx leur conte ,  
 Comme je croy que promesses sont vaines ,  
 Ou que peché toute vertu surmonte ,  
 Car eulx dedans de prendre n'eurent honte  
 Gens de cheval & tous les Capitaines ,  
 Adventuriers en cueilleurs de chastaignes ,  
 Furent transmis ung baston blanc au poing ;  
 Si leurs rançons eussent esté certaines  
 Jamais allez ne s'en fussent si loing .

En cest instant Ville & faulxbourgs pillerent ;  
 Mestant à mort plusieurs hommes & femmes ,  
 Religions & Temples desroberent ,  
 Femmes à force & filles violerent .

Jeunes garçons souuyvoient pour cas infames ;  
 Dire ne veulx les horribles diffames  
 Que ces poultrons firent dedans Treuy ,  
 Fors qu'aulx Nonnains Religieuses Dames  
 Fut prins le bien & leur honneur ravy.

*Comment le Roy part de Millan , & va chercher  
 l'Ost des Venitiens.*



U plus matin apres ouyr la messe ,  
 Comme j'ay dit, se partist la noblesse  
 Du Roys Loys, qui de picquer ne cesse  
 Jusqu'a Cassan.

Le bruyt avoit au sortir de Millan  
 De gros canons tel' douleur n'eust de l'an ,  
 Voyant les siens souffrir peine & ahan ,

Certes je croy ,  
 Que autant souffroit le tres Chrestien Roy ,  
 Que ses bons chefs qui estoient au desroy ,  
 Des durs assaulx & merueilleux bestroy  
 D'artillerie.

Arrivé la , regarde en la prairie,  
 Voit ses souldars faisans chere marrye ,  
 Nudz sans battons n'aucune armererie

Qui s'en venoient  
 Rendre vers luy , povres brebis sembloient ,  
 La raison est , car perdu ilz avoient  
 Leurs bons pasteurs que Marquetz detenoiet  
 Par devers eulx.

Ce neantmoins comme Roy vertueux  
 N'en fist semblant , ains se monstrant joyeux  
 Demande enquiert du gros camp belliqueux  
 Venitien ,

Quel nombre ilz sont , leur façon & maintien ,  
 Et en parlant par gestes monstroient bien  
 Que ses advers il ne doubtoit de rien ,

Ne leur danger.

Et qu'il soit vray ains que boyre & manger  
 Ses cheffz de guerre a mandé sans targer,  
 Car ja des l'heure il vouloit camperger  
 Oultre le pont.

Avecques luy Capitaines s'en vont  
 Tenir conseil, auquel conclud ilz ont  
 Qu'au plus matin en armes passeront:

Ces jours passez deux pontz en diligence  
 L'on avoit fait sur la riviere d'Ade  
 Au bout de l'ung boulevard de deffense  
 Aux ennemys qui venoient à l'estrade,  
 Venitiens à Trevy font posade  
 Comme corbeaulx dormans sur la charoigne;  
 Leurs cheffz de guerre experts à la besoigne  
 Cryent après eulx. Le Roy marche à grans pas  
 Les sours ilz font car l'ung robbe & empongne,  
 L'autre paillarde ou fait acte d'ivrongne;  
 Bestes tousjours sont prinſes aux appastz.

Vers la minuyct fut en armes le Roy  
 Dessus le pont faisant passer ses gens,  
 Et tout premier fist marcher son charroy,  
 D'artillerie en ordre & fier arroy  
 Par gens de guerre au cas tres diligens;  
 Gens de cheval ne furent negligens  
 De tost passer pour gaigner l'avantage;  
 Adventuriers marchoient de grant courage;  
 Tabours sonnans, c'estoit une plaïſance:  
 Venitiens entendoient au pillage,  
 Lors qu'ilz devoient entendre à ce passaige,  
 Car de la vint leur totale meschance.

D'Alviane tres ſçavant en la guerré  
 Deliberé avoit ainſi le faire,  
 Mais quant voulut marcher & prendre terre  
 Tous ſes ſouldars eſtoient à la deſſerre  
 Dudit Trevy, & ne les en peult traire,

Parquoy voulant mettre ordre à son affaire  
 Fist le feu mettre en la ville & faulxbourgs ,  
 Dont contrainctz sont laisser maisons & tours  
 Pour s'en venir en bataille renger.  
 Mais cependant le Roy marchoit tousjours  
 Oultre le pont, & sans faire sejours  
 Vint à deux mil de leur Ost campeger.

Le pont estoit construiet dessus basleaulx  
 Si ferme & fort que par dessus passerent ,  
 Canons , faulcons , couleuvrines , courtaulx ,  
 Gens de cheval , bagaiges & chevaux ,  
 Tant nuyt que jour de passer ne cesserent.  
 Ung aultre pont aupres edifierent ,  
 Et fut crié qu'a l'ung on passeroit  
 Et que par l'aultre on s'en retourneroit.  
 Ainsi le Roy par sa bonne doctrine  
 Au faict du camp tellement advisoit  
 Qu'onques son Ost n'eust heure de famine.

Tout à cheval disna dessus le pont ,  
 Voyant passer ses gens en ordonnance ,  
 Hommes d'armes voit venir de plain front ,  
 Fier chevaulchans du grant plaisir qu'ilz ont  
 De veoir leur Prince en tel' magnificence ,  
 Lequel d'ung mot à la foys fait advance ,  
 Leur resveillant le cuer & les esprits ,  
 Lors sont grans faulx de toute joye espris ,  
 Armez, bardez , montez à l'avantaige ;  
 Je ne croy point, n'en desplaise aux escriptz ;  
 Qu'il ait esté armée de tel pris  
 Depuis le temps Hannibal de Cartaigne.

Cinq ou six mil Suisses lors passerent  
 Devant le Roy marchans fiers soubz la picque ,  
 Lequel du cuer humblement saluerent ,  
 Et grandement heureux se reputerent  
 De batailler soubz Roy tant magnifique ,  
 Adventuriers en triumphe autenticque

Tabours sonnans , leurs enseignes au vent  
 Viennent apres, marcherent en avant ,  
 Font reverence au Roy leur vray seigneur ;  
 Voyre , & Dieu sçet quant passoient par devant ;  
 S'ilz se marchoient fiers comme ung poursuyvant ,  
 Plus renversez qu'ung poulce de changeür.

Ainsi le Roy qui par tout bien regarde  
 A ung mil pres logea son avantgarde ,  
 Des ennemys tant que veoir se pouvoient ;  
 Guetz renforcez ordonna pour la garde  
 De son charroy ; l'arrieregarde  
 Et la bataille , à leurs logis pensoient  
 De pavillons & tentes tant dressioient  
 Que la campagne en fut toute enrichie ;  
 Si tres grant nombre eut de chevalerie  
 Que tout le camp des armes refflamboye ;  
 Les Roys Gregeoyz , quelque chose qu'on die ;  
 N'eurent tel Ost devant les murs de Troye.



R fault noter du Roy la grant prudence ,

La hardiesse , & promptte diligence ;  
 En meditant que haulte providence

Bien luy aydoit ,

Car neantmoins qu'a ung mil il estoit  
 Des ennemys , & ses gens attendoit ,  
 Sans regarder au peu de gens que avoit

Passé le pont ,

Et luy douziesme a cherché de plain front  
 Les ennemys tant d'aval que d'amont

Transmis espies pour congnoistre que font

Les ennemyz.

Par tout pourvoir sans que riens soit obmis ;

Et tellement que ses chefs & commis

Sont esbahys du danger ou s'est mis ,

Car les souldars

Venitiens tiroient de toutes pars  
 Force boullertz, jusqu'aulx tentes & parcz  
 De l'ost François, dont aucuns sont espa ;  
 Et aultres mors.

Et neantmoins sans avoir le remors  
 De durs assaulx qui tant de gens ont mors,  
 Va ça & la com' cil qui est amors  
 Telz actes faire.

O ! vous François contemplez cest' affaire ,  
 Las ! il est Roy, toutesfoys ne differe  
 Exercer l'œuvre auquel peult satisfaire  
 Simple souldart.

Mais monstrier veult que c'est vostre estandart  
 Qui de vertus a en luy , & tant de art  
 Que jamais aygle, ours , lyon , ne lyepart  
 Ne luy peult nuyre.

Ainsi vous fait par ses gestes reluyre ,  
 Tant qu'a present oyant le nom deduyre  
 Des Gallicans chascun commence a fuyre  
 De tous costez.

Voyla comment estes crains & doubtez  
 Par tous climatz , car les fiers a bouttez  
 Soubz sa mercy , & si au vif domptez  
 Qu'il n'est vivant.

Qui pour ceste heure ose se mettre avant ;  
 Fors ce Lyon qui luy court au devant ,  
 Mais le temps vient qu'on yra le suyvant  
 Et de si pres ,

Qu'on trouvera tous ses membres apres ,  
 Par vignes , boys , fossez , rives , & prez ;  
 Tant que chascun dira par motz experts  
 Pour le memore.

Icy print fin de Venise la gloire.  
 Huit ans apres que le Roy print le More  
 Et deux apres de Genes la victoire ,  
 Voyla les dys.

Que l'on dira du bon Roy que je dys ;  
 Qui a vaincu en ses ans benedictz

Les ravissans, les fiers & les maulditz

En peu de temps.

Mais pour venir à la fin ou je tens

Mueray propos ; car surtout je pretens

Descrire au vray comme sçay & entens

Ceste victoire.

Dont retournant à mon point peremptoire

Le Roy passa en petit de adjutoire

Oultre le pont , qui luy fut une gloire

Et bien utile.

Le lendemain passerent à la fille ,

Mille & cinq cens Normans bonne famille ;

D'aventuriers encor plus de troys mille

Qui fist beau veoir.

Le jour apres l'on peult apercevoir ,

De Mantouë le Marquis qui mouvoir

Faisoit ses gens en faisant gros devoir

De tenir termes ,

Du Roy avoit cent vaillans hommes d'armes

Qui sur le pont flamboyent en leurs armes

Montez , bardez pour faire gros vacarmes

En ung destour.

Celluy Marquis virevoustoit autour

Sur ung destrier ferme comme une tour ;

Lors saluer vint le Roy à son tour

Tres humblement ;

Qui le receut tant amyablement

Que possible est ; pendant joyeusement

Trompes , clairons sonnent incessamment ;

Et lors passerent

Les gens de pied , qui bonne ordre garderent ;

Deux mil estoient , plombées deschargerent ,

Tabours sonnent , enseignes balloyerent ,

C'estoit plaisir.



Et ne croys pas que l'homme peult saisir  
 Ennuy, ne ducil, quant peult veoir & choisir  
 Tel passeremps, qui est le vray desir

D'ung noble cueur,

Qui ne pretend fors monter à valcur  
 Repudiant de guerre le malheur,  
 Mais seulement ne tend fors à l'honneur

Qu'avoir y peult.

Amour de Prince & noblesse l'esmeut  
 De faire plus que Tristan pour Yseult;  
 Et le loyer qu'il en attend & veult

Est grace & bruit.

Mais lasche cueur n'en emporte nul fruiet;  
 Ains est d'honneur & de vertu destruiet,  
 Craincte le tient & honte le poursuyt

Par sa meschance.

Ainsi les bons prenoient toute plaissance;  
 Voyans passer tel Ost en ordonnance  
 Devant le Roy, qui sans craincte ou doubtaunce

Par tout alloit;

Lequel ainsi comme se transportoit  
 Parmy son camp, ou toute ordre mettoit;  
 Vingt ung boulet qui si fort tempestoit,

Qu'il abbatit

Ung arbre gros, dont ung esclat sortit  
 Contre sa barbe, & de faict l'ataignit,  
 Ce neantmoins de rien ne s'hesbahit

Ains tire avant.

De bende en bende, il va les rens suyvant;  
 De tout prent garde, & derriere & devant;  
 Ainsi que ung Prince à la guerre sçavant.



EVERS le soir, avantcōureurs al-  
lerent [terent,  
Pour estradér, & aux champs se jet-  
Et de pietons quelqu'aulture nombre  
apres

Faisant bon Guet Venitiens trouverent;  
Et lors Dieu sçet comme bien s'esprouvent;  
En renversant l'ung l'autre par ses prez,  
Les ungs s'enfuyent, aultres suyvent de pres,  
Et notez bien qu'il n'est lieu plus propice  
Pour bien mener des armes l'exercice  
Qui en bataille eust voulu se renger.  
Le Roy tous coups se presente à la lice,  
Venitiens n'en voulurent manger.

Or est ainsi que le camp de Venise  
Estoit encloz de fossez par tel guise,  
Que l'assaillir estoit trop difficile;  
Par les venes l'artillerie assise,  
Plusieurs espies en faisant d'eulx devise,  
Dirent qu'estoient plus seur qu'en une ville,  
Et qu'en tel fort ung cent en valoit mille;  
Parquoy le Roy qui bien consideroit  
La verité, conclud qu'on les lairroit  
Deux ou trois jours encor tenir frontiere,  
Et cependant que l'on adviseroit  
De les avoir par quelque aulture maniere.

Pour bien descrire ainsi que puis sçavoir  
Ce que le Roy peult d'exercite avoir,  
Deux mil deux cens gorgias hommes d'armes  
Montez, bardez, prestz à faire devoir,  
Sans quatre cens archiers qu'il feist beau veoir  
Tres bien montez, hommes puissans & fermes,  
De gens de pied prestz à faire vacarmes  
Par compte faict vint mille combatans,  
Et ne croy pas que depuis cinq cens ans

Ensemble on vist tant de haultx gens de bien,  
 Venitiens sont encor plus puissans  
 De nombre fait, du cueur je n'en dys rien.

Or vous ay dit selon mon povre sens  
 Le camp du Roy, parquoy je me consens  
 D'escrire au vray l'Ost de la Seigneurie :  
 Et tout premier y eust mil & huyt cens  
 Hommes d'armes, si braves en tous sens  
 Qu'ilz estimoient fleur de Chevalerie.  
 D'autres chevaulx faitz à gendarmerie,  
 Comme Albanoy, autres avantcoursurs,  
 Neuf mil cinq cens hardys entrepreneurs,  
 Avoient en ordre & bataille marchans;  
 De gens de pied, sans leurs bons conducteurs,  
 Vingt & sept mil misrent dessus les champs.

Et au surplus bon Chefz & Capitaines  
 En regions prochaines & loingtaines,  
 Tant esprouvez en armes & conduicte,  
 Que les Marquetz pour les œuvres haultaines  
 Les reputoient Césars ou Charlemaignes,  
 Choix de valeur, des Itales l'eslite,  
 Parquoy soubz eulx misrent leur exercite,  
 Pouldre, bouletz, & grosse artillerie,  
 Vivres assez, enseignes, armarie,  
 Le tout comprins; notez que puis Pompée  
 Oncques Venise à tout sa seigneurie  
 Ne mist armée en champs miculx équipée.

Là fut Marcou despaint en leurs banieres,  
 Lyon rampant, jettant ses griffes fieres,  
 L'une en ung livre, & deux autres sur terre;  
 L'autre est en mer montrant par ses manieres  
 Que Eglise, & mer, la terre & leurs frontieres  
 Il ravira, soit par cautelle ou guerre,  
 Mais Loys Roy, devers eulx prent sont erre,  
 A ung mil pres son enseigne desploye,  
 Où saint Michel le dyable soubz luy ploye,

En denotant que le bon Roy fera  
 Au fier Lyon si tres mortelle playe;  
 Que de mille ans ne se relevera.

Dessus la plaine estant entre deux Ostz  
 Vous eussiez veu courir estradiotz,  
 Faire les tours qu'il appartient en guerre;  
 Chocquer l'ung l'autre & getter sur le dos.  
 L'ung y est prins, l'autre est froissé des os  
 Et l'autre y pert, vie, corps & defferre  
 Donner dedans, puis soubdain prendre terre;  
 Faindre fuyr pour l'ennemy attraire,  
 Les vertueux telz actes sçavent faire,  
 Et les saintifz soubz couleur valeureuse  
 Se vont vantant, ou mieulx vaulsist le taire,  
 Ypocrisie en guerre est dangereuse.

Lors fut crié par l'Ost en mainte part  
 De par le Roy sur peine de la hart  
 Que nul pour lors ne allast avantcourir,  
 Mais quant François advisoient à l'escart  
 Leur ennemy, le dyable y avoit part,  
 N'y a remede il y failloit courir,  
 Ung hardy cueur aymeroit mieulx mourir,  
 Quant ennemys il voit en la campagne,  
 Qu'il n'y allast, soit à perte ou à gaigne.  
 Mais toutesfois puis qu'il est deffendu  
 Chascun se doit tirer soubz son enseigne;  
 Car par tel cas, s'est maint gros ost perdu.

Ce jour le Roy ung Herault va transmettre  
 Au camp saint Marc, leur requerant permettre  
 Jour de bataille & place guerroyable,  
 Mais eulx voyans estre fors en leur estre,  
 La couche aussi que contre eulx on veult mettre  
 Craignans hazard ilz vont dire à la table,  
 Le Roy sçachant qu'il n'estoit convenable  
 Les prendre en fort, conclud de les chercher;  
 D'autre costé pour les vivres trancher.

Ce qui fut fait , mais pendant des deux pars  
 Canons , faulcons eussiez ouy lascher ,  
 Gens meurdriâns dedans tentes & parcz ,



N celluy temps dedans Lyon estoit  
 La Royne, las ! qui tousjours lamentoit  
 Pour les regretz que son las cuer por-  
 toit

Incessamment.

Car par escriptz sçavoit certainement  
 Comment le Roy passa tres hardiment  
 La rive d'Ade , & comme franchement

A son camp mis

A deux mille pres de ses ennemys ,  
 Parquoy son cuer est en craincte remis ,  
 Doubtant le jour auquel sera submis

A la fortune ;

Puis elle scet selon la voix commune  
 L'heure approcher ou des deux parties l'une ,  
 En camp mortel aura la deffortune

Ou le bonheur.

Las ! non sans cause eust ceste Dame peur ,  
 Veu qu'en tel sort le plus fort n'est assure ;  
 A Dieu gist tout , car force ne faveur

Vers luy ne peult.

Seulle Oraison est le don qu'il recueult  
 Pour donner l'heur ou il luy plaist & veult ,  
 Et la bonté du demandant l'esmeut

Faire tel' grace.

Parquoy ne fut heure , jour , ny espace  
 Que vers le ciel ne levast cuer & face ,  
 Priant Jesus que ce hault bien luy face

Donner victoire

A son espoux des François l'heur & gloire.  
 Apres s'en va en temple & oratoire ,  
 Dire oraisons , fait maint riche offertoire

En plusieurs lieux.

Penelope en depriant les Dieux  
Pour Uliſſes, ne diſtilla des yeulx ;  
De larmes tant en ſouſpirs ennuyeulx  
Comme elle a fait.

Se elle congnoiſt femme ou homme parfait  
En ſaincteté, tant en dit comme en fait,  
Le va prier de ſe mettre en effect

Dieu requérir

Que ſon eſpoux luy plaiſe ſecourir,  
Tant que ſa terre il puiſſe conquérir,  
Et qu'en victoire on le voye fleurir

Sur tous eſtranges.

D'autre coſté Damoifelles en langes  
Vont avec elle ( à piedz nudz ) par les fanges  
Acomplir veulx, prier Dieu & ſes Anges

Pour le bon Roy.

Plus fort a fait mettre en ordre & arroy  
Proceſſions, ſonner cloches, beffroy  
Par toute France & porter ſans deſroy  
Saintes reliques.

La ſe trouvoient nobles & mecaniques,  
Femmes, enfans & tous bons Catholicques,  
Prians Jeſus en leurs dys & cantiques,

Que brief en France

Le Roy retourne en force & en vaillance,  
Victorieux & en convaleſcence,  
Comme jadis Ceſar & ſa puiſſance

A Rome entrerent.

Voyla comment toutes gens deprierent  
Avec la Royne, à laquelle donnerent  
Joye & ſolas, & moult la conforterent,

Mais or' lairrons

A parler d'elle, & au Roy retournerons  
Qui ſe conſeille à ſes loyaulx Barons  
Comme il pourra mettre aux champs ces poulerons

Venitiens.

Or avoit il gens vaillans & sciens  
Tres esprouvez aux actes Martiens ;  
Qui ont conclud , tant jeunes que anciens  
Que lendemain  
De May unziefme on partiroit soubdain  
Pour leur aller coupper chemin & train ,  
Ainsi qu'apres vous orrez plus à plain.

### VERS ALEXANDRINS.



U N G samedi matin, de May unziefme  
jour  
Environ les quatre heures , le Roy  
sans long séjour ,  
Faißt sonner mettez selles , gens-  
darmes à cheval ; [ d'aval.  
Trompes , tabours resonnent tant d'amont que  
Chascune compagnie arrive en la campagne,  
Soubdain courent aux armes , s'en vont soubz  
leur enseigne ,  
Tentes & pavillons ; lors eussiez veu par terre  
Ung chascun endroit soy tout son bagaige serre ;  
Le long de la riviere , marchoit tout le sommaige  
L'avantgarde au dessus pour doubte du pillage ,  
Laquelle conduysoient en moult belle ordonnance  
Le seigneur de Chaumont , lors Grant Maistre  
de France. [ cret ,  
Et le seigneur Jehan Jacques , Chevalier tres dis-  
Qui au faißt de la guerre entendoit maint secret.  
La bataille mena le Roy par sa prudence ,  
Comme cil qui sçavoit , par vraye experience ,  
Sçavoir dire & mieulx faire , conduyre & discerner  
Comme il failloit batailles regir & gouverner.  
Avecques luy marcherent Princes de grant renom ,  
La plupart de son sang , dont veulx dire le nom.

Charles Duc d'Alençon , armé de toutes armes  
Chevauchoit pres de luy,tenant assez bons termes;  
Charles Duc de Bourbon y fut si sumptueux ,  
Que bien monstroït la geste d'homme tres vertueux.

Le seigneur de Fouez à l'avantgarde estoit ,  
Qui comme plain de cuer , la bataille appetoit.  
De Lorraine le Duc , bien monté & armé ,  
Marchoit en la bataille , de tous bien estimé ;  
Pres de luy estoit Charles, de Vendosme le Conte  
Si pompeux en ruades,que chascun en tint compte;  
Le train de pres suyvoyt le Conte de Nevers  
Qui maintz saulx & ruades fist de long & travers ;  
Puis Loys d'Orleans , de Rhotelin Marquis ,  
Tenoit bien le maintien , d'homme aux armes exquis.

Le Conte de Geneve Philippes de Savoye ,  
Armé triumpamment , chevaulchoit par la voye ;  
Marquis de Montferrat , tres pompeux y estoit ;  
Le Marquis de Saluces en armes le suyvoit ;  
Loys de la Trimouille y fut en grant arroy ,  
En tel ordre & triumphe marchent avec le Roy.

Après en l'avantgarde si marchoit à la file  
Dom François d'Orleans,lors Duc de Longueville  
Fut chef & conducteur , ainsi tout le camp marche ,  
Si triumpphant se croy,que puis le temps de l'Arche  
Du bon pere Noë , ne devant cinq cens ans  
L'on n'a veu pour ung coup tant de bons combatans.

Banieres on desploye , enseignes & guydons,  
Et lors firent beau bruit, trompes , fifres , bedons ,  
Chevaux menoient ung bruit si tres impetueux  
Qu'il sembloit que la terre deust fondre deffoubz eulx.

Ce jour beau temps il fit , le clerc Phebus luysoit,  
Qui dessus les harnoyz ung grant lustre faisoit ,



Bouletz , artillerie , & toute aultre charroy ;  
 Faisoit tembler la terre , plus que fouldre ou beffroy ,  
 Echo du bruit refonne , par boys , prez , & forestiz ,  
 Par vaulx , & par montaignes , rivières & marestz ,  
 Lors Jacques de Cabanes seigneur de la Palice ,  
 Tout devant l'avantgarde , la lance sur la cuisse ,  
 Va cherchant ennemys , desirant les trouver  
 En bataille rengée pour sa vertu prouver.  
 Le Roy marche en bataille , & bien se donne garde  
 De tout son exercite , mais grandement luy tarde  
 Qu'aux champs il ne rencontre l'armée seigneuriale ,  
 Pour leur monstrier que c'est que puissance Royale.  
 Tous bons moyens il cherche soit à perte ou à gaigne  
 De mesler avec eulx sa belliqueuse enseigne ,  
 La furent tous les Princes d'orfaverie couvers  
 Et drap d'or decoupé de long & de travers ,  
 Je n'ose raconter la richesse innombrable ,  
 Craignant qu'aucuns ne tinssent la verité à fable ;  
 Reste que puis cent ans l'on n'a veu exercite  
 Si riche , bel , & fort , ne de meilleur conduite.  
 En cest estat desmarchent , au son de maincte trompe ,  
 Clerons , fifres , tabours , qui fut une grant pompe ;  
 Plus de troys mil & plus , sans parler de bagaige .  
 Duroit toute l'armée , & triump hant bernaige ,  
 Si grant lustre donnoit le soleil sur les armes ,  
 Qu'il sembloit que la terre ne portast que hommes d'armes.  
 Or n'est il cueur si triste , perplex , ny esbahi ,  
 Qui de veoir tel triumphe ne feust tout esjouy ,  
 Le bruit & la tempeste volla jusqu'aux oreilles  
 Du camp Seigneurial , dont se donnent merveilles ;  
 Car lors bien se penserent qu'on les alloit chercher  
 Par ung aultre costé , pour leurs vivres trencher ,

Dont ce jectent aux champs, fortifier s'en vindrent  
 En lieux avantageux, ou pour ce jour se tindrent.  
 Jusques à ung traict d'arc de l'Ost Venitien,  
 Vint loger l'exercite du Roy Tres chrestien,  
 Bataille il leur presente, ne si veulent renger,  
 Car faulte d'appetit les garda d'en menger,  
 Et la deux grosses heures demoura en bataille,  
 En attendant tousjours que leur armée faille,  
 Car les aller chercher en leur fort sans dommaige  
 Impossible il estoit, trop avoient d'avantaige.  
 Considerez quel' joye, quel plaisir & lyesse  
 Le Roy avoit pour lors, de veoir telle noblesse.  
 Ses gentilshommes voyt, si tres deliberez,  
 Et les rustres de pied, demy desesperez  
 Qu'aux champs ne rencontroient les enseignes  
 saint Marc, [ parc.  
 Ou qu'ilz n'alloient combattre jusques dedans leur

*Consultation de d'Alviane & Petillane.*



R scet bien d'Alviane que le Roy est  
 sur champs, [ chans  
 Son Ost & exercite, & bataille mar-  
 Bien estoit de l'accord qu'on allast à  
 l'encontre,

Mais Conte Petillane chantoit d'une aultre contre,  
 L'ung vouloit hazarder, l'autre qui avoit peur  
 Se veult tenir en fort, & jouer le jeu seur,  
 Disant aucun vivant ne peult avoir tenue  
 Encontre les François de premiere venue,  
 Trop plus fort est le choc porter ou soutenir,  
 Que boulet de bombarde arrester ne tenir,  
 Mais qui plus m'esbayt, ilz ont Roy vertueux,  
 De tous temps faict aux armes, hardy, Chevalereux,  
 Onc jeune ne fut, que n'ouysse desduyre  
 Ses gestes & haults faictz, que par tout fait reluyre.

En jeunesse hantoit harnoyz, lances & dars,  
Et sembloit proprement qu'il fust filz du Dieu  
Mars,

Et depuis en bataille donna bien à congnoistre,  
Que Princes belliqueux aux armes doyvent estre.  
En lieux ultramontains, estranges regions,  
A conduit & mené ses fieres legions,  
Combatu & vaincu, fait si mortelle guerre,  
Qu'enfin est demeuré vray seigneur de la terre.  
Plus dure est la rencontre que de Hector ne  
Achiles,

Et trop plus furieuse que la masse Hercules.  
Puis donc que congnoissons sa fierté & nature;  
Tenons nous en noz Fors, evitons l'aventure,  
Car si ainsi faisons, ennuy, peste ou famine  
Avant deux moys mettront tout son camp en  
ruyne,

Après nous les pourrons legierement deffaire,  
Voyla le myen conseil touchant cestuy affaire;

## L'AUTHEUR.



'ALVIANE respond à Petillane  
Conte, [ rable honte,  
Tel œuvre n'est honneur, mais mise-  
Tromperie & cautelle n'emportent  
point de gloire,

Mais la lance & l'espée en obtenant victoire,  
Vous congnoissez allez que vous & moy ne sommes  
Princes, Ducz, ne Marquis, mais simples gen-  
tilzhommes,

Et toutesfoys avons exercite & arroy  
Estimé par espies plus grant que cil du Roy,  
Vous dictes que vaillant il est & plain de cueur;  
Tant plus aurez de gloire si demourez vainqueur,  
Ainsi donc qui voudroit raison au vray debatre,

Elle s'accorderoit que les debvons combattre ;  
 Vous voyez que le Roy , son Sang , & sa Noblesse ;  
 Present est sur les champs , pensez quelle richesse  
 S'il advient que fortune soit pour nous bonne &  
 belle ,

Riches sommes de biens & de gloire immortelle.  
 Cesar ne Alexandre & tous les Preux ensemble ,  
 N'avoient point tant d'honneur comme nous se  
 me semble ,

Si le loyal marchant pour gagner peu de chose,  
 Aux fortunes de mer son corps & biens expose .  
 Par plus forte raison debvons en seure terre  
 Exposer vie & corps pour los & biens acquerre ;  
 Prenant au pis venir , s'il advient que fortune  
 Leur soit favorable , encor la voix commune  
 Dira trop hardiz furent Petillan , d'Alviane  
 D'oser attendre aux champs l'armée Gallicane ;  
 Ainsi donq' ne povons soit à gaing ou à perte  
 Qu'en la maison d'honneur ne trouvons porte ou-  
 verte , [ demeure ,

Qui pert le corps & biens , mais que honneur luy  
 Je veulx dire & maintiens qu'il est né de bonne  
 heure ;

Faisons doncques par œuvres nostre nom embellir ,  
 Acquerant bruit & gloire que mort ne peult tollir ,

## L' A U T H E U R.



O Y L A com' d'Alvian desiroit la ba-  
 taille [ & taille ;  
 Pensant en sa musique faire la contre  
 Mais luy & tout le camp se trouverent  
 deceuz ,

Quant oultre leur vouloir le Roy fist le dessus ;  
 En ce debat y eut maint bon conseil donné ,  
 Mais le tout debatü , fut dit & ordonné

Qu'en leur fort se tiendront encore ce jour encloz ;  
 Pensant qu'on les iroit assaillir en leur cloz.

Mais le Roy adverty de leur fortiffiement ,  
 Jouera d'aulture sorte , car tout soudainement .

A Rivolte transmist deux mil aventuriers ,  
 Cinq ou six gros canons , les cinq cens pionniers ;  
 Disant le Roy ainsi , alors qu'ilz congnoistront  
 Le siege y estre mis par le bruit qu'ilz orront ,  
 Lasches seront de cueur , & trop plus que meschans ;  
 Si pour les secourir ne se jectent aux champs .

Mais devant qu'il voulüst ce faict executer ,  
 Comme doulx & humain , envoya inciter  
 Les manans de Rivolte qu'a luy se vueillent rendre ;  
 Ou qu'à sac seront mis , leur ville mise en cendre .  
 La response fut telle , que riens ne le craignoient ,  
 Car à troys mille d'eulx Venitiens estoient ,  
 Qui leur avoient promis , en peine de mourir  
 Qu'en bataille rengée les viendroient secourir .

Quant le Roy entendit leur obstination ,  
 Dit à ses Capitaines , pour resolution  
 Je abandonne Rivolte , les biens & la defferre ;  
 A tous bons compaignons qui la voudront con-

querre , [ dez ,  
 Saulvez l'honneur des Dames , jeunes enfans gar-  
 Et des rebellans faites ainsi que l'entendez .

Adonc veissiez ces rustres effrontez comme biches  
 Diviser l'ung à l'autre , sang bieu nous sommes  
 riches .

L'ung dit se je debvoye estre mys en quartiers ,  
 Si ne seray je pas aujourd'huy des derniers ,  
 N'y a cil qu'il n'apete se trouver au hutin ;  
 Tant pour l'honneur & gloire , côme pour le butin .

Or marchent en bataille , leurs enseignes au vent ,  
 Venuz sont à Rivolte , le siege ont mis devant ,  
 Les canons sont aproche avec les canonniers ,  
 Lesquelz mettent en œuvre charpentiers , pyonniers ,

Qui tantost affustée eurent l'artillerie ;  
 Et en lieu bien choisi pour faire baterie.  
 Lors commence à tirer , & faire tel' tempeste ,  
 Que le camp de Venise en peult ouyr la feste.  
 Adonc de leur promesse leur alla souvenir ,  
 Mais oncques volonté n'eurent de la tenir ,  
 Aussi s'ilz l'eussent faict ; commis eussent injure  
 A leur faulse coustume , & mauldiète nature  
 Bien enviz aux estranges , ilz tiendroient feaulté  
 Quant entr'eulx ne maintiennent , amour ne lo-  
 yaulté.

Ceulx de Rivolte sont sur murailles en armes ,  
 Combatent vaillamment , tiennent assez bons  
 termes ,

Fossés parsons & larges eut autour de la Ville  
 Si creuz & rempliz d'eau , qu'il estoit difficile  
 De leur donner l'affault sans perte dangereuse ,  
 Mais je vous diray chose à croire merveilleuse.

Ains que l'artillerie tirast jamais dix coups ,  
 Cinq ou six pionniers troussèrent sur leur couls  
 Leurs pics habilemens , & adonc se jeterent  
 Au travers des fossez , tant qu'a naige passerent  
 Quelque esnuy qu'on leur feist maulgré la vile-  
 naille ,

Passerent les fossez , vindrent à leur muraille ,  
 Ou à gros coups de picz si tres bien besoignerent ,  
 Que ung trou fut faict tantoist , par lequel ilz pas-  
 serent ,

Quant les adventuriers congneurent le passaige ,  
 Se jectent dedans l'eau , & de passer à naige.

En ce hatif desordre leurs Chefz & Capitaines  
 Crient , Demourez ribaulx , mais ilz perdent leurs  
 peines ,

Oultre les fossez passent , ne pensent au danger ,  
 Car dix y demourerent par faulte de naiger .  
 Capitaines voyans qu'il n'y avoit remede ,

Sonner ilz font l'assault, & tirent fort & roide;  
 Veniciens en armes sont dessus leur muraille  
 Attendant leurs secours, frappans d'estoc & taille,  
 Hacquebutes deschargent, & grosses pierres ruent  
 Dessus adventuriers, qui d'entrer s'esvertuent :  
 La commença l'assault, & tres cruelle alarme,  
 Durant les pionniers besoignent fort & ferme,  
 Deulx ou troys trous ilz feirent, & adonc à la file  
 Commencent à passer, & entrer à la Ville,  
 Par picques & eschelles les ungs montoient à mont,  
 Et les autres grippoient par les chaines du pont.  
 Or sont François dedans qui par la Ville crient,  
 A mort traistres à mort. Hômes & femmes fuyent.  
 Ceulx de la garnison, & aultres de deffence  
 Abaissent leurs enseignes, commencent crier  
 France,

Au larron ressembloient qui point ne se repent  
 Juc à ce qu'il est prins, ou lors que l'on le pend.  
 Helas ! ce fut trop tard, point n'y eut d'amytié,  
 Car cholere trop chaulde excède de la pitié,  
 Lombars sont estonnez & n'ont aultre science,  
 Fors haulcer les espaulles, & piller patience,  
 En raison se fondonnent parlans aux gens de guerre,  
 Mais c'estoit chauld & froit qui engendroit ton-  
 nerre,

Qui vit adonc Normans, Gascons & pyonniers  
 Visiter garderobes, chambres, salles, greniers,  
 Bien pouvoit maintenir sans excéder raison,  
 Qu'oncques de telz fourriers n'eurent en leur mai-  
 son,

Gros nombre de Suisses survindrent au pillage,  
 Et Dieu sache comment ilz remuoient meinaige,  
 Aultres choses je laisse à parler & descire,  
 Car je croy qu'on en pense plus que n'en pour-  
 roys dire.

Retournons au propos, tant de gens arrivoient

Pour entrer à Rivolte, que l'ung l'autre estoïssient;  
 Durant ces entrefaictes l'exercite du Roy,  
 Munitions, bagaiges; & tout autre charroy  
 Sont venus campeger, ont leurs estandars mis  
 A deux mil d'un costé pres de leurs ennemys,  
 A ung mil de Rivolte, & de Cassan à troys,  
 Ou l'on conta au Roy les merveilleux effrois,  
 Comme contre toute ordre & maniere de guerre,  
 Les gens de pyed avoient, pour gagner la desferre  
 Prins Rivolte en une heure. fofsez passez à naige,  
 Ains que l'artillerie eust faict trou ne passaige;  
 Oultre plus luy fut dict, comme Alemans mutins  
 Prenoient debartz contre eulx à cause des butins.

Le Roy considerant les maulx, derisions  
 Que advenir y pouvoit par telz divisions,  
 De ses chefs principaulx à coup il va transmettre;  
 Pour apaiser le bruit & par tout ordre mettre;  
 Mais riens faire n'y peuvent, pourtant que difficile  
 Fut aux gens de cheval entrer dedans la Ville,  
 Murées estoient les portes, & n'y avoit que trous  
 Par ou passé avoient, à pattes & à genoulx.

Le Roy cecy voyant, y ouvra aultrement,  
 Car une grosse alarme feit sonner haultement;  
 Peu de gens y avoit qui sceussent l'entreprinse,  
 Par quoy l'on veit tantost en la plaine & pour-  
 prinse

Pietons courir aux armes, gendarmes à cheval,  
 Sembloit que tout deust fondre tant d'amont que  
 d'aval,

Le guet lors s'ebahit, avantcoureurs s'estonnent,  
 Vivandiers se retirent, trompes & siffres sonnent,  
 Le bruyt adonc ouyrent. pietons, aventuriers  
 Qui à Rivolte furent, saillant comme levriers,  
 Habandonnans la Ville, se jectent en campagne  
 Tous chargez de butins, s'en vont soubs leur en-  
 seigne,



En cest estat départent fiers comme Presidents ;  
 Mais à la departie misrent le feu dedans ,  
 Lequel soudainement en l'aer si tres hault monte ,  
 Que l'Ost Venitien le peult veoir à sa honte ;  
 Lors commençay à dire , quant telles choses vy ,  
 Je voy venger l'oultrage que fut faict à Trevy .  
 A l'heure de l'alarme vint telle pluye & tonnerre ,  
 Qu'il sembloit que le ciel voulsist noyer la terre ;  
 Ne sçay si draps de foye , draps d'or y ont gaigné ,  
 Mais seur suys que la pluye n'y a riens espargné ,  
 Le Marquis de Mantoue , ainsi comme il disoit ,  
 Attrainct de quelque siebre , dont fort se dou-

lousoit ,  
 Neantmoins que la guerre totalement desire ,  
 Par le conseil du Roy , à Cassan se retire .

Le jour par quatre foys le Roy tint son conseil ;  
 Car chascun bien pensoit , veu le grant appareil  
 Que l'Ost Venitien faisoit de s'acoustrer ,  
 Qu'en bataille François voulsissent rencontrer ,  
 Grans bragues ilz faisoient , & fiere contenance ,  
 Mais de fortir en place nully d'eulx ne s'avance ,  
 Le lendemain qui fut le treziesme de May [ may ,  
 Par ung jour de Dimanche , Marquetz sont en es-  
 Bien pensoient qu'en leur fort on les voulsist  
 combattre ,

Mais le Roy entend bien que ailleurs les con-  
 vient batre ;

Parquoy entre Rivolte & leur camp à costé ,  
 Leur a le cours de l'eau totalement osté ,  
 Dont lendemain contrainctz furent de desloger  
 Pour s'en venir aux champs en bataille rengier ,  
 Le soir bon guet on feit renforcer gros & ferme ,  
 Toutesfoys jour & nuict passerent sans alarme .

*Cy commence la bataille du Roy contre les Venitiens ;  
faicte en la plaine de Vella pres d'Aignadel.*



UNDY de May le quatorziesme jour,  
Venitiens sans plus faire sejour,  
Levent leur camp, abandonnent leur  
fort,

Ce neâtmoins qui leur en grevast fort,  
Mais ainsi est que advertiz ilz estoient,  
Comme François au plus matin partoient  
Gaignans pais pour leurs vivres trencher,  
Et oultre plus qu'ilz pretendoient marcher  
Jusqu'a Carvas, voire jusques à Bresse,  
S'ilz ne trouvoient qui rompiſt leur adresse;  
Parquoy ſçachans qu'ilz pourront estre encloz  
De l'Oſt François, & de vivres forcloz,  
Laiſſent leur fort, ſe jectent en avant  
Pour les logis aller prendre devant  
Vers Pont-d'oye, lequel congnoiffoient fort;  
Pour eulx parquer & faire gros renfort,  
Car d'eſpions bien estoient advertis  
Comme François ce jour estoient partis,  
Deliberez en ce lieu campeger,  
Puis lendemain Carevas aſſieger.

Lors d'Alviane & Petillane cheſz,  
Pour obvier aux dangereux meſcheſz,  
Vers la minuyct font trompettes ſonner,  
Meſtez ſelles, & tabours reſonner,  
Adonc veiffiez enſeignes, eſtandars  
Jecter au vent, gendarmes & ſouldars  
Crians Marcou, tirans vers leurs enſeigne,  
Soixante mil & plus en la campagne  
Eſtoient armez, voire ſi ſumptueux,  
Qu'il n'eſt poſſible au monde d'eſtre mieulx;  
Canons, perriers, baſilicqs, coulevrines,

Mortiers, faulcons, & longues serpentines;  
 Boullertz de fer, manteaulx, barilz de pouldre;  
 Au charrier sembloit tonnerre & fouldre,  
 Estradiotz au son de leurs bedons  
 Courrent chevaux, font bruire leurs guidons.  
 Saillent en l'aer, vont de si roide sorte,  
 Qu'il semble bien que tempeste les porte.

Quatre scardrons y eut en l'exercite  
 Qui feiz beau voir, chascun Chef les incite  
 En leur disant, aujourd'huy vous ferez  
 Riches de biens, de gloire parez.  
 En cest estat marchent de grand couraige;  
 Deliberez s'ilz treuvent le bernaige  
 Du Roy François, luy donner tel rencontre;  
 Qu'il ne pourra resister à l'encontre.

Le propre jour Loys Douziesme Roy,  
 Du plus matin fist marcher son charroy,  
 Par tout prevoit, met ordre en son affaire  
 Comme celluy qui telz actes scet faire;  
 Avantgarde, bataille, arrieregarde  
 Il revisite & de tout se prent garde;  
 Parmy l'Ost fait crier que nul vivant  
 Soit si hardy de marcher en avant  
 Avec le train de son artillerie,  
 Touchant le fait de sa gendarmerie  
 Conseille, enhorte, & tel ordre leur baille,  
 Qu'onques Cesar ne fist mieulx en Theffalle.

Après avoir ainsi que ung Charlemaigne  
 Revisité l'exercite qu'il maine,  
 Fiffres, tabours, trompes, cors, & clérons  
 A fait sonner, lors grans coups d'esperons  
 Donnent de hait Chevaliers & Vassaulx,  
 Qu'ilz n'attendoient fors les mortelz affaulx,  
 Pouldres volloient, pannonceaulx & enseignes  
 Laysent au vent par vaulx & par montaignes.

Adventuriers, Gascons, Normans, Picars,

Garniz de traitz, picques, voulges & dars;  
 Marchent avant, & leur tarde beaucoup  
 Qu'ilz n'y sont ja pour mieulx faire leur coup.  
 En ordre tel, tel triumphe & honneur  
 Marchoit le camp du souverain Seigneur,  
 Par tous moyens cherchent de rencontrer  
 Venitiens pour sa vertu monſtrer.  
 Ainſi chaſcun penſe avoir du meilleur,  
 Car noble cueur qui ne tend qu'à valeur,  
 Ne doute ou craint de guerre le hazard,  
 Mais tousjours prent le meilleur de ſa part.

Or ſont François dès troys heures ſur champs  
 Lundi matin en bataille marchans,  
 Ung mil & plus de bon pays trouverent,  
 Mais toſt apres mauvais chemins paſſerent,  
 Comme mareſtz, vignes, praeries & bledz,  
 Environnez de foſſez d'eau comblez,  
 Tant que paſſer n'y pouoit le charroy  
 Sans grande peine & merueilleux deſroy,  
 Bref tout le camp ou n'avoit que remordre,  
 Paſſer n'y peult ſans dangereux deſordre,  
 Deux mil & plus furent en ceſte peine,  
 Puis on trouva belle praerie & plaine,  
 Adonc veiffiez marcher en ordonnance  
 Le camp François, c'eſtoit une plaifance,  
 Car nonobſtant que fuſt toutes campagnes,  
 Sembloit foreſt de picques & enſeignes.

D'autre coſté à deulx mil coſtoyans  
 Eſtoient Marquetz en armes flamboyans,  
 Vont à couvert par petites foreſtz  
 Entre deux Oſtz, prez, vignes, & mareſtz,  
 Tendans loger chaſcun en ung meſme eſtre,  
 Mais or verrons tantost qui ſera maïſtre,  
 Car ſeize mil & plus y logeront,  
 Qui du logis jamais ne partiront;  
 Venitiens marchans, pays canonnent

A coups perduz, tant qu'à congnoistre donnent  
 Qu'ilz viennent droict, ou que pres ilz estoient,  
 Ou possible est que abuser ilz vouloient  
 Le camp François pour premier campeger  
 En Aignadel ou pretendoient loger ;  
 Mais le Roy ( pource ) oncques ne s'arresta,  
 Ains marche avant, & tant bien exploicta,  
 Qu'en Aignadel son avantgarde arrive,  
 Venitiens estoient de l'autre rive,  
 Quatre scadrons eut en leur exercite,  
 Dont le premier estoit soubz la conduicte  
 De Petillan, dont chascun tenoit conte,  
 L'autre menoit Bernardin du Mont Conte,  
 Le tiers Messire Anthoine dict de Py,  
 Et puis le quart Seigneur Bartheleny.

Or sont venuz marchans moult fierement  
 Pres Aignadel François semblablement,  
 Qui espioient leur geste & contenance  
 Fiere pour vray & de grand' arrogance,  
 Oultre plus voyent les enseignes saint Marc  
 Qui ja taschoient se renforcer en parc.  
 Monsieur le Grant Maistre Seigneur de pris  
 Manda au Roy que le logis est pris ;  
 Lequel respond & dit au messaiger,  
 Certes il n'est question de loger,  
 Mais de chocquer en mortelle bataille  
 En quelque lieu que leur exercite aille ;  
 Ains que Soleil couché soit, l'on verra  
 Auquel de nous le logis demourra.

Responce ouye, eussiez veu l'avantgarde  
 Marcher avant, chascun est sur sa garde,  
 Trompes, tabours adonc sonnent alarme,  
 N'y a pieton, chevalier, ne gendarme,  
 Qui ne desire, à leur semblant & geste,  
 De se trouver à la mortelle feste.  
 De l'autre part Venitiens estoient

Gaignans pays & moult fort se hastoient ;  
 Deliberez de renfoncer la place ,  
 Mais le seigneur Jehan Jacques eut tel' grace  
 Qui congnoissoit les lieux & les destroidtz  
 Qui les laissa entrer es lieux estroidtz ,  
 Laisant passer les trois premiers scadrons ,  
 Pour mieulx tenir en serre ces poultrons ,  
 En tel' façon que d'Alvian dernier ,  
 Par ce moyen se trouve le premier .

Alors a dit au seigneur de Chabanes ,  
 Mon tres cher filz je voy que tu ahanes  
 D'estre à repos , ne faiz plus de demeure ,  
 Donne dedans , car ores il est heure .  
 Venitiens adonc voyent les banieres  
 Du Roy François marcher vers leurs frontieres ,  
 Lors en bataille accourent à l'encontre ,  
 Dont commença le terrible rencontre ,  
 Car si François marcherent en avant ,  
 Venitiens leur vindrent au devant  
 Si fierement , qu'à bien tout estimer  
 Nully des deux on ne scauroit blasmer .

En cest assault & senglante tuërie  
 Incessamment tiroit l'artillerie  
 Si roidement de toutes les deux pars ,  
 Que plusieurs sont occis , mors , & espars .  
 Et nonobstant que maintz coups s'adresserent  
 En la bataille , ou plusieurs gens tuerent ,  
 Pource le Roy ne changea sa semblance ,  
 Ne son parler , couleur , ne contenance ,  
 Ains marche avant d'ung cuer si magnanime ;  
 Que toutes gens l'eurent en grosse estime ,  
 Grands & petits doucement il enhorte  
 Ordre garder , voire de telle sorte ,  
 Que les vaillans & plains de cuer renforce ,  
 Et aux craintifz donne couraige & force .

Durant ce temps , comme j'ay dit devant ,

Tous les deux Oſtz marcherent en avant  
 Si rudement, qu'au joindre & aſſembler,  
 L'on peult ouyr la campagne trembler.  
 Gens de cheval par rencontre diuerſe  
 Donnent dedans, chocquent à la trauerſe,  
 Rompent les rancs, & là tout noble cueur  
 S'eſvertuoit pour demourer vainqueur.  
 Lez ung foſſé fut le mortel chapplys,  
 Car les François de courage remplis,  
 Totallement paſſer oultre s'attendent,  
 Mais ennemys fierement le deffendent,  
 A coups de traittz frappent, ruent, aſſaillent,  
 Et les François ſi rudement bataillent,  
 Que les Marquetz eſtant ſur les foſſez,  
 A grans coups ſont chazez & repouſſez;  
 D'autre coſté fut la grant eſcarmouche  
 De gens de pied, car quant vint à l'approche,  
 Meurdre ſi grant firent & tel' tuërie,  
 Que des mors fut couverte la prairie,  
 Dens les foſſez peult on veoir atterrez  
 Maintz povres corps de glaives enſerrez,  
 Car les François tousjours marchoiſent avant,  
 Quelques foſſez qu'il y euſt au devant,  
 Jeſtans, ruans coups ſi tres vertueux,  
 Qu'il n'eſt Marquet qui dure devant culx.

Lors on peult veoir les enſeignes de France  
 Gagner le hault, combatent à oultrance,  
 Et tellement que ſeigneur d'Alviane  
 Voyant ainſi l'armée Gallicane  
 Paſſer foſſez & gagner l'avantage,  
 Ses gens ralye & leur donne courage;  
 Oultre plus fiſt venir pour ſon renfort  
 Le tiers ſcadron, qui feiſt terrible effort,  
 Car la Palice avecques ſes gens d'armes  
 Qui les foſſez par vertueuſes armes  
 Avoient paſſé pour leur donner la chaffe,

Du tiers scadron sont trouvez en la place;  
Dont la bataille adonc se renouvelle  
Plus que devant, aspre, fiere, & mortelle.

En ce conflict pluye, esclerz, & tonnoire  
Survint en l'air, qu'il sembloit que la terre  
Deust abismer, car canons plains de pouldre  
Correspondoient au grand tonnoire & fouldre,  
Voyre en façon, qu'en ceste horrible feste  
Pluye sembloit grosse gresle & tempeste  
Qui pour François fut au desavantage,  
Car droict le vent leur chassoit au visaige.

A ce renfort la tourbe d'ennemys  
Si grosse fut, que François sont remis  
Et repoussez sur le bort des fosses  
Qu'au paravant à force avoient passez.  
Lors le Seigneur de Chaumont qui fut Chef  
De l'avantgarde, en voyant ce meschef  
Manda au Roy que tost & à grand cours  
Sans plus attendre il envoyast secours.  
Cecy oyant de Bourbon le Seigneur,  
Desirant gloire & immortel honneur,  
Va dire au Roy, Monseigneur je voy l'heure  
Qu'à vous servir il fault que je labeure,  
Si vous supply que de benigne grace  
Vous me donnez congié que je desplace  
Avec mes gens voz bons pensionneres,  
Pour aller veoir ung peu noz adversaires.  
Car j'ay espoir leur donner tel venue,  
Que devant moy n'auront point de tenuë.

Adonc le Roy luy a dit, Beau cousin,  
Je congnoys or vostre cuer noble & fin,  
Et joyeux suis quant vous voulez trouver  
En camp mortel pour voz valeurs prouver;  
Or allez donc & pensez de bien faire,  
Car apres vous je m'envoys à l'affaire.  
Adonc s'en part Bourbon de la bataille,



Vient au conflict, ou d'estoc & de taille  
 Noz ennemys avoient ja repoussez  
 Nostre avantgarde au deça des fossez.

Lors furieux, plus que tigre ou lyon,  
 Ou comme Hector, sortant hors d'Ylion;  
 Pour aux Gregoys faire quelque dommaige,  
 Ce noble Duc donna de tel couraige  
 Avec ses gens, qu'il a fait ouverture  
 Des gens de pied, lesquelz mist en rompture;  
 Adonc chascun commença crier France,  
 Car l'avantgarde a prins cueur & puissance.



N ces conflictz & tres piteux alarmes  
 Eussiez peu veoir, Chevaliers, hom-  
 mes d'armes [carmes  
 A la grant presse, & plus rudes va-  
 Qu'il peult choisir

Donner dedans. Bref c'estoit ung plaisir  
 De veoir abatre & en terre gesir  
 Venitiens qui n'avoient le loysir  
 D'eux relever.

Alors on veit nobles cueurs s'esprouver  
 Qui desiroient aux armes se trouver,  
 Pour leurs vertus & vaillances prouver  
 Par haultains faictz.

Helas que ceulx sont de gloire refaictz,  
 Qui ce jour ont porté le pesant faiz  
 Des durs assaulx, & coups qui furent faictz  
 En ces combatz;

Car à ce heurt François ruerent bas  
 Hommes, chevaux, rompent selles & bastz.  
 Parmy les ruës, vont cherchant les debatx  
 Et gros affaires,

L'avantgarde voit les pensionnaires,  
 Avec leurs chefs, hardiz & volontaires  
 Rompre & briser lances & genetaires,

Dont prennent cuer.

Lors commença le bruyt & la clameur  
Plus que devant , car c'estoit grant horreur  
De veoir meürdrir en extreme fureur

Povres souldars ,

Qui prendrent mort soubz lances & soubz dars ;  
Aultres de traitz , d'arbalestes ou arcs ,  
Aultres navrez , demy mors sont espars  
Par la prairie.

L'ung crie Jesus , l'autre sainte Marie.

Bref on ne vit oncques tel' boucherie ,

Car d'Alvian & sa chevalerie

Diminuent fort.

Parquoy transmet pour avoir du renfort

A Petillan luy demandant confort ,

Et au Conte Bernardin , qui effort

Font d'y aller ;

Mais quant ont veu les enseignes en l'air  
Du Roy François , qui se venoit mesler  
En leurs scadrons , à peine ont peu parler ;

Ains cuer perdirent ,

Car si grant ordre en sa bataille veirent ,  
Et tant de gens , que de peur s'esbayrent ;  
Tournent le dos , jusqu'a Bresse fuyrent ,

Sans desbrider.

Lors eussiez veu grans courciers desbarder ;  
Haulx appareilz getter pour mieulx s'ayder  
Les plus hardys n'osoient pas regarder

Qui les suyvoient ;

La raison est le loysir ilz n'avoient ,  
Car si grant peur encor' du Roy avoient ,  
Qu'advis leur est qu'à leur queue ilz le veoient

A la poursuyte.

Voyla comment Petillan print la fuyte

Avec le Conte Bernardin & sa fuyte ,

Voyant le Roy en sa noble conduite

Et appareil.

Et tout ainsi que voyez le soleil  
Qui faict fieschir & clorre l'humain oeil  
Par son cler lustre exquis & nompareil ,  
Ne plus ne moins

Venitiens sont de tremeur attaintz ,  
Yeulx esblouyz , tremblans de piedz & mains ,  
Par le regard du soleil des humains ,

Qui est le Roy.

Adonc fut veu trop merveilleux desroy ,  
Car en Canes , ou eut piteux conroy  
De sang humain n'eust tant , comme je croy ,  
De gens occis.

Lors d'Alvian voyant ses gens transsis  
De crainte & peur , d'ung courage rassis  
Leur donne cuer , mais François endurcis

A la tuërie ,

Les affommoient comme en escorcherie ,  
Jusqu'au plus pres de leur artillerie ,  
Dont par le camp se lieve une crierie

D'esjouyffance

Pour les François , car chascun crioit France ,  
Venitiens perdent cuer & puissance ,  
Les chevaliers gettent escu & lance

Pour mieulx courir.

Qui les voit lors des esperons ferir ,  
Dire pouvoit qu'ilz vouloient conquerir  
Quelque gros pris , dont on vouloit merir  
Le mieulx fuyant.

Mais ainsi est qu'on les va poursuyvant  
De si très prés , que ceulx qui sont devant  
Vont louant Dieu d'estre tant en avant

De peur des coups ,

Car oncques gens ne furent mieulx secoux ,  
Sembloit brebis qui fuyent devant lousps ,  
Leurs estandars depainctz de leur Marçons

Jeſtent par terre.

En ce dur choc aucun ruſtre de guerre  
Va rencontrer d'Alvian qui acquerre  
Vouloit honneur, luy donne tel catterre  
Qui le meſt juſ.

Adventuriers tout à coup ſont deſſus,  
Qui de grans coups le rendoient tout confus;  
Quant quelcun diſt, Seigneurs n'en faiſtes plus

Car c'eſt meſſire

Barthelemy, quant oyrent ce dire,  
L'ung le menaſſe & l'autre le retire,  
L'ung prent ſa foy, l'autre le veult occire;  
C'eſtoit horreur.

En ce debat ſurvint aulcun Seigneur  
De guerre chef, qui comme plain d'honneur  
A prins ſa foy, l'oſte de la fureur  
De ces pietons.

Devant le Roy tous leurs quatre ſcadrons  
S'en vont fuyant, François à leurs talons  
Sont tous les coups, qui de grans horions  
Les ont haſtez.

Oncques paillars ne furent mieulz taſtez;  
Deſtaillez ſont comme chair à paſtez,  
Les aultres ſont de picques enhaſtez

Gifans envers.

Troys mil & plus les champs furent couvers  
Des corps meurdris de tailles & revers,  
Par boys, par prez, & aultres lieux divers  
Sont accablez.

Veoir on ne peult les foffez tous comblez,  
Les aultres ſont ſoubz pons, buiffons, & blez  
Tant que du ſang les ruiſſeaux ſont troublez;

Mais d'avantage

Le Roy gaigna tout le gros chariage  
D'artillerie, & maint aultre bagage,  
Pouldres, bouletz, charretes & ſommaige.

Voyla comment  
 Venitiens prindrent leur finement  
 Dedans le camp de Vella proprement ;  
 Pres Aignadel , seize mil seulement  
 Y demurerent ,  
 De Chevaliers cent ou plus y finirent ,  
 Cent prisonniers de fait en emmenerent ,  
 L'artillerie , & leur charroy gaignerent.

## R O N D E A U.



U Roy Loys Douziesme de ce nom ,  
 Des Gallicans l'enseigne & gousanon,  
 Sur tous vivans est deu gloire &  
 louenge

Quand a mis jus , & rué par la fange  
 L'Ost de Venise , & estainct le renom.

Villes , chasteaulx ne diront plus de non ,  
 Car plus doubté est que fouldre ou canon,  
 Puis le pays de soy mesmes se renge

Au Roy Loys.

Il a mis bas ce ravissant Lyon ,  
 Mieulx que les Grecz ne firent Ylion ,  
 Hors de sa terre , & en pays estrange.  
 O ! vous facteurs parlans beau comme ung ange ,  
 D'honneur & loz donnez ung million.

Au Roy Loys,



R a tant faict le Roy par haultains  
 faictz , [ faictz ,  
 Qu'en troys lieux sont Venitiens des-  
 En la premiere y eut grosse tuërie  
 Pres la riviere , aultre en l'artillerie  
 Dedans leur camp , & le dernier effroy  
 Fut en ung boys derriere leur charroy.  
 En ce desordre aucunes gens de pied

Apres avoir leur malheur espié  
 Voyans leurs gens de cheval par tous lieux  
 Tourner le dos , fuyr à qui mieulx mieulx ,  
 Vont regarder que s'ilz prenoient la fuyte  
 Qu'ilz estoient mors moyennant la poursuyte  
 D'escarmoucheurs , & aultres de cheval,  
 Qui les tueroient tant d'amont que d'aval ;  
 Parquoy concluent combattre , & se desfendre ;  
 Disant ainsi : Il vaut mieulx la mort prendre  
 Face tournée , en frappant vaillamment ,  
 Que dos tourner , & fuyr laschement.  
 Parquoy adonc ensemble se ferrent ,  
 Tindrent bonne ordre , & leurs picques croyferent ;  
 Ainsi que ceulx qui avoient bonne envye  
 Vendre leur mort tant comme estoient en vie.  
 Mais ainsi est que François les accueillent  
 Si rudement , que par force reculent  
 Tant & si bien , qu'ilz furent renversez  
 Tous l'ung sur l'autre , & par terre poussez.  
 Lors eussiez veu en la plaine & campagne  
 De gens occis trop piteuse montaigne ;  
 Car sept vingtz piedz avoit de circuit ,  
 Et de haulteur environ sept ou huyt ,  
 Dont puis compter qu'à celle heure je vis  
 Piteusement les mors tuer les vifz ,  
 Car les premiers furent si bien ferrez ,  
 Que les derniers en furent atterrez  
 Voyre en façon , que ceulx qui mors tomboient ;  
 Ceulx de dessoubz ( à la foule ) estouffoient.  
 Picques vingt mil eussiez veu par les champs  
 Auprès des mors par la terre couchans ,  
 Dont il fut fait plus de mille fagorz ,  
 Qui pour ce jour vindrent bien à propos ;  
 Car les François en firent feu de joye  
 Pour eulx secher , les ungs cryoient Montjoye ;  
 Les aultres France , aultres prenoient plaisir

Par terre veoir leurs ennemys gesir.  
 La, peult on veoir , de ce bien me recors ,  
 D'un seul regard plus de trois mille corps ,  
 Soillez , broillez de leur sang , pluye , & fanges  
 Nudz estanduz sans draps , linges , & langes ,  
 Et les bastons du Roy treschrestien  
 Taintz & rougis du sang Venitien.

Ainsi le Roy voyant les ennemys  
 Gisantz envers , aultres en fuyte mys ,  
 D'un cueur devot va commencer de dire.  
 O ! Dieu puissant mon createur & sire ,  
 Gracias te rendz , car bien scay qu'en tes mains  
 Gist la victoire ou malheur des humains ,  
 Parquoy proteste à tousjours & maintiens  
 Qu'en as la gloire & non moy ny les miens ,  
 Car de ton ciel & souverain Empire ,  
 A mes advers as demonstré ton ire ,  
 Qui la cause est que les avons desfaictz  
 Plus que l'effort de noz debiles faictz.

Ces morz finiz tout fangeux & mouillé  
 Du mauvais temps , des armes travaillé ,  
 Se vint loger dedans une cassine ,  
 Jouxte le camp , alors mainte buffine ,  
 Trompes , clairons , la retraicte sonnerent  
 Si haultement , que boys en raisonnerent ,  
 Car bien trois mil François estoient espars ,  
 Les ennemys chassans de toutes pars.

Princes , Seigneurs àdonc se retirerent  
 Devers le Roy , & la moult deviserent ,  
 En collaudant comme gens vertueux  
 Les durs efforts , & gestes sumptueux  
 Des Conduc-teurs , Chevaliers & Gensdarmes  
 Qui ce jour ont porté grand faiz des armes ,  
 Et là monstroient que tout louable faict  
 De gloire ou don doit estre satisfait.

## R O N D E A U.



N Aignadel sur le camp de Vella ;  
Loys Douzième occist & debella ,  
Sans le secours d'Empereur , Roy , ou  
Pape

Venitiens, leur donnant telle estrape,  
Que seize mil & plus moururent là.

D'Alvian tint , Petillan recula ,  
Aussi l'on dit en la gloire qu'il a  
Que son cheval n'eut pas la goutte grappe ,  
En Aignadel.

Et tout ainsi que Hercules affolla  
Chien Cerberus quant aux enfers alla ,  
Le Roy Loys vint jusque en leur estappe ,  
Les assommer , heureux est qui eschappe ,  
Car de trop près les print & accula  
En Aignadel.



R est d'Alvian prins , & navré au vi-  
saige

Le Roy l'a faict penser , rendant bien  
pour oultraige.

O ! grand' humanité, certes Barthelemy  
Ne pensoit pas trouver si humain ennemy ,  
Car les jours precedens au Roy mandé avoit ,  
Que de grans cheines d'or lyé le meneroit [stre  
Jusques dedans Venise, hélas ! or' peult congnoi-  
Comment outrecuydance enfin deçoit son maistre.

Le lendemain matin le Roy au propre lieu  
Feist chanter mainte Messe, & rendre gloire à Dieu,  
Inhumer les corps mors, dont y eut si grant nombre,  
Qu'on ne pouvoit passer à cheval sans encombre.  
Ce jour une rumeur, ung gros bruit, ung vacarme  
Fut ouy par le camp , & si terrible alarme ,



Qu'il sembloit qu'ennemys fussent ja de tous lez  
 Avecques les François en bataille mellez.  
 A ceste grand' clameur eussiez peu veoir en armes,  
 Prés le logis du Roy, plus de mil hommes d'armes,  
 Lesquels en ung instant furent en ordonnance,  
 Tous montez & bardez, sur la cuisse la lance,  
 Adventuriers veissiez, en leur ordre parquez,  
 Tous prestz en ung moment de donner & chocquer.  
 D'Alviane pour lors estoit à la fenestre  
 De la maison du Roy, voit à dextre & fenestre  
 Gensdarmes & Pictons mouvoir comme formys  
 Prestz & deliberez de combattre ennemys;  
 Lors commença louer l'ordre & celerité  
 De l'ost & camp du Roy, mais plus l'auctorité  
 Qu'il avoit sur les siens, aussi l'obedience  
 De ses loyaulx Subjectz, monstrans leur diligence.  
 Adonc dist: Beaulx Seigneurs, ne vous hastez tant  
 ores,  
 Car certes les poultrons par champs fuyent encores.  
 Bien disoit verité, car oncques ne cesserent  
 De picquer jour & nuyct, tant que mer ils trouve-  
 Encor dedans Venise estoient si espeurez, [rent;  
 Que de deux moys apres ne furent asseurez.  
 Ce mesme jour transmis fut Seigneur d'Alvian  
 Loger à la Roquete, au chasteau de Millan.  
 Oultre plus trente pieces de grosse artillerie  
 Aux armes de Marcou, & de la Seigneurie.  
 A l'entrer de Millan, d'enfans plus de dix mille  
 Apres Barthelemy, crioient parmy la ville.  
 Au poultron maledict, & ne fust les archiers.  
 Autant luy eust valu estre es mains des bouchiers.  
 De ceste grand' rompture, & triumpant' victoire  
 C'est faict ung bruit si grand, & si haulte memoire,  
 Que climatx Chrestiens, Turquie, & Barbarie  
 Ont esté avertiz de la sanglant' tuërie  
 De l'ost Venitien, & comment ung seul Roy

En

En camp les a deffaictz , & ravy leur charroy ;  
 Le Pape dedans Rome en ce fait se resjoye ,  
 Car cloches fist sonner , & faire feux de joye.  
 Le Roy d'Espaigne aussi , toutesfois esbahy ,  
 Selon sa contenance se monstroït resjouy.  
 Le Turcq est estonné , le Soudan s'esmerveille  
 Qui peult estre ce Roy qui assomme & travaille  
 Les orgueilleux & fiers , les vivans de rapine ,  
 Comme s'il fust le fleau de Justice divine.  
 Celluy qui a rendu citez , champs , & biens  
 Que detenoit Venise aux Princes Chrestiens ;  
 Celluy qui seul a prins , voire hors de sa terre ;  
 Ce que Pape, Empereur, ny Roy n'oserent querre.



O Y L A comment les uns avoient  
 lieffe

De l'heur du Roy, & les autres tristesse;  
 Mais dessus tout ceste noble Princeſſe  
 Royne de France,

Voyant l'eſcript qui donnoit congnoiſſance  
 De la victoire , eut telle esjouyſſance ,  
 Qu'au lieu de pleurs , dont avoit jouyſſance  
 Par cy devant ,

Va tout ſoulas & plaisir recevant.  
 Apres ſe quiert au poſte ou pourſuyvant  
 De tout le faiſt , lors luy met en avant  
 Comme le Roy

Son cher eſpoux a mis en deſarroy  
 Venitiens , leur donnant tel eſfroy ,  
 Que ſeize mil & plus giſent pour vray ;  
 Mors eſtendus.

Lors vers le Ciel a mains & bras tenduz ,  
 Diſant , mon Dieu, honneurs te ſoient rendus  
 Quant par toy ſont noz advers confonduz  
 Par champs & voye.

Lettres adonc par toute France envoyez ,

Où doulcement à prier Dieu convøye,  
Grans & petit, & faire feu de joye

En divers lieux :

Ce que le peuple a fait de cuer joyeux,  
En louant Dieu qui leur a des haults cieulx

Transmis ung Roy qui les rend glorieux

Par ses haults faictz.

Ainsi la Royne a sceu les grans effectz,

Heurtz, & combatz qui au camp furent faictz,

Dont ses espritz sont de joye refaictz,

Lesquelz n'agueres

Souffroient tourmentz & peines trop austeres.

Dames par tout s'enquierent de leurs freres,

Oncles, cousins, s'ils estoient aux affaires

De là bataille.

A l'une on dit que d'estoc ou de taille

L'ung y est mort, l'autre enclos en muraille

Tenant prison, l'autre donna sans faille

Au beau travers;

Bref on y fait des comptes tant divers,

Que verité souvent est à l'envers,

Ainsi disent les couars & pervers

Sont plus hardis.

Pourtant m'en taiz & de ce plus n'en dys;

Car toutes gens en seront estourdys,

Mais retourner je veux au pointz predictz,

Comme le Roy

De May seiziesme en triumpant arroy

A faict marcher son bernaige & charroy,

Pour à Carvas aller faire ung effroy

D'artillerie.

Mais en chemin passant par la prairie,

Estoit horreur de veoir la boucherie

De povres corps de la Gendarmerie

Seigneuriale.

Le Roy adonc sans aucune intervalle,

Vient à Carvas, sa grace liberalle

Il leur denunce ou ruyne totale

A glaive & cendre.

Obstinez sont, n'y veulent condescendre;

Aux armes vont pensant de se deffendre.

Cecy voyant le Roy sans plus attendre,

Faißt bruire en l'aer

Ses gros canons, tant qu'il a faißt trembler

Tout le Chasteau, & fait desassembler

Murailles, Tours ja prestes à combler

Leurs grandz Fossez.

Marquetz tiroient, faisans de mauix assez;

Tant plusieurs ont navrez & blesez,

Mais à la fin tant furent oppressez

D'artillerie,

Que les Souldars voyant la batterie

Ja si tresgrande, & la Gendarmerie

Venir en breche, & lever la crierie

Des durs alarmes,

Habandonné ont picques & guisarmes,

Ne tirent plus que pleurs, souspirs, & larmes,

Misericorde est le cry de leurs armes,

O ! quel' douleur.

Le Roy sachant que si en tel' fureur

Ses gens entroyent ce seroit toute horreur ;

Rendre voulut douceur contre rigueur

Leur faisant grace.

Ainsi s'en vont, chascun de eulx se pourchasse,

Fors quatre ou cinq qu'on fist pendre en la place,

Pour & autant qu'ils estoient de la race

Des Millanoys.

Ce propre jour de Villes deulx ou troys,

Plus tost que tard, redoubtant telz effroys,

De foy, d'hommage au Roy feirent octroys,

Luy requerant

Que deormais il leur soit secourant

Encontre tous , le prenant pour garant ;  
Ce qu'il promet , lors fait crier errant

Par toute part ,  
Que nul vivant sur peine de la hart  
N'aye à piller la valeur d'un liard  
Sur les Citez qui tiennent de sa part.

Voyla comment  
A son povoir traictoir humainement  
Bons & mauvais , tant que finablement  
Le Bergame se rend totalement

Sans coup ferir.  
Dont gloire rend à Dieu ; quant conquerir  
Peult ce pays , sans plus veoir encourir  
Mortel estour, auquel on peult perir

D'ame & corps.  
Aultres Chasteaux , Villes , Citez , & Fortz  
Du Cremonnoys, neantmoins leurs renfors,  
Considerant du Roy les grandz effors

Et durs vacarmes ,  
Apportent clefz , du Roy prennent les armes ;  
Luy promettant estre loyaulx & fermes ,  
Et louant Dieu selon leurs ditz & termes  
D'avoir tel Prince.

Disant qu'à luy appartient leur Province ;  
Non au Marcou qui juc' au sang le pince ,  
Tant que le peuple est devenu si mince ,  
Qu'il n'en peult plus.

Le lendemain le Roy fist mcstre sus  
Son Ost & camp , charroy , pouldres, bahus ;  
Pour devant Bresse , ainsi qu'avoit conclus ,  
Livrer assaulx.

Adonc veissiez Chevaliers & Vassaulx  
Gagner pays , traverser montz & vaulx ;  
Onc Alexandre en ses conquestz tres haulx  
Plus grant bernaige  
D'honneur , bruit , los & haultain Vasselaige

Ne mist sur champs, ne de plus grant couraige ;  
 Car en ses jours n'avoient point cest oraige  
 De feu & pouldre ,  
 Aux fons d'enfer inventée pour touldre  
 Vie aux humains , plus que tonnerre ou fouldre ;  
 Cil qu'elle ataint se peult bien faire absouldre .  
 Car s'en est faict.

Ung Roy , ung Prince , ung Chevalier de faict  
 Est aussitost qu'un jeune enfant deffaict ,  
 Contre son fort peu vault d'armes l'efect ,  
 Force & valeur ;

Et croy que si Hector fier batailleur ,  
 Fort Hercules , Cesar grand debelleur ,  
 Estoiert vivans , auroient crainte & frayeur  
 De tel' tempeste.

Et neantmoins onc ne fieschist la teste  
 Loys Douziesme en faisant sa conqueste ,  
 Et qu'ainsi soit il est tout manifeste  
 Que pres de luy ,

En la bataille eut maint homme brony  
 Espars en l'aer , toutesfoys esbahy  
 Ne s'en monstra , ains tousjours envahy  
 A ses advers.

Mais or' lairrons tous ses propos divers ,  
 Et deduyrons comme au long & travers  
 Villes , chasteaux , & bourgs luy sont ouvers ;  
 Et neantmoins

N'y veult loger , pour les maux inhumains  
 Qu'il en pavoit advenir soir & mains ,  
 D'aventuriers qui gluyantes les mains  
 Ont comme colle.

Ainsi aux champs couchoit & s'i consolle  
 Sans s'exempter moins qu'un souldart du roolle ;  
 En demonstrent par effect & parolle ,  
 Que conquesteur ,

Doibt des conquis estre vray deffenseur ;

Dont pour tenir Villes, chasteaulx affeur  
 Gardes il met, si que nul transgresseur  
 Ne les oppresse.

Aulcuns paillars ennemys de noblesse,  
 Meurdriers d'honneur plains de lasche foiblesse,  
 Pour desrober lors vindrent faire adresse

A Travailla,  
 Ou chascun d'eulx à piller travailla,  
 Tant que le peuple extreme travail a  
 Deu tors. & griefz. qu'ilz perpetrerent la;  
 Car tout pillerent.

Povres manans vers le Roy se tirerent  
 Pleurans, crians, leurs affaires compterent,  
 Dont le sien cueur tellement animerent,  
 Que tout soubdain

Prent le harnòys, boute le glaive en main;  
 Plus que le trot avecques peu de train  
 Court devers eulx pour du mal inhumain  
 Prendre vengeance.

En telle ardeur au beau milieu se lance  
 De ces paillars sans doubter picque ou lance,  
 Et tellement les vous navre à oultrance,

Que deux Suisses  
 Il mist à mort, chassa tous leurs complices,  
 Tuant, batant, les rend en telz supplices,  
 Que par buissons, caves, vieilz edifices  
 Ilz se cachotent.

Ceux du pays qui si grandz actes voyent,  
 Tout plaisir lors en leurs cueurs concepvoient;  
 Quand pour leur chef tant noble Prince avoient,



IN SI monstroit d'armes la discipline,  
 Qui aux manantz donnoit couraige,  
 & cueur [ signe,  
 De vivre en paix soubz la baniere &  
 Prest à tenir telles loyx & doctrine

Comme il plairoit bailler audict Seigneur,  
 Lequel leur a faict ce bien & honneur,  
 De les reduyre à faire marchandise  
 Par tous climatz, leur donnant tel' franchise  
 Et libertez que Millannoys avoyent,  
 Car par avant les Seigneurs de Venise,  
 Tousjours usant d'ardante convoitise,  
 Faisoient leur train, dont le gaing recevoient.

Bresse sçachant que le Roy en bataille  
 Venoit livrer contre elle ses efforts,  
 Ce nonobstant sa puissante muraille,  
 Larges fossez, à fons de cuve & taille,  
 Tous remplis d'eau, boulevards & renfors,  
 Eut craincte & peur, doubtant les assaulx fors;  
 De l'autre part reduysant à memoire  
 De leurs Seigneurs la rapine notoire,  
 Les cruaultez, traysons & broulliz,  
 Et au rebours du Roy l'honneur & gloire  
 Et qu'a luy est par droit le possesioire,  
 Laisant Marcou, prenent les fleurs de lyz.

Dont lendemair vers le Roy font adresse,  
 Auquel genoux flexis & teste nue,  
 Ont remonstré comment Peuple & Noblesse  
 Et tous Estatz en sa Cité de Bresse  
 Ont de tous temps desiré sa venue,  
 Et qu'il a bien leur volenté congneue  
 Long temps y a, mais par force & contraincte  
 Leur a esté dissimuler soubz faincte,  
 En esperant comme aux Limbes les Peres,  
 Que ung Roy viendroit de France la tres sainte



Qui les mettroit hors le seruaige & crainctes  
Du fier lyon & mauldictes viperes.

Et ce disant les clefz luy presenterent,  
Comme à leur Prince & Seigneur souverain;  
D'autres propos assez parlementerent,  
Mais tant y a que joyeux retournerent  
D'avoir trouvé Roy tant doux & humain.  
Adonc veissiez arriver lendemain  
Au camp du Roy de Bresse la gentile  
Grandz chariotz qui venoient à la file  
Chargez de pain, de vins, chairs, & formaiges;  
Le Roy sçachant qu'il estoit tres utile  
Que gens de pied n'entrassent en la Ville,  
Gardes transmist pour mettre ordre aux passaiges.

Ung mercredy de May vingt & troiesime,  
Dedans la noble & grant Cité de Bresse  
Entra Loys de ce nom le Douziesme,  
Armé à blanc, triumpfant en prouesse,  
Quatre bourgeois exaltant sa noblesse,  
Poille d'honneur dessus son chef porterent;  
Arcz de triumphe en plusieurs lieux dresserent;  
Qui fist beau veoir; mais ores veulx deduyre  
L'ordre de ceulx qui avec luy entrerent,  
Et des manans qui au devant allerent,  
Car je le sçay mieulx que par ouy dire.

Devant marchoit en grant devotion  
Tout le Clergé, faisant procession,  
Moult decorez de chappes autentiques,  
Prestres chantoient par jubilation  
A la louenge & exaltation  
Du Roy François, Motetz, Hymnes, Cantiques;  
Châties, Corps saints, Ciboyres, & Reliques,  
Bannieres, Croix, Cordeliers, Moynes, Carmes  
Veissiez en ordre, enfantz portoient les armes  
Des fleurs de liz en petiz estandars,  
France criant qui n'estoit pas les termes

Des jours passez , quant cryoient aux alarmes  
 Marcou , Marcou , donnant cuer aux souldars.

Après marchoient deux cens fiers hômes d'armes,  
 Graves , pompeux , suyvantz leurs estandars ,  
 Le train suyvoient , armez de toutes armes ,  
 Deux cens gentilzhommes , qui tenoient termes  
 De Scipions , Camilles , ou Césars ,  
 Drap d'or frisé trenché par mille pars  
 Estoit pour lors ; courciers à bref parler  
 Incessamment pourbondissoient en l'aer ,  
 Archiers de garde ornez d'orfaverie ;  
 Adonc veissiez armes bruyre & crouller ,  
 Chevaux hennir , harnoys estinceller ,  
 Trompes sonner , tonner artillerie.

Princes & Ducz couvers d'orfaverie ;  
 Armez , bardez , montez à l'avantaige ,  
 Marchoient apres , drap d'or & pierrerie  
 Se monstroient lors , s'estoit toute faerie  
 Veoir ceste armée & triumpant bernaige ,  
 Tous nobles cueurs adoncques firent raige  
 De faire faultz , virevoustes , ruades ,  
 Trompes , clérons , sonnoient doulces aulbades ,  
 Au vent branloient enseignes & guidons ,  
 Francz Chevaliers alors firent pennades ,  
 Car soubz l'acueil de plaisantes œillades ,  
 Courciers voloient soubz grandz coups d'esperons.



N tel estat , tel triumphe & honneur  
 Entra le train du souverain Seigneur  
 En sa Cité magnifique de Bresse ,  
 Au Palais vieil vint faire son adresse ,  
 Ou il logea , les aultres s'en allerent

Par leur logis , que les Fourriers marquerent ,  
 Ou recueilli y furent à bonne cheré  
 Des habitans & sans la vendre chere ,  
 Car sans avoir esgard à mise ou fraiz ,

A chascun coup présentoient le vin fraiz ;  
 Dont les aulcuns arrouserent saffrette ,  
 Qui par longs jours en avoit eu souffrette :  
 Hommes d'armes n'eurent à ce coup cher  
 Les couvrechefz & draps blancs à coucher ,  
 Recompensant les nuytz & jours passez ,  
 Ou du labour avoient eu plus que assez ;  
 Voyla comment à souhait & à poste  
 Chascun traittoit humainement son hôte.

Ce jour le Roy voulant bouter tel ordre  
 En tout son cas , qu'il n'y eust que remordre ,  
 Fist pour la nuyt guet de cent hommes d'armes  
 Bien accoustrez pour doubte des vacarmes ,  
 Tant des François , que de ceulx de la Ville ,  
 Qui fut ung bien pour les deux partz utile ,  
 Car en faisant de luy tuition ,  
 Gardoit les siens de faire oppression ,  
 Qui cause fut que le Roy par six jours  
 Se tint à Bresse en tous plaisantz sejours ,  
 J'entens sans bruit , debat , noise , ou rumeur ,  
 Dont devant luy sortit plainte ou clameur .  
 Ces jours durans l'orgueilleuse armarie  
 Au fier Marcou de la grand' Seigneurie ,  
 Ostée fut des tours , murs & pallis ,  
 Pour donner lieu aux nobles fleurs de liz ;  
 En demonstrent comment humilité  
 A de tous temps sur orgueil limité .

Le lendemain en triumphe suppresme ,  
 Ambassadeurs arriverent de Cresme  
 Devers le Roy , luy offrant par accordz  
 Hommaige & foy , ville , biens , ame , & corps ;  
 Lors les reçeut , promettant les tenir  
 Soubz sa seureté , & mieulx entretenir  
 En vraye amour , liberté , & franchise ,  
 Que n'avoient fait les Seigneurs de Venise ;  
 Pourveu aussi qu'en toute loyauté

Se maintiendrolent envers sa Majesté.  
 Ce jour on fit remuer la Noblesse  
 Du camp François , à deux mille de Bresse.

Après soupper pour recreation ,  
 Le Roy voulut veoir l'approbation ,  
 De la beaulté de sa Cité de Bresse  
 L'antique & fiere forteresse ,  
 Qui ne fut pas sans gestes admirables ;  
 Consideré les murs inexpugnables ,  
 Environnez jusques au hault de terres ,  
 Pour soustenir des canons les tonnerres ,  
 Fosse parsons taillez tant bas que hault ,  
 A fons de cuve , ou jamais l'eau ne fault ;  
 Fiers bouleviers & doubtables renfors  
 Pour resister aux belliqueux efforts ,  
 Dont la jugea , comme aux armes apris ,  
 Ville de guerre excellente & de pris.

Les jours d'apres le Roy par bon conseil ,  
 Pour departir fist tout son appareil ,  
 Mais avant ce mist bonne ordre & police ,  
 Touchant le faict de la Ville & Justice ,  
 Comme Officiers , Gouverneurs , Lieux tenans ,  
 Ou il acquist la grace des manans ,  
 En demonstrent que le Chef belliqueur  
 Doit dessus tout des siens avoir le cueur ,  
 Car comme dict le Romant de la Rose ,  
 Qui est ung texte ou n'appartient de glose ;  
 Les Roys ne sont Sires de leurs pays ,  
 Quant de leurs serfs & subjectz sont hays.

Le Roy voyant que ja trop long sejour  
 Il avoit faict , vingthuitiesme jour  
 Du mois de May , en pompe singuliere ,  
 Bresse abandonne & tire vers Pesquiere.  
 Or est ainsi qu'il avoit ja transmis  
 Par devers eulx aucuns Heraulz commis ;  
 Pour les sommer de reduyre la place

Entre ses mains , leur offrant toute grace ;  
 Mais qu'au reffuz leur denoncent tout franc  
 Plus qu'onques mais guerre à feu & à sang.

Lefquelz voyans ceste dure semonſe ,  
 Semblant n'en font , ains pour toute reſponſe ;  
 Comme meſchans extraictz de villenaille ,  
 Monſtrent leur cul par deſſus la muraille ,  
 Proferans motz ſi vilains & pervers ,  
 Qu'il n'eſt autheur qui les couchaſt par vers ,  
 Le Roy voyant leur obſtination ,  
 Leur fier reffuz , & diſſamation ,  
 Tout animé , faiſt marcher ſon charroy .  
 Deliberé leur donner tel effroy  
 Avec l'alarme ardante & ſi amere ,  
 Qu'ilz vouldroient eſtre au ventre de leur mere ;  
 Et croy pour vray que leur deriſion  
 Fut cauſe enfin de leur conſuſion .  
 Et pour autant qu'il ſceut que une riviere  
 Eſtoit aupres du chasteau de Peſquiere ,  
 Fiſt faire ung pont tel qn'il ſceut ordonner ;  
 Lequel il fiſt ſur charettes trayner  
 Quand & ſon train , affin qu'il peult paſſer  
 Pour les enclorre & mieulx entrelaſſer ,  
 Sy que nul d'eulx , par devant ou derriere ,  
 De ſe ſaulver ne peult trouver maniere ,  
 Et pour ce faire il a marché ſi toſt ,  
 Que de grant heure eſt venu à ſon Oſt .

*La Priſe du Chasteau de Peſquiere.*



E Roy lendemain fiſt tout ſon camp  
 delloger , [ campeger ,  
 A troys mil de Peſquiere eſt venu  
 Le long du lac de Garde dreſſa ſes pa-  
 villons ,  
 Donc à cler peult ouyr les bruitz & carrillons .

Des canons & faulcons du chasteau de Pesquiere ;  
 Mais le Roy congnoissant que la musique entiere  
 Fournie n'estoit pas , transmist tost à l'encontre  
 Ses flustes de teneur pour faire basse contre.  
 Le bon Seigneur Despy maistre d'artillerie  
 Le Roy y a transmis pour faire baterie ,  
 Avecques Montcauré & ses cinq cens Picardz ,  
 Aussi les pionniers plus ardanz que liepardz ,  
 Alors jectent au vent enseignes , gousfanons ,  
 Se mettent sur les champs, maynent six gros canons,  
 Aprochent de la Ville , ou dedans ne troverent  
 Qui resistance feit , facilement entrerent .  
 Lors leur fut dict comment ceulx du chastel estoient  
 Puis quatre heures sortiz , qui ravy leur avoient  
 Grains, formages, & chairs, au regard d'autres biens  
 Les fuitifz de la Ville n'y avoient laissé riens,  
 François doncques entrerent, sans débat ou hutin,  
 Qui bons vins blancs & clers trouverent pour butin.  
 Voyans ceulx du chasteau comme l'artillerie  
 Son approche faisoit pour faire baterie ,  
 Tirent si rudement , qu'il n'est homme vivant  
 Qui n'eust beaucoup doubté se fourrer trop avant.  
 Toutesfoys pionniers , sans craindre telz hazars ,  
 Jusques sur leur fossez font taudis & rampars ,  
 Tonneaux plains de cailloux, grans coffres, bancs,  
 & portes ,  
 Charrettes , & chevrons , fustes longues & fortes ,  
 De tout font leur renfort ; cependant à couvert  
 Deux canons on trayna pres de leur boulevart ,  
 Le feu dedans on mist , qui fist tel bruyt crouller ,  
 Qu'il sembloit que les dyables , combattissent en  
 l'aer ,  
 Le donjon en fremist , murailles renforcées  
 Des coups impetueux sont rompuës & froissées ,  
 Le lac en retentist , campagnes en resonnent ,  
 Tant que bestes, oyseaux, & poyssons s'en estonnent,

Marquetz tirent canons , arbalestes debendent ;  
 François conte n'en font , marcher avant preten-  
 dent ,

Tant que tous leurs canons , ont mis & affustez ,  
 Qui tantost les vous ont chassiez & reboutez .

Oyant le bruyt le Roy , congneut bien que ses  
 gens

S'estoient en cest' affaire monstrez tres diligens ,  
 Parquoy toute la nuyt sans que plus il arreste  
 De son artillerie a faict marcher le reste ,  
 Qui toute preste fut des quatre heures matin ,  
 Par le costé des champs , commencer le hutin  
 Si horrible & bruyant , que je croy qu'en enfer  
 Tel tonnerre ne font Sathan ne Lucifer .

Ceux de la Ville adonc commencent à respondre ;  
 Qu'il sembloit que la Ville deust abismer & fondre ,  
 Dessenfes , avantmurs , lucarnes , canonnières  
 L'on faict voller en l'aer , avec noires fumieres ,  
 Dont tantost sont encloz tant devant que derriere ,  
 Le Roy va arriver , & adonc de plus belle  
 Faict bruyre ses canons de sorte si cruelle ,  
 Qu'il n'y avoit souldart , oyant telle tempeste ,  
 Que dessus les carneaux osast monstrier la teste ;  
 Le feu corrusque en l'aer , la fumée obumbroye ,  
 Le son gens espovante , & la pierre fouldroye .  
 Triboulet fol du Roy oyant le bruyt , l'horreur ,  
 Couroit parmy la chambre eut si grande frayeur  
 Que soubz ung liét de camp de peur s'est retiré ,  
 Et croy qu'encor y fust qui ne l'en eust tiré ,  
 N'est de merveille donc si saiges craignent coups  
 Qui font telle treneur aux innocens & foux ;  
 Triboulet fut ung fol , de la teste escorné ,  
 Aussi saige à trente ans , que le jour qui fut né ,  
 Petit front & gros yeulx , nez grant , taille à vostre ,  
 Estommac plat & long , hault dos à porter hote ,  
 Chascun contrefaisoit , chanta , danta , prescha . . .

Et de tout si plaissant, qu'onc homme ne fâcha



ETOURNONS au propos, François rudement tirent,  
Marquetz laissent leurs murs, aultre  
part se retirent,  
Marcou souloient crier, & faire gros-

ses bragues, [gues,  
Mais ores voudroient bien quicter harnoyz & ba-  
Plus d'un mil entour eulx ne voyent par les cam-  
paignes [gues,  
Que gendarmes, pietons, panonceaulx & ensei-  
Canons bruyre & tonner, faulcons & basilicz,  
Et pietons grosses tours miner à coup de picz,  
Fossez tous remplis d'eau avoient grandz & pro-  
fondz,  
Tant que rustres de pyé, plus rampans que griffons,  
Y sont jusques au col, ce neantmoins approchent  
Souldars Venitiens, sur eulx ruent & descochent,  
Ungs navrent, autres tuent, toutesfoys sont passez,  
Mais quant vint à monter la douve des fossez,  
Ce fut bien la pitié, car plusieurs y montoient  
Les dix ou douze pas, qui trente en descendoient,  
Les ungs, tumboient en l'eau, aultres dessus les  
picques, [ques  
Les ungs sont renduz mors, aultres perclus ethi-  
De bras, jambes & piedz, aultres à force montent,  
Qui ponts & bateries assaillent & affrontent,  
Du costé de Veronne, à la porte des champs,  
Eussiez veu les Hillotz, comme beaulx chiens cou-  
chans,  
Couchez le long des murs, descochant si souvent,  
Que Marquetz n'osoient plus bouter le nez au vent.  
Le Roy adonc voyant comment adventuriers  
N'attendoient que passaige, commande aux ca-  
nonniers



Canonner fort & ferme ; adonc fut une horreur  
 D'ouyr bruyre & crouller , tel tonnerre & fureur ;  
 Canons & basilicz donnoient de si lours hurs ,  
 Que fendre & esclater font grosses tours & murs ,  
 N'y a plus nulz ramparts, deslence ou cannonniere,  
 Qui ne soient souldroyez , & tumbez en arriere ,  
 Venitiens souldars , à ce bruyt & oraige ,  
 Vers leur donjon s'enfuyent, perdent cueur & cou-  
 raige ,

Françoys de tous costez rompent comme liepars ,  
 Par breches & lucarnes , murailles & rampars ,  
 Au lieu du fier Marcou , qui souloit baloyer  
 Sur le hault du donjon , ilz ont faict desployer  
 Et mettre ung linge blanc , sur le bout d'une lance ;  
 Qui de misericorde donnoit signifiace.

Certes ce fut trop tart , car ja adventuriers ,  
 Gascons , Normans , Picars , entroient de tous  
 cartiers ,

Leurs enseignes au poing , lors commença l'alarme  
 Par dedans le chateau , si tres horrible & ferme  
 Que c'estoit grant horreur veoir tuer & pourfendre  
 Povres Venitiens , sans nul à mercy prendre ,  
 Tant fut dur le chapplys , qu'on oyoit par dehors  
 Les heurlemens & crys des miserables corps ,  
 Par chambres , salles , cours , l'on trouvoit ren-  
 versez

Souldars mors & sanglans, des glaives transpercez ;  
 Qui plus est du donjon en ces mortelz debatz  
 Plusieurs furent jettez tous vifz du hault en bas.  
 Les cannonniers du Roy canonnoient encor fort ,  
 Ignorans que Françoys eussent gaigné le fort ,  
 Mais tantost ont congneu les Francisques souldars ,  
 Qui sur le hault des tours branloient leurs estan-  
 dars ,

Les glaives tous senglans pour donner à congnoistre  
 Au Roy leur souverain quelz gens ilz pouvoient estre.

Une

Une chose y advint bien digne de record ;  
 C'est que ung Venitien estant navré à mort,  
 En faisant les soupirs de mort qui pres le touche ;  
 Cinq ou six ducatz d'or escuma de la bouche.  
 Adventuriers François , quand ce faict adviserent ;  
 Ne fault pas s'enquerir si bien les visiterent ,  
 Disant , Par la mort bieu ilz ont mangé leur or ,  
 Cuydans en l'autre monde aller faire trefor.  
 Les aucuns commencerent , qui fut horrible cas ;  
 Ouvrir ces pouvres corps , pour chercher leurs du-  
 catz.

O la grande pitié ! car quatre cens & plus  
 Furent là despechez , & de vie forcluz.

Ce Chastelain de là , aussi le Capitaine ;  
 Pour la derrision , & responce vilaine  
 Qu'ilz firent au Herault , furent prins & sanglez ;  
 Puis devant tout le monde penduz & estranglez.

Dedans une grand' salle se fist une trainée ,  
 Que les Venitiens y avoient machinée.  
 Si tost que les François dedans furent entrez ;  
 Le feu par tout se prit , dont tres mal acoustrez  
 Se trouverent alors ; car les planchiers tumberent ;  
 Qui plusieurs gens de bien navrerent & blefferent ;  
 Le feu se print aussi sur le hault du portal  
 En une tour carrée , où fist tout plain de mal ;  
 Reste que le chasteau , aussi vray que le dy ,  
 Fut batu des quatre heures , & prins devant midy.

Le lendemain , qui fut de May le dernier jour ,  
 Le Roy transmist des gens dedans la grosse tour ,  
 Pour estaindre le feu , qui par deffaulte d'eau  
 Commençoit desja fort embraser le chasteau ;  
 Semblablement a faict inhumer les corps mortz ;  
 Lesquelz on ne pouvoit tirer pour le feu hors ,  
 Puis a faict de la Ville , & chasteau desloger ,  
 Pictons , adventuriers , pour aux champs campeger ;  
 Aucuns de ses archiers dedans il a transmis ,

Ainsi en peu de jours a par tout ordre mis.  
 Le premier jour de Juing, que fut le lendemain  
 Vint loger à la Ville avecques tout son train,  
 Apres disner alla visiter le chasteau,  
 Lequel il a trouvé merueilleusement beau,  
 Mais encores plus fort, dont s'esbahit beaucoup  
 Comme possible fut le prendre si à coup;  
 Mais reste qu'aujourd'huy n'est riens de forteresse,  
 Si dedans n'y a gens de valeur & prouesse.

## R O N D E A U.



O U R foy garder, & riens d'aultruy  
 pretendre.

Loys Douzième a delaiissé estendre  
 Son bras vainqueur sur la riche Ve-  
 nise,

Laquelle lors il pouoit de main mise  
 Vaincre & dompter, si à ce eust voulu tendre;

Pade & Veronne ont bien voulu entendre  
 Se rendre à luy, & pour Seigneur le prendre,  
 Mais à leur Prince en a fait la remise

Pour foy garder.

S'il eust voulu sur aultruy entreprendre,  
 Comme aultres font sans doubte de mesprendre;  
 Toute la terre eust de legier conquise;  
 Mais en suyuant Raison, Dieu, & l'Esglise;  
 Suffit luy a de son pays reprendre  
 Pour foy garder.



O R M A N D I E Herault fut trans-  
 mis à Cremonne, [ belle & bonne.  
 Ja long-temps y avoit responce eue  
 Mais ung cas y advint bien digne de  
 memoire,

C'est que enant à conseil dedans leur auditoire.

Conclurent d'une voix tant le grant que mineur ;  
Qu'ilz se rendroient au Roy leur souverain Sei-  
gneur.

Reste que ung citadin d'opinion contraire ,  
Taschoit par tous moyens leur voulenté fortraire ,  
Proposant en conseil parolles attraiantes ,  
Sans donner aucun lustre de raisons suffisantes.  
Le Senat congnoissant son erreur & deffault ,  
Aulcun compte n'en font , conclurent au Herault  
Disans qu'en tout honneur , & humble reverence  
Offroient à la couronne , & grand' magnificence  
Du Roy leur Souverain , non seulement la Ville ,  
Mais leurs biens , ame , & corps , & toute leur fa-  
mille.

Le Citadin adonc plain d'obstination ,  
Voulut recommencer faire narration ,  
Le contraire allegant ; quant ung de l'assistance  
Va tirer ung poignart disant , Ton arrogance ,  
Ne nous en gardera. Lors luy donna tel coup ,  
Que mort à la renverse il tomba tout à coup.  
Ainsi monstroient au Roy les manans de Cre-  
monne ,

Le desir qu'ilz avoient d'estre soubz la couronne ;  
Ceulx du chasteau ne vouldrent à cela condes-  
cendre , [ rendre.

Disant qu'ilz y mourront , premier qu'au Roy se  
Cecy sçachant le Roy , y transmist les Picars ,  
Avec mille Suyffes , & aultres bons fouldars ,  
Comme les pionniers , d'artillerie bonne ,  
Pour battre & assieger le chasteau de Cremonne.

Le deuxiesme de Juing , en triumphe & honneurs  
Vindrent devers le Roy des principaulx Seigneurs  
De Veronne la Ville , tant pompeux en habitz ,  
Qu'il sembloit proprement gros Scribes , ou Rabis ,  
De veloux , & latin , colliers , & chaines d'or ,  
Phalerez ilz estoient mieulx que ne dys encor ,

Au Roy tindrent propos , conclurent en substance  
 Que demourer vouloient en son obeissance ;  
 Lequel les mercia de tel bien & honneur ,  
 Present l'Embassadeur de leur Prince & Seigneur ,  
 Disant qu'en Lombardie il n'estoit pas venu  
 Pour occuper d'aultruy le bien & revenu ,  
 Mais de ravoit le sien pretendoit seulement ,  
 Que Seigneurs de Venise usurpoient faulcement ;  
 Apres ce leur promist , que pour la grand' faveur  
 Alliance , & amour qu'avoient à l'Empereur ,  
 Contre tous & vers tous deffendrait leur Province ;  
 Autant que s'il estoit leur vray Seigneur & Prince ;  
 Puis leur dit en briefz motz qu'ilz feissent leur  
 devoir ,

Aller en toute humbleffe l'Empereur recevoir .

Le quatriesme de Juing , jour de la Trinité ,  
 Les Seigneurs de Cremonne en toute humilité  
 Vindrent devers le Roy , lequel moult revererent ;  
 Et apres tous honneurs , devant luy alleguerent  
 Comme ilz avoient esté en foucy , doubte , &  
 crainte [ ceinte

Par le temps de dix ans , comme la femme en-  
 Qui n'attend que le jour d'eureuse delivrance  
 Pour estre en liberté , & parfaicte assurance ,  
 Ce qui n'est advenu. Apres present luy font ,  
 En hommaige & en foy , de tous les biens qu'ilz ont ;  
 Comme Villes , maisons , temples , choses civiles ,  
 Marchez , rivières , ruës , hommes , femmes , filz ,  
 filles ,

Tant en divinité , comme en humanité ,  
 Non comme de nouveau , mais d'ancienneté  
 Retourné à leur Prince , & souverain Seigneur ,  
 Qui aux humbles pardonne , aux fiers porte rigueur ;  
 Le Roy lors les reçeut en sa protection ,  
 Comme les siens subjectz ; adonc sans fiction  
 Sur saintes Evangiles firent serment & foy .

Ce faict ont presenté leurs articles au Roy ;  
 Lors genoux prosternez en toute esjouissance,  
 Commencerent crier devant tous, France, France ;



E Roy sachant par intervalles,  
 Comme le chasteau de Cremonne  
 Estoit le plus fort des Italles  
 Imprenable à toute personne,  
 Voyant aussi qu'à sa couronne

Pourroit encores prouffiter,  
 Manda soudain sans arrester  
 Au maistre de l'artillerie  
 Qu'il n'ait à faire batterrie.  
 Saige conseil, & meurs advis  
 Pour deux raisons luy firent faire ;  
 Le chasteau vcoit à son devis  
 Si fort qu'il n'y a que refaire,  
 Parquoy tascher à le deffaire  
 N'eust esté faict humainement,  
 Quant avoir le peult aultrement ;  
 Oultre plus il vouloit des siens  
 Fuyr la mort sur toute riens.

En celluy temps aucun noble homme  
 De Cremonne la bonne Ville,  
 Avec une Dame qu'on nomme  
 Au pays ma Dosne Camille,  
 Firent si bien leur apostille,  
 Que sans faire aucun defarroy,  
 Le chasteau fut rendu au Roy,  
 Ainsi concludz qu'en cest' affaire,  
 Femme a sceu plus que force faire.

A ce qui me peult souvenir,  
 Fut ung bruit comme l'Empereur  
 Devoit vers Pesquiere venir,  
 Pour avec le Roy convenir  
 De leur faict en toute douceur ;

De moy je le tenois pour seur ;  
 Si faisoit chascun , se me semble ;  
 Le peuple en devise & s'assemble ,  
 Disant en joyeuse faconde ,  
 Ains six jours nous verrons ensemble  
 Les deux plus grands Princes du monde :

Ces six jours vont , autres six viennent ;  
 Mais de venir n'estoit nouvelle ,  
 Les parolles ne s'entretiennent  
 Comme les propos se maintiennent ,  
 Car sur le lac n'a nef ne voile  
 Si M. ne se joint à L.  
 Aux raisons je ne m'y congnoys ,  
 Fors que je pense en mon lourdoys  
 Que L. en bruit peult au ciel toucher ;  
 Et tant pompe en son cler harnoy ,  
 Que M. de L. n'ose approcher.

Le Roy sejourrant sans repos ,  
 Attendant tousjours l'Empereur ,  
 Debat y eut prins sans propos ,  
 Entre les Normans & Hillotz ,  
 Qui ne fut pas sans grand fureur ,  
 Car en celle extreme chaleur ,  
 Ungs sur autres si bien donnerent ;  
 Qu'aulcuns sur le champ demourerent ;  
 Et tant que monsieur le grand Maistre  
 Ne leurs chefs qui sus se jetterent ,  
 N'y sceurent onc remede mettre.

Aulcuns le Roy en advertirent ,  
 Qui soudain vers eulx prent son erre ;  
 Mais de si loing comme ilz le veirent ,  
 Ne fault demander s'ilz fuyrent ,  
 Et desbenderent contre terre ,  
 Bref il sembloit que le tonnoire  
 Les chassast , toutesfoys je croy  
 Qu'il n'y avoit avec le Roy

Que cent hommes, peu plus, peu moins,  
 Alors je dys ( parlant au vray )  
 Plus est doubté Dieu que ses Sainctz.

Voyant le Roy que l'Empereur  
 Ne venoit point, se part de Pesquiere;  
 Adonc fut triumphe, & honneur  
 D'ouyr la bruyante deulceur  
 Des clerons sur lac & riviere,  
 Maint guidon, & mainte baniere  
 Gettez alors furent au vent,  
 Tout joyeux chascun marche avant,  
 Car n'y avoit au camp personne  
 Qui n'eust ung couraige servent,  
 De veoir la Cité de Cremonne.

A bien verité resumer,  
 Cremonne est la plus belle Ville  
 ( Je dys sans les aultres blasmer )  
 Que l'on pourroit guerres extimer,  
 Et assise en lieu plus fertile,  
 Grande & noble, riche entre mille;  
 De peuple tres puissante & forte,  
 Qu'ainsi soit à tous me rapporte  
 Qu'entre les Citez capitalles  
 Elle est de magnifique sorte,  
 Autant que Ville des Italles.

Les manans & bourgeois d'icelle,  
 Scachans que le Roy approchoit,  
 Feirent mainte chose nouvelle,  
 Qu'à present point je ne reveille,  
 Craignant que ennuyer y pourroit,  
 Nous reste que chascun taschoit,  
 A faire œuvres tres autentiques,  
 Arcs triumpans à modes antiques  
 Furent dressez en noble arroy,  
 Enrichiz de dictz rethoriques,  
 Exaltans la gloire du Roy.



D'armaries, lyz, & hermines ;  
 Leurs maisons furent decorées,  
 Fenestres bordées de poupines,  
 Dames blanches comme beaulx cignes  
 Plus que Deesses phallerées,  
 Les ruës couvertes & parées  
 De soye, & veloux qu'on tendit  
 Dessus ung grant arc viz ung dict  
 Que maintes gens louënt & loueront ;  
 C'estoit : *In propria venit,*  
*Eum sui receperunt.*

De Juing jour vingt & troisieme pour vra  
 Triumphant entra dans Cremonne  
 Loys le Tres Chrestien Roy,  
 Ou receu fut, ainsi le croy,  
 De cuer franc & volonté bonne ;  
 Les ungs autour de sa personne  
 Crioient en toute esjouissance,  
 Vive le Roy, les aultres, France ;  
 Mais dessus tous viz les enfantz  
 De la Ville en belle ordonnance  
 D'habitz, & chevaux triumpfantz.

Tout ou plus de livrée estoient,  
 Marchans tous soubz ung estandart ;  
 Des faultz & voustes qu'ilz faisoient ;  
 Les carreaux en pieces volloient,  
 Chascun pefoit ung sallezart ;  
 Mais tantost veissiez d'aulture part  
 Gentilz hommes pensionnaires  
 Bondir courciers, & genetaires,  
 Faire ruades, & grandz faultz ;  
 Lors disoient ces Lombars missaires ;  
 Voicy Cesar & ses vassaulx.

Le Clergé à croix & banieres  
 Y fut en grant solemnité,  
 Bourgeois, marchans, toutes manieres

De gens, en pompes singulieres ;  
 Marchoient selon leur dignité ;  
 Le Roy en toute humanité,  
 Acompagné de tel' noblesse,  
 Vers le dosme prent son adresse ;  
 Où il fist maint riche offertoire,  
 Rendant à Dieu gloire sans cesse  
 De sa triumpante victoire.

Des banquetz, festes, & convis  
 Qui furent faictz, je me deposite,  
 Mais tant y a qu'il m'est advis  
 Que Cremonoys comme ravis  
 Traictoient François de bonne sorte,  
 Et bref tant que l'Itale porte  
 De Villes, à ce que congnoys,  
 Le bruyt je donne aux Cremonnoys  
 D'estre gentilz plains de noblesse,  
 Oultre plus les meilleurs François  
 Qu'en Lombardie je congnoisse.

François avec eulx se traicterent ;  
 Qui leur vint tres bien à propos,  
 Car tout le temps qu'ilz demourerent  
 Devant Pesquiere, ilz ne coucherent  
 Que sur champs, le harnoys au doz ;  
 Ores en list prennent repos,  
 Beaulx draps blancs, & vin de coucher ;  
 Misfaires rien ne leur tient cher,  
 Boit avec eulx, par cy, par là,  
 Apres se mettent à prescher  
 De la bataille de Vella.

Et Dieu sçet si l'ung sçet enquerre ;  
 Et l'autre encores miculx respondre,  
 Disant, d'Alvian print son erre,  
 Devers nous fist trembler la terre  
 Qui bien sembloit que tout deult fondre ;  
 Mais tantost les veismes confondre,

Petillan fuyt, & nous dedans;  
 Miffaire lors ferte les dentz,  
 Prent ung hafton, monftre par gelfes  
 Qu'il eult à tous Venitiens,  
 D'ung coup trenché jambes & teftes.

Le Roy par trois jours demoura  
 Dedans Cremonne fa Cité,  
 Où tant bien au faict laboura  
 De tous eftarz, que l'amour a  
 Du peuple & gens d'auctorité,  
 Tantoft en grand' celerité,  
 Ung jour de Juing vingt & fixiefme;  
 Se part, & en gloire fuppreme  
 A Pifquion vint à fejour,  
 Ville forte, & chafteau de mefme;  
 Et là demoura pour ce jour.

Le lendemain fift fon entrée  
 A Crefme, Ville & fortereffe,  
 Bourgeoys vont à la rencontrée;  
 Car oncques mais à leur contrée  
 N'arriva fi haulte noblefse,  
 Eulx arrivez veiffiez fans cefse  
 Courciers bondir & esbranler,  
 Grands faultz & ruades en l'air;  
 Dames de plaifante faconde  
 De lés veoir ne fe peuvent faouler;  
 Difans, Voicy la fleur du monde.

Crefme eft Ville orgueilleufe & fiere;  
 Plus que nulle aultre d'Ytalie,  
 Fors boulevers, muraille entiere,  
 Pour à tous heurs tenir frontiere,  
 De puiffantes tours embelye,  
 Et diroit on tant eft pollye,  
 Qu'elle fut bafie en ung jour;  
 Foffez à fons de cuve autour,  
 Grans parfons, où l'eau court fans cefse.

Bref on dit que pour ung sejour  
De guerre elle vault mieulx que Bresse:



PRES avoir par œuvres belliqueuses,  
Par hault exploitz & gestes vertueuses,  
Acquis bruit, los, & fames glorieuses  
D'heur & victoire,

Après avoir par bras gladiatoire  
Mis soubz ses piedz de Venise la gloire,  
Tuez, chassez, jusqu'en leur territoire  
Ses ennemys,

Après avoir soubz son sceptre remis  
Villes, chasteaulx, faict d'ennemys amys;  
Prins leur serment, & par tout ordre mis,  
Loys Douziesme

Vint à Millan, orné de los supreme,  
Gloires, honneurs, tant que son dyademe  
Reflamboyoit par le merite extreme  
De ses haults faictz.

Millannois lors, congnoissans ses effectz  
D'immortel los enrichiz & refaictz,  
Disoient, Voicy le parfaict des parfaictz,  
Roy sur tous Roys,

Voicy celluy qui des cruelz desroys,  
Guidons rapporte, enseignes, pallefroys,  
Captifz liez, despoilles & charroys  
De ses advers,

Voicy celluy qui par ses heurtz divers,  
A mis l'orgueil de Venise à l'envers,  
Celluy qui aux fiers larrons pervers,  
Fait rendre compte,

Tant qu'il n'y a Pape, Empereur, Roy, Comte  
Qui n'ait sa terre, à leur chetive honte,  
Car cestuy Roy tout l'honneur en affronte,  
Quand sans secours  
Seul les a mis de croissant en decours,

Dont devers luy devons avoir recours,  
Le recevoir en noz palais & cours,

Ne plus ne moins

Que fut jadis Scipion des Romains,  
Car dompté a soubz ses robustes mains  
Le fier Lyon qui rongeoit tous humains

Par voye oblique.

Ainsi parlans en triumphe autenticque  
Vont aborder ce Roy tant magnificque,  
Et adonc fut ma Dame Rhetoricque

Mise devant,

Car là y eut maint homme tres sçavant  
Qui maint beau mettre a dit, en eilevant  
Son bruit & los. Lors misrent en avant

Comme leur porte

N'estoit pas digne entant qu'elle comporte  
Recevoir Roy de si triumpphant sorte,  
Mais bien vouloient de leur muraille forte

Rompre & casser

Ung grand quartier, pour par illec passer,  
En demonstrent qu'il faict fendre & froisser  
Chasteaulx & fortz, & par terre verser

A son venir.

Mais tel honneur ne voulut obtenir,  
Ains les mercye, adonc feirent venir  
Chats triumpfans pour là se contenir

En excellence.

Au premier eut pour sa magnificence,  
Hault eslevée chaire de préeminence,  
Que soustenoient force, avecques prudence

Et renommée.

Lors ung vieillard personne tres famée  
Dire luy vint: Ta victoire estimée  
Par hault loyer, requiert estre embasmée

De telle gloire:

Pourtant ô Roy d'eternelle memoire

Monte lassus au siege de victoire ;  
 Que conquis as par œuvre meritoire ,  
 Et haults labeurs.

Lors tout honteux leur a dit , Beaulx seigneurs  
 Au Roy du ciel en sont deuz les honneurs ,  
 Non pas à moy , le moindre des mineurs ,  
 Comme jadis

Dist Godeffroy de Billon le hardis ,  
 Quant refusa triumphes benedictz ,  
 Lors qu'il conquist contre Payens mauldietz  
 La Terre sainte.

Aux autres chars eut denotance mainte ,  
 Car chascun d'eulx portoit en son enceinte  
 Une Cité taillée au vis & painte ,  
 Representantes

Les fors chasteaulx , & Citez tres puissantes  
 Que avoit conquis par armes triumpantes ,  
 En subjugant les forces belliquantes  
 Venitiennes.

O puissant Roy, tous ces honneurs contemnes  
 En ensuyvant œuvres tres chrestiennes ,  
 Laisses trophées , & gloires anciennes ,  
 Quant tu as prins

Pour harnoys dur ornement de hault pris ,  
 D'un satin blanc plus que rose en pourpris ,  
 Monstrant que humblesse a eu sur orgueil pris ,  
 Et que bon droit

Est exalté de Dieu en tout endroit ,  
 O Roy heureux qui bien narrer voudroit  
 Tes haults honneur , certes tost y fauldroit  
 Mon rude sens ;

Ce neantmoins employer je consens  
 Cueur , corps , vouloir , avecques mes cinq sens ,  
 Car tant humain & benin je te sens ,

Que auras esgard  
 Que clerc ne suis , mais seulement ay l'art

De rimoyer , & que mon vouloir ard  
De hault louer le tien nom , que Dieu gard :



IN SI vestu , luyfant comme cristal ;  
Sur ung courcier blanc caparassonné ,  
Entre à Millan , lors sembloit Hanni-  
bal ,

Ou Alexandre estant sur Bucifal ,  
En son triumphe heureux & fortuné ,  
Ung aultre Curre au devant fut mené  
Plain de guydons , enseignes , estandars ,  
Pavoy , armetz , cuiraces , flescches , dars ;  
Lances , bourdons , targes , harnoyz dorez ;  
Oncques Scipions , Pompées , ou Césars  
A Rome entrans , dessoubz triumpheans arcs ;  
Ne furent tant pour ung jour decorez .

Trompes & buffines ,  
Clérons & doulcines ,  
Lucz , rebecz , orguines ,  
Tabours , chalemynes ,  
Sonnoient à mieulx mieulx ;  
Chançons , motetz , hymnes ;  
Louenges divines ,  
En voix argentines ,  
De gestes insignes  
Du victorieux ,  
En gloires condignes ,  
D'ouvraiges Turquines ;  
Sarges Sarrafines ,  
Drap d'or , foyes fines ,  
Decoroient leurs lieux ,  
Monstrans par leurs signes ;  
Maisons Pallatines ,  
Sans telles courtines ,  
D'avoir n'estre dignes ,  
Roy tant glorieux .

Haultains espritz extraictz de gentilleſſe ;  
 Nobles enfantz de Millan la Cité,  
 Ornez , veſtuz en extreme ri cheſſe ,  
 Drap d'or , velours eſchiqueté ſans ceſſe ,  
 Pour demonſtrer la prodigalité ,  
 Deſtriers , Genetz & Turcs d'agilité ,  
 D'orſavrie haultement phallerez  
 Ruades , faultz , legiers deliberez ,  
 Tousjours en l'aer , quant & quant , la ruade ,  
 Haulx à la main , pour dire vous irez ,  
 En telle pompe eſtans lors decorez ,  
 Devers le Roy vindrent faire l'eſtrade ,

De Dames moult friſques ,  
 Oeuvres deſſiques ,  
 Faces Angeliques ,  
 Ouvroyrs & boutiques ,  
 Dyaprez eſtoient ,  
 La maintz fantaſtiques ,  
 Amans lunatiques ,  
 Voyans telz reliques ,  
 Soubz regards obliques  
 Leurs yeulx repaiſſoient ,  
 D'habis auſtentiques ,  
 Carcans magnifiques ,  
 Pierreries antiques ,  
 Par toutes pratiques  
 Leur corps phalleroient ,  
 Puis en leurs trafiques ,  
 Dardoient comme picques ,  
 Regards venericques ,  
 Dont amantz lubriques  
 Ilz mortifioient.

Devant marchoit en haulte preference  
 Tout le Clergé portant croix & bannieres ,  
 Fiertes , Corps ſaincts , Reliques d'excellence ,  
 Tous reveſtus pour la magnificence ,



De grans chappes, riches & singulieres;  
 Freres Prescheurs, Cordeliers, telz manieres  
 De Mendians, observans, piedz deschaulx,  
 Moynes noirs, blancs, comme charbons & chaux  
 Marchoient chantans, en grand' devotion,  
 Chanoines gras, Evesques, Cardinaulx,  
 Rouges de tout, dyaprés, de Cendaulx,  
 Devant le Roy faisoient procession.

Les Prestres chantoient,  
 Dieu magnifioient,  
 Le Roy exaltoient,  
 Pourtant qu'ilz le voient  
 En gloires tant dignes,  
 Peuples l'honnoient  
 Enfans se resjoient,  
 Estandars portoient,  
 Qui despaintz estoient  
 De liz & harmines,  
 Puis France crioient,  
 Leurs voix resonnoient,  
 Si hault qu'ilz perçoient  
 Les cieulx, & volloient  
 Juc aux Cours Divines,  
 Tabours bedonnoient,  
 Chevaux hannissoient,  
 Les cloches sonnoient,  
 Du chasteau tiroient  
 Canons, coulevrines.

Lors de Millan Juges, & Gouverneurs;  
 Bourgeois, Marchans, selon leur dignité,  
 Venoient apres, voire en si grans honneurs;  
 Qu'ilz sembloient estre haultz Princes & Sei-  
 gneurs,  
 Veu des habitz la singularité;  
 Tantoit apres en grant solemnité  
 Suyvoit le train de Millan la Noblesse.

Adonc

Adonc veissiez à la grand' foule & pressé  
 Chevaux bondir, carreaux rompre & froisser,  
 Car soubz l'acueil de ma Dosne Lucrese,  
 Ou de Camille, ung cuer plain de prouesse,  
 De faire faultz ne se pouoit lasser.

La furent espars  
 En maintz lieux & pars,  
 Gratieux regards,  
 Plus persans que dars,  
 Qui plusieurs navrerent;  
 La jeunes coquars,  
 D'amours prins & ars,  
 Soubz cautelleux ars,  
 Jecterent brocars,  
 Qui puis prouffiterent  
 La nobles souldars,  
 Serviteurs de Mars,  
 Sur courciers, hedars;  
 Ardans com' lyepars,  
 Leurs bons corps monstrentent;  
 Dames en leurs parcs,  
 Soubz drap d'or, brocars,  
 Musequins minars,  
 Enrichiz de fards,  
 Plusieurs engluèrent.

Après marchôient sur gros chevaux montez;  
 Archiers de garde en fiere contenance,  
 Lors quatre centz en nombre bien contez,  
 Portans ( chascun ) hauquetons argentez,  
 Qui fist beau veoir marcher en ordonnance,  
 Leur chefs de guerre aornez à plaïssance,  
 De grans sayons d'orsaverie couvers,  
 Les conduisoient sur grans courciers divers,  
 Lesquelz en l'aer, durant ces entrefaictes,  
 Firent maintz saultz de hault, long, & travers;  
 Impossible est coucher en prose ou vers

Les pompes grans qui pour lors furent faictes.

Musquins frians ,  
 Petiz yeulx rians ,  
 Regards attrayans ,  
 Voyans ces puiffans  
 Grans archiers de garde ,  
 Disoient quelz geans ,  
 Vray Dieu qu'ilz sont grans ;  
 Fors comme elephans ,  
 Hardiz , triumphans ,  
 Dieu les saulve & garde ,  
 Ce sont gens ardans .  
 Grans & jeunes d'ans ,  
 Pour aux jeux plaifans  
 Estre bien duifans  
 Sur quelque bragarde ,  
 Hardiz combatans ,  
 Touz propos cessans ,  
 Point de telz enfans  
 Ne portent noz flans ,  
 Ne terre Lombarde .

Bruyans apres sur courciers , genetaires ,  
 Venoient du Roy les deux cens gentilzhommes ,  
 Aussi marchioient pompeux pensionnaires ,  
 Tres esprouvez aux actes militaires ,  
 Rompant les rengz , pour dire , nous en sommes ,  
 J'ay veu & leu chroniques , textes , commes ,  
 Tant des Cefars , comme tous aultres Preux ,  
 Mais pour ung coup tant d'hommes vertueux  
 N'ay leu ensemble en hystoire ou en conte .  
 Si renommez nobles & valeureux ;  
 Et qu'ainsi soit , le moindre de tous eulx  
 Pesoit ung Duc , ung Marquis , ou ung Conte .

Jeunes mignonetes ,  
 Doulces sadinettes ,  
 Plus que poupinettes ,  
 Sur chaires proprettes ,

Leus corps presentoient ;  
 Faces vermeillettes ,  
 Petites bouchettes ,  
 Dures mamelettes ,  
 Comme deux pommettes ;  
 Alors se monstroient ;  
 Poitrines blanchettes ,  
 Plus cleres & nettes ,  
 Qu'en May les rosettes ;  
 Oeillades doulcettes ,  
 Aux amans tendoient ;  
 Chevaliers honnestes ,  
 Raviz d'amourettes ,  
 De veoir telz fillettes ,  
 Comme les mouchettes ,  
 Au feu se brusloient.

Après marchoient les triumphans charroys ,  
 Portans Citez , Creme , Bresse , & Cremonne ,  
 Pesquiere , aussi Bergame , & aultres troys ,  
 Monstrant qu'avoit par merveilleux arroys  
 Le tout remis soubz son sceptre & couronne ;  
 Bruyant apres tout devant sa personne  
 Marchoit le curre au siege de victoire ,  
 Chevaux , chartiers , en hault honneur & gloire ;  
 Tous revestuz de jaulne & rouge estoient ,  
 Mais une chose est digne de memoire ,  
 Que chascun peuple au bruit triumphatoire ,  
 De tous cartiers , vive le Roy , crioient.

Par divers estaiges  
 Jeux & personaiges ,  
 Monstrans les bernaiges ,  
 Belliqueux ouvraiges  
 Du Roy & haultz faictz ,  
 Combatz , vasselaiges ,  
 Faictz en ses voyages ,  
 Selon les langaiges

Italiqz usaiges ;  
 Adonc furent faictz  
 Prinſes de paſſaiges ;  
 Villes & Bourgaiges ,  
 Et haultz perſonnaiges ;  
 Ores mis en caiges ,  
 Monſtroient par effectz ;  
 Lors Millannoys ſaiges ,  
 Diſoient de couraiges ,  
 O quelz adventaiges  
 De veoir en noz caiges  
 Le chef des parfaictz ,

Devant le Roy cent Suiffes marcherent ;  
 De jaulne & rouge aornez & veſtuz ,  
 Fiffres , tabours adoncques bedonnerent ,  
 De grandz plumailz leurs teſtes phallerent ;  
 Car chaſcun d'eulx s'eſtimoit ung Ponthus ,  
 Quatre bourgeoys renommez en vertus ,  
 Poille ont porté d'or riche & ſumptueux  
 Deſſus le Roy , lors le tres vertueux ,  
 Comme ung Ceſar en geſte ſe monſtroit ,  
 Regard plaiſant , maintien chevalereux ,  
 Port aſſeuré , mais ung petit honteux ,  
 Des haultz honneurs que chaſcun luy faiſoit ;

Dames ſouveraines ,  
 De grant beaulté pleines ,  
 Plus que Magdaleines  
 Soubz doulces alaines  
 Profferoient de vray ;  
 D'heur ſommes certaines ,  
 Et de joyes prochaines ,  
 Richesſes mondaines ,  
 Quand en noz domaines ,  
 Avons ung tel Roy ;  
 Comme les fontaines ,  
 Des eaux de leurs vaines

Rendent vertes, saines,  
 Fleurs & marjolaines,  
 Herbes & tout moy,  
 Ses gestes humaines,  
 Ses œuvres haultaines,  
 Rendent tres seraines,  
 Italliques plaines,  
 D'honneur, gloire, & foy;



**D**ONC Prelatz, Cardinaulx, Ar-  
 chevesques, [Evesques,  
 Doyans, Prieurs, gros Abbés, &  
 Ambassadeurs, & mille aultres avec-  
 ques,

Après marchoient.

La eussiez veu jeunes gens qui rampoient  
 Sur les maisons, pour l'ardeur qu'ilz avoient  
 De veoir le Roy, car quand l'apercevoient,  
 Subitement

France crioient, voire si haultement,  
 Que sans mentir, je cuyde fermement  
 Que leur vouloir parloit totalement

Comme la bouche.

Ainsi marchoit de tout honneur la fouche;  
 Et tout ainsi que ayment tire & approche  
 Le fer à luy, sans qu'en rien il luy touche;

Ne plus ne moins

Ce Roy tiroit le cueur de tous humains;  
 Voire en façon, que les plus inhumains  
 Parloient de luy, comme jadis Romains

Du grand Pompée;

Disans, Voicy de Justice l'espée,  
 Celluy qui a par armes extirpée  
 Du fier Lyon la force, & dissipée;

Tant que pour l'heure

Comme vaincu gemist, lamente, & pleure;

Car desgorger luy a faict mainte meure ;  
Dont si tres maigre & chetif il demeure ,

Que j'ay grand doubte

Qu'avant cinq ans ne soit plus bas qu'en soubte ;  
Car se ung malheur sur un homme se boutte ,  
L'autre est à l'huys , qui la sortie escoute  
Pour faire entrée.

Voyla comment à ceste rencontrée

Millannoys ont leur amour demonstrée ,  
Car oncques mais en leur Ville & contrée

Si grand honneur

N'a esté faict à Duc , Prince , ou Seigneur ,

Ainsi marcha en tel gloire & honneur

Jusques au dosme , où il vit de bon cueur

Au hault du lieu

A la louenge ung grand spectacle & jeu.

Entré dedans , rendit graces à Dieu ,

Tantost s'en part , met le pyed à l'estricu ,

Monte à cheval ;

Adonc veiffiez tant d'amont que d'aval ,

Chars triumpfantz , & le convoy royal

Se rassembler. Lors tous en general

Vers le chasteau

Prenent la voye , & adonc de plus beau

L'on vit ailleurs maint mystere nouveau ,

Chevaux bondir , soubz l'acueil & appeau

De doulx regars.

En celluy temps Cupido par ses arcs ,

Alloyt jectant par fenestres ses dars ,

Et par ouvroys avoit gluaux espars ,

Qui attrapperent

Maintz gros oyseaux , qui la plume y laisserent ,

Ainsi marchans le chasteau approcherent ,

Mais ainsi est qu'au devant rencontrerent

L'Arc triumpfal , lequel ilz estimerent

Ung chef d'ouvrage

Tant excellent & de si hault parage;  
 Qu'onques à Rome, à Troye, ne à Carthage  
 N'a esté fait par aucun personnage,

Arc de victoire

Si triumpfant, ne de plus haulte gloire,  
 Bref on n'a veu tel theatre ou pretoire;  
 Et qu'ainsi soit, encor gist en memoire,

Que de haulteur

Cent couldez eut, & trente de largeur,  
 Chascun carre & chascune carreur  
 Avoit cinq Arcs, figurez de couleur;

A mode antique,

Ens & dehors par subtile pratique,  
 Despaincte estoit la victoire autentique  
 De ce hault Roy, puissant & magnifique,

Car hault & bas

Vous eussiez veu les assaulz & combatz,  
 Et d'Alvian en ses mortelz debatz  
 Prins prisonnier, les hurtz & tarrabatz

D'artillerie,

Comme Marquetz fuyoient par la praerie,  
 François apres, ardantz à la tuërie,  
 De tel' peinture estoit toute facrie,

Car seurement

Tout sembloit vif, ne restoit seulement  
 Que la parolle, apres monstroient comment  
 Tous cytadins portoyent benignement

Leurs clefs au Roy.

En divers lieux eussiez veu le desroy;  
 Comme Rivolte & Pesquiere pour vray,  
 On avoit mis en trop piteux conroy,

Par leur orgueil:

Bref en cest Arc estoit depainct à l'œil  
 Tout le conquest, entrées, & recueil  
 Qu'on fist au Roy, dont plus parler n'en vueil,  
 Fors seulement



Qu'au hault de l'Arc fut taillé vivement  
 Ung grand courcier, sur lequel proprement  
 Estoit ung Roy, armé triumpamment,

Lequel avoit

La main en l'aer, dont le peuple disoit  
 Que celluy Roy Venise menassoit;  
 Et qu'ainsi soit, son regard adressoit

Droict comme picque

Vers les climatz de mer Adriatique,  
 En demonstrent que celle main bellique  
 Corrigerait l'arrogance publique

Venitienne.

Ainsi soubz l'Arc de triumphe ancienne  
 Passa le Roy de terre Gallicane,  
 Que pleust à Dieu que Anne tres Chrestienne  
 La eust esté,

Pour avoir part à la solemnité  
 Des haultz honneurs & grande dignité;  
 Que son espoux en toute humanité

Reçeut alors.

Lors du chasteau sont ouyz les accordz,  
 Des gros canons, par si bruyans efforts,  
 Que trembler font, Ville, chasteau & fors  
 De telle sorte,

Que bien sembloit que la fouldre les porte;  
 Lors Escosloys en toute la cohorte  
 Des garnisons armez vont à leur porte,

Pour recevoir

Leur Prince & Roy que tant desiroient veoir.  
 La descendit, mais premier fit devoir  
 Vers les manantz, comme devez sçavoir,

De rendre graces,

Lesquelz joyeux & tous rians en faces,  
 Prindrent congé deffoubz graves audaces,  
 Adonc veissiez par carrefours & places

Gens se retraire,

Or vous ay dit sans aller au contraire  
De verité, le triumpuant mystere,  
Ainsi qu'ay peu d'œil & plume distraire:

Vingt & six jours en plaisir & lyesse  
Le Roy Loys sejourna sa noblesse  
Dedans Millan, ou mainte gentillesse  
Fut faicte lors,  
Comme Tournoy, & gracieux effors,  
Pour esprouver les plus rudes & fors,  
En exerçant aux faictz d'armes leurs corps  
Pour l'advenir.

Aussi voulant Justice entretenir  
Qui faict les Roys regner & maintenir,  
Tous Justiciers vers luy a faict venir  
Pour reformer

Aulcuns abus, & iceulx informer  
De garder droict, & Justice former,  
Sans par faveur ou dons la difformer,  
Faisant congnoistre  
Que sans icelle on veoit droict à senestre;  
Vertus decheoir, mal pulluler & croistre,  
Et oultre plus flestrir maint royal sceptre  
Tres fleurissant.

Doncques ainsi ses vertus accroissant  
Mist ordre à tout, encores non cessant  
En Aignadel, où le sien ost puissant  
Fist la mortelle,

Durè bataille, aspre, fiere, & cruelle,  
A faict dresser une belle chappelle,  
Pour & affin que memoire'eternelle  
En feust tousjours,

Après voyant que ja par trop longs jours,  
Dedans Millan avoit faict ses sejours,  
Jour de Juillet vingt-sixiesme print son cours  
Pour gaigner France.

Qui vit adonc la grand' rejouissance

Que François ont, c'estoit toute plaifance ;  
 L'un chante ou rit , & l'autre en l'air se lance  
 Tous resjouys.

Lors eussiez veu Millannoys esbahis,  
 Tristes , perplex , comme gens envays,  
 Deul & d'ennuy , disans , Pouvre pays ,

Que feras tu ,  
 Quant tu pers cil qui t'a mis en vertu  
 Et par haultz faictz aorné & revestu ,  
 De ton pays , vaincu & combatu  
 Tes ennemys ?

Ainsi Lombards sont de plaisir desmis ,  
 Et les François en joye & soulas mis ,  
 Car bref veront femmes , enfans , amys ,  
 Et tous parens.

Lors mulletiers & tous leurs adherens ,  
 Pallefreniers , charretiers , hors & ens ,  
 Chargent mulletz , se jectent sur les reings ,  
 Que tel tempeste

Ne fut ouy , car chascun menoit feste  
 De ce depart ; le Roy adonc s'apreste ,  
 Monte à cheval , & sans plus faire enqueste  
 A Biegras vint ,

Où sejourner treze jours luy convint ,  
 Car une fiebvre adoncques luy survint ,  
 Ce neantmoins si tres bien luy advint ,  
 Que la Dieu grace ,

Huictiesme d'Aoust dudiect Biegras desplace .  
 Ainsi s'en part sans sejourner en place  
 Plus hault d'un jour , desirant veoir en face  
 Anne sa femme.

Mais ainsi est que la tres bonne Dame  
 Vint à Vigille , où la de corps & d'ame  
 Reçeut celluy qu'au monde plus elle ame  
 Son cher espoux.

Adonc sont gros souspirs & sangloutz ,

Regretz , ennuyz , craintes , pleurs , & courroux  
Des jours passez , muez en plaisirs doux ,  
Joye & liesse.

Lors Chevaliers , Escuyers en humbleesse ,  
En doux baisers , vers Dames font adresse ,  
D'en parler plus pour le present je cesse ,  
Car à vray dire

Le seul penser vous en peult mieulx instruire  
Que mes escriptz , & à tant doit suffire ,  
Priant à Dieu le tres souverain Sire ,

Que heur & santé ,  
Joye & plaisir doint à la majesté  
Du Roy & Royne , & pardon merité ,  
Gloire sans fin en haulte eternité.

Amen.

*Rondeau comprenant tout ce qui est escript au  
Livre precedent.*



N moins d'ung moys Loys Douziésme  
Roy ,

A rue jus le belliqueux arroy  
Venitien , ravy l'artillerie ,  
D'Alvian prins, Chef de la Seigneurie ,

Le tout occis , ou mis en defarroy.

Dedans Rivolte & Carrevas pour vray ,  
Pesquiere aussi fist ung terrible esroy ,  
De gros canons & senglant' tuërie ,

En moins d'ung moys


L'an mil cinq cens & neuf , au moys de May ,  
Villes , chasteaux mist en si grand esmay ,

Que sans attendre assaulx ne batterie ,  
Rendirent clefz , bastons , armurerie ,  
Entra dedans , print leur serment & foy ,


En moins d'ung moys.

NE TROP NE PEU.

FIN.



P O E S I - E S  
D I V E R S E S  
D E  
J E A N M A R O T !



AVIS AUX LECTEURS.

*Tiré de l'Édition de Paris in 8°. chez  
Pierre Roffet dit le Faulcheur.*



**N**OSTRE Poëte Jehan Marot ( Lecteurs debonnaire ) de tant d'œuvres qu'il a faites , ne recueillit durant ses jours que les choses contenuës en ce Livret. Lesquelles d'avanture après sa mort se trouverent escriptes de sa main ; & est la cause pourquoy nous appellons cecy son Recueil : car de mille autres bonnes choses qu'il a faites , n'en daigna retenir ung vers. Recevez hardiment en gré si peu qu'il y en a : car j'espere , quant l'aurez leu , que non seulement l'extimerez , mais l'aurez en admiration d'avoir tant bien escript sans sçavoir aucunes lettres ne Grecques ne Latines.



Quod Maro non Marotus sit dicen-  
dum Latinis, A. Gal. *δὲ καὶ γὰρ*.



*ÆSIA* Cecropias dum Pallas linqueret  
arceis,

Gallorum castas cum petitura domos,  
Forte quidem Momus, quem Juppiter æ-  
there summo

Detulerat, socium se facit ipse dea.

At dum hic observat pudibunda virginis ora:

Aure micans, tacitus singula verba notat.

Ille Μάρων Græcis, Latiiis Maro, quin Marot illa

Gallis, cum loquitur, suspiciosa sonat.

Miratur Momus, visusque cupidine fundi,

Dicendum latio est, inò Marotus, ait.

Cui Dea, finge Maron jam dicant, numne Maronns?

Desine sis, Momo Momus Ἀθήνην suo est.



LE  
DOCTRINAL  
DES  
PRINCESSES  
ET  
NOBLES DAMES,

Faiât & deduiât en xxiiij Rondeaux

*De Honnesteté.*



ROP plus que l'or aymer, doit  
toute Dame [gemme  
Honesteté, car c'est la perle &  
Que les Dieux ont enchaîné en no-  
blesse :

Mais lors que aucune en abuse, ou la laisse,  
Incontinent tombe à honte & diffame.

Si fays requeste à toute noble femme  
S'aquerir veult de chasteté la fame,  
Que dessus tout ayme celle richesse,  
Trop plus que l'or.

Honesteté la gardera de blasme,  
Comme la playe est gardée par basme  
D'infection, & toute autre destresse.  
Mais qui plus est, en divine haultesse

La reduyra luyfante en corps & ame;  
Trop plus que l'or.

*De Prudence.*



E l'ame & corps prudence est la  
conduicte,  
Toutes vertus elle tire à sa suicte,  
Dont raison tient l'enseigne & estan-  
dard,

Et n'est peché que par son divin art,  
Elle ne mecte en tres honteuse fuyte.

Qui par prudence encontre la chair luyte;  
Et qui le monde & le diable despice,  
Ne peult faillir d'avoir gloire au depart.

De l'ame & corps.

Toute Princeſſe en qui prudence habite,  
Ayme vertu, de vice ſe deſiſte,  
Justice tient, Charité ſon cueur ard;  
Mais l'imprudente en eſſect toſt ou tard;  
Dechet de biens, & jamais ne profite

De l'ame & corps.

*De Liberalité.*



N cloſe main à regret eſtenduë;  
Don ne merite, & grace eſt confon-  
duë,

Car le prenant, aigre le treuve au  
prandre,

Parquoy Princeſſe en cecy peult comprandre,  
Qu'en don forcé charité eſt perduë.

Il fault donner ains que main ſoit tenduë,  
Car c'eſt achapt que la choſe attenduë,  
Dont gré ne peult ny amour condeſcendre,  
En cloſe main.

Qui grace faiſt pour eſtre apres renduë,

Ne donne pas, ains est chose vendue;  
 Donner fault donc sans salaire y pretendre;  
 Fors que de Dieu, qui au double sçet rendre;  
 Et dont richesse en terre est descendue  
 En close main.

*De promettre & tenir.*



E bouche & cuer dame doit estre  
 egalle, [loyalle,  
 Car cuer parlant soubz bouche des-  
 N'est que arsenic dedans le miel logé,  
 N'en fort l'honneur d'aucune laidan-

gé,  
 Car trop desroque à dignité Royale.  
 Soit ta parolle à l'effect integrale  
 Si tu promet, soit sentence finale,  
 Car ton parler doit estre arrest jugé,  
 De bouche & cuer.

N'escoute aussi doulx langaige ort & falle;  
 Car je te dy pour sentence finale,  
 Que l'homme faulx, & bel enlangaigé,  
 Vault pis que faulx es mains d'ung enraigé,  
 Garde toy donc d'une beste si malle  
 De bouche & cuer.

*D'amytié.*



U grant besoing veoit-on qui amy est,  
 En temps prospere à peine on s'y  
 congnoist. [claire;  
 Car lors chascun vray amy se de-  
 Mais quant malheur tonne, vente, ou

eiclere,  
 Adonc veoit-on de vray amy que c'est.  
 Ainsi que l'or, sans aucun interest,  
 S'espreuve au feu, vray amy apparest

'Au feu d'amour, monstrant charité clere

Au grant besoing.

Doncq' si tu as d'amy vray faict conquest,  
Garde le bien, car c'est ung noble acquest;  
Et dessus tout garde de luy desplaire;  
Car de tant plus qu'il te voulut complaire,  
Tant plus seroit à te mal faire prest

Au grant besoing.

*De croyre trop legierement.*



N T R E vivans n'est rien tant dom-  
mageable [curable

Q'un mal parlant; car le coup in-  
D'ung faulx rapport, vault pis que de  
canon,

L'honneur meurtrist desrobe bon renom,  
Et rend le cuer de l'escoutant muable.

Pourtant la Dame ou Princesse notable  
Ne doit souffrir en sa maison ne table,  
Aucun qui ayt de mesdire le nom

Entre vivans.

Croire legier aussi n'est honorable;  
Car on pourroit pugnir le non coupable;  
Par ignorer si vray seroit ou non,  
Et lors Justice amoindriroit son nom,  
Qui seroit cas à jamais reprochable

Entre vivans.

*Des gens litterez.*



N sa maison doit la Princesse avoir  
Gens bien lectrez; car ainsi qu'on  
peult veoir [bellist,

Que l'arbre & fruißt le verger em-  
L'hôme sçavant sa demeure ennobliss,

Par la doctrine yssant de son sçavoir.

Tout bon conseil elle en peult recevoir,

Mais d'ung gros fol certes à dire voir ;  
 Autant vouldroit qu'il dormist sur ung lit  
 En sa maison.

Preferer fault science à tout avoir ,  
 La raison est , que l'or ne peut pourveoir ;  
 Ou sens humain son vouloir acomplist :  
 Princeesse donc de grant honneur s'emplist ,  
 Qui d'attirer gens discretz faict devoir  
 En sa maison.

### *De Trop parler.*



E trop ne peu parler doit la Princeesse ;  
 Car trop parler sa gravité abaisse ,  
 Et le trop peu monstre simplicité ;  
 Le moyen donc est de necessité ,  
 Qui du parlant demonstre la sagesse.

Ains que parler , doit penser quoy ne qu'est-ce ;  
 Que dire veult , & lors en toute humbleesse ,  
 Doit proferer sans haster son dicté ,

Ne trop ne peu.

Si d'aventure elle a dueil ou destresse ,  
 Estre elle doit de sa langue maistresse ,  
 Chercher raison , fuyr temerité ;  
 Si joye elle a , en toute auctorité  
 La doit porter , sans monstrier sa lyesse  
 Ne trop ne peu.

### *De Beau maintien.*



A NS beau maintien , Dame est che-  
 val sans bride , [ guide ,  
 Car doulx maintien est la poste & vray  
 Pour mōter Dame au temple de vertu ;  
 Et croy que corps qui n'en est revestu ,  
 Communement a le cueur d'honneur vuyde.

Le contenir monstre ce qui reside

M iij

Dedans le cueur, si honte ne preside;  
 Vergoigne a lieu, & l'honneur est batu;  
 Sans beau maintien.

Soit dame belle autant que Nereyde,  
 Plaine de cueur, parlante myeux que Ovide;  
 S'elle n'a grace, on ne prise ung festu  
 Ses dictz & faictz, & tost est abbatu  
 Son bruyt & los, dont elle est homicide  
 Sans beau maintien.

### *D'office Royal.*



N'faictz & dictz la Princesse doit estre  
 Tres vertueuse, & dōner à congnoistre  
 Par ses biensfaictz qu'elle est digne  
 d'avoir

Tiltre Royal, & l'honneur recevoir  
 Qu'il appartient à tout homme terrestre.  
 Face ses ans par vertu apparostre  
 Clers & luyfans, & le sien nom tant croistre;  
 Que dicté soit fleur d'honneur & sçavoir,  
 En faictz & dictz.

Du corps humain chascun membre en son estre  
 Servent le chef, le recongnoissant maistre,  
 Pource qu'il est pour bien & mal prévoir;  
 Mais quant ne faict à les regir devoir,  
 Plus vil appert que le berger champestre,  
 En faictz & dictz.

### *De Sobresse.*



'HONNEUR & los est la dame  
 bien digne,  
 Qui de Sobresse ayme la discipline,  
 Pour vivre en paix; car c'est celle qui  
 donne

Santé au corps, & l'ame aux cieulx couronne,

Matte la chair; & l'esprit illumine?

Glotonnie est la norissant' tetine,  
De ire, & paresse, aussi de la mastine  
Lubricité, qui meurtrist la personne,  
D'honneur & los.

Dont quant ce vice entre en Dame ou meschine;  
Tant plus vieillist, & tant plus s'enracine,  
Le sens offusque, & la langue abandonne;  
Et si le corps aux excès trop s'adonne,  
Pudicité incontinent decline  
D'honneur & los.

*De reconnoistre le bien venir de Dieu.*

**P** O U R bien regner, & vivre justemēt,  
Princesse doit recôgnoistre comment  
Elle n'a riens qu'autre n'ayt en nature,  
Et que Dieu seul luy donne prelature  
Sur ses subgectz, & plaingouvernemēt.

Dont craigne & ayme & serve loyaulment  
Cil qui la peut bouter à finement,  
Ou eslever plus qu'autre creature,  
Pour bien regner.

Fier Lucifer demonstre clerement,  
Que ingratitude est le trebuschement  
D'honneurs & biens, & qu'a Dieu faict injure;  
Roy saint Loys par exemple & figure,  
Monstre qu'on peult aller à saulvement  
Pour bien regner.





*D'éviter Oisiveté.*

LUS que poison fuyez le dur mes-  
chef  
D'oisiveté , car c'est la porte & clef  
De tous pechez, sans en excepter ung,  
Ainsi le dit feu Maistre Jehan de

Meung,

En son vivant des Poëtes le chef.

Dames portans atour ou couvrechief ,  
Si vous voulez d'honneur venir à chef,  
Dechassez la ; car ce vous est aigrun ,  
Plus que poison.

Comme les vens singlans en voile & tref,  
Font nauffraiger souvent la povere nef,  
Oisiveté a vent tant importun ,  
Que s'elle attainct les membres de quelq'un,  
Percluz les rend par ung coup rudde & grief  
Plus que poison.

*D'estre bon exemple aux autres.*

OMME ung myroir par son lustre  
bruny,  
Monstre la taiche au soillé & honny,  
Princesse doit estre tant radieuse ,  
Que sa clarté monstre la tache um-  
breuse

Du corps polu , de vertu mal garny.

Suffist il point de reprendre & nenny,  
Estre convient de sainteté muny,  
Monstrant à l'œil la chose vicieuse ,

Comme ung myroir,  
Soit d'avec toy tout vice forbanny,  
Puis soit ton cuer de vertu tantourny,

Que si aucune est folle ou peu honteuse,  
 Mirer se puisse en la clarté heureuse  
 De ton hault cueur, beau, luyfant, & uny  
 Comme ung myroir.

*De bien faire durant la vie.*

**A** P R E S la mort n'est seurté de querir  
 Remede aucun, pour l'ame secourir;  
 Dont faire fault telles œuvres tous-  
 jours, [ jours

Que l'on voudroit faire les propres  
 Que dure mort nous vient prandre & saisir.

Dames d'honneur tâtez donc conquerir  
 Toutes vertus, tant qu'ilz facent florir  
 Voz beaulx espritz aux celestines cours,  
 Apres la mort.

Que veult-on plus en ce monde acquerir;  
 Que bon renom, bien vivre, & bien mourir?  
 Puy qu'à la fin de ce mortel decours,  
 Tous humains n'ont qu'à Jesu-Christ recours,  
 Pour les garder de tout mal encourir  
 Apres la mort.

*De fuyr Avarice.*

**O** Quel' horreur! c'est de chiche Avarice?  
 rice? [ vice,  
 Royne ou Princesse, hélas, fuyez ce  
 Car il n'est cueur tant soit de vertu  
 plain,

Si fuyvre veult d'avarice le train,  
 Que son honneur à honte ne perisse.

Riens n'est, fors l'or, qui l'avare esjoyffe;  
 Tout tire à soy, rien ne donne qu'il puisse,  
 Et n'a pitié de luy, ne son prochain,

O quel' horreur !

Mais est il riens qui Princes tant honnisse ?  
 Certes nenny; chicheté est la lyffe  
 Qui l'ame tuë , & rend le corps mal sain ;  
 Honneur deffuyt , mengeant son pain au sain ;  
 De foy abuse , & si corrompt Justice ;  
 O quel horreur !

### *De Constance.*



A N S varier moins que le Polle Ar-  
 ticque [ cifique,  
 Doit la Dame estre , & de cueur pa-  
 Porter en paix les grans hurtz de for-  
 tune ,

Se bien luy vient , ou malheur l'importune ,  
 N'en soit joyeuse , ou plus melencolicque.

Contre bonheur constance à foy applicque ,  
 Puy de force ayt la vertu magnificque ,  
 Pour tollerer toute grieve infortune ,

Sans varier.

Le Polle est fixe , & le ciel erraticque ;  
 Semblablement tout trezor terrificque  
 Va , & puy vient , ainsi que faict la lune ;  
 Mais cueur constant n'en a joye ou rancune ,  
 Se monstrant Polle envers Fortune inicque ,  
 Sans varier.

### *De chercher la Paix.*



A R tous moyens Dame doit paix  
 chercher , [ cher,  
 Car il n'est riens en ce monde tant  
 Ne que discord aux humains tant gre-  
 vable ,

Et qu'ainsi soit , en ce val miserable

JESUS mourut pour la guerre estancher.

Puys que pour nous tant voulut s'empescher,  
Dames d'honneur, hélas, vueillez tascher  
De fuyr guerre, & trouver paix louable,  
Par tous moyens.

La Vierge où Dieu vint prendre humaine chair,  
Traicta la paix; Hester sceust relascher  
L'ire Assuere, ostant mort execrable  
De dessus Juifz; doncques en cas semblable,  
Chassez discord qui trop nous peult fascher,  
Par tous moyens.

*D'avoir esgard à l'honneur.*



EVANT voz yeulx Dames ayez  
honneur;  
Et si voulez parvenir à bonheur,  
Ne faictes riens que ne voulez qu'on  
saiche;

Car il n'est feu quelque part qu'on le cache,  
Dont il ne sorte, ou fumée, ou challeur.

Craignez ung Dieu, honnorez ung Seigneur,  
Faictes la sourde à tout grant blasonneur,  
Et ne souffrez jamais faire ung tour lasche  
Devant voz yeulx.

Donnez où fault, & fuyez le donneur,  
Car le donnant oblige le preneur;  
Et gardez bien que la vilaine tache  
D'ingratitude en voz cueurs ne s'atache,  
Car il n'en peult venir que deshonneur  
Devant voz yeulx.

*De Patience.*

IN SI que Job , la Princesse ou re-  
gente,  
Contre tout mal doit estre patiente,  
Rememorant comment J E S U S pour  
elle

Souffrit la mort , voire mort tant cruelle ,  
Qu'onques n'en fut de si tres vehemente.  
Souffrant douleurs, dye par bonne entente ;  
Mon Dieu , apres obscurité dolente ,  
J'espoire avoir ta lumiere eternelle ,  
Ainsi que Job.

Si defespoir quelquefois te tormenté ;  
Dieu remercyé , & de luy te contenté,  
Sans jamais perdre esperance la belle ;  
S'ainsi tu faiz , apres vie mortelle ,  
Pour ung seul mal tu auras de biens trente.  
Ainsi que Job.

*D'estre chaste en estant belle.*

UI a ces deux, Chasteté, & Beaulté ;  
Venter se peult qu'en toute loyauté,  
Toute autre Dame elle surmonte &  
passe , [lasse  
Veu que Beaulté oncques jour ne fut

De faire guerre à Dame Chasteté.

Mais quant ensemble elles font unité,  
C'est don divin joint à l'humanité,  
Qui rend la Dame acomplye de grace ;  
Qui a ces deux.

Mieulx vault laideur gardant honnesteté,  
Que beaulté folle en chassant nesteté :  
Toy donc qui as gent corps , & belle face ,

Prends chasteté, tu seras l'oultrepassé;  
Car Meung nous dit que peu en a esté;  
Qui a ces deux.

*De prier en esperit & verité.*



U cueur gist tout, & non pas aux pa-  
rolles; [rabolles,  
Tel presche & dit saints motz & pa-  
Qui a le cueur de tout vice empesché:  
Dame d'honneur, hélas, fuy ce peché  
D'ypocrisie, autrement tu t'affolles.

Que vault menger ymages & ydolles  
Pour gloire avoir ? ce sont toutes frivolles;  
Dieu veoit qui est de sainteté touché  
Au cueur.

Ne hante point les maudictes escolles  
De faulx semblant; mais en Dieu te consolles;  
Sans que le cueur soit de sainte taché,  
Ou ton esprit sera bas ataché,  
Quelque oraison que des leurs flajolles,  
Au cueur gist tout.

*D'aymer ung Dieu & ung homme  
seullement.*



U N G Dieu, ung homme, aymer doit  
toute Dame: [me,  
Ung Dieu premier pour le salut de l'a-  
Et l'homme après pour generation;  
Celle qui ayme en autre intencion,  
Selon la Loy, peché la rend infame.

En servant Dieu, & l'homme sans diffame;  
Elle acquiert gloire au ciel, & icy fame;  
Mais il convient aymer sans fiction  
Ung Dieu, ung homme.

Dieu reconnoisse, en tant qu'il l'a fait femme;  
 Et non pas beste : apres l'homme reclame,  
 Qui met son cueur en sa possession;  
 D'en aymer plus, n'est que deception,  
 Il faut servir, qui ne veult avoir blasme;  
 Ung Dieu, ung homme.

*De l'habit des Princesses.*



ONNESTEMENT parer se  
 doit Princeſſe, [ bleſſe  
 Pour deux raiſons; l'une pour ſa no-  
 Mieulx demonſtrer; l'autre pour ſa-  
 tisfaire

Au doux accueil de l'amoureux affaire,  
 En mariage; ailleurs ſon honneur bleſſe.

De ſ'acouſtrer ainſi que une Lucreſſe,  
 A la Lombarde, ou la façon de Grece,  
 Il m'eſt advis qu'il ne ſe peut bien faire  
 Honneſtement.

Garde toy bien d'eſtre l'inventerreſſe  
 D'habitx nouveaulx; car mainte pecherreſſe  
 Tantost ſur toy prendroit ſon exemplaire;  
 Si à Dieu veulx & au monde complaire,  
 Porte l'habit qui denote ſimpleſſe,  
 Honneſtement.



**EPISTRE DES DAMES DE**  
*Paris au Roy François Premier de ce*  
*nom, estant dela les monts, & ayant*  
*deffait les Suisses.*



I langue & sens savoient bien profes-  
 rer  
 Ce que noz cueurs desirent resferer,  
 Dire pourroys qu'onques Prince ne  
 leut

De ses subgectz ung tant humble salut;

Comme cestuy ; mais faulte de savoir  
 Nous clost la bouche, & tout bon concevoir ;  
 Dont supplions que ta benivolence  
 N'en preigne fors ce que le cueur en pense ;  
 Car il est tel, que tout le sien desir  
 Est de te faire en tout honneur plaisir ;  
 Comme celluy qui te doit en tout estre  
 Obeissance & foy, comme à son maistre ;  
 Aussi nous doys ( en ce ) de recompance  
 Fervente amour, & royalle deffence,  
 La quelle chose as fait, bien le savons ;  
 Dont gloire & grace & honneurs t'en devons ;  
 Car quelque lieu que ta grand' majesté  
 Se soit trouvée, & que l'on ayt jetté  
 Propos avant touchant nous autres Dames ;  
 Soustenu as noz honneurs, bruitz, & fames  
 Par motz exquis, disant Parisiennes  
 Estre l'honneur des Dames terriennes.  
 Mais de ce loz, ô tres nobles Seigneurs ;  
 Redonde à toy le bien, grace, & honneur ;  
 Car les haults biens, & graces que nous donnez ;  
 Viennent de toy, non pas de noz personnes,  
 Dont non sans cause as ung amour gravée



Dedans noz cueurs , tant que l'ame est grefvée  
 Par durs regretz , procedans de l'attente  
 De toy , où gist nostre espoir & entente ;  
 Mais nonobstant la longue demourée ,  
 Loyalle amour n'est point desespérée ,  
 Saichans que cueur d'amyé ou vray amant ,  
 Est acéré trop plus que Dyamant  
 Contre infortune , attendant tousjours l'heure  
 De recompense , à la longue demeure ;  
 Ainsi que l'ame estant en Purgatoire  
 Prant peine en gré , tousjours esperant gloire.  
 Si te prions que ancienne amytié ,  
 Veuille tourner le tien cueur à pitié ,  
 Et ne souffrir que soyons si long temps  
 Sans te reveoir ; car tu scez & entens ,  
 Que des dampnez la grant confusion ,  
 C'est qu'ont perdu de Dieu la vision.  
 Regarde donc Paris ton royal estre ,  
 D'œil de pitié , tu es son Dieu terrestre ;  
 Et si jadis Dieu par compassion ,  
 Plora dessus les filles de Syon ,  
 Plore le mal qui sur nous doit courir ;  
 S'il ne te plaît de brief nous secourir.

Quant Scipion le jeune enfant Romain ;  
 Eut fouldroyé par belliqueuse main  
 Cartaginois & Hanibal leur chef ,  
 Reduyt Cartaige à extresme meschef ,  
 A Romme entra sur le char de victoire ;  
 Où il receut triumphe meritoire ,  
 Print le chapeau de laurier au saint temple  
 De leurs haultx Dieux , par vertueux exemple ,  
 Que tout hault faict doit estre revestu ,  
 Et compensé de gloire & de vertu.  
 Toy donc qui as tes guydons & enseignes ,  
 Conduict par rocs & incongneues montaignes ,  
 Batu bateurs , eulx disans si terribles ,

Que

Que puyſ Cesar ont eſté invincibles ;  
 Faiſt retirer Eſpaignolz & Rommains ;  
 Proſpe Coulonne avoir mis en tes mains ;  
 Le More prins , ta terre , & au ſurplus  
 Veul le ſainct Pere , helas que veulx tu plus ?  
 N'eſt il pas temps que tu ſoyſ herité  
 Des haultx honneurs que tu aſ merité ?  
 Certes ſi eſt ; vien t'en donc dedans Romme  
 Paris ſans per , & là congnoiſtras comme  
 Les tiens ſubjectz , t'apreſtent dyadeſmes  
 De gloire & loſ , & couronnes ſupreſmes ,  
 Chars triumphans , myſteres , perſonnaiges ;  
 De tes haultx faiſtz , & glorieux bernaiges .  
 Puyſ le Senat troveras audict lieu ,  
 Pour te introduyre au ſainct temple de Dieu ;  
 Auquel rendras gloire des tres beaux faiſtz ,  
 Que moyennant ſa grace tu aſ faiſtz ,  
 O preux des preux ! ô vainqueur des vainqueurs !  
 Te dirons nous comme noz povres cueurs ,  
 Eſtoient en crainte à lors que ton charroy ,  
 Eut treſpercé par merueilleux arroy ,  
 Alpes & rocſ , & que aux Lombardes plaines ;  
 Vins tampeger d'ennemys toutes plaines ?  
 Certes ouy ; car bienſaiſt incongneu ,  
 N'eſt ſeulement que de Dieu recongneu .  
 Auffi affin que pitié t'admoneſte  
 Nous venir veoir , ſoubz une crainte honneſte  
 T'advertiſſons , qu'alors jeux & eſbatz ,  
 Robbes de pris & joyaulx miſmes baſ ,  
 Pour prandre noir , la dolente couleur ,  
 Guydon d'ennuy , & mortelle douleur .  
 Que te dirons ? forſ que Proceſſions ,  
 Ung chaſcun jour faire nous ne ceſſions ,  
 Les ungs piedz nudz , & les autres en langes ,  
 Faire des veuz ſi divers & extranges ,  
 Que n'en croiras à peine la moitié ,

Non pas le quart ; si ce n'est par pitié.

L'une fist veu qu'a tousjours jeuneroit ;  
 Jusques à tant que nouvelles auroit  
 De ton retour , & l'autre sans faintise ,  
 Promist à Dieu que deffoubz sa chemise ;  
 Sur le corps nud , elle porteroit ceinte  
 Sa chaine d'or , tant qu'à la tienne atteinie  
 Fusses venu , & que dedans Paris  
 Te peust veoir sain de corps & d'esperitz.  
 Que diray plus ? l'autre à Dieu a fait veux  
 De non peigner ses blonds & longs cheveux  
 Jusques à ce qu'en France elle te voye ,  
 Ou qu'au retour tu te mettes en voye.

Voyla comment il n'y avoit aucune ,  
 Qui ne doubtaist la muable fortune.  
 Mais tout ainsi qu'apres grande fumiere .  
 Vient le soleil ; tantost vint la lumiere  
 De ta victoire , ou prisme telle joye ,  
 Que jusqu'aux cieulx en touchoit la montjoye ;  
 Car oraisons montoient plustost es cieulx ,  
 Qu'eave ne descend par ung temps pluvieux.  
 Tabours sonnoient , & fifres resonnerent ,  
 Prestres chantoient , & les cloches sonnerent  
 Si haultement , qu'à tous estoit notoire  
 Qu'ilz rendoient grace à Dieu de ta victoire.  
 Heraulx adonc la nouvelle anoncerent  
 De la deffaicte , oultre plus com menderent  
 Faire les feux ; qui fut chose accordée  
 De meilleur cuer , qu'el' ne fut commandée.  
 Qui veit adonc flammes voller en l'aer ,  
 Faire bancquertz , chanter , rire , baller ,  
 C'estoit plaisir ; car l'une en cote simple ,  
 Lors se despoille , & l'autre met sa guymple  
 Dessus son chief , pour avoir meilleur' grace ,  
 De bien dancer Courante ou Rouergasse.  
 Que te dirons ? fors que toute tristesse ,

Se convertit lors en joye & lyeffe.

Ung jour apres nous arriva ung poste,  
Tres bien parlant, & devisant à poste,  
Lequel apres plusieurs humbles requestes  
Faiçtes par nous, nous dist de tes conquestes  
Si amplement, qu'à bien noter ces termes,  
Il en parloit non point comme clerc d'armes;  
Car telle geste avoit en racomptant,  
Que bien sembloit que encor' fust combatant.

Après dist-il que des rocz immontables  
Auparavant, eut par poullies & cables  
Passé faucons, basilicz, coulevrines,  
Doubles Canons, & longues Serpentes,  
Vint campeger malgré ses ennemys  
Au Marquisat de Saluce, & a mys  
Ordre par tout : puy fist bailler la chasse  
Aux fiers villains, lesquelz quictent la place  
Si promptement, qu'il estoit impossible  
Les assaillir sans desordre terrible;  
Car bien vingt mil & plus en gros arroy,  
Marchoient devant la puissance du Roy:  
Et de ce temps ilz firent mestre en voye,  
Aucuns Heraulx vers le Duc de Savoye,  
Luy suppliant que au Roy mist en avant,  
Traictié de paix, & que d'orenavant  
Seroient amys, pourveu que leur demande  
L'on accordast. Lors d'affection grande  
Le Roy voullant à vraye amour entendre,  
Non desirant sang Chrestien espandre,  
Leur accorda; & voyla comme payx,  
Misrent en l'aer soubz les broillas espais  
De trahison, qui leur tourna la bride  
Si lourdement, qu'aupres sainte Brigide;  
Quinze mil d'eulx furent mortz affollez,  
De trahison honniz, & maculez.  
Cecy oyant, ô Prince de hault pris!

Tu peulx penser si nos povres espritz  
 Furent joyeux , car le cueur nous saultelle  
 Dedans le corps , par amour naturelle ,  
 Qui nous induict chanter pour ta victoire  
 Mottetz & dictz d'eternelle memoire.  
 Si te prions humblement derechef,  
 Puy que es venu de ton emprise à chef,  
 Mis ordre à tout , fait d'ennemys amys ,  
 De Chambery le tien veu à fin mys ,  
 Vien à Paris : car certes si tu veulx ,  
 Impossible est mestre fin à noz veux.  
 La chaine d'or ja commence approcher  
 Aupres des os , en macerant la chair ;  
 Et les cheveux dorez avec la tresse ,  
 Sont ja tous plains de vermine & de gresse :  
 L'autre qui jeûne , à la mort ja estrive ,  
 Car elle semble autant morte que vive.  
 En tel estat attendons ta venue ,  
 Soubz ung espoir qui tousjours continuë  
 En bon vouloir : & note que ces paines  
 Prenons en gré ; car bien sommes certaines ,  
 Que tu as cueur qui onc ne fut attainct ,  
 D'ingratitude , où vertu se destainct.  
 O François franc ! monstre cy ton franc cueur ,  
 Voulant pitié preferer à rigueur :  
 Rigueur fera , si à ce coup regettes  
 Le doux prier de tes humbles subgectez ;



**EPISTRE DES DAMES**  
*de Paris, aux Courtisans de France*  
*estans pour lors en Italye.*



**N**OBLES mignons, Courtisans plains  
 d'honneur,  
 Salut, bonheur, santé, & bonne vie;  
 Ne soit vostre œil ingrat, ne con-  
 tempneur  
 De cest escript; mais lisez la teneur,  
 Car de bon cueur l'avons faict sans envye;  
 Tant que chascune en vraye amour ravye,  
 Si vous convye à venir à Paris,  
 Pour reveiller noz tristes esperitz.

Là pourrez veoir,  
 Et concevoir,  
 Que la Françoisse,  
 Faict son devoir,  
 De bien pourveoir,  
 L'homme à son aise:  
 La Millannoise,  
 A mys la noyse,  
 En noz cueurs, & devez sçavoir,  
 Que c'est chose qui moult nous poise;  
 Veoir jouïr estrange Galloise,  
 Des haults biens que devons avoir.  
 Nous n'aurions point de leur bien desplaisir;  
 Si par desir d'amour vraye & bon zelle,  
 Aux vrays amans daignoient faire plaisir.  
 Mais il les fault d'or & d'argent saisir,  
 Ains que gésir ne coucher soubz leur esto.  
 Quant la fumelle est si tres naturelle,  
 Qu'el' tire à elle aucun par amytié,  
 Du doux messaict tous les Dieux ont pitié.

Italiennes ;  
 Praticiennes ,  
 Sont & seront :  
 Mais Courtisennes ;  
 Parisiennes ,  
 Plaisir seront :  
 Ceux que verront ,  
 Qui le vaudront ,  
 Frapperont en leurs barbacanes ;  
 Et d'autres qui argent auront ,  
 A la poursuyte si mourront ,  
 Tremblans fievres quotidianes.  
 Dont ainsi est que nature Lombarde ;  
 Ne se retarde au plaisir satisfaire ,  
 Ains pour tirer argent se painct & farde ;  
 Mais cueur François de son amy prent garde ;  
 Et le regarde en son piteux affaire :  
 Lors fait pitié , ce que argent ne peut faire  
 L'amour prefere , & au plaisir s'accorde  
 Pas n'est peché faire misericorde.  
 C'est chose inique ,  
 Quant la pratique ,  
 L'amour surpasse ;  
 Et qui s'applique ,  
 A tel' trafficque ,  
 Le plaisir casse.  
 Cueur de vray race ;  
 Doit avoir grace ,  
 De non rendre ung amant etique ;  
 Ains par pitié baise & l'embrasse ,  
 Car qui autrement se soulasse ,  
 Ne fait que œuvre dyabolicque ,  
 Mais leur coustume est en la bonne chere ;  
 Vendre à l'enchere autant bren que farine ,  
 Et y veoit on souvent la vieille ouvriere ,  
 Estre gorriere , & faire la poupinie ,

Quant en la France une Dame decline;

Elle resigne aux jeunes le deduyt:

Se retirer est bon quant il est nuyt.

Les pources sottes,

Ont robes cottes,

D'or estoiffées,

Et chés leurs hostes,

N'ont que des crottes,

Et mal chauffées,

Ce semblent fées,

Tant sont coiffées,

Mignonnement & à leur poste;

Au reste sont plus esgriffées,

Plus usées, & plus desbiffées;

Que les vieilles chausses d'un poste:

D'ont vient cela? sinon qu'elles n'ont pas;

Ung bon repas estans en leurs sejours;

Mais quant s'en vont dessus autrui apastz;

Elles repaissent sans ordre ne compas,

Et de ce past en prennent pour dix jours;

Et delà vient que l'on les veoit tousjours,

Soubz leurs atours, plus maigres que ung vieil  
monstre:

A meschant drap volentiers belle monstre,

Bien nous vivons,

Et pource avons,

Luyfantes faces;

Car bien sçavons;

Se ainsi ne usons,

Serons mollasses;

Nous sommes grasses;

Et avons graces,

Fermes sommes, & le serons.

Tetons avons, elles tetasses,

Pendans comme vieilles bezaces,

Dessus leurs jambes de herons;

N iij



D'ont m'esbahis comme l'on peut aymer  
 Et estimer Dames de telle taille;  
 Car ce n'est riens à bien tout resumer,  
 Fors les habitz, qui les font renommer,  
 Mais c'est amer que dessoubz miel on baille;  
 L'habit est beau, le surplus ne vault maille,  
 Car soubz l'escaille on vient à esprouver,  
 Qu'il n'y a pas ce qu'on pensoit trouver.

Voyla comment,  
 Facilement,  
 L'homme est surpris;  
 Et n'est amant,  
 Tant cler voiant,  
 Qui n'y soit pris;  
 L'habit de pris,  
 Fard bien compris;  
 Font d'un laid corps le parement  
 Ainsi que les fleurs du pourpris  
 Reparent le fumier, appris  
 De puyr naturellement.

Plus froides sont que le col de l'aignel  
 N'est en Noël, & plus molles que trippes;  
 Et n'est engin, tant soit-il naturel,  
 Qui sçeut trouver la fève en leur tourtel.  
 Car leur jouel tient ung peu de la pipe,  
 On se dissipe apres telle guenippe  
 Qui l'homme pipe, acroire luy faisant;  
 Qu'un vieil chappon est ung jeune faisant.

Qui son désir  
 Y veult choisir,  
 Soit diligent,  
 D'or les saisir,  
 S'il a loisir,  
 C'est l'entregent.  
 L'homme indigent;  
 Tant soit il gent,

Ne peut avec elles gesir ?  
 Le Diable emporte telle gent ;  
 Ilz font des cocuz pour l'argent ;  
 Et nous autres pour le plaisir.  
 S'aulcun avoit esprit spirituel ,  
 Tant que fust tel d'adviser leurs abus ,  
 Il congnoistroit que soubz nostre mantel ;  
 N'y a riens , fors que le vray naturel :  
 Et que tout bel avons tant fus que jus ,  
 Tetins aiguz , membres blancz & charnuz ;  
 Puyz ces gros culz , pour l'amoureux affaire ;  
 Si bien trouffez qu'il n'y a que ressaire.  
 Ont ilz maintien ,  
 Ny entretien ,  
 Qui nous defface ?  
 Ha ! je soustien  
 Qu'on les vault bien  
 En toute grace.  
 Qu'on mette en place ,  
 François face ,  
 Parée comme on pourroit bien ;  
 Si Lombarde y a qui la passe  
 En beaulté , en geste , ou audace ;  
 Je quitte tout , & n'en veulx rien.  
 Quant de dâncer , n'avons nous pas la geste ;  
 Aussi honneste , & de meilleure sorte ?  
 Oyez leur chant , c'est rompement de teste ;  
 Car en chantant plorent , & font tel' feste ,  
 Comme une beste ou chievre qui avorte.  
 A tout cueur noble en qui honneur s'assorte ,  
 Je me rapporte à décider les quelles  
 Auront le bruyt pour graces naturelles.  
 Dont qui voudroit ,  
 Desorendroit ,  
 Juger ce cas ,  
 Selon le droit .

Meestre fauldroit,  
 Les robbes bas :  
 Puys sans débatz ,  
 Pour ses esbatz ,  
 Veoir où nature deffauldroit ;  
 En apres il ne fauldroit pas  
 Favoriser ; car de ce pas  
 L'une ou l'autre trop y perdrait :  
 Lors on verra sans lunette ou verrine ,  
 Qui est plus digne , à qui l'honneur s'a dresse  
 Et dira l'on que Jehanne ou Catherine ,  
 Ne doyvent riens en beaulté clere & fine ,  
 A Seraphine , à Camille , ou Lucreffe :  
 Quant des vertus , au Roy chascune en laisse  
 Le jugement , pource qu'il est vestu ,  
 De toute noble & louable vertu.  
 Si par sentence ,  
 La preference ,  
 A nous tirez ,  
 Gens d'excellence ;  
 La recompence ,  
 Bonne en aurez ,  
 Vous aspirez ,  
 Et desirez ,  
 Comme croyons , venir en France ;  
 Mais si à Paris vous entrez ,  
 Nous esperons que congnoistrez ,  
 Du bien faict la recongnissance.  
 Changeant propos , icy court ung caquet ;  
 Qu'en ung banquet que l'on vous fist à Parme ;  
 Une Madone , estant dans le parquet ,  
 Contraincte fut de lascher son bacquet  
 Soubz son rocquet , qui fut ung cas infame ;  
 La pouvre Dame indigne d'estre femme ,  
 De ce diffame assez fut esplorée  
 Quant pour partir elle eut vent & marée ;

Qui auroit faict ,  
 Ung tel meffait ,  
 Dedans Paris ,  
 L'aer tout infect ;  
 Seroit du faict ,  
 Et los taris ;  
 Nos esperitz ,  
 En font marris ,  
 Pour l'honneur du sexe , en effect ;  
 Mais dire fault apres tous ris ,  
 Qu'elle eust l'espondille ou marriz ,  
 Trop remply du vin du buffet ,  
 Conclusion : Roy nostre Souverain ,  
 De cueur humain vous prions , & bon zelle ;  
 C'est qu'il vous plaist ains anuyt que demain ,  
 Venir en France , & rapporter en main  
 La palme & raim de louenge immortelle ;  
 Car il n'y a Dame ne Damoyse ,  
 Qui ne faultelle en oyant les rapports ,  
 De voz tres beaulx & louables effors ,  
 Pourtant venez ,  
 Et amenez ,  
 Vostre noblesse ;  
 Si sejournez ,  
 Vous nous tenez ,  
 Trop grant rudesse ;  
 Amour nous presse ,  
 Desir oppresse ,  
 Noz cueurs de grant crainte estonnez ;  
 Paris pleure , & Tours a destresse ,  
 Bloys languist , Amboise ne cesse  
 De crier , Sire retournez .

*Explicit 1515. à Millan.*

COMMENCEMENT D'UNE EPISTRE;  
*de Jehan Marot à la Royne Claude, en  
 laquelle Epistre ( si mort luy eust donné  
 le loisir, ) il avoit delibéré de descrire  
 entierement la deffaiëte des Suisses au  
 Camp sainte Brigide.*



I GE d'honneur, Hermine lylialle;  
 Chappéau Ducal, soubz couronne  
 Royalle

Resplendissant, par ung celeste lustre  
 Inextinguible. O ! Dame tres illustre

Ne t'esbahys si moy simple orateur,  
 De ta maison le moindre serviteur,  
 Ay osé prendre audace de t'escire;  
 Car le subgeët que je pretens inscrire  
 En ceste carte, est si tres favorable,  
 Doulx & plaisant, que l'auras agreable;  
 Comme je croy, & que n'auras esgard  
 Si l'escrypt vient de basse & simple part.

Autre raison, Souveraine Princeesse,  
 Me donne cueur, c'est que plus grand' lyesse;  
 Ne pourroit Dame en son cueur recevoir,  
 Que bon rapport du sien espoux avoir.  
 Mais qui plus est, je te sens par droicture  
 Doulce & humaine, ensuyvant la nature  
 D'Anne ta mere, à laquelle les Dieux  
 Avoient donné le mantel radieux  
 D'humanité, enrichy de vertus;  
 Dont ores sont tes espritz revestuz;  
 Comme heritiere en droict de tous ses biens;  
 Meurs, los, honneurs, sans y delaisser riens;  
 Ainsi n'ay peur que tu me soys amere,

Puys qu'en vertu la fille ensuyt la mère.

Or est ainsi, Roïne tres chrestienne ;  
 Qu'au departir de la presence tienne ,  
 Le tien mary cacha par beau semblant ,  
 Mille douleurs soubz ung accès tremblant  
 De durs regretz , voyant la departie  
 De sa tant bonne & loyalle partie ,  
 En delaissant ( non sans cause ) en grant crainte  
 Sa mere triste , & son espouse enlaincte :  
 Mais ung desir de venger l'impropere ,  
 Faicte jadis , au Roy Loys ton pere ,  
 Avec ung hault & magnanime cueur  
 D'acquérir gloire , & tiltre de vainqueur ;  
 Voullant aussi comme enfant vertueux ,  
 De son feu pere acomplir les haults veuz ,  
 Mist en arriere outre loy naturelle  
 Femme , pays , & amour maternelle ,  
 En tresperçant, sans doubter les estocz  
 Dame Fortune , inaccessibles rocz.

Or est ainsi que Roy Charles Huytiesme ;  
 Ardant d'avoir d'honneur le diademe ,  
 Fist decoupper , rompre , fendre & froisser  
 Alpes & rocz , pour son arroy passer.  
 Ton pere après , que J E S U S veuille absouldre ,  
 Fist detrancher plustost que bruyant fouldre ,  
 Les lieux estroictz , faisant chemins uniz ,  
 Par les haults mons de Genefve . & Cynys :  
 En quoy faisant immortal los acquirent ,  
 Car eulx passez vainquirent & conquirent.  
 Mais tant y a que ton espoux François ,  
 Roy des François , de valleur le franc choix ;  
 A trop plus faict ; car il est tout notoire  
 Qu'il n'est trouvé en cronique ou histoire ,  
 Que jamais homme ayt passé les montaignes ,  
 Où il conduit ses guydons & enseignes ,  
 Dont tel honneur luy est deu en partaige .

Comme eut jadis Hannibal de Cartage ;  
 Lors qu'il rompit de Bouloigne les Alpes ;  
 Pour y passer legions & Satrappes:  
 Mais qui plus est , les dessusdictz deux Roys  
 Avoient pour eulx les belliqueux arroys ,  
 Des Pigmontoys , Tudesques , & Savoyes ;  
 Dont sans perir marchoient en seure voye.  
 Mais ton espoux , ô Princesse Royale !  
 Non seulement a eu toute l'Italle  
 Pour ennemys : car en plaine champaigne ;  
 L'on peult choisir les enseignes d'Espaigne ,  
 Les pennonceaulx , & guydons de l'armée  
 Pape Leon , grandement estimée ,  
 Sans trente mil Suisses gens de pied ,  
 D'ont n'en ay point de meilleurs espie ,  
 Et meritoient d'estre bons appelez ,  
 Si trahison ne les eust maculez.  
 Dont je concluz que ton espoux , ce semble ;  
 A plus de loz que les deux Roys ensemble ;  
 Car vaulx profonds , ny haultx rochers cornuz ,  
 Bruyans torrens , passaiges incongneuz ,  
 Chemins estroictz , n'y doubte d'ennemys ,  
 N'ont crainte aucune à son voyage mys ;  
 Ains exploictant son emprinse haultaine ,  
 Comme ung souldart , ou simple Capitaine ;  
 Non extimant du travail les vacarmes ,  
 Passa les mons , armé de toutes armes ,  
 En demontrant que jamais conquerant ,  
 N'aquerra loz par le repos querant ;  
 Et qu'il soit vray , saichez noble Princesse ,  
 Que le sien corps ung seul jour ne print cesse ,  
 Jusques à ce , que par vertueulx faictz ,  
 Ses ennemys eust vaincuz & deffaictz ,  
 Fors le bon jour qu'il reçeut la nouvelle ,  
 Qu'avez produict une fille tant belle ;  
 Car tant de joye il eut de ce propos ,

Que tout travail convertit en repos ;  
 Et tout ce jour ne tint autre devise ;  
 Que de toy Dame , & sa fille Loyse.  
 Heraulx adonc leurs cottes d'armes prindrent ;  
 Et la nouvelle au peuple anuncer vindrent :  
 Trompes , tabours & clerons à plaifance  
 Sonnoient alors , le peuple crioit France ,  
 En tous cartiers furent faictz feux de joye ,  
 L'ung chante & dance , & l'autre se resjoye ,  
 Faisant beaulx ditz en tres eloquent stille ,  
 En decorant la mere avec la fille.

Musiciens en leurs voix argentines ,  
 Rendoient louenge aux haults cours celestines ;  
 Qui nous avoient par grace speciale ,  
 Apporté fruiet de souche lilialle :  
 Que diray plus ? doulcines & haultboys ,  
 Sonnoient si hault , que rochers & haults boys  
 En resonnoient si tres doux , qu'il sembloit  
 Que leur soulas au nostre ressembloit ,  
 De l'autre part faulcons & couleuvrines ,  
 Doubles canons , & longues serpentines ,  
 Par cas fatal ayans la congnoissance ,  
 Que ceste fille apportoit paix en France ,  
 Par grant despit leurs boullletz desgorgerent ,  
 Dont de frayeur les Alpes s'estonnerent.

Mais ainsi est , Dame de hault paraige ,  
 Que ton espoux reçeut en son couraige ,  
 Plaisir plus grant que langue ne peult dire ,  
 Cueur mediter , ne plume & main descripre ;  
 Et tout ainsi que ung grief malheur ou deul ,  
 Communement ne vient jamais tout seul ,  
 Semblablement onques ung bien ne vint  
 Que tost apres ung autre ne survint ,  
 Qu'il soit ainsi , tantost eut la notice ,  
 Comme le preux Seigneur de la Palice ,  
 Acompaigné du vaillant Ymbercourt ,



Que JESUS veuille or' tenir de sa cōure ;  
 Avecques eulx Aubigny & Bayart ,  
 Qui de la guerre ont la proesse & l'art ,  
 Avoient surprins par diligence d'armes ,  
 Prospe Coulonne avec tous ses gensd'armes ;  
 Dont quatre cens lances estoient en compte ,  
 Qui tous deffaictz furent à leur grant honte ,  
 Oité Coulonne , & quelque troys on quatre ,  
 Qui ores sont en France pour s'esbatre ,  
 Voila comment reçeut lors double joye .  
 Le tien mary de vertu la montjoye ,  
 Lequel sans crainte à journées merveilieuses  
 A trespercé les roches perilleuses ,  
 Car plus que trop il luy tarδοit que contre  
 Ses ennemys , eust bataille ou rencontre :  
 Lesquelz saichans sa venue certaine ,  
 Et que desja campegeoit en la plaine ,  
 Tous estonnez de l'orrible passaige  
 Qu'avoit passé , troussèrent leur bagaige ,  
 Sonnant tabours , tenans ordre de guerre ,  
 Plus qu'à grans pas commencent prendre terre ,  
 Voire en façon qu'ilz faisoient pour ung jour ,  
 Vingt mil & plus , sans faire aucun sejour .  
 Que diray plus ? sinon que ton mary ,  
 De leur depart desplaisant & marry ,  
 Les poursuyvoit ardent de les trouver ,  
 En lieu marchant pour sa force esprouver ;  
 Mais impossible estoit de les atteindre ,  
 Sans desfarroy , qui trop estoit à craindre .  
 A tant me tais , Roïne tres honorée ,  
 De leur retraicte assez mal asseurée ,  
 Pour te narrer au gros stille de moy ,  
 Comment François , le Tres chrestien Roy ;  
 Apres avoir passé les montz terribles ,  
 Auparavant à monter impossibles ,  
 Vint arriver dedans la belle plaine

Du Marquisat de Saluce, ja pleine  
 De toutes gens, dont les ungs apportèrent  
 Vivres assez, qui moult nous conforterent.  
 Les autres sont en grande reverence,  
 Attendans veoir la digne preference  
 Du tien espoux, qui bruyt eut en la ronde;  
 D'estre le plus beau Prince de ce monde,  
 Lequel puyt veu, fut de tous estimé,  
 Mille fois plus que n'estoit renommé.  
 Lors ouysiez par ung ardent desir,  
 France cryer: bref, c'estoit ung plaisir;  
 D'ouyr les motz que ce peuple disoit;  
 L'ung le louoit, l'autre le benissoit,  
 Disant, s'il est accompli en vertu  
 Ainsi qu'il est de beaulté revestu,  
 C'est le chef d'œuvre à nature & des Dieux.  
 L'autre disoit, c'est le bras furieux,  
 Qui doit froisser l'orgueil & malefice  
 Des fiers villains de Tudesque, & Suiffe;  
 C'est cestuy-là qui toutes les Italles,  
 Doit conquerir par ses armes Royales.

En ces propos fut conduyt & mené  
 Jusqu'à Conny, où il a sejourné  
 Ung jour sans plus, puyt transmist vers Noarre  
 Tous les Gascons, & Petre de Navarre,  
 Force pietons, manteaulx, artillerie,  
 Qui à l'approche a faict tel' batterie,  
 Que des grans coups que les boullletz doubloient;  
 Des murs tombans les fossez se combloient.  
 Adonc veissiez deffences, canonnières,  
 Rampars, carneaulx tumber par telz manieres,  
 Que l'on eust dit proprement que la foudre  
 Partoit du ciel pour les reduyre en pouldre;  
 Ce neantmoins vaillamment se deffendent,  
 Tirent canons, arbalestes desbendent,  
 Tant qu'ont occis en ce cruel oraige,

Ung canonnier François, dont fut dommaige.  
 Ce voyant Petre de Navarre, despit  
 De celle mort, sans terme ne respit,  
 Mect feu en pouldre, & faict ung tel tonnerre,  
 Qu'il n'y a mur qui ne vienne par terre:  
 Et tant les a battuz & estonnez,  
 Qu'homme depuys n'osa monstrier le nez:  
 Dont lendemain la place au Roy rendirent,  
 Et tous joyeux bagues sauves partirent.

Voila comment, ô Dame de hault pris  
 Ville & chasteau de Noarre fut pris,  
 Lesquelz jadis Loys Duc d'Orleans,  
 Le tien fut pere, estant enclos leans,  
 Tint en despit de toute l'aliance.  
 Feu Ludovic, & toute sa puissance,  
 Non seulement deux moys, mais sept & huyt,  
 Dont par louïenge en cronicque reluyt:  
 Car du depuys celuy qui l'assiegea,  
 En ce lieu mesme il print & deslogea;  
 Qui est ung cas nous monstrant que Fortune  
 N'a point d'arrest en sa roe importune.  
 Regarde donc, Dame de hault savoir,  
 Quel bruyt, quel los ton mary doit avoir,  
 Quant en troys jours à par force faict rendre,  
 Ce qu'en neuf moys Ludovic n'a sceu prendre.

A tant me tais, & ce propos je leste,  
 Pour te compter comment en grand' noblesse,  
 Vint à Noarre, ou en grant reverence  
 Fut recüeilly de toute l'assistance.  
 Mais tant y a, que l'espace d'une heure,  
 Il n'avoit faict en la ville demeure,  
 Que adverty fut, comme ung tas de cohortes.  
 Lansequenetz, rompoient maisons & portes,  
 Pilloient par tout; dont fut si remply d'ire,  
 Qu'il n'est vivant qui bien te le sceult dire;  
 Car tout esmeu, voyant ce malefice,

L'espee au poing, representant Justice,  
 Parmy les rues à peu de compagnie,  
 Vint dechassant la mutine mesnie.  
 Dont les manans l'eurent en grosse estime,  
 Disant qu'estoit Prince tres magnanime,  
 Quant mieulx aymoist Justice satisfaire,  
 Que supporter ceulx dont avoit affaire.  
 Que fist il plus ? afin que plus ne vinssent  
 Dedans la ville, ou que propos n'en tinssent,  
 Incontinent s'en voulut desloger,  
 Pour s'en aller avec eulx campeger.

*Clement Marot filx de l'Authheur.*

## AUX LECTEURS.



ICY l'Authheur son Epistre laissa,  
 Et de dicter (pourtant) ne se laissa,  
 Mais en chemin la mort le vint sur-  
 prendre,  
 En luy disant ; Ton esprit par deça,  
 De travailler (soixante ans) ne cessa,  
 Temps est qu'ailleurs repos il voyse prendre.

*La responce de France & des Estatz,  
 aux escrivains sedicieux.*



RANCE je suys, que aucuns dient  
 eperdue,  
 Presque perduë, & pillée à oultrance,  
 Il n'est pas vray, raison bien entendue,  
 Point ne suys nuë en biens, ny con-  
 fonduë,  
 Ou descendue en riens de ma puissance :  
 Je suys la France entiere, & sans souffrance,

D'or, de chevance, & de tous grans biens plaine ;  
On se plainct bien souvent de teste saine.

Chascun sçet bien que mon filz & mon Roy ,  
Suyvant la loy a tousjours paix cherchée ;  
Mais l'Empereur luy a failly sa foy ,  
Le Pape en foy est parjure , & non vroy ,  
A l'œil & doy sa foy a rebouchée ;

Trop me desplaist veoir trahison cachée ,  
Et embuschée aux cueurs de si haults Roys ,  
Qui font la Loy , & puy rompent ses droictz.

N'esse pas trop, veoir Angleterre, Espagne ,  
Toute Alemaigne, Henault, & l'Italie ,  
Venir sur moy à desployée enseigne ,  
Sans aucun droict en mortelle campagne :  
A perte ou gaigne, ilz m'ont tous assaillie ;  
Mais si vigueur aux miens n'est deffaillie ,  
Leur grant follie ilz verront à leur honte ;  
Dieu aide au droict , & droict la force dompte.

Dont si mon filz pour soustenir la guerre ,  
Daigne requerre à les subgetz loyaux  
Aucuns empruntz , est ce à dire qu'il serre  
Tout en sa serre ? il veult garder sa terre ,  
Dont luy fault querre argent , hommes , chevaulx :  
Puy qu'il est Chef , nous ses membres feaulx ,  
Argent , joyaulx , nous luy devons offrir :  
Membre n'est sain , quant veoit le chef souffrir.

Chascun se plainct que j'ay perdu Milan ,  
En grant enhan par guerre mal menée.  
Mais j'ay espoir , qu'avant le demy l'an ,  
Corbeau , Huan , Voultour , Aigle , ou Millan ,  
Au nid d'antan ne feront leur trainée.  
Mon filz l'avoit par proesse gaignée ,  
Si retournée elle est soubz autre enseigne ;  
Pas n'est marchant celluy qui tousjours gaigne.

N'a il conquis depuy Fontarrabie ,  
Place acomplye autant qu'il en est point ?

Long temps apres l'a de vivres munye ;  
 Voire en despit d'Espaigne , & sa mesgnie ;  
 D'armes garnye , alors & bien empoint ;  
 Brief , c'est ung point qui fort les rompt & point  
 D'avoir adjoint une tel' place en France,  
 Le fleau d'Espaigne , & la seurte de France.

Quoy plus ? n'a il , puis que dire le fault ,  
 Prins de plain fault Hedin en moins d'ung jour ?  
 Où le pouvoir d'Allemaigne & Henault ,  
 Et des Angloys , ont esté bas & hault ,  
 Sans faire assault vingt jours faisant sejour ,  
 Muraille , & tour , à retour , & à retour ,  
 Tout à l'entour ont batu & faict bresche ;  
 Mais d'affaillir n'est pas viande Anglesche.

Graces à Dieu , je suys franche & entiere ,  
 Faisant grant chere , encor' n'ay riens perdu ,  
 De faire dueil je ne treuve matiere :  
 Si ennemys viennent sur ma frontiere ,  
 Leur cymetiere y feront en temps deu ,  
 Tout entendu point n'ay cueur esperdu :  
 Au residu j'ay gens argent & vivres ,  
 Roy belliqueux , hommes , fors & delivres.

*Noblesse parlant à France.*



RES chere mere, en notant bien les dictz

Que vous avez cy profferez & dictz ,  
 J'ay prins plaisir d'oyr tant bon propos ,

Car aucuns folz , mutins & estourdiz ,  
 Ont faict de vous libelles interdictz ,  
 Difans que plus n'avez laine-sur doz ,  
 Et que rongée estes jusques aux os ,  
 Crucifiée achevée de paindre :  
 Mais j'entens bien , que ces malheureux sotz ,

Au cabaret buvans vin à plain potz ;  
Font telz escriptz , qui sont beaucoup à craindre :

Semblablement de moy qui suys Noblesse ,  
Ilz ont mesdit , en disant que proesse ,  
N'est plus en moy , tant suys effemée ;  
Je leur demande , euz-je cueur de effeminée  
Devant Ravenne & Marignan ? qui esse  
Qgi dit , que suys de courage mynée ?  
N'ay-je Millan par troys foyz ramenée  
Entre voz mains , en despit des Italles ?  
Pape , Empereur , Espaigne & leur menée ;  
Veniciens en bataille ordonnée ,  
Je ruay jus par mes armes Royales.

Cecy pensant , en moy vous confortez ,  
Et vostre ennuy doucement deportez ;  
Car j'ay le cueur aussi bon que jamais ,  
De vostre affaire à moy vous rapportez ,  
Vous sçavez bien comment se sont portez  
Voz ennemys , & de quelz entremetz  
Je les servy devant Mesieres : mais  
Deslogez sont à honte & sans louenge  
Angloys , Flamens , Allemans telz gourmetz ;  
Sont si vaillans , je vous jure & prometz ,  
Qu'en quinze jours n'auroient prins une grange.

Places avez & chasteaulx infiniz  
D'artillerie & de-vivre munyz ,  
Et moy Noblesse en poinct pour les deffendre :  
Voz Princes sont en vostre amour uniz ,  
Riches & fors , de proesse garniz ,  
Pour ennemys assaillir ou attendre.  
Brief , chascun veult pour vous les armes prendre ,  
Non redoubtans leurs aigles ny escouffes ;  
Si les liepars sur nous viennent descendre ,  
J'ay bon espoir qu'on leur fera entendre ,  
Qu'on ne prent point , en France , chatz sans  
mouffes.

*L'Eglise parlante à France.*



A chere fille & amye loyalle ,  
Trop me desplaist que bouche desloy-  
alle , [ ser ,  
Par faulx escriptz veult vostre los bles-  
Congneu que soubz la puissance Roy-  
alle ,

De vostre nom par grace speciale ,  
Vivons en paix , tant estes cordiale ,  
Dont nul ne doit contre vous mal penser ,  
Mais cuer mauuais ne se veult dispenser .  
De mal parler , ains veult recompenser ,  
Le mal pour bien , comme il a de coustume .  
Ung mesdisant qui ne craint offencer ,  
Tost creveroit si mesdire ou tencer ,  
Ne deschargeoit de son cuer l'apostume .

Ces malparlans dient que suys en esmay ,  
Et que l'on prent mes biens sans droict ou loy ;  
Decime , empruntz , & mains aultres suffrages ;  
Ilz sont bien folz s'en plaindre avant que moy .  
Or est ainsi , que je scay bien , & voy ,  
Que suys tenuë à mon Prince & mon Roy ;  
Dont sont venuz mes biens & heritaiges ;  
Ilz ont basty temples à haults estaiges ,  
Et puyz fondé soubz ces riches ouvraiges ,  
Gros revenuz , dont en paix jouyssons .  
Si maintenant on luy veult faire oustraiges ,  
N'esse raison qu'envers luy soyons larges ,  
Et que plaisir de noz biens luy fassions ?

Certes ouy : car onc Ingratitude  
Ne vallut riens ; puyz nostre sainte estude  
Dit que tout bien doit estre satisfait ;  
Celluy qui donne aux bons beatitude ,  
Le veult ainsi par sa grant rectitude :

O iiiiij



Par quoy je doy de franc cueur & non rudde ;  
 Ayder à cil qui tant de bien nous faict.  
 Je voy labour comme à demy deffait,  
 Doncques affin que plustost soit reffait ;  
 Porter je veuil partie de son faitz ;  
 De luy j'ay eu maint don , & maint bienfaict ;  
 Labour , l'Eglise , & Noblesse , en effect  
 Joinctz en amour ne pevent estre deffaitz.

Seroys je pas malheureuse & mauldicte ,  
 Hayant mon bien , orgueilleuse & despite ,  
 Si par default d'avancer ma pecune ,  
 Il advenoit que je fusse interdicte ,  
 Des ennemys à feu & sang destruite ,  
 Qui suys en biens si haultement construite ;  
 Que de pareille en moy n'en est point une ;  
 Ne plaïse à Dieu qu'advienne tel' fortune  
 Par mon deffault : mais je vueil qu'on repugne  
 Par juste guerre , en soustenant le droict ,  
 Lequel avons , doubtte n'en fays aucune ,  
 Car aultrement dessoubz faincte rancune ,  
 Force sans droict auroit ce quel' voudroit.

Doncques ma fille ayez bonne esperance ;  
 Le droict avez , qui est la soustenance  
 De vostre guerre , & Dieu luy aydera :  
 Amys avons , argent , force , & puissance ;  
 Tel cuyde bien nous mener à oultrance ,  
 Et prendre pié sur vous , ma fille France ,  
 Qui , possible est , jamais n'en partira .  
 L'aigle si hault jamais ne vollera ,  
 Lyon rampant si avant n'entrera ,  
 Et les liepars esbahys demourront ,  
 La salamandre en piedz se dreslera ,  
 Qui feu gregeois par despit vomira ,  
 Dont de frayeur tous tremblans s'enfuyront :

## L A B O U R.



RES sainte Eglise, & vous Dame  
Noblesse, [ment,  
Vous avez cy parlé moult haulte-  
Recôfortant ma mere en sa destresse,  
D'ont j'ay reçu au cueur joye &

lyesse;

Car s'elle a mal, j'en seuffre le tourment,  
Si elle a joye, & moy semblablement;  
Le membre suys, & c'est ma teste & chef,  
Lequel souffrant, n'ay que peine & meschef.

Je congnoys bien selon mon sens rustique,  
Que les Angloys anciens ennemys,  
Et Allemans, ont chargé lance & picque,  
Pour me venir piller en ma boutique,  
Si bon remede à temps n'y estoit mys:  
Mais si Dieu plaist, ja ne sera permis,  
Que d'ennemys soit ma terre occupée,  
Tant que mon Roy puisse tenir espée.

Ung chascun dit que rongée je suys  
Jusques aux os, renversée, & sans croix;  
Je ne dy pas que n'aye eu des ennuy  
D'aventuriers, qui tant jours comme nuytz  
Ont prins sur moy la souppée & surcroys,  
Mais pas ne suys, de cela je m'en croys,  
Si pres du but, il ne m'est pas besoing;  
Cheval lassé encores va bien loing:

Plus me desplaist celle faulce peaultraille,  
Qui maistres sont & Roys en ma maison,  
Que ne faict pas le taillon, ne la taille,  
Que mauldit soit la fiere coquainille,  
Car en eulx n'a ne rime, ne raison.  
Après qu'ilz ont ravy chair & toison,  
Souvent sont pris, le Roy pendre les faict,

Mais je ne suis pourtant pas satisfait.

Prendre le temps il fault ainsi qu'il vient ;  
 Malheur n'est pas tousjours à une porte ,  
 Le beau cler jour apres la nuyt survient ,  
 Joye apres dueil : ainsi souvent advient ,  
 Que paix a lieu apres guerre tres forte ;  
 Cccy pensant , bon espoir me conforte.  
 O Roy des Roys ! qui mort voulluz souffrir  
 Pour traicter paix , vueillez la nous offrir.

Quânt je cõgnoys que mon Roy, & mon Prince,  
 Pour mē deffendre est chascun jour aux armes ,  
 De très bon cueur , neantmoins que soys mynce ,  
 Aydēr luy vueil à garder sa province ,  
 De tout mon bien pour gaiger ses gensd'armes ;  
 Car j'ayme mieulx endurer les vacarmes  
 De povreté , que ennemys me deffissent  
 A feu , & sang , & mēs biens me ravissent.

Confortez vous doncques , Mere tres chere ;  
 Tout yra bien, se Dieu plaist , desormais ,  
 J'ay espoir que encor' ferons grant chiere ,  
 Riens n'est vendu maintenant à l'enchere ,  
 Vignes & bledz sont plus beaulx que jamais ,  
 Voz ennemys sont grosses bragues ; mais  
 Je cuyde , quoy qu'ilz tiennent la main haulte ,  
 Que plus que vous d'or & d'argent ont faulte.

### *Chant royal de la Conception Nostre Dame.*



O' R S que au Palais de la Cité de  
 Ballé , [ tiere ,  
 L'Empereur tint court ouverte & pla-  
 Ung homme armé vint arriver en  
 falle ; [ maniere.

Le clayve au point , parlant en tel  
 Le Chevallier je luyz zu grises armes ,  
 Dit Noble cueur , qui contre tous gensd'armes ,

Veux soutenir ma Maîtresse & ma Dame,  
Tige d'honneur, belle de corps, & d'ame.  
Car dès l'instant de sa prime facture,  
Elle a esté sans quelque tache infame,  
Pure en concept oultre loy de nature.

Ung Chevallier errant sans intervalle,  
De blanc & noir armé à la legiere,  
Se lieve sus, & d'une façon malle,  
Va profferer, C'est chole mensongiere,  
Qu'ung corps produict par nature & ses germes,  
Naïsse tout pur : car saint Paul dit ces termes,  
Ceulx d'Adam naiz, ou tisluz de sa lame,  
Seront conceupz d'originelle flame.  
Or est ainsi qu'elle est par geniture,  
Fille d'Adam, par quoy je ne la clame,  
Pure en concept oultre loy de nature.

L'autre respond, ô bouche desloyalle !  
Tu entends mieulx que ne diz la matiere :  
Car ains que Dieu par grace speciale,  
Eust fait le ciel, il la preveut entiere,  
Estre creée à fondemens si fermes,  
Qu'onques péché ne les rendit enfermes;  
Reconnois donc ton erreur & diffame,  
Ou autrement (pour son honneur & fame)  
Voilà mon gand. Et l'errant s'aventure,  
De le lever, disant qu'onc ne fut femme,  
Pure en concept oultre loy de nature.

Lors l'Empereur soubz guyde imperialle,  
Le camp ordonne à leur grande priere.  
Puis deux courriers d'une puissance egalle,  
Leur a transmis en ordre singuliere.  
Chascun adonc aux belliqueux vacarmes,  
Se veult monstrier : prennent lances, gnisarmes;  
Mais Noble cueur que charité enflame,  
Crye à l'errant, lasche remply de blasme,  
Monstrier te veul que celle creature

Dont tu mesdis , odore plus que basme ;  
Pure en concept oultre loy de nature.

Fouldre ne part plus soubdain ne devalle ;  
Que l'assaillant , quant eut donné carriere ,  
Si que du choc il jecte triste & palle ,  
Le povre errant envers , jambes arriere ,  
Lequel portoit une pye en ses armes  
D'argent & sable : aux yeulx il eut les larmes  
Quant noble cueur qui d'or portoit une M ,  
En champ d'asur , luy ravyt une lame  
De son harnoys , pour la desconfiture  
Mieux approuver à la belle qu'il ame ,  
Pure en concept oultre loy de nature.

Prince du puy , plus qu'eschellé bigame ;  
Il fut hué , dont de douleur se pasme ,  
Disant , J E S U S , raison veult & droiciture  
Qu'en tout honneur ta mere je reclame ,  
Pure en concept oultre loy de nature.

*Chant Royal , digne d'estre escript en ta-  
bleau soubz la pourtraicteure de J E S U-  
C H R I S T ayant la couronne d'espines  
sur la teste , tenant ung roseau en sa  
main , & assis tout nud sur sa croix.*



U E U R S endurciz par obstination ,  
Levez les yeulx , contemplez la figure ,  
Reconnoissans par meditation ,  
Que cest l'enfant Marie de Syon ,  
Qui pour vous seussre opprobre &  
toute injure :

Voicy le Verbe en humaine facture ,  
Conceu de vierge & mere sans fracture ,  
Le pris , prisé de la Redemption.  
Cety peniant pechereffe nature ,

Ne devez vous par pleurs mettre en rompture ;  
Cueurs endurciz par obstination ?

Cueurs endurciz par obstination ,  
Voyez J E S U S tout nud , sans couverture ,  
Dessus sa croix , faisant oblation  
De son pur corps à mort & passion ,  
Pour de cieulx faire aux pecheurs ouverture.  
C'est Messias promis en l'escripture ,  
L'arbre portant fruit de vie , & pasture ,  
Pour tous humains ayans contricion ,  
Misericorde endouceur sans poincture ,  
Prest à remettre au chemin de droiciture ,  
Cueurs endurciz par obstination.

Cueurs endurciz par obstination ,  
Princes regnans , & gens de Prelature  
Voyez le chef de toute nation ,  
Roy sur tous Roys , qui domination  
Vous a donné sur toute creature ,  
Battu , soillé de crachatz & ordure ,  
Portant en chef couronne rude & dure ,  
De joncs marins. O quel' detraction !  
Sa claire face est tournée en laidure ,  
Las c'est pour vous que ces maulx il endure ,  
Cueurs endurciz par obstination !

Cueurs endurciz par obstination ,  
Voyez celluy qui de la forfaiture  
Du pere Adam , faict satisfaction ,  
Quant mort pour mors faict de paix passion ,  
De Dieu à homme , & sienne geniture ,  
Adam deux mors livra par sa morsure .  
Mort naturelle , & l'autre est la blessure  
De mort eterne , avec damnation :  
L'une remaint , de l'autre par mort seure  
Sommes gueriz ; de ce je vous assure ,  
Cueurs endurciz par obstination.

Cueurs endurciz par obstination ,

Fondez en pleurs , & brisez la closture  
 De voz pechez , par telle affection  
 Que puissiez estre avec confession ,  
 Tous deschargez d'infernalle victure.  
 De sa parolle ayez le soing & cure ,  
 Allez vers luy qui tout mal lave & cure ,  
 Et lors pourrez par supplication ,  
 Luy requerir que grace vous procure.  
 Allez , allez , de vous il n'aura cure ,  
 Cueurs endurciz par obstination.

ENVOY.

Tous Chrestiens , c'est vostre norriture ,  
 Pain vis gardant l'ame de pourriture ,  
 Fontaine & puy d'eau de remission ,  
 Venez y boire , ou à la fin future ,  
 Pourrez tomber en piteuse torture ,  
 Cueurs endurciz par obstination.

*Rondeau à ce propos , en la personne de*  
**JESU-CHRIST.**



**P**OUR voz messaietz pecheurs , je  
 voys mourir , [ courir ,  
 Autre que moy ne vous peult se-  
 J'ay faict la paix entre vous & mon  
 Pere ,

Ma mort fera vostre vie prospere ,  
 Et vous fera vers les cieulx recourir.

Je voy mon sang par tous lieux decourir ,  
 Mais congnoissant que c'est pour vous guerir  
 Je porte en gré la paine & vitupere ,

Pour voz messaietz.

Or pensez donc de venir requerir  
 Don de mercy , car je m'en voys querir  
 Letres de grace , à cil qui tout supere ,

Et despoiller tout l'infernal repaire,  
 Maulgré Sathan, qui vous veult conquerir;  
 Pour voz messiaetz.

## I. RONDEAU.

ms B. 43



ORT ou mercy en languissant j'at-  
 tens; [ mon temps,  
 Mais congnossant qu'en vain je pers  
 Desespoir veult, me conseille & en-  
 horce,

De quitter tout : mais l'amour est si forte,  
 Que mes espritz n'en peuvent estre contens.

Helas m'amour, tu sçez où je pretens,  
 Si te supplie, à la clameur entens  
 De mon las cueur, lequel crye à ta porte.

Mort ou mercy.

S'il a bien fait, & loyal tu le sens,  
 Traicte le bien, qu'il ne trouble son sens,  
 Par ta rigueur qui souvent le transporte;  
 Mais s'il est faulx, fay que la mort l'emporte;  
 Car l'un des deux il veult pour tous presens,  
 Mort ou mercy.

## II. RONDEAU.



ORS que cela, de vous, sans plus  
 ne veulx, [yeulx,  
 Car le regard de vous, & voz beaulx  
 N'ont le pouvoir de sçavoir satisfaire  
 A ma douleur, si vous pry' veuillez  
 faire

ms B. 43

Quelque bon tour, dont il m'en soit de mieulx.

Je ne dy pas, que voz riz precieux,  
 Et doux attraietz ne soient moult gracieux,  
 Mais tant y a que rien ne me peult plaire,



Fors que cela.

Quelque plaissant, folastre, ou glorieux  
S'en repaistroit : mais moy, ainsi maid' dieux ;  
Je cherche & quiers sans vostre honneur meffaïre ;  
Le jeu d'amours acomplir & parfaire :  
Car autre bien n'y ont les amoureux,  
Fors que cela.

### III. RONDEAU.



LUS tost que tard ung amant s'il  
est saige,  
Doit à sa dame en petit de langaige,  
Dire son cas, & puy s'il apparçoit  
Qu'il perde temps, & qu'Amour le

deçoit;

Quitte tout là, cherche ailleurs advantaige.

Car sur ma foy ce n'est pas petit gaige,  
Que de bouter sa franchise en servaige,  
Pour endurer les maulx qu'on y reçoit,  
Plus tost que tard.

Mais s'il congnoist que sa Dame ayt couraige,  
De luy oster celle douleur & raige,  
Que son las cueur pour son amour conçoit :  
Cueur, corps, & biens, alors comme qu'il soit,  
Donner luy doit, & bailler en hostaige,  
Plus tost que tard.

### IV. RONDEAU.



U faict d'amours beau parler n'a plus  
lieu, [ brieu,  
Car sans argent vous parlez en he-  
Et fussiez vous le plus beau filz du  
monde,

Il fault foncez, ou je veulx qu'on me tonde,  
Si

Si vous m'ettez jamais pied à l'estrieu-

Beau dire avez , Dame par le corps bieu  
Je suys à vous corps & biens , rente & feu ,  
Sans dire tien , tout cela rien n'abonde ,

Au faict d'amours.

Mais quoy que soit , si Gaultier ou Mathieu  
Veult avancer , s'il ne frappe au meillieu  
De leur harnoys , je veulx qu'en Enfer fonde :  
Car en effect soit noire , blanche , ou blonde ,  
Il fault argent pour commencer le jeu ,

Au faict d'amours.

## V. RONDEAU.



'A VOIR le Roy , Bloys vit en es-  
perance ; [doubtance ;  
Tours ne dit mot ; Amboise est en  
Paris de droict dit qu'il aura la court ;  
Lyon s'oppose ; & Rouen dit tout

court ,

Ung jour viendra que j'auray joyssance.

J'ay , se dit Bloys , logeis par excellance ;  
Riviere & boys ; Tours dit , je suys d'aisance  
Et trop plus digne , ainsi que le bruyt court ,

D'avoir le Roy.

Se dit Paris , je suys le chef de France  
Lyon respond , J'ay Dames à plaissance ;  
Ha dit Rouen , si la noblesse accourt  
Par devers moy , j'espere sur le gourt ,  
Monstrer largesse en toute esjoyssance ,  
D'avoir le Roy.

## VL RONDEAU.

n. 5 fol  
6 a.

ES troyz Estatx sont l'Eglise & No-  
blesse [cesse,  
Avec Labeur, qui chascun jour ne  
Aux aultres deux bailler vivre & pe-  
cune;

Mais vous m'amour qui estes la commune,  
Servez les troyx de vostre grant largesse.

Dire ou compter la raison pourquoy esse,  
Je ne sçauroys, sinon que gentillesse  
Vous font aymer trop plus que femme aucune,  
Les troyx estatx.

Mais nonobstant cela, vostre honneur bleße;  
Car l'on m'a dit, aussi vray que la Messe,  
Que ces troyx sont en passant leur Fortune  
La Trinité troyx personnes en une,  
Notez ces motz, & à tant je vous leße  
Les troyx estatx.

## VII. RONDEAU.



OUS avez tort de luy estre con-  
traire, [traire  
Au pouvre cuer qui s'est voulu for-  
De liberté, se gettant en voz laz  
Pour estre serf, & jamais ne fut las

De bien servir, pour vostre grace attraire.

Et neantmoins que peine veult sallaire,  
Si n'a il eu de vous pour son bien faire,  
Fors que rigueur, dont souvent dit, hélas!  
Vous avez tort.

Parquoy me plains de vous, & vostre affaire  
Devant Amour, quant pour le satisfaire,  
L'avez plongé aux grans fleuves & lacx

De desespoir, où il est sans soulas ;  
 Pardonnez moy si je ne m'en puyt taire ;  
 Vous avez tort.

### VIII. RONDEAU.



Tout jamais d'un vouloir immuable ;  
 La vueil servir comme la plus notable  
 Qui soit vivant , & du plus beau  
 maintien ;

La raison est, car son cueur & le mien  
 Ne sont plus que ung par ung vouloir semblable.

Elle voyant mon mal estre importable,  
 M'a dit ce mot qui tant m'est agreable,  
 Mon cueur avez, & le vostre retien

A tout jamais.

Seroys-je pas doncques bien miserable,  
 D'estre vers luy traistre ne variable,  
 Consideré le plaissant entretien

Qu'elle m'a faict ? je serviray si bien ,  
 Que ( de ma part ) l'amour sera durable

A tout jamais.

### IX. RONDEAU.



N T R E voz mains m'ont attiré voz  
 yeulx ,

Et n'eust esté les regardz gracieulx  
 Que m'avez faictz, en liberté je fusse,  
 Vivant en paix , & les maulx ne re-

ceusse ,

Que ores je fais soubz regretz ennuyeux.

Et si scay bien que jamais n'auray mieulx ;

Car d'autre aymer onc ne fuz curieux ,

Ny ne seray , encor' que mourir deusse

Entre voz mains.

O cueur ingrat ! que nature & les Dieux,  
 Ont enrichy de dons tant precieux,  
 Fors de pitié, n'est il moyen que sçeusse  
 Trouver, par quoy convertir je vous peusse,  
 D'avoir mercy pour me rendre joyeux  
 Entre voz mains.

## X. RONDEAU.



LUS chault que feu je languys par  
 tes yeulx,  
 Et si ne puy mes regretz ennuyeux  
 Bouter à fin : car ton regard me livre  
 Feu si tres doulx, qu'en mourant me

fault vivre

Soubz ung espoir incertain d'avoir myeux.

Comme chandelle est par vent gracieux  
 Tost morte & vive, ainsi ton riz joyeux  
 Me faict mourir, puy tout à coup revivre  
 Plus chault que feu.

Donques craignant ton reffuz furieux,  
 Je te supplie en l'honneur des haultx Dieux;  
 Fay distiller ton cueur plus dur que cuyvre  
 En eau de grace, affin que je m'enyvre  
 De ton amour, qui me brusle en tous lieux,  
 Plus chault que feu.

## XI. RONDEAU.



OIT bien ou mal, contrainct suys  
 de t'aymer, [mer,  
 Et n'est vivant qui m'en puisse blas-  
 Car tous les biens qu'onques Dieu  
 & nature

Misent jamais en humaine facture;  
 Gisent en toy, sans ung seul reprimer.

Parquoy je crains de trop hault presumer ;  
 Mais espoir vient ma doubte reformer ,  
 M'admonestant de prendre l'adventure ,

Soit bien ou mal.

Car si Amour qui les cueurs fait pasmer ,  
 Vouloit ses yeulx aveuglez deffermes ,  
 Pour contempler ta tres belle figure ,  
 Je ne croy pas , foy de Prince , j'en jure ,  
 Que ton servant ne se voulsist clamer ,  
 Soit bien ou mal.

## XII. RONDEAU.



OUR le présent , pensant au faict  
 d'amours, [ toujours  
 Je suys troublé ; car j'ay congneu  
 Que loyauté n'a point de recom-  
 pense ,

Et que les folz obtiennent la dispense ,  
 D'avoir le fruit qui en vient tous les jours.

Cueur femenin se muë , & prent son cours ,  
 Comme la lune estant en son decours :  
 Conclusion , c'est toute pestillence

Pour le present.

Anuyt ayme , demain estre au rebours :  
 Si vous comptez , vous verrez au fraiz lours ;  
 Que le pourchaz ne vault pas la despense ;  
 Car vous voyez qu'à l'heure que l'on pense  
 Estre en la ville , on n'est pas aux faulxbourgs ;  
 Pour le present.

## XIII. RONDEAU.



POUR le deduiſt d'amoureuse paſſure,  
 A quelqu'un fiz l'autre jour ouverture,  
 Qui valloit mieulx, la Françoisſe, ou  
 Lombarde;  
 Il me reſpond, la Lombarde eſt bragarde  
 Mais froide & molle, & ſourde ſoubz monture.  
 Beau parler ont, & ſobre nourriture:  
 Mais le ſurplus n'eſt que toute paincture  
 Vous le voyez; car chaſcune ſe farde  
 Pour le deduiſt.

La Françoisſe eſt entiere, & ſans rompture;  
 Douce au monter, mais fiere à la poincture  
 Plaiſir la mayne, au proſſict ne regarde,  
 Conclusion, qui qu'en parle ou broquarde,  
 Françoisſes ſont cheſz d'œuvres de nature,  
 Pour le deduiſt.

7ms 4a

## XIV. RONDEAU.



Vous en eſt de me faire mourir;  
 Ou mes douleurs totalement tarir;  
 S'il vous plaiſoit ceſte grace me faire;  
 Car le ſeul bien dont j'ay le plus aſ-  
 faire,  
 Avez ſur vous ſans plus loing le querir.  
 Ja ne convient que je aille ailleurs courir;  
 Car d'alleguer mon mal, ou le guerir  
 Impoſſible eſt que ung autre le ſçeut faire,  
 A vous en eſt.

Parquoy je viens ſanté vous requérir,  
 Que je ne puy, fors par grace, acquerir;  
 Vous ſuppliant de ne m'eſtre contraire,

Mais me donner ce qui m'est nécessaire ;  
 Si vous voulez me garder de perir ,  
 A vous en est.

## XV. RONDEAU.



A R faulx rapport mainshommes ver-  
 tueux

Ont esté mis du renc des souffreteux ;  
 Et qu'il soit vray, quant flatteur a l'au-  
 dace

D'estre escouté, il fait plus orde trace  
 Que nul serpent , ou crapault venimeux.

Le coup de dague ou lance furieux ,  
 A la moitié n'est pas tant dangereux ,  
 Q'ung coup de bec , qui tout honneur efface  
 Par faulx rapport.

La nature est d'ung flatteur envieux  
 Blasmer les bons , louer les viteux ;  
 Et si d'aultruy ne peult ôster la grace ;  
 Il blasmera ceulx de sa propre race ,  
 Ou mesmes luy , s'il ne peult faire mieulx ;  
 Par faulx rapport.

## XVI. RONDEAU.



HERCHANT plaisir , je meurs  
 du mal d'aymer , [tres amer ,  
 Et tout pour vous , Dame au cueur  
 Douce en semblant , mais en rigueur  
 consiste ,

Car plus vous prie , & tant moins je profite ,  
 Dont sans mercy ( par droict ) vous puyz nommer.

Autre que vous ne pourroit reclaimer  
 Mon triste cueur , dont me convient pasmer ,  
 Criant , hélas je meurs à la poursuyte !

ms.  
fol. 17)



Cherchant plaisir.

Si vous supply' avant que consommer,  
Que par pitié vous plaise me sommer,  
D'ung doux baiser allié de sa fuyte.  
En ce faisant, desespoir prandra fuyte,  
Mais autrement mort ne vient assommer.  
Cherchant plaisir.

## XVII. RONDEAU.

*Responce de la Dame.*



CHERCHANT plaisir ma mort  
vous pourchassez, [ font chassez,  
Car mors font ceulx qui d'honneur  
Et je ne puy vostre vouloir parfaire,  
Sâs mon hôneur consômer & deffaïre;  
Si vous supplie autre gibier chassez.  
Touchant la mort que pour moy vous passez  
Dieu vucille avoir l'ame des trespassez.  
Il en meurt peu en l'amoureux affaire  
Cherchant plaisir.

Si voz plaisirs sont de douleur cassez,  
Qu'en puy-je mais ? Sachez & congnoissez  
Que ne me veulx ( pour vous faire ) deffaïre,  
Au Pellican cela je laisse à faire,  
Trouvez en ung, & vous ferez assez,  
Cherchant plaisir.



## XVIII. RONDEAU.

*Envoyé à la Dame.**ms fol 8<sup>6</sup>*

N attendant d'amours la joyffance ;  
 Mon bien , m'amour , & ma sculle fi-  
 ance ;  
 Confiderez le mal en quoy puyz estre,  
 Mon palle tainct bien le donne à con-

gnoistre,

Si vous daignez en avoir congnoissance.

*ms Et ne voullaz*

Troys ans y a que suys en ceste dance,  
 Sans riens gagner , fors ung peu d'esperance,  
 Qui me repaist à force de promettre ,

*y que felle*

En attendant.

Si loyaulté avec perseverance  
 De bien servir , veullent recongnoissance  
 De leur bien faict , plaise vous me remestre  
 En vostre grace , & en plaisir me mestre ,  
 Pour me donner de mes maux allegeance ,  
 En attendant.

## XIX. RONDEAU.

*Responce de la Dame.*

N attendant vous perdez vostre peine;  
 Ce n'est pas d'huy , ne de l'autre sep-  
 maine ,

*ms fol 8<sup>6</sup>*

[ fuz :

Que tout à plat j'ay faict de vous ref-  
 De vostre mal onques cause ne fuz ,

C'est folle amour qui ainsi vous pourmaine.

Ne pensez pas que je soys si mondaine,  
 Que pour vous face œuvre qui soit vilaine,

lis  
trouverez  
me vous

Car à la fin vous vous trouveriez confuz ;  
En attendant.

Quelque propos qu'on me die ou ramaine ; *me*  
Tousjours seray de mon honneur certaine , *de*  
Et pour autant ne m'en sermonnez plus ,  
Si ne vouldrez , comme ung sot , au surplus  
Mourir de soif aupres de la fontaine ,  
En attendant.

## XX. RONDEAU.

*Envoyé à la Dame.*



Il est ainsi que pour beaulté & grace,  
L'on doit aymer Dame de noble  
race , [ ame ,  
C'est à bon droict que je vous fers &  
Car en vertu excédez toute femme ,  
D'autant que l'or tous les metaulx surpasse.  
Mais s'il advient que soubz tant doulce face  
Pitié ne soit , je ne sçay que je face ,  
Fors qu'il fauldra que de douleur je pafme ,  
S'il est ainsi.

Considerant que ardent desir me chaffe,  
Vers vostre amour , laquelle je pourchasse ,  
En tout honneur , il vous plaira ma Dame  
La me donner. Et lors de corps & d'ame  
Vous serviray aussi gay que la Pafse ,  
S'il est ainsi.

## XXI. RONDEAU.

*Responce de la Dame.*

' I L est ainsi que l'amoureuse flame ;  
De Cupido consomme bruyt & fame  
De toute femme en amours abusée ;  
Seroyz-je pas plus que mal advisée  
Croire en voz ditz pour recevoir tel  
blasme ?

Si je commectz ce cas plain de diffame ,  
Je pers honneur , mettz en danger mon ame ;  
Et comme infame , en seray desprisée ,  
S'il est ainsi.

Pour ces raisons cherchez une autre Dame ;  
Qui mieulx que moy , pour amy vous reclame ;  
Car ung seul ame , en qui sera posée  
La mienne amour , quant m'aura espousée ;  
Car lors pourray l'aymer sans crainte d'ame ,  
S'il est ainsi.

## XXII. RONDEAU.



U' EN dictes vous ? ma Dame , de-  
bonnaire ,  
S'ainsi estoit qu'en ung lieu solitaire ,  
Je me trouvasse , & me misse en effect.  
De vous baiser , seroit ce trop mal  
faict ,

Veu qu'à tous deux la chose est necessaire ?

Puys que vostre œil m'y a voulu atraire ,  
Il m'est advis qu'il ne vous doit desplaire ;  
Mais me devez pardonner le forfait ,

Qu'en dictes vous ?

Autre raison , s'en faisant cest affaire ,

Trouviez en moy tout cela qui peult plaire  
 A noble cueur, pour le faire dehait  
 Comme beau filz, le surplus à souhait,  
 Par vostre foy me lairiez vous point faire ?  
 Qu'en dictes vous ?

## XXIII. RONDEAU.



U' ATTENDEZ vous puyz que  
 vous estes preste ? [ beste.  
 Vous congnoissez, ou vous estes bien  
 Que voz desfrées empirent desormais;  
 Ne faictes plus de poysson entremetz,  
 Puyz que la chair, de chair vous admonnest.  
 Nature veult des haults biens qu'il nous preste ;  
 Hommaige avoir, n'en demourez en reste :  
 Faictes recueil à tous plaisans gourmetz,  
 Qu'attendez vous ?

Si maintenant l'on vous tient pour honneste ;  
 Vieillesse vient, qui laideur vous appreste,  
 Puyz temps perdu n'est recouvré jamais,  
 Entretant donc qu'avez viande & metz,  
 A voz amys faictes grant chere & feste,  
 Qu'attendez vous ?

## XXIV. RONDEAU.



E TIREZ vous vieille dague à rou-  
 elle, [ celle  
 Retirez vous, car vous n'estes plus  
 Qui jadis sceut aux hommes tant com-  
 plaire :  
 Au coing de l'astre il vous convient retraire,  
 Chercher mol liêt, & la profonde escuelle.  
 Au temps passé fustes plaisante & belle,  
 Mais maintenant il n'en est plus nouvelle,

Plus desplaisez qu'onques ne sceustes plaire ;

Retirez vous.

Si estes pres de quelque jouvencelle ,  
Vostre laidteur la fait semblable plus belle ,  
Et sa beaulté toute horreur vous infere .  
Conclusion, si vous voullez bien faire ,  
Ne hantez plus Dame ne Damoysele ,

Retirez vous.

## XXV. RONDEAU.



N tout honneur j'ayme & sers une  
Dame

[ me,  
Belle de corps, & tres sainte de l'a-  
Source de sens, fontaine de noblesse,  
Sans que l'honneur de nulle autre je

blesse,

Parfaicte en tout, si jamais le fut femme.

Sans si, sans mais, est son bruyt, gloire & fame,  
Dont est bien droict que je la serve & ame,  
Comme ma tres honorée Maistresse,

En tout honneur.

Mes envieux en geënt feu & flamme ;  
Et par despit chascun d'eulx me diffame,  
Mais c'est tout ung, en ce point je les laisse,  
Car malgré eulx, & leur langue traistresse  
Je l'aymeray, & serviray sans blasme,

En tout honneur.

## XXVI. RONDEAU.



'EST trop fringué pour une jeune  
fille ;

Car on congnoist au parler qui distille  
De vostre bec, qu'estes grant escol-  
liere,

Mais tous voz ditz n'est que vieille matiere,

Pour contenter fortz marjolletz de villes  
 Plaisir prenez qu'on vous tienne subtile,  
 Mais ce plaisir voz vertus adnichille;  
 Je vous en pry' laissez ceste maniere,  
 C'est trop fringué.

Venons au point, ung mot vault mieulx que  
 mille,

Ne faictes plus accourir à la file  
 Ces fringueriaux, pour leur vendre à l'enchere;  
 Ce dont avez faict largesse en derriere,  
 Car la façon n'est belle ne gentille,  
 C'est trop fringué.

## XXVII. RONDEAU.

*A la louenge de Monseigneur le Daul-  
 phin nouvellement né.*



'HONNEUR & los, de graces &  
 vertuz,

Soient tes espritz aornez & vestuz,  
 Enfant Royal, affin qu'en toy appere,  
 Les grans vertuz de ton bienheure

pere,

Premier François, & le second Arthus.

En jeunes ans les bateurs a batuz,  
 Parquoy je dy tous propos debatus,  
 Qu'il n'est vivant qui ores le préfere  
 D'honneur & los.

Tes peres vieulx, tant Clovis que Brutus,  
 Ont observez des armes les statutz,  
 Ainsi feras, & mieulx comme j'espere:  
 Car tu luyras par fortune prospere,  
 Plus cler que Hector, Scipion, ne Titus,  
 D'honneur & los.

## XXVIII. RONDEAU.

*Audiçt Seigneur.*

LEURON de lys tant digne & pre-  
cieux, [cieux,  
Jadis transmis au Roy Clovis des  
Pour décorer le noble Éscu de Frâces,  
JESUS te doint en vertu tel' crois-  
sance,

Que tout le monde en puisse valloir mieulx.

Je te soubhaitte ( en tes jours bien heureux )

Du preux Hector les braz chevallereux,

Et d'Hercules l'invincible puïssance,

Fleuron de lys.

Plus que Alexandre estre victorieux,

Suyvre Cesar en faictz laborieux,

Et Scipion en clemence & vaillance,

Dè Scevola l'incroyable constance,

Puys apres mort vivre avecques les Dieux,

Fleuron de lys.

## XXIX. RONDEAU.

*Audiçt Seigneur.*

OMME ton pere a passé sa jeunesse  
Les droictz gardans de vertu & no-  
blesse, [casser,  
Sans son honneur ne aucun membre  
Enfant Royal, JESUS te doint pas-  
ser

Tes jeunes ans en santé & lyesse.

Si mieulx tu fais, la gloire à Dieu j'en laisse;



'Auquel il fault que ton vouloir s'adresse ;  
Si ennemys tu veulx rompre & froisser ,  
Comme ton pere.

Soys 'magnanime , & honnore sans cesse  
Tes pere & mere , ayant gens de sagesse ,  
Hante tournoys , garde d'honneur bleffer.  
S'ainsi tu faiz , avant que trespasser  
Tu acquerras le tiltre de proesse ,  
Comme ton pere.

### XXX. RONDEAU.

**S** I L est ainsi que ce corps t'abandon-  
ne, [ donne  
Amour commande, & la raison or-  
Que je te laisse en gaige de ma foy  
Le cuer ja tien: car par honnesté loy ;

Aulcun ne doit reprendre ce qu'il donne.

Ne croy jamais que ailleurs il se abandonne,  
Plus tost la mort ( sans que Dieu luy pardonne )  
Le puisse prendre , & meurtrir devant toy ,  
S'il est ainsi.

Si faulx rapport , qui les amans blasonne ,  
Te vient disant que j'ayme aultre personne ,  
Tu respondras ; Meschant , point ne le croy ,  
Car j'ay son cuer : & corps sans cuer , de foy  
Ne peult aymer , la raison y est bonne ,  
S'il est ainsi.



## XXXI. RONDEAU.



CONTRE raison pour t'aymer je  
deffine , [ gne ,  
Quant ta beaulté par ung refus indi-  
M'a sur le champ presque mort ab-  
batu :

O cueur ingrat de beaulté revestu !  
Fault-il que grace en ton endroit decline ?

Je voy que l'eau par temps le marbre myne ;  
Le fer par feu s'amollist & affine ,  
Mais envers toy j'ay peine & temps perdu ,  
Contre raison.

Car feu d'amour qui brusle ma poitrine ;  
L'eau de mes yeulx que douleur rend & fine ;  
De te dompter n'ont aucune vertu.  
Voila comment marbre & fer passes tu  
En grant durté, qui le tien cueur domine  
Contre raison.

## XXXII. RONDEAU.



CONTRE le coup de sagette ou lan-  
ce , [ tance ,  
Dieu des amans , targe faiz de conf-  
En attendant que de ton arc tur-  
quoy ,

Lafches ung traict sur le cueur mal courtoys ,  
De celle là qui me tient en souffrance.

Amour respond , de traictz grosse habondance  
Luy ay tiré : mais je te faiz grevance ,  
Car ton cueur a , dont elle faict parvoys  
Contre le coup.

Enfonce donc ton arc de tel' puissance ,  
Que le mien cueur perces par telle oultrance ;

Q

Que jusqu'au sien entre son fer & boys ;  
 Si congnoistra qu'aux amoureux abboys ,  
 Le vray remede est seule joyffiance ,  
 Contre le coup.

### XXXIII. RONDEAU.



' ALLER à pied, tres illustre Sei-  
 neur ,  
 Lassé je suys : car proffit ny honneur  
 N'y puy avoir : & ce qui plus me  
 grieve ,

C'est que je n'ay cuisse , jambe , ne greve  
 Qui sur plain champ puisse faire teneur.  
 Quelque dessus je feroys de bon cueur ,  
 Sur ung courtault de moyenne valeur ,  
 Raison pourquoy ? mes jambes auroient treve  
 D'aller à pied.

Si vous supply' triumpfant debeleur ,  
 Ne permettez qu'en ceste grant chaleur ,  
 Soye pieton , ou ma mort sera brefve ;  
 Le temps s'approche , & le terme s'acheve ,  
 Qu'il fault partir , hélas quelle douleur  
 D'aller à pied !

### XXXIV. RONDEAU.



Pié je suys , & fault partir ,  
 Et suys tant las , que sans mentir ;  
 Je n'ay jambe qui ne me tremble.  
 Noble Seigneur que vous en semble ?  
 N'est-ce pas pour estre martir ?

L'aage me faict ces maux sentir ,  
 Et veoit-on mon tainct amortir ,  
 Par trop chevaulcher deux ensemble  
 A pié.

Si vous supply' qu'au departir ;  
 Il vous plaise me departir  
 Quelque courtault, ou beste d'amble ;  
 Je garderay bien qu'on ne l'emble,  
 Car je crains trop aux champs sortir  
 A pié.

## XXXV. RONDEAU.



E grant beaulté Paris vit troys Dées,  
 Mais je qui suys prins & mené es lesses  
 De Cupido, en voy troys en ung  
 corps,

Où Dieu, Nature, & Elemens concords,  
 En le formant monstrent leurs haultesses.

Car c'est Juno en maintien & noblesses,  
 Pallas en ditz d'eloquence & saigesses,  
 Riz de Venus aux yeulx misericords,  
 De grant beaulté.

Dont si mes yeulx vers roy font leurs adresses ;  
 Ne t'esbahys ; car mes maux & destresses,  
 Te vont disant, ce que mestre dehors  
 N'ose le cueur : car craincte & doubte alors  
 Luy cloent le bec, contemplant tes richesses  
 De grant beaulté.

## XXXVI. RONDEAU.



ONT vient cela qu'Amour a la puis-  
 sance,  
 De desrober & navrer à oultrance  
 Les cueurs humains ? je ne le puy  
 entendre,

Fors que nature est si fragile & tendre,  
 Qu'elle ne peut contre son ordonnance.

Qij

Dieu fist Adam armé de congnoissance ;  
 Et neantmoins contre la decevance  
 D'amour charnelle il ne se peult deffendre ;  
 D'ont vient cela ?

D'amour qui print dedans son cueur naissance :  
 Nous doncq' conceups en peché & plaissance ,  
 Que ferons nous ? car feu le feu engendre.  
 Quoy que raison nous en veuille reprendre ,  
 Force nous est dancer à ceste dance ,  
 D'ont vient cela ?

### XXXVII. RONDEAU.



'UN seul regard , trop plus luyfant  
 que estelle ,  
 Tu m'as navré d'une playe cruelle ,  
 Ayant tel fort , qu'il fault que le  
 blesseur

Luy mesme soit de ce mal guerisseur ;  
 Qui me semble estre une loy bien nouvelle ;  
 Tous medecins de terre universelle.  
 N'y ont pouvoir , ta grace naturelle  
 Seule me peult alleger ma douleur ,  
 D'un seul regard.

La mort & toy avez puissance telle ,  
 De mettre fin à ma langueur mortelle :  
 Puy qu'ainfi est , donne moy ce bonheur ;  
 Que mort n'ayt point devant toy cest honneur ;  
 Puy que bouter tu l'y peulx bien sans elle ,  
 D'un seul regard.

## XXXVIII. RONDEAU.



ANT qu'il suffist d'amours je me  
contente, [ temple,  
Car supposé que femme ainsi qu'on  
Par doux regards, m'ayt de son con  
tempté,

*J Mo. p. 5.*

Pour le present je me tiens contenté,  
Deliberé plus ne mettre en con tente.

Celluy est fol qui d'aymer se demente;  
Et n'ay pas peur que ung saige m'en desmente,  
Car en ce cas suys expérimenté,

Tant qu'il suffist.

C'est ung chemin obscur & lourde sente,  
Dont riens ne vault la montée & descente,  
Cent-maulx y a, le pire des cent ay,  
Qui me toul't biens, & honneur, & santé.  
Si je me plains, ma raison est descente,  
Tant qu'il suffist.

## XXXIX. RONDEAU.



U feu d'amour je brusle en desirant,  
Car doux espoir qui vient rememo-  
rant

Ta grant beaulté, cause l'affection,  
L'affection engendre passion,

La passion mort, dont je voys mourant.

Prens donc pitié de l'humble requerant,  
Qui l'eau de grace à ton puy vient querant.  
Pour luy donner refrigeration

Au feu d'amour.

En Purgatoire on seuffre en esperant  
Joye apres dueil; mais moy povre endurant  
Comblé d'ennuy & tribulation,

Q iij

Sans quelque espoir de retribution ;  
 Brûle & consume, en mes douleurs plorant  
 Au feu d'amour.

# XL. RONDEAU.



Quelque temps la venimeuse espine ;  
 Dure & poignant' de porter fleur est  
 digne,  
 Cruel venin en medicine mis,  
 L'homme près mort a quelque foy  
 remys

En sa santé, le gardant de ruyne.

Le feu ardent qui tout brûle & termine,  
 Souvent guerist une playe maligne,  
 Ce qu'a tous bons oignemens n'est permis,  
 A quelque temps.

Parquoy j'espère en voyant tel' doctrine,  
 Que c'est pour moy de remede bon signe,  
 Veu que ung contraire est pour aider permis ;  
 Si te supply', veu qu'à toy suys soubzmis,  
 Que ma douleur me vaille medicine  
 A quelque temps.

# XLI. RONDEAU.



LUS que jamais, non obstant ton  
 refus,  
 Je t'aymeray ; car oncques je ne fuz  
 D'autre propos, bien me peulz es-  
 condire ;

Mais mon amour ne sauroys interdire,  
 Je poursuyvray sans me monstrier confuz.

Car congnoissant que fortz Chasteaux batuz,  
 Du premier coup ne sont pas abbatuz,  
 J'ay proposé mon piteux cas te dire ;

Plus que jamais.

Si te supply' sans te rescripre plus ;  
Que de t'amour je ne soye forclus ,  
Car desespoir malle mort me conspire ;  
Mais raison veult que lamente & souspire ,  
Grace attendant , ainsi d'aymer concluz ,  
Plus que jamais.

## XLII. RONDEAU.



' E S T grant pitié , tres illustre Prin-  
cesse , [ vieilleffe  
Que de mon cas ; car soing , cure , &  
Incessamment me viennent harier ,  
Que je dance filles à marier ,  
Et je ne sçay ne mesure ne adresse.

Branle & congié je fais en toute humblesse ,  
Touchant pas simple , ung tout seul je n'en lessé ;  
Mais je ne puy ung double apparier ,  
C'est grant pitié.

Rosty , bouilly , saulx du creux , ma maistresse  
Fleur de gayeté , amours , fleur de noblesse ,  
Je dance encor' sans en riens varier ;  
Mais ceste-cy ne puy droict charier ,  
Car il n'y a reprinse que d'angoisse ,  
C'est grant pitié.

## XLIII. RONDEAU.



O U R mon plaisir j'aymé une crea-  
ture , [ ture ,  
Mais s'elle m'ayme , il gist à l'aven-  
Je n'en sçay rien ; si non que de ses  
yeulx ,

El' m'a repeu d'un regard gracieux ;  
Mais ce n'est pas pour contenter nature.

Q iij



Car tel regard n'est que toute pasture ;  
 De marjolletz c'est leur vray' nourriture ;  
 Mais moy je quiers que l'on me face mieulx ;  
 Pour mon plaisir.

Je luy feray de mon cas ouverture ,  
 En luy disant la peine que j'endure ;  
 Puis si je voy qu'elle appetite les jeux ,  
 Ou quel' responce aucun bon mot joyeux ;  
 Je luy feray , par le corps bieu j'en jure .  
 Pour mon plaisir.

#### XLIV. RONDEAU.



UEUR endurcy plus que la roche  
 bise ,  
 Vent aspirant pire que nort ou bise ,  
 De grief ressuz tant orgueilleux &  
 fier ,

N'est-il moyen de te mollifier ,  
 Par tel façon que grace en fust acquise ?  
 O que les Dieux ont mal ta place quise !  
 De te loger en maison si exquise ,  
 Pour en vertuz tant te glorifier ,

Cueur endurcy.

Consideré que sans coup de main mise ;  
 Je fuz navré d'une œillade transmise  
 De ton logis , qui me vint deffier ;  
 Il te plaira mon mal pacifier ,  
 En me donnant grace que j'ay requise ,  
 Cueur endurcy.

## XLV. RONDEAU.



UIS qu'ainfi est, ma gente Damoi-  
selle, [billard,  
Que vous m'avez changé pour Ro-  
A Dieu vous dy ; car je n'ay pas bien  
l'art,

De vous porter au moustier la chandelle.

Ailleurs m'en voys faire Dame nouvelle,  
En esperant avoir perdrix pour lard,  
Puys qu'ainfi est.

La huppe laissez, & prenez la tourterelle;  
Mais vous laissez l'autour pour le busart,  
Selon voz billes, vous aurez le billart;  
Je n'en dy plus, & vous laissez pour telle;  
Puys qu'ainfi est.

## XLVI. RONDEAU.



N bon estat ( long temps a ) ne peut  
estre, [ prestre,  
Ne sçay s'il tient, ou à moy, ou au  
Mais tant y a ( cela congnoys-je bien )  
Que je ne puys trouver aucun moyen

De recevoir, soit en eglise ou cloistre.

La croix s'ensuyt, & ne veult apparoir  
Devant mes yeulx ; mais vray Dieu que peut ce  
estre ?

Car ( quant à moy ) je me sens Chrestien  
En bon estat.

Pour ces raisons, mon hault Seigneur & Maistre  
Fleur de Lys qui l'Hermine fait croistre,  
Espoir François, des Bretons l'entretien,  
Je vous supply' que me faciez ce bien,  
De me coucher en voz papiers, & mettre  
En bon estat.

## XLVII. RONDEAU.



O U T bien t'agrée, est ung mot ho-  
 norable  
 Correspondant à ta vertu louable,  
 Qui fut trouvé aux lettres de ton nom;  
 Et n'est vivant qui sceust dire de non,  
 Car lettre & meurs font prouve veritable.  
 Qui renera dessus tapiz ou table  
 Chascune lettre, il trouvera sans fable,  
 Escript au vray ce mot de grant renom,  
 Tout bien t'agrée.  
 Quant de tes meurs, rien n'est plus veritable;  
 Car liberal tu es & charitable,  
 Portant d'honneur l'enseigne & gousfanon,  
 Vice tu crains plus que foudre ou canon;  
 Ainsi vertu est à ton nom semblable,  
 Tout bien t'agrée.

## XLVIII. RONDEAU.



U N G seul cueur en troys corps, au-  
 jourd'huy voy en France  
 Regnant en doux accords, sans quel-  
 que difference, [ que nature  
 D'amour tant enlancez, qu'il semble  
 Les formant ayt chassiez, dissension, murmure,  
 Pour nourrir sans discords, amoureuse alliance.  
 Ung Pin, bien m'en records, en Savoye eut  
 croissance  
 Si tres beau, que deslors, le Lys pour sa plaissance  
 Fleurons y a entez, & mys par geniture,  
 Ung seul cueur en troys corps.  
 L'un est entre les fors, nommé pour sa puissance  
 François, franc aux efforts, des François la siance,

Sa feur bien congnoissez , Duchesse nette & pure,  
 Bonne trop plus que assez. O noble norriture!  
 Vous estes unicors , comme une trine essence,  
 Ung seul cueur en troys corps.

# XLIX. RONDEAU.

*De la deffaiçte des Suiffes.*



N combatant & batant les bateurs ,  
 Côte tout droict & raison debateurs,  
 Le Roy François emporte ceste gloi-  
 re,

D'avoir gaigné le camp & la victoire,  
 Tiltre de preux , & paix aux combateurs.

Et qui plus est , ces grandz vanteurs dompteurs,  
 Qui se disoient des Princes correcteurs ,  
 A corrigez par main gladiatoire,  
 En combatant.

Le More a prins , & ses entrepreneurs ,  
 En fort Chasteau imprenable à preneurs.  
 Puy de Millan a eu le possessoire ,  
 Où il reçeut triumphe meritoire ,  
 Comme ung vainqueur qui gaigne tous honneurs  
 En combatant.

# L. RONDEAU.



riant

fuz nagueres

N

pris

T

D'une

O

affectée,

V

tile

S

espoir

haïtée

Que

vent

j'ay

de  
 Mais fuz, pr, quant s'amour, is  
 japper ris  
 Car que ses mignars  
 traictz a  
 Estoient d'amour mal co  
 riant  
 En

leils - de  
 Escutz moy elle a pris,  
 maniere ruzée;  
 te, Me, nant  
 veulx  
 Et quant je elle e, faire, e;  
 que  
 Me dit, to, ys, us mal apris,  
 riant  
 En

Le Seigneur des Accords dans ses  
 Bigarrures, attribué ce Rondeau  
 à Molinet.



*N sous-riant, fuz naguerrres sur-pris;  
 D'une sub-sille entre T O U S affectée,  
 Que sous espoir j'ay sou-vent sou-haistée,  
 Mais fuz de-çu quand-s'amour être-pris,  
 Car j'apper-ceus que ses mignars sous-ris,  
 Estois sous-traitis d'amour mal a-sur-ée,  
 En sous-riant.*

*Escutz sou-leils, de sur moy elle a pris,  
 Me entre-tenant sous maniere rufée,  
 Et quand je veulx sur elle faire entre-ée,  
 Me dit que su-ys entre tous mal apris,  
 En sous-riant.*

F I N.

---

J'AY lû par ordre de Monseigneur le Garde  
des Sceaux, les Oeuvres de Jean Marot. A  
Paris ce neuf Octobre mil septcent vingt-deux.

LANCELOT.

---

PRIVILEGE DU ROY.

**L**OUIS par la grace de Dieu Roy de France & de Navarre, à nos amés & fiaux Conſeillers, les Gens tenans nos Cours de Parlement, Maîtres des Requêtes ordinaires de nôtre Hôtel, Grand Conſeil, Prevôt de Paris, Baillifs, Senechaux, leurs Lieutenans Civils & autres nos Juſticiers qu'il appartiendra, SALUT. Notre bien amé URBAIN COURTELIER Libraire à Paris, nous ayant fait remontrer qu'il ſouhaiteroit faire imprimer & donner au public, un *Recueil des anciens Poëtes François contenant la ſarce de Pathelin, Coquillard, Villon, Crestin, & Racan*, s'il nous plaſoit lui en accorder nos Lettres de Privilège ſur ce néceſſaires. A CES CAUSES, voulant traiter favorablement ledit Expoſant, Nous luy avons permis & permettons par ces preſentes de faire imprimer ledit Recueil cy deſſus ſpeciſié en tels volumes, formes, marges, caractères, conjointement ou ſeparément, & autant de fois que bon luy ſemblera & de le vendre, faire vendre & debiter par tout nôtre Royaume, pendant le temps de vingt années conſecutives, à compter du jour de la date deſdites preſentes. Faisons défenſes à toutes ſortes de perſonnes, de quelque qualité & condition qu'elles ſoient, d'en introduire d'impreſſion étrangere dans aucun lieu de nôtre obéiſſance; Comme auſſi à tous Libraires, Imprimeurs & autres d'imprimer, faire imprimer, vendre, faire vendre, debiter ny contrefaire ledit Recueil cy-deſſus énoncé en tout ny en partie, ny d'en faire aucuns extraits ſous quelque pretexte que ce ſoit d'augmentation, correction, changement de titre ou autrement, ſans la permission expreſſe ou par écrit dudit Expoſant, ou de ceux qui auront droit de luy, à peine de confiscation des exemplaires contrefaits, de quinze cent livres d'amende contre chacun des contrevenans, dont un tiers à nous, un tiers à l'Hôtel-Dieu de Paris, l'autre tiers audit Expoſant, & de tous dépens, dommages & intereſts; à la charge que ces preſentes ſeront enregiſtrées tout au long ſur le Regiſtre de la Communauté des Libraires & Imprimeurs de Paris, & ce dans trois mois de la date d'icelles; que l'impreſſion dudit Recueil ſera faite dans nôtre Royaume & non ailleurs, en bon papier & en beaux caractères, conformément aux Reglemens de la Librairie, & qu'avant que de l'expoſer en vente, le Manuſcrit

du Imprimé qui aura servy de copie à l'impression dudit Recueil sera remis dans le mesme estat où l'approbation y aura été donnée es mains de nostre tres-cher & feal Chevalier, Garde des Sceaux de France, le Sieur Fleuriau d'Armenonville, & qu'il en sera ensuite remis deux exemplaires dans nostre Bibliothèque Publique, un dans celle de nostre Chateau du Louvre, & un dans celle de nostredit tres-cher & feal Chevalier Garde des Sceaux de France, le Sieur Fleuriau d'Armenonville, le tout à peine de nullité des presentes, du contenu desquelles vous mandons & enjoignons de faire jouir l'Exposant ou ses ayans cause, pleinement & paisiblement sans souffrir qu'il leur soit fait aucun trouble ou empêchement; Voulons que la copie desdites presentes qui sera imprimée tout au long au commencement ou à la fin dudit Recueil, soit tenue pour dûement signifiée, & qu'aux copies collationnées par l'un de nos amez & feaux Conseillers & Secretaires, foy soit ajoutée comme à l'original; Commandons au premier nostre Huissier ou Sergent de faire pour l'exécution d'elles tous actes requis & nécessaires, sans demander autre permission & nonobstant clamour de Haro Chartre Normande & lettres à ce contraires: Car tel est nostre plaisir. Donné à Paris le dix-huitième jour du mois de Septembre l'an de grace mil sept cent vingt deux, & de nostre Regne le huitième.


DE S. HILAIRE.

*Registré sur le Registre V. de la Communauté des Libraires & Imprimeurs de Paris, page 209. n°. 232. conformément aux Reglemens, & notamment à l'Arrest du Conseil du 13 Aoust 1703. A Paris le 28 Septembre 1722. signé BALLARD Syndic.*

LES  
P O E S I E S

DE  
MICHEL MAROT,  
FILS DE CLEMENT.





*Au Seigneur du Pavillon*

M. MAROT, SALUT.



Mon retour du pais de Ferrare ;  
 Par Chambery le chemin s'adressant ;  
 J'ay trouvé certes une chose bien rare

Au cabinet de mon pere Clement :  
 Car revolvant ses escripts pour les lire ,  
 Trop me nuisoyent & n'appaisoyent mon ire ,  
 Si n'eusse veu epistre de sa veine ,  
 Qui s'adressoit à son amy Antoine ;  
 Dont mieulx que moy entendras le dessein ;  
 Telle est la lettre escripte de sa main.

*Lettre de Clement Marot & par luy en-  
 voyée de Ferrare à son amy Couillard ,  
 Seigneur du Pavillon les Lorris.*

*Cette lettre ne se trouve pas dans les Edi-  
 tions de Clement Marot , & il y a gran-  
 de apparence qu'elle n'est pas de luy.*



Mon amy Antoine ,  
 N'est jour que me souvienn  
 Du souverain recueil  
 Que tu feis à Clement ,  
 Mais se rejoissant

Toft commença son dueil.

Car lors que je te vei  
 Repassant à Lorri ,  
 Venant de Vauluisant ;

R

M'en retournay à Bloys,  
Où je fuz des jours trois  
Aux Dames devisant.

Là vint un postillon  
Qui m'apportoit guignon,  
Me suivant à la trace;  
A la seule parole  
D'une femme trop folle,  
Maudite soit sa race.

De cela adverti,  
Soudain de là parti;  
Car j'avois fait serment  
Ne retourner en Court,  
Ce n'estoit mon plus court  
De le faire autrement.

Je passay donc Tharare,  
Pour venir à Ferrare,  
Trouver la sœur du Roy;  
La divine Princeesse  
M'a fait bonne caresse,  
O que feusse avec moy.

Si tu vas à la Court,  
Escri le moy tout court;  
Ensemble des nouvelles;  
J'y fei peu de séjour,  
Mais en sçeu pour un jour  
Qui n'estoyent gueres belles.

La Royne de Navarre  
Me donna le bon aerre  
Qu'en passant tu me vei,  
Pour me faire monter,  
Et soudain devaler  
Les monts jusques icy.

La benigne Princeesse,  
Excellente Déesse,  
De toutes le mirouer,

Print mon fils pour son page ;

C'estoit le meilleur gage

Qu'eusse peu luy trouver.

O ! que sa fille unique

Donne à la Republique

Un merveillex espoir,

Plain de divinité,

En sa virginité

Que desire revoir.

Ce fils pour sa jeunesse ;

A sa grande haultesse

J'ay bien recommandé ;

S'il fait ce qu'il propose ;

Et que Dieu le dispose,

Il en sera aidé.

Or puis que le conçois :

Je te pry', si le vois,

Luy donner ce motet,

De poursuivre la veine

Du pere à toute peine ;

Et qu'il ne soit muet.

Fay de moy mention :

Recommandation

A ce bon gros Tartas ;

De paour de se blesser ;

Ou bien de s'offenser,

Qu'il marche petit pas.

Si j'avois du papier

De rames un millier,

Et qu'il ne feust trop tard.

Commé à mon amy seur

T'escrirois de bon cuer ;

A Dieu donc mon Couillard.

*La mort n'y mord.*

*Le Seigneur du Pavillon, à son amy  
Maistre Michel Marot, fils unique du  
Prince des Poëtes François, ressuscité.*



I le tien pere, comme son fils, m'ai-  
moit, [ frere ;  
Je te doy donc aymer comme mon  
Puis que tu suys la veine qu'il avoit,  
Verras le temps en toy un jour prof-  
pere ;

Lors tu n'auras d'or ne d'argent affaire :  
Les Princes sont assez memoratifz,  
Qu'il faisoit seul que nul ne pouvoit faire ;  
Tant ses escripts estoient vifs & actifs.

*On t'a cy rendu loyal.*

*Responce de Marot au Seigneur du  
Pavillon.*



! Frere mien, que je me tiens heu-  
reux

D'avoir trouvé amy tant affecté,  
Qu'après la mort du pere genereux,  
Il continué en la posterité ;

O ! Seigneur Dieu, cela est arresté,  
Que par ta grace l'amour d'entre nous deux  
Ne sera moindre, qu'elle a tousjours été  
Avec mon frere d'amy tant precieux

*Triste & pensif.*

## O D E.

*A la fleur des Princeſſes , Royne de Navarre , Michel Marot , S.*



A Princeſſe  
Ma maiſtreſſe  
Je ſuis le fils de Clement;  
Qui ſans ruse.  
Par ma muſe,  
Saluë la Roine humblement.

Je n'ay grace,  
Ne l'audace,  
Telle que mon pere avoit,  
Ny la veine  
Souveraine,  
Dont ſi bien chanter ſouloit.

Qui me garde,  
Et retarde  
De m'offrir devant tes yeux;  
La paour forte  
Que je porte,  
Eſt que ne puis faire mieulx.

Ton clair luſtre  
Tant illuſtre  
Suivant l'eſprit maternel,  
Rend obſcure  
La nature  
De moy loing du paternel.

Il me ſemble

Que je tremble ;  
 Quant je viens à demarcher ;  
 Car la honte  
 Me surmonte ,  
 Si de toy veulx approcher.

Ma pensée  
 Offensée  
 Sans fin tourmente mon cueur ;  
 Dont j'endure  
 Peine dure ,  
 Et n'en puis estre vainqueur.

Si la crainte  
 A extaincte  
 La vigueur de mes esprits ;  
 Inutile  
 Est mon stille ,  
 Et le fruit de mes escripts.

Quel' affaire  
 Puis-je faire  
 Pour complaire à la vertu ;  
 Si la charge ,  
 Qui me charge ,  
 De tous biens m'a devestu ?

La fortune  
 M'importune ;  
 Par plus de cent mille maux ;  
 Si toy , Dame ,  
 Que je clame ,  
 Ne mets fin à mes travaux.

Tant je souffre  
 Dans le gouffre

261  
D'une extrême extrémité ;  
Que puis dire  
Mon martyre  
La mer de calamité.

Mais j'espère  
L'heur prospère ;  
De ta grand' benignité ,  
Dont la force  
Me renforce  
Contre mon indignité.

Mon mérite  
Ne mérite  
De toy ne faveur ne bien ;  
Ta puissance  
Sans distance  
Peult faire beaucoup de rien ;

A la voye  
Qu'on m'envoie ;  
Sans toy ne puis parvenir ;  
Je me fâche ,  
Je me cache ,  
Incogneu pour l'advenir.

Mes estudes  
seront rudes ,  
Mal frequentes desormais ;  
Et l'emprise ,  
Que j'ay prise ,  
Ne s'achevera. jamais.

La personne  
Sainte & bonne ;  
Qui à toy m'avoit donné :



Par loy grande,  
Te commande  
Que ne soye abandonné.

Ce fut celle  
Qui soubs l'aesle  
De ton fermé apuy m'a mys;  
Quant la perte  
Feis aperte  
Du plus grand de mes amis.

S'il fut oncque  
Lieu quelconque  
En filliale amitié;  
Prends couraige,  
Davantaige,  
Et me regarde en pitié.

Grosses rentes,  
Bien venantes  
Je ne pourchasse d'avoir;  
Car l'envie  
De ma vie  
Requiert plus science avoir.

Si sans vice  
Mon service  
Te peult plaire & contenter;  
Dés ceste heure,  
Sans demeure  
Suis hardy me presenter.

*Triste & pensif.*

*Au Seigneur du Pavillon , M. Marot ,  
Salut.*



SPRIT divin , de bonne race issu ;  
Où sont assis des Déeses les dons ,  
Excuse un peu mon escript mal tissu ,  
Que presenter à tes clairs yeulx osons ;  
Socrates veut qu'un chascun cong-  
noissons ,

Ainsi , pour vray , n'estant seur de moy-mesme ,  
N'osois chanter à ta lire supreme :  
Mais puis que j'ay ta volonté congneue ,  
Ne craindray plus de t'en donner de mesme .  
Puis qu'envers toy ma muse est bien venue .

*Triste & pensif.*

*A la fleur des Marguerites , Royne de  
Navarre , le fils de feu C. Marot ,  
Salut.*



ON jeune esprit or endroit je presen-  
te  
A ta haulteur , tres illustre Princesse ,  
Rememorer ta grand' haulteur pre-  
sente ;

Gueres soupirs en mon œil n'ont prin cesse ,  
Voyant finir mon chemin & adresse ,  
En perdant cil , que pour humble servant  
Retins jadis d'un couraige servant :  
Je ne sçais pas maintenant que doibs faire ,  
Tout mon espoir sera d'oresnavant  
En celle en qui de moy ne se peult taire .

*Triste & pensif.*

# TABLE

## *Du present Volume.*

<b>E</b> PISTRE de Clement Marot sur la mort de son pere.	page 1.
Prologue de Jean Marot à la Roine Anne.	5.
Le voyage de Genes.	7.
Le voyage de Venise.	47.
Poesies diverses de Jean Marot	175.
Le Doctrinal des Princesses.	177.
Epistres des Dames de Paris au Roy François I.	191.
Epistres des Dames de Paris aux Courtisans.	197.
Commeucement d'une Epistre de Jean Marot à la Roine Claude.	204.
La reponse de France & des Etats aux escrivains se- dicioux.	211.
Chant Royal de la Conception N. D.	218.
Chant Royal sur la pourtraiture de J. C.	220.
50. Rondeaux sur divers sujets.	223.
Les Poésies de Michel Marot.	255.

*La Croix du Maine p. 242. de sa Bibl.  
Françoise.*



**I**EAN Marot de Caen en Normandie pere de Clement Marot de Cahors en Quercy , ( duquel nous avons parlé cydevant ) tous deux Poëtes tres renommez pour leurs temps.

Cestuy Jean Marot estoit Poëte de la Roine Anne Duchesse de Bretagne , & depuis il fut Valet de Chambre du Roy François I.

Il a fait la description des deux heureux voyages de Genes & Venise , victorieusement mis à fin par le Roy Louis XII. du nom imprimez à Lyon , chez François Juste l'an 1537. le tout écrit en vers heroïques.

Il a d'avantage escrit quelques chants royaux à l'honneur de la Vierge , il florissoit sous Louis XII. Roy de France l'an 1509.

*Du Verdier Sieur de Vanprivas page 718. de sa Bibl. Françoise.*

Jean Marot pere du nayf & gail-  
lard Poëte Clement Marot a escrit  
en rime.

Le doctrinal des Princesses & No-  
bles Dames, deduit en 24. Rondeaux,  
les voyages de Genes & Venise victo-  
rieusement mis à fin par le Roy Louis  
XII. Autres 49. Rondeaux. Une epi-  
stre des Dames de Paris au Roy Fran-  
çois I. estant delà les Monts, & ayant  
deffaict les Suysses. Autre epistre des  
Dames de Paris aux Courtisans de  
France, estans pour lors en Italie.  
Autre epistre à la Roine Claude. L'E-  
glise parlant à France. Chant royal de  
la Conception Nostre Dame, & un  
autre chant royal en l'honneur de Je-  
sus-Christ, le tout imprimé *in 8.* &  
*in 16.* en divers lieux, & par divers  
Imprimeurs, sous ce titre *les Oeuvres  
de Jean Marot.*

*La Croix du Maine Bibl. Française p.  
326. Michel Marot fils de Clement  
Marot.*



L a escrit quelques Poësies  
Françoises , qui ont été im-  
primées avec les contredicts  
à Nostradamus , composez  
par le Seigneur du Pavillon pres Lor-  
ris en Gastinois , duquel nous avons  
fait mention cydevant à la lettre d'A,  
parlant d'Antoine Couillard , qui est  
le nom du Sieur du Pavillon &c. Im-  
primées à Paris l'an 1560. par Char-  
les l'Angelier.

*Antoine du Verdier Sieur de Vau-  
privas n'adjoute rien à ce que nous ap-  
prenons de la Croix du Maine.*

THE  
JOURNAL  
OF  
THE  
AMERICAN  
MEDICAL  
ASSOCIATION  
PUBLISHED WEEKLY  
CHICAGO, ILL.  
1914











Revised 1972

